







Early European Books. Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CINAQ. 1.7.285/a








Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.385/a





Early European Books. Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.385/a



1.7.385

Book 2

p. 273-1

IOAN. IAC. CHIFFLETII  
PATRICII, CONSVLARIS, ET  
ARCHIATRI VESONTINI

# VESONTIONIS PARS ALTERA,

DE

ARCHIEPISCOPIS BISON TINIS,  
ET ALIIS CIVITATIS BISON TINÆ  
ECCLESIASTICIS REBVS.

PRÆMISIMVS ARCHIEPISCOPORVM  
*nomina, quæ partem hanc posteriorem capitum  
loco distingunt.*



LVGDVNI,  
APVD CLAVDIVM CAYNE,

M. DCXVIII.





3

NOMINA ARCHIEPISCOPORVM  
Sanctæ Vesontionensis Ecclesiæ.

1 S. Linus.	pag. 9	23 S. Protadius.	129
SS. Ferreolus Presbyter,		24 S. Claudius II.	138
ac Ferrutius Diaconus		25 S. Donatus.	150
Vesontione Martyres.	16	26 S. Migetius.	162
2 S. Maximinus.	29	27 S. Ternatius.	165
3 Sanctus Paulinus.	31	28 S. Geruasius.	ibid.
4 S. Eusebius.	33	29 Felix.	166
5 S. Hilarius.	34	30 Tetradius II.	167
6 S. Pancharius.	40	31 Albo.	169
7 S. Iustus.	42	32 Vvandelbertus.	172
8 S. Anianus.	46	33 Euoldus.	ibid.
9 S. Syluester I.	50	34 Aurulus.	173
10 S. Frominius.	53	35 Heruens.	ibid.
11 S. Desideratus.	54	36 S. Gedeon.	ibid.
12 S. Germanus Martyr.	57	37 Bernuinus.	175
13 S. Antidius Martyr.	67	38 Amaluuinus.	178
14 S. Leontius.	96	39 Arduicus.	179
15 S. Celidonius.	98	40 Theodoricus I.	181
Importunus.	116	41 Berengarius.	183
16 Germesillus.	ibid.	Ayminus.	184
17 Claudius I.	117	Gontherius.	ibid.
18 Vrbicus.	118	42 Gyrfredus.	ibid.
19 Tetradius I.	119	43 Guido.	185
20 Syluester II.	ibid.	44 Guichardus.	186
21 Vitalis I.	ibid.	45 Lentaldus.	ibid.
22 S. Nicetius.	120	46 Hector.	187
		a 2	Bertal

Bertaldus.	187	67 Odo.	280
47 <i>W</i> altherius I.	ibid.	68 Hugo V.	282
48 B.Hugo I.	191	69 Vitalis II.	283
49 Hugo II.	224	70 Hugo VI.	285
50 Hugo III.	228	71 Ioannes III.	287
51 Hugo IV.	235	72 Ludouicus.	288
52 Pontius.	236	73 Aymo.	289
53 Guilelmus I.	237	74 Guilelmus III.	290
54 Ansericus.	240	75 Girardus II.	291
55 Humbertus.	241	76 Theobaldus.	292
56 <i>W</i> altherius II.	244	77 Joannes IV.	294
Herbertus.	245	78 Franciscus I.	297
57 Theodoricus II.	249	79 Joannes V.	299
58 Stephanus.	251	80 Quintinus.	301
59 Amedeus.	254	81 Carolus.	302
60 Ebrardus.	256	82 Franciscus II.	304
61 Girardus I.	257	83 Antonius I.	306
62 Joannes I.	261	84 Petrus.	310
63 Nicolaus.	266	85 Claudius III.	313
64 Gaufridus.	268	86 Antonius II.	317
65 Ioannes II.	270	87 Ferdinandus, qui nunc	
66 Guilelmus II.	271	viuit, anno 1618.	322

VESON





# VESONTIONIS PARS SECVNDA,

DE

ARCHIEPISCOPIS BISON-  
TINIS ET ALIIS CIVITATIS BISON-  
tinæ Ecclesiasticis rebus.

PRÆFATIO.

*Quinam hætenus de hac materiâ scripserint,  
& quâ fide.*



As antiquitates, rem nouam si appel-  
lauero, tu me fortè, Lector, *ἡδυδὲς*  
loquutum dixeris: & verò audenter di-  
cam, rem nouam aggredior, &

*Ania Pieridum peragro loca, nullius antè  
Trita solo.*

Primus, quod sciam, *Gilbertus Cognatus*, in suâ Bur-  
gundiæ superioris descriptione, pauca quædam in  
hoc genere vulgavit, adeò mutila, adeò respersa  
commentis, adeò luce indigna, vt puderet hominis

a 3

hære



hæreseos tincti fuligine meminisse, nisi ex illo *Demochares* libro de sacrificio Missæ, ex *Demochare* alij recentiores, & ipse quoque Illustrissimus Cardinalis *Baronius*, de Bisontinis Præsulibus, quædam à veritate aliena proposuissent: hinc S. Antidium sæpe legas primum Episcopum Bisontinum, qui fuit decimus tertius; & S. Germanum, septimum, qui duodecimus fuit, & Antidio prior. Quos quidem errores partim sustulit Lud. Golusius IC. in suis rerum Burgundicarum commentariis Gallicè conscriptis; sed tamen (maximè eorum culpâ, qui monumenta ipsi subministrarunt) tam multa aut confudit, aut omisit, ut minimè dubitem, quin hoc nostrum opus, rerum illarum studiosis nouum planè videatur, & si quidem ab aliquo tentatū ac susceptum, tamè à nemine adhuc prout rei dignitas postulat, elaboratū. Lustrauimus certè non modò omnis generis cufos codices, sed & vetustissimos manu exaratos cōmentarios, instrumenta vetera, aliâque monumenta, quæ vel in publicis Bisontinis, & Sequanicis archiuis, vel in Bibliothecis inueniri potuerunt, ut tibi breuem hunc tractatum, quasi tot chartarum ac voluminum epitomem proponeremus. In antiquissimis verò, quæ maximè dubia esse solent, monitum te volumus, iis vsos nos esse commentariis, quorum fides nulli sapienti locum hæsitandi relinquat: nam ex diuerso Ciuitatis sæpius immutatæ statu, ex Pontificum, Imperatorum, rerumque externarum cum domesticis collatione, alijsque indiciis intelliges, quæ




quæ tibi ex eo monumentorum genere de vetustissimis quibusque referemus, ea non à recentiorum aliquo ex coniecturis conficta, sed ab ipsis illorum temporum inspectoribus consignata literis, & ad nos usque fuisse deriuata: quorum ideò verba ipsa, etsi nonnumquam impolita, & auribus delicatis absconsa plerunque proposuimus, ne cui veniret in animum vereri, ut vel ipsâ paraphrasi, ac sententiæ mutatione, aliquid de historiæ puritate detractum foret. Est etiam quod aduertas, cum in multis ac perantiquis catalogis, è Bisontinis Archiepiscopis ij non accenseantur, qui ob improbam vitam meritò (ut è dyptichis) expuncti sunt, nos tamen eos omnes non solum qui impij, sed etiam qui intrusi atque illegitimi, & qui quocunque modo pro Archiepiscopis, siue, ut aiunt, de iure, siue de facto se gesserint, enumerasse, ut integritati narrationis consulere-mus: quanquam Herbertum intrusum, & aliquot alios pseudoarchiepiscopos, distincto ab aliis caractere expressimus, neque ordinem quem inter cæteros obtinent, arithmetica notâ designauimus, cum verè Archiepiscopi non fuerint; quæ ex indiculo præcedenti, vnico oculorum iactu cognosces. Habe igitur nostram hanc Bisontinorum Metropolitanorum chronologiam, adiectis quâ fieri potuit breuitate Bisontinæ Ecclesiæ rebus; & si quid oculos nostros fugit, si quid minùs splendidè explicatum, æqui bonique consule.

S. CHRY

---

S. CHRYSOSTOMVS  
Sermone 18. ad Populum  
Antiochenum.



**D**ISCE quid sit Ciuitatis dignitas, & tunc manifestè scies, quòd si habitatores ipsam non prodiderint, auferre poterit alius nemo Ciuitatis dignitatem: non quòd Metropolis sit, neque quòd habeat edificiorum magnificentiam & ornatum; neque quod multas habeat columnas & porticus & deambulationes; neque quod antè alias ciuitates prædicetur; sed inhabitantium Virtus & pietas: hæc est dignitas & ornatus & tutela Ciuitatis: Ita vt si hoc desit, omnium sit vilissima, licet infinitum ab Imperatore consequatur honorem.

PRIMVS



## PRIMVS BISON TINVS

*Præful, Sanctus Linus.*

NITIO præfandum cuipiam fortasse videbitur in eos, qui è Christi, aut Apostolorum discipulis nullum aut vix vllum in Gallias destinatum, vnus cuiusdam auctoris verbulo nixi affirmant; sed eam disputationem non fert huiusce chronici breuitas. Sit hoc dixisse satis; cum eiusmodi rerum certitudo, ex vnâ testimoniorum auctoritate æstimanda sit, & primos suos Pastores, qui è Christi, & Apostolorum discipulis fuerint, tot producant antiquarum ecclesiarum tabulæ; qui eas falsi arguat, nã ille (quod quàm mirissimè dictum sit) temeritatis notandus videatur. Et verò, si prudentis est, cum pugnantes occurrunt sententiæ, eò demùm propendere, vbi maius stet momentum ac pondus, vel ex multitudine, vel ex antiquitate, vel ex probitate atque integritate dicentis: cum sanè minùs æquum iudicem nemo non dixerit, qui plus esse putet in vno scriptore nescio quo, quàm in tot populorum & ciuitatum consensu, totque antiquorum ac sanctorum virorum, qui primi res illas in ecclesiarum tabulas retulerunt testimoniis, auctoritatis. Certè, cum in tantâ re errasse, aut malitiæ sit aut ignorantia: vtrius è duobus tot magnos viros, qui in iis ecclesiis floruerunt,

b

insimu



infimules, non facile dixeris. Neque enim malæ mētis argui fas est, qui vitæ sanctimoniā claruerint, neque ignorationis, quos sua apud posteros vel prudentia, vel sacrarum eiusmodi rerum peritia commendarit. Habe igitur de Lino nostro certa, habe sincera, & locorum ac personarum definita circumstantiis, quæ nostri in nos maiores transfuderunt.

Beatissimus Apostolorum princeps Petrus, cui tum ex Christi amore, tum ex summi Ecclesiæ Pastoris officio, ingens inerat fidei latè propagandæ studium, varios in plerasque Orbis partes, euangelij præcones destinavit; qui dum suam cuique assignat provinciam, Lino è 72. Christi discipulis vni, & aliquot aliis, Galliæ obtigerunt. Is Gallias ingressus, suum strenuè obire munus, omnesque insinuandæ in barbarorum animos veræ religionis explorare aditus cœpit. Cumque Vefontionem aduentaret, anno Incarnati Verbi quarto suprâ quinquagesimum, obuius ei factus est, non longè à mœnibus, miles quidam *Onnassius* nomine, eiusdem ciuitatis Tribunus, vir opulentus, qui hominis alieni cultum inuolitum in vestitu demiratus, quisnam & cuius Dei cultor, inquisisse fertur; cui Linus; *Vnum*, inquit, & *verum Deum* colo, qui propitius tibi sit, cuius filius Iesus Christus, humanâ propter nos assumptâ naturâ, dura quidem & dira à Iudeis pertulit ( ab iis quippe post innumera tormenta actus est in crucem ): sed tamen die post mortem tertiâ, præter naturæ leges reuiuiscens, germanum se summi Dei filium, satis superque omnibus probauit: nunc verò viuit inter cæ-

lites,



lites, Rex ipse calitum; vivetque æternum, cum iis, quos ipse fides in eum pietasque aggregavit. Arrisit Tribuno hominis vel constantia vel sapientia, & subiit mentem, ædibus eum suis excipere; non quò ad veram fidem signa transferret, sed explendæ curiositatis ergò; vt de Nazareno illo crucifixo, de quo iam quædam pauca subausculta- rat, noua & mira doceretur. In *Onnassij* hospitio ita se gessit *Linus*, vt ille viri sanctitatem suspiciens, fundum ei concesserit; in quo *Linus*, qui eò prædicandæ Christi resurrectioni venerat, ædiculam in eiusdem resurrectionis, & Virginis Deiparæ, ac S. Stephani Protomartyris honorem excitauit, in eaque Baptisterium constituit; in quo sacris vndis tingerentur, qui exinde Christo nomen darent. Onnasium in cæteris fidem Christi amplexum esse tradunt nonnulli codices. Et iam longè plurimi ad veram lucem aspirabant; cum ecce quodam die contigit, vt populus Diis suis, quos in lapideis columnis crexerat, sacrificaret: Accurrit *Linus*, & per turbam, in locum, vbi Diis fiebat, irrumpens; *Desinite*, inquit, eiusmodi numina reuereri, & uni Deo Opt. Max. debitum honorem, scilicet simulachris expendere; quin potius me duce germanam fidem amplectimini. Quorum verborum fulmine, vna è columnis iecta simulachrum quod sustinebat, solo afflicta collisit. Exacerbauit sacrificulos hæc iniuria: extemplò supersticiosam multitudinem, in virum Sanctum exasperant; vnde commota plebs, & Christianam perosa fortitudinem, facto impetu,



suum Apostolum, eiusque discipulos, ciuitate extrudit. At reputans animo Linus, vix posse feroces illos animos emolliri, ad B. Petrum reuersus, perhonorificè ab eo susceptus est.

Atque hic ipse Linus esse creditur ( & hoc antiqui plerique codices habent ) natione Italus, prouinciâ Tuscus, patriâ Volaterranus: primùm quidem è Christi discipulis vnus, deinde etiam Petri discipulus, eiusque in Vrbe Coëpiscopus; qui primus ab illo Romanam cathedram tenuit annis ferè duodecim, ac demùm à Saturnino capite damnatus est. Reiectâ siquidem eorum sententiâ, qui cum Linum vllum Petro successisse negent, non eum anno Vespasiani nono, Saturnini Consularis iussu Martyrio coronatum; sed sub Nerone, statim à Petro ( vt liber apocryphus sub Damasi nomine, de Romanis Pontificibus ); vel etiam ante ipsum Petrum ( vt Metaphrastes ) diem obiisse tradunt: eâ, inquam, explosâ opinione, vt cui omnis propè aduersetur antiquitas, Baronio teste, nihil facilius est, quàm vt ostendamus, potuisse Linum, anno Christi 54 ( vt Bisontinæ omnes tabulæ docent ) Vespontione versari. Et quidem Paulus Romæ agens, & scribens secundam ad Timotheum epistolam, *Salutat te*, inquit, *Eubulus, & Pudens, & Linus*. Romæ igitur tunc erat Linus: at eam epistolam, datam constat, anno Christi 59. cum scilicet Vespontione iam Linus reuertisset. Testatur præterea Ioannes III. epist. ad Episcopos Germ. & Galliæ, & consentiunt noui ac veteres



## VESONTIONIS PARS II. 13

veteres chronographi, B. Petrum duos sibi adsciuiſſe in Romano Episcopatu adiutores, Linum in Vrbe, Cletum in suburbiis. Hoc verò si expendatur quo tempore factum est, facile apparebit, nonnisi post annum 54, Lino Vefontione regresso, fieri potuisse: & sanè, cum B. Petro, Coëpiscopos creandi occasio fuerit fidelium multitudo; nemo id factum dixerit, cum primùm sedem suam, Romam tranſtulit (anno scilicet Christi 45.) sed cum post multorum annorum labores, ea facta est ad Christi gregem accessio, vt solus ipse curandæ Romanæ Ecclesiæ non esset satis. Neminein certè scriptorem inueni, qui tempus Lini à Petro in Coëpiscopum assumpti adnotarit, vno excepto Onuphrio, qui id factum dicit anno Christi 57. quo anno Vefontionem iam reliquerat Linus, qui anno 54. eam ingressus, hãnd longiori, quàm anni vnus spatio videtur apud Bisontinos fuisse versatus. Huic verò sententiæ fauet plurimùm, tum historia rerum à B. Lino Vefontione gestarum (quam ex adorandæ vetustatis codicibus retulimus) quæ S. Linum Ciuitate pulsum, ad B. Petrum reuertisse asserit: tum etiam Martyrologia Bisontina, quæ cum alterius cuiusquam Lini non meminerint, quàm qui à Petro primus Romanam rexit Ecclesiam; eius tamen festum, non 23. Septembris, (vt Martyrologium Romanum;) sed 26. Nouembris notant: quæ fortè dies non est obiti à S. Lino Martyrij; sed aut ipsius aduentus Vefontionem, aut deturbati Idoli, aut primi

b 3 apud



apud Bisontinos positi Baptisterij, vel oratorij dedicati. Accedit, quòd acta SS. Petri, & Pauli à Lino Papâ conscripta, quæ (vt benè notat Baron. anno 69. num. 6.) exstant in bibliothecâ Patrum, aliisque locis, Manichæorum tincta fuligine; tamen in antiquissimis Bisontinis codicibus habentur sincera, & tanto autore digna: quod argumento sit, Bisontinos opus illud Lini Papæ (tamquam rem primi sui Episcopi) habuisse percarum, ac præcipuo quodam studio conseruatum, in posteros transfudisse.

Quòd verò attinet ad locum, in quo primas Vefontione sacras ædes erexit S. Linus, quémque agrum fuisse constat Onnasij Tribuni, quidam codices id factum habent *in monte Cælio*, qui nunc *S. Stephani* mons: quæ verba intelligas velim, non de summo monte (vbi nunc Ecclesia S. Stephani,) verùm de eo inferiore loco in cliuo montis, vbi Ecclesia S. Ioannis Euangelistæ. Hoc pluribus docuimus in Hilario, quinto Episcopo, cùm de ecclesiâ, quam Helenæ sumptibus, in loco prioris à Lino fundatæ, atque à Maximino restitutæ excitauit. Vnum hîc attigisse sit satis; cùm ad ritus baptismatis maximâ opus fuerit aquarum copiâ, ad trinam mersionem, quæ priscis temporibus (vt ait Clemens canone Apostol. 49.) in præcepto fuit, vero certè simile non sit, baptisterium à Lino in summo monte Cælio constitutum, loco arido, & in quo alia hodièque aqua non suppetat, quàm quæ pluente cælo, per tubos & canales è domorum tectis in subiectas




subiectas cisternas influit: quin eo potius loco, *vbi  
fons aquæ viue ab ipsis terræ meatibus euiscerabatur*; qui  
est hodiernæ S. Ioannis Euangelistæ basilicæ situs.  
Et sanè, in eâ Ecclesiâ S. Ioannis, multoties dirutâ  
ac reædificatâ, seruatum est ad hanc vsque diem  
baptisterium; cui ex perpetuâ & constanti tradi-  
tione, à S. Lino nomen est, vulgò *fons Saint Lin*, in  
sacello, quod S. Eugendo postea consecratum est,  
quodque in vetustis Ecclesiarum codicibus, *primi-  
tiua Capella* passim appellatur. Quo in baptisterio,  
sacris vndis elutos constat Vesontione paruulos æ-  
què atque adultos, vsque ad tempora *Migetij* Ar-  
chiepiscopi Bisontini, qui annis abhinc amplius  
nongentis, in aliis quinque Ecclesiis, sancti Ioan-  
nis Baptistæ, Iussani Monasterij, sancti Mauricij,  
sancti Petri, & sancti Laurentij, baptisteria consti-  
tuit; quæ, vt propinquiora; facilius à Ciuibus, ac  
suburbanis adirentur per totum annum: exceptis ta-  
men hebdomadis Paschæ, & Pentecostes; in quibus,  
alio loco baptismum conferri vetuit, quàm in vete-  
ri maioris ecclesiæ S. Ioannis Euangelistæ baptiste-  
rio, *Sancti Lini* dicto: quò vel eâ obligatione, locum  
illum agnoscerent Bisontini, in quo primi apud eos  
Christi cultores, de B. Lini manu, sacra mysteria sus-  
cepissent.

Porro columnæ illæ Idolij veteris, è quibus vnam  
deiecit S. Linus, positæ erant in summo monte Cœ-  
lio: & è quatuor, tres adhuc stabant anno 1347; quæ  
anno eodem, die S. Pauli conuersioni sacro, magnâ  
vento



ventorum vi deiectæ sunt : sed cùm è tribus, duæ  
rursum essent erectæ, earum altera die S. Michaëlis  
anni 1488, pari ventorum impetu, solo prostrata  
est: quam cùm Ciuitatis Rectores, sequenti Aprī-  
li restitui curassent; demum anno 1497, die S. Ste-  
phani, residua vtraque columna, ventis deturbata  
atque confracta est, nec ab eo tempore vnquam re-  
fecta. Cæterùm, supersunt hodièque eodem loco,  
quatuor columnarum bases, peristylia, aliæque fra-  
gmenta magnæ molis, quæ prima huius operis par-  
te, tibi ex æncâ tabellâ expressimus.



SS. FERREOLVS PRESBYTER,

*ac Ferrutius Diaconus, Vefontione*

*Martyres.*



SANCTO Lino, primo Vefontino Anti-  
stite, ciuitate eiecto, atque ad Romanam  
sedem translato, fidem faciunt peruetu-  
iti codices, curatam à compluribus Apo-  
stolicis viris apud Bisontinos rem Christianam : sed  
illorum res gestæ, atque etiam nomina, tum vigen-  
tis per ea tempora superstitionis æstu, tum euersâ  
non semel ac vastatâ ciuitate, planè nobis periêre:  
vsque ad illustre martyrium SS. Ferreoli ac Ferru-  
tij, quorum historiæ summa hæc est.

B. Polycarpus Smyrnensis Episcopus, S. Ioannis,  
*discipuli quem diligebat Iesus*, auditor ipse ac discipulus,  
pro suo in Gallicam Ecclesiam singulari affectu, Ire-  
næum



næum eò destinavit, cum magno Euangelij præconum comitatu. In iis erant *Ferreolus ac Ferrutius*, Athenienses, fratrum par nobile, quos ut unico partu editos, simulque pro Christo passos, sic vnâ & eadem die Christianis initiatos mysteriis, sacroque baptismo elutos ferunt; ut iis, qui lucem hanc (quæ sub oculos cadit) simul aspexerant, simul Christianæ fidei aurora, & alta sempiternæ gloriæ dies affulgeret. Hos Irenæus, cum ad Lugdunensem Episcopatum euectus esset; siue ex speciali Pontificis delegatione; siue, ut quidam volunt, ex summi, quo tunc fortè fungebatur, Galliarum Primatis officio; siue etiam ex mero gloriæ Diuinæ propagandæ studio, Vesontionem prædicandi Christi ergò delegauit. Qui dum hanc prouinciam felicissimè gerunt, & ingentem multitudinem à tenebris ad lucem, à seruitute ad libertatem, à viâ, quâ itur ad Orcum, ad optatissimam semitam indeterminatæ beatitudinis adducunt; eodémque tempore, *Felix, Fortunatus, & Achilles*, ab Irenæo quoque missi, egregiam apud Valentiam Galliarum, Christo operam nauant; contigit utrosque, tot inter labores, cœlesti viso recreari, quod in ecclesiæ Bisontinæ libris sic refertur:

*Dum hæc gererentur, contigit Beato Felici, cum se soporari dedisset, visionem vidisse; quam suis fratribus narrans, dixit. Vidi locum mirabilem (fratres carissimi) splendore nunitum, diuersis floribus adornatum, florum & aromatum suauitate, mirisque odoribus fragrantem, in quo erat tabernaculum*



naculum, auro gemmisque insignibus constructum: vidi etiam quinque agnos sine maculâ, mundos, candore splendidos, qui in eodem atrio lilia depascebant. Dum hanc mirabilem virtutem intuitus essem, audiui vocem terribilem, mihi dicentem: Euge, euge, serui boni & fideles, quia super pauca fuistis fideles, super multa vos constituam; intrate in gaudium Domini Dei vestri: venite Irenæi discipuli, sociate vos cum fratribus vestris. Factum est, dum de hac tam præclarâ visione Beati Felicis inuicem sermocinarentur, repleti Spiritu Sancto Fortunatus, & Achilles dixerunt: Gloria tibi ô Iesu Christe, lumen æternum, splendor gloria, gloria Angelorum, totius celi & terræ Domine; qui nos indignos famulos tuos per seruum tuum Felicem latificare dignatus es, & promissione tuâ non fraudasti: nunc ergo Domine, rex Regum, reple nos seruos tuos cælesti consolatione, ut dignè consequi passionem valeamus; infunde super nos tui muneris gratiam, quos tuum verbum annunciando testes tuos esse voluisti: non enim Domine, nostræ virtutis est, insidiis, iaculisque peruersi hostis, posse resistere, nec tormentorum immanitates ferre, nisi tuâ muniti coualescamus protectione.

Hac igitur completâ oratione, ecce quidam è fratribus à Ferreolo & Ferrutio beatissimis viris à Bisuntio missus, epistolam huiusmodi scriptam protulit relegendam. Carissimis amicis, & in Christo fratribus, Felici, Fortunato, & Achilleo, Ferreolus & Ferrutius in Domino salutem. Qui moderanter regit sæcula, & disponit totius mundi suffragia, ipse seruis suis, ad inuitationem suæ confessionis, arcana sui pectoris non negauit. Cùm vigilatâ nocte me sopori dedissem,



dedissem, vidi reuolutam cæli paginam, ac quinque coronas miro splendore fulgentes, auro gemmisque insignibus adornatas, sidereo fulgore coruscantes, quæ singulis Angelorum manibus deportatæ, signum Crucis in medio eorum scriptum monstrabant: quod dum ammirarer, audiui vocem terribilem, mihi dicentem: Venite Irenæi discipuli, percipite promissum Patris, vobis paratum, ut sicut unâ fecistis voluntatem Dei in terris, ita pariter percipiatis regnum promissum in cælis. Credo, sanctissimi fratres, quod nos Dominus ad Martyrij coronam inuitat: confortati igitur vigilemus & oremus, spiritu feruentes, ne diabolus veniens furetur thesaurum nostrum. Acceptis itaque Ferreoli & Ferrutij literis, Felix similiter Sancto Ferreolo ac Ferrutio, quæ viderat, narrauit per epistolam: sicque factum est, ut diebus ac noctibus, psalmis & hymnis, indefinenter Dominum Iesum Christum laudarent æternum.

Dum sic cælestis agonothea, athletas suos præmunit, & iucundo spectaculo parat, adest immanis bestia Cornelius, Romani Dux exercitus, qui Valentiam ingressus, cum Christi cultores acerbissimis tormentis subiiceret, occurrit Vesontione Claudius (Præfectum pro Romanis fuisse credimus,) & Cornelium adit Valentiam (alij Lugduni; sed potuit utroque loco cum illo agere:) qui cum vidisset, quod Cornelius Dux, in Sanctos Dei, id est Felicem Presbyterum, Fortunatum, & Achilleum Diaconas, à Beato Irenæo illuc directos, rabiem suam duriter exercebat, de Ferreolo & Ferrutio ei narrare cæpit, dicens: Sunt huiusmodi duæ personæ in ciuitate vestrà, per quos iam medius populus vester



ad hanc religionem, conuersus est: & colunt dominum, qui ab hominibus crucifixus est: etiam & ancillam vestram uxorem meam huiusmodi seducentes, Christianam fecerunt: virginibus suadent ne nubant: Deorum nostrorum despectio tam grauis est, ut nullus eos iam Deos esse dicat, iam sacrificia vel thura, quod est placabile Diis nostris, propter eos, nullus offerre praesumat: non solum autem eis sacrificare prohibent, sed & malleis eos confringere praesumunt. Quo audito Cornelius ait: o Inuictissimi Dii, ut quid virtutes vestrae ad nihilum rediguntur, ut iam nullus locus sit, in quo despectio vestra, per huius Christianitatis titulum non subleuetur? & quid, frater Claudii, agimus, si Diis patrum nostrorum non succurrimus? penè omnis terra, se Christo tradere habet: ut quid tam terribile est signum illius Christi crucifixi, ut ante illud Dii nostri tabescant? sed nec lex illa Christianorum, aliquando commisci potest legibus Deorum nostrorum: nunc igitur accipe literas, & accedens ad locum, huius legis doctores diuersis poenis interfice, ut ceteri metum habeant. Claudius respondit: quae dictis iubes, factis comprobabo: & acceptis literis nequissimi Cornelij, Bisontensem repetiit urbem.

Claudius denique, de iussione Cornelij sollicitus, sicut erat immaniſſimae feritatis rabie repletus, de Sanctis Domini facta inquisitione quid agerent, reperit eos Diuinis operibus insistentes, sanctae praedicationi continuè vacantes, fidem Catholicam adaugentes. Erat autem ab vrbe milliaro & semis, specus solitaria, & sylvarum circumclusa arboribus, ubi sanctissimi doctores nocturno tempore remoti à turbâ liberius Domino excubabant: diluculo verò reuertentes ad ciuitatem,



tatem, Verbum Domini indefinenter prædicabant: sed  
 quanquam specus horrentibus umbris, ante horum aduen-  
 tum obtenebrosa, ac sine luce fuerat: lux tanta tamen ipsis  
 presentibus assistebat, quod ultra fulgorem Solis radiabat:  
 nec mirum, si locum tenebræ non habebant, ubi duo Soles,  
 orbem terræ illuminantes prælucebant: quos Claudius iubens  
 comprehendere, ac locum, ubi iudicium fieret, diuersis orna-  
 tibus decorari, ipse pro tribunali sedens imperat eos adduci,  
 quibus adductis ait: Sacratissimorum Principum præcepta  
 sanxerunt, quod aut sacrificaretis Diis, aut diuersis vos in-  
 terficiam pœnis, ut cæteri metum habeant: quod si sacrifica-  
 re volueritis, ex ærario publico remuneratos vos largissimè  
 incolumes abire dimittam, & in conspectu Principum no-  
 strorum magnis cumulatos honoribus adstare faciam. Tunc  
 Ferreolus ac Ferrutius aspicientes in cælum, signo Crucis  
 Dominicæ muniti, dixerunt: ecce nos paratos habes: quod  
 tibi pater tuus diabolus dictauerit, fac: nos autem in nomi-  
 ne Domini nostri Iesu Christi semper speramus, & quan-  
 tumlibet nos diuersis cruciatibus affligas, ipsum tamen re-  
 demptorem ac reparatorem vitæ nostræ Christum consiten-  
 tes, sine fine cum illo erimus: pecunia tua tecum sit in per-  
 ditione; nobis autem sufficit vnum Dominum colere.

Audiens hæc crudelissimus Claudius, iussit eos ad tro-  
 cleas extendi, & flagellis cedi: & cum flagellarentur,  
 nihil dolorum sentiebant: sed omnipotens Deus, qui semper  
 protegit suos, ita Martyres suos dignatus est custodire, ut  
 quamuis carnali cruciarentur pœnâ, angelico tamen habitu,  
 & virtute mirabili, in cultibus resplenderent: quod viden-  
 tes populi mirabantur. Deinde reclusos in carcere, post tri-  
 duum



duum iussit sibi praesentari tyrannus, & ait: sacrificabitis Diis, annon? Sancti Ferreolus & Ferrutius dixerunt: non sacrificabimus, nec à bonâ Christi confessione recedere optamus. Tunc carnifex irâ & furore magno repletus, linguas eis amputari iussit; quibus amputatis, illi magis acceperunt organum linguae spirituale ad confortandos fratres, & ad praedicandum verbum Dei: dicebant enim; Beati mundo corde, quoniam ipsi Deum videbunt: beati pacifici, quoniam filij Dei vocabuntur: beati qui persecutionem patiuntur propter iustitiam, quoniam ipsorum est regnum caelorum: & ad Claudium conuersi dicebant; cognosce, miser, quia dii tui non possunt facere sine linguis homines loqui, cum ipsi nec loqui possint, nec audire; sed respice in nos, & Baptismi ablutione persundere, & ex toto corde in Christum crede, & indulgentiam mereberis peccatorum obtinere. Tunc Claudius irâ, & magno furore repletus, acutissimas subulas, triginta vni, & triginta alteri, tam in manibus, quam in pectoribus, & in pedibus, vel ceteris corporum compagibus, malleis ferreis transfigi iussit: & hac omnia tormenta, tamquam ros suauissimus, qui de caelo descendit, magis eis refrigerium, quam dolorem praestabant. Igitur cum nullum dolorem sensissent exquisitis cunctorum tormentorum suppliciis, cum se iam victum cerneret in cunctis, iubet tandem gladio in eos animaduerti, quos praesui pudoris magnitudine ultra non poterat pati: eorum ergo percussione, tanta odoris fragrantia emanauit, ac si cuncta eò loci thymiamata inferbuissent, si omne balsamum redoleret, si cunctorum genera pigmentorum locus ille portaret: odor namque ille suauitatis Dei praesentiam circa sanctorum corpora adesse monstrabat: suauitas para-

dis



dis obuiam eis veniens, nuntiabat quàm amœnum, quàm-  
que suauissimum habitaculum illis preparabat: tantâ nam-  
que iocunditatis gratiâ, tamque miri timoris fulgore locus  
ille à circumstantibus visus est illustrari, ut æstimaret se po-  
pulus, Deitatis gloriâ obumbrari. Binæ oliuæ, & duo can-  
delabra, ante Dei faciem semper lucentia, margaritis, &  
inæstimabilibus laureati coronis, confederunt in cælis; quia  
armati loricâ fidei, & gladio verbi Dei, fortiter egerunt in  
terris: quorum corpora Christiani, nocte sublata, in cryptâ  
sepelierunt, vbi orationibus, psalmis, & hymnis quotidie  
agentes Deo gratias, habitare solebant. Ipsi intercessores  
sint pro nobis ad Dominum; ut sic in huius ergastulo vitæ  
degentes, nosmetipsos regamus, ut cum eis in eternâ patriâ  
gaudere valeamus. Facta sunt hæc circa Sanctos Dei Fer-  
reolum Presbyterum, & Ferrutium Diaconum, sextodecimo  
calendas Iulij, regnante Domino nostro Iesu Christo, cui est  
honor & gloria in sæcula sæculorum, Amen.

Hæc ex antiquis codicibus; quibus consentiunt  
Martyrologia, cum Bisontina, tum alia: & similia  
habet Surius tom. 7. 16. Iunij, & tomo 2. 23. Aprilis,  
in actis Sanctorum Felicis, Fortunati, & Achillei.  
Illud verò prætereà obseruandum ex traditione,  
Sanctos Ferreolum, ac Ferrutium, tam dirè excru-  
ciatos fuisse, atque etiam capite minutos, eo loco,  
vbi nunc *facellum S. Brigittæ*: cuius facelli altare, in-  
sidet columnæ cuidam, ad quam alligati dicuntur  
Martyres inter varia sua tormenta: hinc loco illi  
nomen hæsisse putamus *vici Martyrum*, quod cor-  
ruptè vulgus vocet *la rue des Marrelots*. Neque hoc  
omitten



omittendum, clauos trabales, sacris martyrum capitibus impactos, in coronæ speciem: manus etiam clauis perfossas; ut constitit cum inuenta sunt eorum corpora, prout dicemus inferius in Aniano. Legimus quoque in nonnullis commentariis, Martyres præcisa capita gestasse ad cryptam usque, in qua reperti sunt, milliario & semis à ciuitate: sed repugnat hæc melior ac certior eorum historia, in qua dicuntur Christiani, eorum corpora, nocte sublata, in eâ cryptâ condidisse: illum autem errorem in vulgus sparsum credimus, ex Martyrum imaginibus, quæ post omnem memoriam sic expressæ sunt, ut trunca corpora, præcisum caput in sinu præferrent: quod præcisi quidem capitis atque argumentum fuit, non tamen post præcisionem gestati: quanquam & hoc prodigium sæpe visum in Martyribus, ut in S. Germano notabimus.

De tempore verò, quo hæc gesta sunt, multæ sunt & discrepantes sententiæ. Nonnulli eos cum Irenæo missos in Gallias dicunt à Polycarpo, de consensu ac mādato B. Ioannis Euangelistæ, recens è Pathmo Insulâ reuersi (rediit autem anno Christi 98.) Quidam veteres libri, *sub Aureliano* passos dicunt: Alij *sub M. Aurelio Antonino Philosopho*, qui Luciū Verum Imperij sociū habuit; ita Gaulterius in Chronologiâ, Latine editionis, 2. sæculo, columnâ sextâ: At Belleforestius in Cosmographiâ, (ut & vetustus quidam, quem legi, membraneus codex) *sub Commodō*: Philippus verò Ferrarius in topogr. Martyrol. Romani, passos



passos ait *sub Seuero*. E quibus opinionibus priores quidem duæ, magnam habent ex temporum rectâ putatione repugnantiam: si enim Irenæus (quocum Ferreolus ac Ferrutius ex Asiâ venêre) in Gallias missus est, superstite adhuc Beato Ioanne, cuius obitus contigit anno Christi 101; cùm sub Seuero Martyrij palmam sit adeptus, centum circiter ex eo tempore vixisset annos, quod nemo dixerit. Rursus, cùm S. Polycarpus, passus habeatur anno 169. (*Baron. ibidem*), nec Imperio potitus sit Aurelianus ante annum 271; si Aureliani persecutione Martyres effectos dicamus Ferreolum ac Ferrutium, annos expleuerint, ex quo missi sunt, duos minimùm supra centum, quod æquè incredibile sit. Liceat ergo mediâ, ad securitatem, viâ incedere, & de missionis quidem tempore, conicere non obscuro argumento, Irenæum, Ferreolum, ac Ferrutium, Benignum, Andeolum, Augustodunenses Martyres, Andochium, Tyrsium, ac Felicem, & si qui alij dicuntur à B. Polycarpo in Gallias destinati; eos, inquam, ex Asiâ deductos fuisse à Polycarpo, anno 167, dum 167. Romam ad Anicetum Papam venit, atque inde missos in Gallias, quasi pro semine, ut cresceret atque augerentur in gentem magnam. *Baro. anno 169. nu. 20.*

At horum omnium Martyrij, non vnum idemque tempus fuit: & Irenæum quidem, atque Andeolum constat Seueri persecutione sublato: de aliis verò ut sit, Bisontinos certè Martyres, passos existimo sub Aurelio; tametsi non sub M. Aurelio

d

Antoni



Antonino Philosopho ( vt tertia ferebat sententia )  
 qui imperauit ab anno Christi 163. ad 182; sed sub *M.*  
*Aurelio Antonino Bassiano*, dicto *Caracallâ*, seu *Caracallo*,  
 qui Imperator fuit ab anno 213. ad 219. Quòd enim  
 Bassianus Seueri filius, *Aurelij* quoque nomen vsur-  
 parit, constat ex nummis, quibus vultos suos, cir-  
 cumscripto *Aurelij Antonini* nomine, exprimi voluit:  
 & illius nominis occasionem refert *Ælius Spartia-*  
*nus* in Antonino Getâ: *Septimius Seuerus*, inquit, quo-  
 dam tempore, cùm consulisset ac petiisset, vt sibi indicare-  
 tur, quo esset successore moriturus, in somnis vidit *Antoni-*  
*num* sibi successurum. Quare statim ad milites processit, &  
*Bassianum* filium maiorem natu, *M. Aurelium Antoninum*  
 appellauit. Cur id factum, & quo tempore, dixerat  
 idem Spartianus in Seuerò; Quum iret contra *Albinum*  
 (Seuerus) in itinere apud *Viminatium*, filium suum maio-  
 rem *Bassianum*, appposito *Aurelij Antonini* nomine, *Cæsarem*  
 appellauit, vt fratrem suum *Getam*, ab spe Imperij, quam  
 ille conceperat, summoueret. Illud igitur certum, *Aurelij*  
*Antonini* nomen *Bassiano* attributum, qui & causâ  
 breuitatis, nunc solitariè *Aurelius*, nunc *Antoninus*,  
 modò *Bassianus*, aliàs *Caracalla*, antiquis dictus est.  
 Non potuisse autem *Bisontinos*, aut *Valentinos*  
 Martyres, sub *Aurelio Antonino Philosopho* tor-  
 queri, nec eius copiis præfuisse *Cornelium Ducem* (quo  
 in *Galliis* cum exercitu agente, eos passos constat)  
 hinc certissimè concludi puto, quòd in omnibus,  
 quæ de illis exstant, monumentis, ab *Irenæo* iam  
 tum *Lugdunensi Episcopo*, cui per omnes *Gallias*

res



res Christiana curæ esset, alij Vesontionem, Valentiam alij, destinati legantur: at certum est, ex Eusebio lib. 5. cap. 6. & Hieron. de script. eccles. Irenæum cum plures iam annos versatus esset in Galliis, & legatione perfunctus esset adhuc presbyter ad Romanum Pontificem pro Martyribus Lugdunensibus; tamen non ante annum 180. fuisse in Lugdunensi Episcopatu, Photino subrogatum. Quæ cum ita habeant, nec nisi multis ante annis (nempe circa annum 169.) Aurelij Antonini Philosophi exercitus, ob Germanicam expeditionem Gallias obtinuerit, planum est, ad eius tempora referri non posse præfatorum Martyrum agonem. Ac ne nullo veterum testimonio, nostram hanc sententiam inniti putes; audi antiquum auctorem anonymum, in actis Sanctorum, Felicis, Fortunati, & Achillei, apud Surium editionis Colonicensis 1578. qui ut ibidem rectè notat Surius, visa narrare potius videtur, quàm audita: *Igitur eo tempore, inquit, Aurelij Principis persecutionis furore seuiente, Dux Cornelius Valentinam ingreditur ciuitatem. Vnde cum vestandi gratiâ, potentiæ dilatatione sublimis, arrogantia tumore terribilis, populi copiâ circumseptus procederet, audit Sanctum Felicem, Fortunatum, & Achilleum assuetæ deprecationis inuocatione psallentes: quorum voces audientes, piâ tantæ dulcedinis oblectatione mulcebantur; ut angelicis choris concinentibus, intonare modulatione canoris clarissima organa crederentur. Locus verò psalmi hic erat: Omnis terra adoret te Deus, & psallat tibi, psalmum dicat nomini tuo, altissime, alleluia. Cornelius hæc auditu denun-*



tiante cognoscens, tam stupore attonitus, quàm diræ mentis  
 furore succensus, ait: Quisnam sonus aurium mearum se-  
 creta percussit? nunquid post Seueri Principis seueram, lau-  
 dabilèmq; Lugdunensium trucidationem, in his locis Chri-  
 stianitatis aliqua indicia remanserunt, quæ & sacrilegè nu-  
 mina despiciant, & audacter Principum decreta cõtemnât?  
 Similia habet libellus priorum officiorum eccle-  
 siæ Arelatensis, cùm de Sanctis, Felice, Fortunato,  
 & Achilleo. Quæ si vera sunt, fateamur necesse est,  
 eos neque sub Aurelio Antonino Philosopho, ne-  
 que sub Commodo, neque sub Seuero, Martyrij  
 palmam adeptos; sed sub Aurelio aliquo, qui Seue-  
 ro posterior fuerit, & cuius copiæ militares, aliquan-  
 do versatæ sint in Galliis; pro quo in vetustis codi-  
 cibus, affine Aureliani nomen irrepsit. Is est Seueri  
 ipsius filius *M. Aurelius Antoninus Bassianus Caracalla*,  
 de quo hæc Spartianus in eius vitâ, vbi Getæ necè,  
 magnâmq; illam ab eo editam populi Romani  
 stragem enarrauit: *His gestis Galliam petiit, atque ut*  
*primum in eam venit, Narbonensem Proconsulem occidit.*  
*Cunctis deinde turbatis, qui in Galliâ res regebant, odium*  
*tyrannicum meruit; quamuis aliquando fingeret se beni-*  
*gnum, cùm esset naturâ truculentus. Et cùm multa contra*  
*homines, & contra iura ciuitatum fecisset, morbo implici-*  
*tus, grauiter laborauit. Quia verò Getæ cædes, & cæ-*  
*tera Romanorum laniena, contigit anno Christi*  
 214. in eum pariter annum, Caracalli profectiõem in  
 Gallias, quam statim inde aggressus est, & Sanctõrũ  
 Ferreoli ac Ferrutij Martyrium referendũ putamus.

Vt



Vt sacra Martyrum corpora, inuenta & translata sint, dicetur inferiùs suis locis. Enimuerò non possum te hìc sub extremum celare, lector, rem apud nos tritam, firmatamque multorum testimoniis. Impendente ciuitati clade aliquà, seu peste, seu bello, aut alio publico malo, visuntur duæ splendidissimæ faces, quæ ciuitatis mœnia ac propugnacula obambulant magnâ spectantium admiratione. Hoc signo Diui Bisontinorum tutelares, suam opem polliciti creduntur: nec frustrà, quod experti ciues, tum aliàs sæpe, tum maximè anno 1575. (vt priori parte fusiùs diximus) cùm hæretici facti in ciuitatem impetu, pars armis cæsi, pars in Dubina deiecti, deleti omnes, ni fortè pauculi arreptâ fugâ euasere.



## I I.

## S ANCTVS MAXIMINVS.



MAXIMINVS Vefontionem missus est, & Episcopus consecratus à Caio Papâ (qui sedit ab anno 284. ad annum 296.) Veterem ædiculam à S. Lino primùm exstructam, & S. Stephani nomine consecratam reædificauit: in eaque Clericorum Collegium instituit, victurum ad Apostolorum normam; cùmque ea ecclesia, vtpote angustior, non caperet ingentem eorum, qui Maxi-




mini miraculis & prædicatione permoti, Christo quotidie nomen dabant, multitudinem; aliam basilicam in foro ciuitatis iuxta Capitolium consecrauit in honorem Diui Ioannis Baptistæ. *MS. Vet.* Vides, Lector, quantum mutatus ab illo ciuitatis status: vbi forum illud, vbi Capitolium? hinc certè vel maximè agnoscas, harum Bisontinæ Ecclesiæ tabularum integritatem: quarum vix alius auctor esse potuit, quam qui illâ ipsâ, de quâ scripsit, ætate vixerit. Omnibus igitur rectè constitutis, & Paulino sibi suffecto, *ad secretiorem vitam anhelans, in quodam viridario, sexto ab vrbe milliario distante, eremiticâ vitâ est functus: vbi quantum vitæ sanctitatis, & prædicationis refulserit instantiâ, non sufficit enarrare lingua: nam multi Christiani pergebant ad eum in eremo: cæci illuminabantur, & infirmi sanabantur ab infirmitatibus suis.* De suo demum ex hac vitâ discessu diuinitus edoctus, Paulinum accersiri iussit; à quo Dominici corporis munitus viatico, migravit ad Superos (cùm rexisset Ecclesiam per annos sex) anno, vt habent quidam codices, 291. 19. Iunij. Alibi notatum vidi eius obitum, pridie calendas Iunij. Vtut sit de die eius obitus, quæ propter diuersitatem sententiarum incerta est; illi sacra est in Ecclesiâ Bisontinâ, ea ipsa lux Maij 29. in quam Maximini Treuirensis festiuitas cadit: à quo tamen distinctum fuisse constat Maximinum Vefontionensem, quippe qui antiquior sit Treuirensi; siquidem Maximinus Treuirensis æqualis fuit Athanasio, eumque exulantem excepit Treuiris: & interfuit



VESONTIONIS PARS II. 31

interfuit Concilio Agrippinensi, anno 346. cum Panchario sexto Bisontinorum Antistite. Et denique Maximinus noster, sepultus est in illâ suâ eremo, non longè à ciuitate Bisontinâ (nunc iuxta pagum *Torpot*) quâ in eremo sacra illi est hodièque ædícula: & ibi ipsius ossa adhuc esse creduntur; cùm cōstet quidem eo loco condita, de eorum verò releuatione, nulla extet mentio. Ad illud sacellum, dictâ die Maij nonauigesimâ, adire solet quotannis frequens populus: & podagricos, qui eò deducuntur, Beati Maximini opem experiri ferunt.



III.

SANCTUS PAULINVS.



. MAXIMINO successit *S. Paulinus* eius discipulus: qui dum decimaretur legio Thebana apud Agaunum, sub Diocletiano & Maximiano Impp. anno Christi 297. in Maximini cremum secessit: vbi cùm delitesceret, & fame ac laboribus confectus, propè iam ageret animam, mittitur ab Angelo, eius quidam discipulus, qui ei quæ ad vitam opus erant ministraret. Atque ex eo tempore *conuenebant omnes Christiani ad eum, viri & fœminæ, quia nimiam penuriam Christiani illo tempore sustinebant: nulli enim Christiano licebat, vel possidere aliquid, vel aliquam rem, seu artem exercere,*

aut



aut aliquod negotium agere, quos B. Paulinus, nec diebus nec noctibus descebat. Postea reuersus vixit annos aliquot in suorum Sacerdotum contubernio, obiitque  
 310. circiter annum Domini 310. sepultus in ecclesia S. Stephani ante altare, ubi multis emicuit virtutibus: dicebat enim quidam religiosus, celos se apertos in die eius sepulture vidisse. MS. Vetus.

Ea verò ecclesia S. Stephani, in qua sepultus est Paulinus, nunc dicitur *Sancti Ioannis*, in qua neminem sepeliendi nunc inualuit consuetudo, haud dubie Paulino posterior. Constat enim vetustissimos Christianos sepultos fuisse in ipsis ecclesiis, in quibus cogebantur synodi, psalmi canebantur, & conferebantur sacramenta: vnde pro eodem accipiebatur *cæmeterij* nomen, & *ecclesiæ*, & persecutionum tempore arcebantur Christiani à *cæmeteriis*, hoc est, ab *ecclesiis*: Vide Eusebium lib. 6. cap. 13. lib. 7. cap. 11. lib. 9. cap. 2. Postea verò pacatis rebus cautum est, ne in ecclesiis conderentur humana cadauera: exstant hac de re decreta in Conciliis, Triburiensi, Bracharensi, Nannetensi, Vascensi; & id consuetudinis inductum est, vt maior Sanctorum reliquiis exhiberetur reuerentia: nunc verò recens vsu receptum est, vt præter leges atque instituta Maiorum, passim fidelium corpora, intra ipsas ecclesias tumulo mandentur. Quòd ergo quædam ecclesiæ (vt nostra S. Ioannis) humana cadauera non recipiant, id moris non altius repetendum est, quàm à medio illo tempore, quo sedatæ tyrannorum in Christianos persecutio



quationes. Paulinus verò, qui primis illis temporibus vixit, haud dubiè in Sancti Ioannis templo sepultus est; cui soli tunc erat à Sancto Stephano nomen.



## I V.

## SANCTUS EVSEBIUS.



EVSEBIUS Romanæ ecclesiæ Subdiaconus, Presbyter ordinatus est, & in Bisontinum Episcopum consecratus à Melchiade Papâ (qui sedet annis 311. 312. & 313.) Vesontionem ingressus, salutifera Diuini verbi præcepta, stolidis paganorum cordibus tradidit, ferâque eorum mentes, retrâ ignorantie caligine cæcitas, Euangelij lumine illustrauit. Omnem ferè in eâ habitantem populum, modico duorum annorum & semis, quo sedet, spatio, ad Christi fidem adduxit. Construxit ædem sacram S. Petro Apostolo, tunc in suburbio, nunc in centro ciuitatis: in quâ post obitum (qui contigit circa annum 313.) sepeliri voluit.

313.

In eâ S. Petri basilicâ, post omnem memoriam celebrari solita est quotannis, postridie Paschatis, Missa, quam *trium Euangeliorum* vocant: cuius ritus satis inueterati ignoratur institutio.

e

V. SAN





V.

## SANCTVS HILARIVS.

**S**UBLATO Bisontinorum Pastore Eusebio, adeoque lupis, vel eo nomine audaciùs in tenerum Christi ouile grassantibus, perlatum est ad *Syluestrum* primum, vniuersi fidelium gregis Antistitem (qui sedem Romanam tenuit ab anno 314. ad 336.) afflictam rem Christianam apud Bisontinos; vix paucos superesse, quos Christum non puderet profiteri; quare, si Deo Domino parta seruare, si augere vellet, maturè ei ecclesiæ hominem præficeret, cuius solertiâ, & reduci oves dissipatæ, & aliæ de nouo ad Christi causas ac pascua traduci possent. Annuit Syluester, & Hilario Romanæ ecclesiæ Diacono, viro forti ac strenuo, eas partes mandat.

Sub S. Hilarij verò Præfulatu, vetusti libri lectionum ecclesiasticarum S. Ioannis, & S. Stephani, 17. Iulij, & alij, qui de Hilario, æquè omnes affirmant, *Beatam Helenam* Constantini ter maximi parentem, Vefontione iter habuisse: cùmque ibi ædiculam Protomartyri Stephano à S. Lino primùm extruētā, ac deinde à S. Maximino reædificatam inuississet, multaque cum Hilario de diuinis rebus colloquuta esset,



esset; ingentem pecuniæ vim, ad augustioris, atque amplioris basilicæ ædificium contulisse: ad extremum pollicitam, si quid ex Protomartyris reliquiis nancisci vspiam posset, id se missuram Vesontionē, acceptā Episcopi benedictione recessisse. Sed quod nonnulli è citatis codicibus, hunc Helenæ transitum referunt in illud tempus, quo Constantinus expeditionem aduersus Maxentium adornabat; non quadrat hoc cum eo, quod ex vetustis membranis retulimus, *Hilarium*, quocum *Helena* sermonem habuit, à *Syluestro* Pontifice præfectum fuisse ecclesiæ Bisontinæ: non enim ante annum 314. sedit Syluester; profligatus est autem à Constantino Maxentius, 312. Id verò contigisse existimauerim vel anno 320. cum ageret in Galliis Constantinus, vt probat Baron. eodem anno: vel certè post Constantini Baptismum, qui Romæ celebratus est anno 324. cum omnis abiisset paganæ sæuitiæ timor, multumque ad rem Christianam accessisset auctoritatis.

*Interim ecclesia magni ornatus & structura ( verba sunt antiqui codicis ) in honorē S. Protomartyris Stephani ædificatur: videlicet eo loco, vbi fons aquæ viuæ, per aquæductum veniens in ciuitatem, ab ipsis terræ meatibus euisceratur; nimirum ad radices montis Cœlij, vbi nunc ecclesia, quæ mutato postea ( vt infra dicemus ) nomine, à S. Ioanne appellata est: fons enim ille gelidæ perennitatis ( cuius caput quarto circiter à ciuitate milliari, iuxta pagum vulgò Arcie ) per aquæductum opere Romano, cuius plurima super-*  
sunt



sunt vestigia, rupem incisam (quæ nunc porta ciuitatis) præterfluens; montis Cælij, seu Stephanij quando superare non poterat verticem, lambebat radices, ac prope eum ipsum locum, vbi nunc ecclesia *S. Ioannis*, laxabatur in varios ciuium vsus. Eorûmq; ductuum reliquæ, iuxta basilicam S. Ioannis, tum anno 1324. nonis Augusti, tempore Vitalis II. Archiepiscopi; tum etiam nuper in vicinis ædibus inter fodiendum repertæ sunt.

Et certè S. Linum, primum Bisontinorum Episcopum, atque inde Petri successorem, eo loco, vbi nunc ecclesia S. Ioannis, sacram ædem, primam omnium quas Vefontio viderit, excitasse, quæ deinde à B. Maximino restituta, atque Helenæ magnificentiâ longè facta sit illustrior; quæque primum quidem *S. Stephani*, tum *S. Ioannis* simul & *S. Stephani* nomen acceperit, ac demùm (ad distinctionem alterius basilicæ, quæ postea in superiori parte montis, S. Stephano dedicata est) ab vno *S. Ioanne* cognominata sit; tum suprâ in Lino probauimus, tum verò ita persuasum semper fuisse Maioribus nostris, ex eo vel maximè patet, quòd S. Ioannis basilicam, *matrem ecclesiam* nunquam non appellent. Id sexcenties reperias in vetustissimis rituû & sacrarum lectionû codicibus. Et sanè in S. Ioannis, vt quæ sit mater ecclesia, & caput cæterarum, inaugurati sunt post omnem memoriam Bisontini Archipræsules, Episcopi suffraganei, & totius diœceseos Abbates atque Abbatissæ: in eâ recepti Imperatores, & Apostolicæ sedis



sedis Legati; celebratæ Synodi; Chrisma consecratum; definitæ Ecclesiasticæ causæ. Accedit quòd ei semper adiacuit Archiepiscopium, iuxta veterem, & vñ receptam Ecclesiæ consuetudinem, *de Episcopalibus adibus propè matrem ecclesiam constituendis*. Deinde, vt ex antiquis ceremoniarum libris perspicuum est, quoties ad officia aliqua diuina, supplicationes, aut alias celebritates, conueniebat Bisontinus Clerus; honoratior semper locus, ac potissimæ cedebat partes S. Ioannis Canonicis, Stephanienfibus secundæ. Cùmque hi (vt est appetens præcellentiæ cuiusdam humanum ingenium) vel opibus ecclesiæ suæ, vel splendore ducti, inferiorem ecclesiam S. Ioannis, vt oculo, sic animo despicerent, eamque deturbare fatagerent de maternitatis dignitate, pertracta est diutissimè ea controuersia, modò coram Archiepiscopis, nunc coram Cæsarum ac Summorum Pontificum tribunalibus: & semper Canonicis S. Ioannis adiudicata causa: primùm quidem à Guidone Vienneſi in Synodo Trenortiana; deinde ab eodẽ Guidone, tum Calixto secundo, in Lateranenſi quingentorum Patrum Concilio: cuius decretum innovarunt, Eugenius III. Adrianus IV. Honorius III. aliique vel Pontifices Romani, vel Imperatores, vel Archiepiscopi Bisontini: donec sub Gulielmo II. anno 1253. ab Hugone tt. S. Sabinæ presbytero Cardinali, & Apostolicæ sedis Legato, vtriusque ecclesiæ Canonici, ne de suis iuribus vlteriùs contenderent, in vnus Capituli corpus vniti sunt.



sunt: de quibus omnibus agemus suis locis.

Sed ad Hilarium redeamus. *Helena* verò (pergit citatus codex, cui concinunt alij omnes) cum magno exercitu Hierosolymam perrexit: ibique Dei adiutorio lignum sanctæ Crucis inuenit: (id factum anno proxime sequenti post Nicænum Concilium, & secundum Baronium anno 326.) quâ inuentione celebratâ, Hierosolymitanum Episcopum S. Macarium adiit, magnis precibus deposcens, ut si apud se aliqua eiusdem Protomartyris essent reliquiæ, dignaretur sibi aliquid earum concedere, non immemor horum quæ promiserat Deo & S. Stephano. Cuius supplicationi annuens Patriarcha Macarius, obtulit cum Dalmaticâ partem sanguinis S. Stephani Protomartyris. Sicque repedauit Romam quamcitiùs; ubi tunc temporis se agebat in sceptris filius eius Constantinus: mittens inde Sancto Hilario Vesuntium, pretiosissimum quod secum detulerat pignus reliquiarum. Insuper præparat Romæ classem, quæ deducta per mare euasit Arelatum; inde emenso Rhodani fluminis ascensu, ingressâ Ararim, peruenit ad aquam, cuius nomen est Dubius, quæ est decurrens iuxta Urbem Vesontiensium; in quam paululûm ab Arari emersa, cum ascendendo laboraret, est dissoluta compagibus (ignotum quâ occasione & casu:) sicque onus nauis in fluminis gurgitem non comparuit mersum: erat enim onusta marmore, & ære, & diuersi generis materie, quæ erat necessaria construendæ ecclesiæ: sed & Beata Helena ad hoc reparandum, longum non habuit vitæ terminum, statim vtrique in Domino quieuit sine beato. Illi in Sanctarum canonem relatæ celebris est dies Augusti decima octaua. Ex eo verò marmo



marmore, quod ornandis Vesontinis basilicis miserat; quodque haustum est aquis Dubij; superesse variis in locis permultas columnas, vulgus credit: at hæc ex coniecturâ.

Caterum latuerunt ista Cardinalem Baronium, cum in suis ad Martyrologium Romanum notis 3. Augusti, & in Annalibus, anno 416. num. 16. scriptum reliquit, ante annum 415. quo repertum S. Stephani corpus, nullas unquam in Occidente visas eius reliquias, excepto unico è lapidibus, quibus percussus est, quem nauta quidam Anconam Italiæ civitatem ad mare Adriaticum sitam detulerat. Certè, quisquis ille fuit sanguis Protomartyris ab Helenâ missus, in Vesontinis lipsanothecis distingui non potest, quod sciam, ab eo qui sub Celidonio Episcopo (de quo postea) è brachio S. Stephani manavit. Hoc quidem certum, partem Dalmaticæ S. Stephani, à Bernuino Archiepiscopo Bisontino, qui Caroli Magni ætate floruit, in maiori altari ecclesiæ S. Ioannis, quam flammis exustam reedificarat, collocatam fuisse, neque unquam ex eo tempore inde eductam puto.

Porrò *Macarium*, à quo Helena eas reliquias accepit, notat Eusebius in Chronico, creatum fuisse Hierosolymitanum Episcopum post *Hermonem*, anno septimo Constantini (qui est Christi 312. ex Baronio.) Ad eum verò Helenam Constantini filij sui epistolam de templo Dei exstruendo, Hierosolymâ detulisse scribit Theodoretus lib. 1. hist. cap. 18. Addit  
Ruffinus



Ruffinus lib. i. c. 17. illum repertam ab Helenâ Christi Crucem, à latronum crucibus, impetrato miraculo distinxisse. Et ipse etiam censetur inter sanctos in Martyrologio, ad decimam diem Martij. De nostro autem Hilario est quod obserues, eum præter Augustam basilicam, quam Helenæ sumptibus, in imo monte Cœlio exstruxit, atque ad summitatem perduxit (quæ nunc dicitur *S. Ioannis*), aliam præterea in superiori parte montis (quæ sola *S. Stephani* nomen retinuit) cœpisse excitare: sed pium hominis consilium, inexorabilis fati necessitas abrupit; dum excessit ex hac ad splendidiorum beatarum mentium lucem, vndecimo calendas Augusti; & vt quidem  
 330. existimo, circa annum Christi 330. Instante obitu, cœlesti viso Christi Seruatoris, qui prægustandas illi æternas voluptates dederit, recreatus legitur.



## V I.

## SANCTVS PANCHARIVS.




ANCTVS Pancharius, (qui & *Pancratius*) Hilarij decessoris sui discipulus, ei defuncto subrogatus est, & à *Iulio Primo* Pontifice (qui sedit ab anno 337. ad 352.) Episcopus consecratus. Synodo Agrippinenfi anno 346. sub eodem Iulio celebratæ consensit per Legatum. Basilicæ ab Hilario in superiori parte montis Cœlij  
 346. in S. Ste



in S. Sephani honorem inchoatæ ædificium promo-  
uit: & iam opus affectum urgebat: cum in fidei Ca-  
tholicæ professores furente, ac latè grassante Con-  
stantio, ciuitate cessit, secessitque in eremum cum  
fociis aliquot. Eam Constantij persecutionem fusè  
describit Athanasius epistolâ ad solitariam vitam  
agentes: *Ceterum*, inquit, *cum esset Arelate & Medio-*  
*lani Constantius, omnia pro hereticorum hortatu suggestionè-*  
*que faciebat: vel potius illi ipsi agebant, Caesaris potestate*  
*succincti.* Et mox: *Notarij præsto in singulis urbibus, &*  
*Palatini minas secum ad Episcopos & Iudices deferentes, vt*  
*isti quidem de causâ iudicarent, illi verò contra Athanasium*  
*scriberent: vt aut communionem cum Arianis haberent, aut*  
*pœnam exilij sustinerent.* Ac paulò post: *Quot igitur Epi-*  
*scopi ( prout in sacris literis est ) ad Præsides & Reges ab-*  
*ducti sunt, & à Iudicibus hanc sententiam audierunt: aut*  
*subscribite, aut ab ecclesijs recedite: detrabi enim vos ab*  
*ecclesijs Imperator iussit: quot in singulis urbibus palabun-*  
*di sese sparserunt, ne vt Episcoporum amici accusarentur.*  
*Nam & Magistratibus scriptum est, & multa pecuniarum*  
*denunciata, nisi quisque suæ ciuitatis Episcopum subscribere*  
*coëgisset.* In his igitur fortibus, & excelsi animi Epif-  
copis, qui aquâ & igni carere prius elegerunt, quàm  
Arianæ demetiæ patrocinari, fuit S. Pàcratius Bisonti-  
nus, qui in solitudinis horrore, ad quam se recepe-  
rat, asperitati victus, & cœlestium rerum contem-  
plationi deditus, cum in hominibus leprâ horridis  
(quibus se vltro adiunxerat) omni obsequio iuuan-  
dis, quotidianam operam poneret, vitam aliquâdiu  
f traxisse



traxisse dicitur. Cum autem illa Constantij Ariani  
 355. Imperatoris persecutio, anno Christi maximè 355.  
 toto orbe Catholico, ac nominatim in Galliis vi-  
 guerit; eo quoque anno exulasse crediderim Pan-  
 charium, pauloque post (nempe circiter annum  
 356.) ex eo exilio ad supernam patriam euocatum.



## VII.

## SANCTVS IUSTVS.



VFFICITVR Panchario *S. Iustus*, qui ma-  
 trem Ecclesiam *S. Stephani*, primum à *S.*  
*Lino* in imo monte *Cœlio* constitutam,  
 tum restitutam à *Maximino*, denique ab  
*Hilario Helenæ* magnificentiâ longè illustriorem  
 factam, in honorem *S. Ioannis Euangelistæ*, & *S.*  
*Stephani* dedicauit. *MS. Vetera.* Attendit scilicet, *B.*  
*Ioannis* maxima esse in eam ecclesiam merita: cuius  
 agrum, ipsius discipulorum discipuli *Ferreolus* ac  
*Ferrutius*, proprio cruore aspersissent: parari deinde  
 vni Protomartyri consecrandam basilicam; cui vel  
 eo nomine non displiceret, quòd illo non abiecto,  
 alius præterea matri ecclesiæ patronus adsciscere-  
 tur. Hinc superius *Cœlij montis Dominicum* (quod  
 à *Frominio* decimo Episcopo perfectum est) *S. Ste-*  
*phanus* à Maioribus dictum; inferius autem, & cæ-  
 terorum caput, *S. Ioannes* simul & *S. Stephanus*; im-  
 mò com



mò compendij causâ & distinctionis, *S. Ioannes* nudè appellatum est, ad hæc vsque tempora. Iustus verò instans *Juliani* desertoris læuitiâ, cessit furori, & ab *Eusebio Martyre, Vercellensi Episcopo*, apud Pedemontanos honorificè susceptus, egit cum illo familiarissime: ac tamdiu Vercellis latuit, donec sedatâ tempestate, ad suam reuersus Chrysopolim, atque optimi Præsulis expleto munere, fatis concessit. Illud verò mirum contigit, cum extremum spiritum exhalaret; visum aperiri cælum, eiusque beata mens, albicantis columbæ specie, ex ore ipsius sursùm euolare. *Hæc ex antiquis tabulis.*

Sex porrò annos versatum esse in Galliis cum exercitu *Julianum*, testantur rerum æuo illo gestarum scriptores; nempe anno Christi 355, 8. Idus No- 355- uembris, Cæsar creatus à Constantio Imperatore, & Gallicis prouinciis præfectus; calendis Decembris Mediolano profectus in Gallias, ibi hæc illæc excurrando, ac domandis Alemannis, aliisque Romanæ Reipublicæ hostibus, tamdiu egit, donec anno 361, Constantinopolim mouit aduersus Constantium, redactus illum in ordinem, aut etiam vitam ei adempturus, ni mors Constantium insperatâ præripuisset. Gemini verò transitus *Juliani* per Veson- tionem, meminit Ammianus Marcellinus eius miles, & socius itinerum: priorem notat lib. 16. initio: posteriorem libro vigesimo, non longè à fine. Et prior quidem contigit anno 356, vt prima huius ope- 356. ris parte notauimus: posterior autem anno 360, ali- 360.



quot mensibus, ex quo Iulianus ab exercitu acclamatus est Imperator: cum profligatis Arthuriis reuertens, *per Besantionem Viennam hiematurus abcessit.* At neutro tempore vexatos à Iuliano Bisontinos Christianos, aut Iustum eorum Antistitem, ex eo vel maximè constat, quòd quamdiu in Galliis egit, dissimulatâ impietate, Christi cultores non modò non malè habuit, sed & amare visus, ipsos Episcopos plurimis officiis demeritus est; atque ut scribit Eunapius in vitis Philosophorum, ἀπα(αι) (γαλατίας) ἐκ τῶ θεῶν περιούιας, ἀλώεγκει, πάντας δὲ λαοὺς ἀνὰ ὅλην τὴν ἐξ ἐπὶ τῶ θεῶν: *Omnem Galliam ex Deorum beneficio subegit, ab omnibus ignoratus, quòd deorum cultui addictus esset.* Nec audiendus Zosimus, qui libro tertio, cum asserit in Galliis palam vanis numinibus litare solitum, atque Christianos ad id superstitionis adigere; cum ipse Ammianus libro 21. initio, referat eum, *ut omnes nullo impediante ad sui fauorem illiceret, adhaerere cultui Christiano sinxisse, à quo iampridem occultè descuerat:* eamque ob rem, cum Viennæ versaretur 361. *mensē Ianuario (anni 361,) iamiamque in Illyricum, & inde Constantinopolim esset profecturus* (vnde nunquam in Gallias rediit) adhuc tamen Epiphaniæ festum, aditâ ecclesiâ Christiano ritu, & solemniter, numine orato colere videri voluisse. Cœpisse autem eodē anno 361, in Illyrico, se Idolorum cultorem palam profiteri, ipsemet testatur, epistolâ inde ad Maximum Philosophum datâ, vbi hæc habet: *Θρησκείαν τῶ θεῶ ἀπαρτύνει, & τὴν πλὴν τῆς ὑγ-*  
κατελ.




κατελθόντες μοι στραπείδης θεοῖς ἐσιν, ἡμῖν φανερώς βεβυ-  
 βωτοῖς : Deos publicè, & palam colimus, & totus meus exer-  
 citus pietatem amat : nos apertè boues immolamus, &c. Id-  
 ipsum indicat Ammianus sub initium libri 22. cui  
 immeritò Baronius (anno 361. num. 6.) illud affinxit,  
 quòd dixerit Iulianum, non ante quàm Constanti-  
 nopolim perueniret (peruenit autem tertio idus De-  
 cembres eiusdem anni 361.) publicè Deos coluisse.  
 Etsi enim Ammianus priùs narrat, quòd Iulianus Cō-  
 stantinopoli exceptus sit; non tamen dicit, cum ad  
 id usque tempus à publicâ superstitione abstinuisset:  
 sed tantum eò usque, ubi abolitis, quæ verebatur, adesse  
 sibi liberum tempus faciendi, quæ vellet, aduertit: nempe  
 in Illyrico, cum apertè se pro Constantij hoste ge-  
 reret; à quo ut stare videretur, consueque se à Chri-  
 stianis sacris finxerat non abhorrere.

Iuliani autem absentis furorem, per *Sallustium* in  
 Galliis Præfectum, ut ipsi Iuliano amicissimum, sic  
 nominis Christiani acerrimum hostem, grassatum  
 esse, ac Martyres etiam effecisse, *Eliphium* virum  
 Tullensem, eius fratrem *Eucharium* Episcopum, &  
 sorores *Libariam* atque *Susannam*, autumat Baronius  
 (anno 362. num. 256.) hocque in eorum actis per Ru-  
 pertum Tuitiensem Abbatem conscriptis, putat  
 emendandum, quòd passi dicantur, dum Iulianus  
 cum exercitu in Galliis moraretur: cum eo tempore  
 Iulianum constet non modò non subiecisse tormē-  
 tis Christianos; sed iis palam fauisse, atque etiam  
 videri voluisse Christianum. Ut sit de istis, Iusti  
 f 3 certè



certè nostri fugam idcirco putamus referendam in  
 362. annum 362, Iuliani Imperantis secundum, non au-  
 tem in præcedentes, quibus Gallias cum militari-  
 bus copiis obtinebat; quòd Iustum persequentium  
 insidias declinantem, in omnibus nostris monumē-  
 tis legamus, ad *Eusebium Vercellensem* apud Pedemon-  
 tanos diuertisse: constetque Eusebium, statim à  
 Concilio Mediolanensi, anno 355. cum aduersus  
 Athanasium subscribere recusasset, agentibus Aria-  
 nis, iussu Constantij Imperatoris exulem in Orien-  
 tem ablegatum, neque inde reuersum, ante præno-  
 tatum annum 362: cum, vt ait Hieron. aduersus Lu-  
 ciferianos, *ad eius reditum lugubres vestes Italia mutauit,*  
*ac totus penè exhilaratus est Catholicus orbis.*



## VIII.

## SANCTUS ANIANVS.



**I**VS TO ad præmia iustorum euocato, in  
 Anianum, virum vel sacrarum literarū pe-  
 ritia, vel admirandā quadā dicendi vi, vel  
 vitæ sanctitudine spectatissimū, suffragia  
 Ordinum omniū votāq; consenserunt. Quo sedente  
 contigit, vt magno Reipublicæ bono, Sanctorum  
 Ferreoli Presbyteri, ac Ferrutij Diaconi, qui Vefon-  
 tione pro Christi nominē mortem oppetierāt, sacra  
 corpora, olim in cryptā, milliaro & semis à ciui-  
 tate



tate condita, & iam pridem latentia, tum cum minimè quærentur, militum quidam Tribunus (qui ex illustri Achæorum gente fuisse traditur) inter vendendum reperiret. Rei gestæ historiam habet ex vetustis ecclesiarum codicibus.

Cum Beatus Anianus, in Bisunticâ ciuitate, Episcopali fungeretur officio, Tribunus quidam militum, qui ad custodiam ciuitatis fuerat destinatus, venandi studio, milliarij ac semis ferè spatio, ab vrbe est progressus; cumque repertam vulpem à canibus sequeretur, in antiquam monumenti Martyrum foueam casu vulpes fugit: sed Tribunus dum pertinaciter insistit, militibus fossorium afferri iussit: hæc dum per foueam inquiritur, latens ades, ubi Sanctorum Martyrum corpora requiescebant, reperitur. Nuncius itaque statim Beato Aniano destinatur: at ille festinus occurrit, quia iam hoc opinione vulgi antea audierat; & quoniam Spiritus Sancti gratiâ afflatus erat, Diuinitatis eum in huiusmodi miserationibus pietas non latebat. Martyrum ergo sepultura eius iussu detegitur, statimque Sanctorum corpora in monumento reperiuntur. Sanctorum igitur Martyrum corpora, suæ passionis, virtutisque mirificæ, in semetipsis monstrauerunt insignia: nam eorum capitibus trabales clauis malleis ferreis impulsæ, affixæ inuenti sunt; palma verò, Domini-  
cæ Passionis signum aperiunt, quia se perforatas clauis ostendunt. Et quanquam abscissionem capitum egregij Martyres excepissent, ordo tamen clauorum in eorum capitibus quasi coronam agebat, quæ totius compagem orbis possidebat. In cæteris undique membrorum iuncturis, inuentæ sunt subula, compactæ malleis. Hæc sunt quidem passionis Sanctorum  
insignia;



*insignia, in quibus Diuinæ remunerationis monstrantur & merita: clauis namque diuersis infirmitatibus medelam multis præstât temporibus: subulæ quoque omni auro pretiosiores, omnique margaritarum decore decentiores, vim totius medelæ credentibus exhibebant.*

*Beatus itaque Anianus Archiepiscopus, Tribunus quoque cum militibus, ad ciuitatem redeunt cum triumpho & exuiis, maximis præfidiis corpora Sanctorum ad matrem ecclesiam S. Ioannis Euangelistæ, summâ cum reuerentiâ deferunt: quibus ipsa ciuitas ab oppugnatione barbaricâ defenditur, & à superstitione Gentili absoluitur; ubi virtutibus innotescunt, dum dignanter orantium vota suscipiunt, infirmitates quoque ac languores depellunt, immundos spiritus effugant, libertatem captiuis corporibus præstant. Interim verò à Beatissimo præfato Aniano, in loco sepulturæ adificatur ecclesia; Sanctorum corpora ibidem denuò cum aromatibus sepeliuntur; Conuentus fratrum ad Dominum seruandum in Sanctorum veneratione Martyrum constituitur; clauis verò ab eorum capitibus per Sanctorum manus Sacerdotum sublatis retinentur, per quos sæpe infirmitatibus diuersis hominum medela impertitur.*

*Beatorum igitur Martyrum Ferreoli Presbyteri, & Ferruti Diaconi, Christo annuente, nonis Septembris inuentiorem celebramus, ut quoniâ eorum victoriæ recensentur in cælis ab Angelis, laus Iesu Christi ac Redemptoris nostri, qui semper triumphat in Sanctis, de ore & mente hominum nunquam recedat in terris. Sed quoniam hæc à sanctissimo Patre nostro Aniano Archiepiscopo cognouimus, eiusque vitam inestimabilem non seriatim sed transcendo tetigimus, dignum*



gnum est, ut pro nostræ fragilitatis modulo, eius beatissimum finem proferamus. Peractis namque nonnullorum annorum curriculis, post sanctorum corporum inuentionem, eadem die eiusdem inuentionis, sicut interiorem hominem seruauerat immaculatum, ita ipsis deferentibus Martyribus, quibus deuotè seruierat, transiit ad Dominum.

In Martyrologiis Bisontinis, nonis Septembr. notatur Inuentio SS. Martyrum Ferreoli & Ferrutij: ac eadem die, Depositiō S. Aniani, qui eorū corpora transfudit ad Ecclesiam S. Ioannis. Ea autem reperta Valentiniano & Valente Imperantibus, antiquæ complures tabulæ testantur (etsi malè quidam codices, sub Iuliano,) quæ & S. Anianum obiisse notant, circa annum salutis 374. Quia verò Martyres plurimis ex eo tempore miraculis clariuisse refert ea, quam descripsimus historia, placet vnum hîc reddere ex Gregorio Turonensi libro primo de gloria Martyrum cap. 71. Visonticorum quoque ciuitas propriis illustrata Martyribus, plerumque miraculis presentibus gaudet. Huic in abdito cryptæ, duo, ut passio declarat, Martyres Ferreolus & Ferrutius sunt sepulti. Factum est autem quodam tempore, ut vir sororis meæ, inualecente febre grauitè egrotaret; cūque iam quarti mensis spatio, lectulo anhelus occumberet, ut nihil aliud coniux mæsta, nisi quæ sepulturæ erant, cogitaret; Sanctorum basilicam flens ac tristis expetiit, prouolutaque coram sepulchris, palmis ac facie rigente opprimit pauimentum. Accidit autem fortuito, ut extensâ dextera manus palmâ, folium herbæ Saluie, quod pro honore Martyrum in cryptâ conspersum fuerat, operiret. Postquam autem susâ

374.


S

oratio



oratione cum lacrymis, surrexit à tumulis, putans aliquid de linteaminibus, quibus induta erat, manu prendisse, ut adsolet, volam continuit clausam, egressaque basilicam, patefactâ manu folium herbæ miratur: obstupescit verò quid hoc esset, munus cæleste indultum sibi diuinitus recognoscit, ut scilicet per id Virtus Martyrum infirmo succurreret. Domum igitur iam letior rediens, folium dilutum aquâ, viro porrexit ad bibendum: qui ut hausit, plenus fide, protinus sanitatem plenissimam meruit obtinere.

Contigit hoc miraculum, cùm adhuc Martyrum corpora extra ciuitatem asseruarentur, in cryptâ (quæ hodièque adiri solet) sub ecclesiâ, quam S. Anianus in illorum honorem excitarat: è quo loco, multis postea sæculis, in ciuitatem delata sunt, ut in Hugone primo dicturi sumus. De loco sepulture & translatione Beati Aniani, mox agam in Syluestro.



## I X.

## SANCTUS SYLVESTER I.



VNC Golusius sequenti *Frommio* postponit, ac vtriusque res perperam miscet: nos eum ex certioribus monumentis, & antiquissimis catalogis hoc loco restituimus. Beatus igitur Syluester, parentum hortatu, atque etiam



VESONTIONIS PARS II. 51

etiam iussu, virginem sibi despondit, cuius amplexibus cum præferret illibatos toros, eò sponsam adduxit, ut æternæ virginitatis voto uterque se Deo obstrinxerint. Orantibus adfuit destinatus è cœlo nuncius, qui geminâ propositâ coronâ, sponsæ simul & sponso animos ingentes attulit, quò datam Deo fidem, fortiter pièque seruarent. Puella igitur cœtui Virginum, Sylvester Clericis sese adiunxit: quos inter magnâ laude, ac præcellentis cuiusdam virtutis significatione versatus, dignus tandem iudicatus est, qui translato ad Superos Aniano, ad Episcopatus apicem eueheretur. Id officij cum gereret, ac senescente vel Idolorum cultu, vel Arianâ impietate, magna fieret in dies ad pium gregem accessio; *Sancto Mauricio & sociis* basilicam Vesontione dedicauit (quæ hodièque superest) in quam ad synaxes, & diuina officia, populi pars aliqua conueniret. Fuit verò adhæc mirabilium operum patrator insignis; ut cuius virtus in curandis paralyticis, cæcis etiam lucis usurâ donandis, quin & mortuis ad vitâ reuocandis, non rarò eniteret. Ad extremum instante morbi vi, cum vitæ metam diuino beneficio præuideret, euocato Clericorum cœtu, thronum Pontificalem ascendit (ita nostræ tabulæ,) & medio in grege, pius pastor, beatam Deo animam reddidit: corpus verò prope Anianum decessorem suum tumulto mandari voluit; sed quo loco, incertum: eius porrò festum sic notatur in Martyrologio S. Ioannis. VI Idus Maij. Bisontij, S. Sylvestri Episcopi &

Confesso



*Confessoris, cuius vita commendatur miraculis. Ac deinde sequenti mense: Nonis Iunij, Translatio Sanctorum Confessorum Sylvestri & Aniani, Archiepiscoporum Chrysopolitana Ecclesia. Vnde, quò, quando, & à quo facta hæc translatio, mihi adhuc incompertum. Suspicio tamen, cum ampliata est S. Petri ecclesia, ut Beati Nicetij Bisontini Archiepiscopi corpus, extra muros sepultum concluderet, SS. Aniani & Sylvestri corpora, in aliquâ veteris ecclesiæ parte condita, effossa fuisse, & rursus sepulta in medio choro basilicæ in melius restitutæ: eo quippe loco, in solo quod psallentium pedibus quotidie teritur, cernuntur in quadrati cancelli formam dispositi lapides (subtensis ad humum secernendam muris, qui aliquot abhinc annis inter fodiendum reperti sunt) qui amplum satis spatium concludunt. Et quidem in eo quadrati latere, quod maiori altari vicinius est, medius lapis sic inscriptus legitur:*

SANCTORVM SEPELIT CANCELLVS  
CORPORA. MVLTA.

HAC IGITVR CAUSA NON  
SVSCIPIT ALIA.

In latere verò opposito, hæc lapidibus insculpta sunt:

MVLTA



MVLTÀ SANCTORVM CORPORA  
IBIDEM SEPVLTA SVNT, QVORVM  
ANIMÆ FELICES IN COELIS  
CORONANTVR.

Hoc quoque fortasse loco conditum Eusebij quarti  
Episcopi corpus, quod alioqui sepultum constat in  
eâdem ecclesiâ S. Petri, quam ipse exstruxerat.



X.

*SANCTVS FROMINIVS.*

**S**YLVESTRVM sequutus est *Frominius*,  
pietatis ac religionis absolutissimum exē-  
plar: in cuius elogiis hæc maximè relique-  
runt Maiores nostri, quòd orationi, af-  
flictationi corporis, atque eleemosynarum largitio-  
ni addictissimus esset. Superiorem Cœlij montis  
basilicam, Stephano Protomartyri à B. Hilario ex-  
citari cœptam, & promotam à Pancratio, perfecit:  
atque in eâ Regularium Canonicorum collegium  
primus constituit; quod auctoritate Apostolicâ mu-  
niri curauit, multis à Damaso & Siricio (sedit Da-  
masus ab anno 367, ad 385: inde Siricius ad 398,) in  
eam rem obtentis priuilegiis. Hinc initium Cano-  
nico

g 3

nico



nicorum S. Stephani, adeoque ipsius ecclesiæ: vt vel ex eo appareat, quàm nullo fundamento, eam Bifontinarum omnium antiquissimam fecerint nonnulli; quæ tum cùm perfecta est, quatuor alias ante se haberet; nempe matrem ecclesiam S. Ioannis Euangelistæ, S. Ioannis Baptistæ, S. Petri, & S. Mauricij. Defuncti Frominij corpus, conditum est ad dexteram partem altaris S. Stephani; superioris ecclesiæ, an inferioris quæ *S. Ioannes* simul & *S. Stephanus* dicebatur, non est vsquequaque certum: neque enim tam antiqua est consuetudo illa, neminem in Sancti Ioannis ecclesiâ sepeliendi; vt suprà monui in Paulino.



## X I.

## SANCTUS DESIDERATVS.



DESIDERATO Patrono gloriantur in primis Ledonenses: cuiusque felix ex hac vitâ discessus, celebris est in diœcesi Bifontinâ, ad sextum calendâs Augusti. Perbreuem de illo narrationem accipe ex vetustis membranâs.

*Desideratus vir summæ castitatis, splendore perspicuus, & sui vocabuli claritate, Deo placitus, atque dilectus, parentibus nobilissimis ortus est; cuius parentes diuinâ reuelatione commoniti, quod dignum Deo Antifilem funderent mundo*



mundo prolem; mox editum paruulum, lactis pabulo enutritum, expleto tempore cunarum erudiendum tradiderunt studiis literarum. Mox in eo lampas cœlestis gratiæ ita resplenduit, ut cunctos sodales suos in scholis praeccederet, & flore sapientiæ, ac riuo torrentis facundia superaret: cūque iam ætate crescente, officia diuina cœpisset dignè persolvere, toto desiderio ad aulam paradisi anhelaret. Sed & cū illius longè latèque fama percurreret, & amor in bonorum præcordiis glomeratus succresceret, mox ut Frominius Pontifex defunctus est, ut ciuitatis cathedram S. Desideratus suscipere, Clerus & populus vrbs Chrysopolis, ipsum Episcopum vnanimiter elegerunt. Diuino igitur decreti Pontificatus locatus in folio, cœpit verbum Dei in torda credentium animarum seminare, corporumque languores curare, captos vinctosque redimere, viduarum & inopum curam gere, plebem sibi à Domino creditam ritè gubernare: & quia Pontificis administratione fulgebat, plures ex discipulis reliquit sui sacerdotij successores. Tandem post multa bona, apud Ledonem suæ diœcesis vicum excedens sæculo, feliciter migravit ad Dominum; & cum summâ alacritate mentis, carne exutus, modo quo constituerat condignè traditus est sepulturae, in ecclesiâ Ledonensi. Ex cuius tumbâ fluit aqua, ex quâ infirmi & debiles sanitatem recipiunt: & multa inibi videntur fieri miracula, meritis ipsius gloriosi Confessoris. Transiit autem sexto calendas Augusti, latantibus Angelis cœlestium coheres effectus. Hæc ex antiquis codicibus: quidquid sit autem de aquâ illâ ex S. Desiderati tumulto manare olim solitâ (quod de aliis plurimis Sanctorum sepulcris narrari solet,) nunc certè nihil  
tale




tale apparet: etsi id moris esse accepimus Clericis Ledonensibus, ut in lapideum S. Desiderati sarcophagum aquam immittant, quâ populus iuuari se in multis credat. Neque est, quod in cuiusquam sales ac iocos incurrat, aut superstitionis arguatur, qui aliquid in eâ aquâ, supra quàm in communi existimet inesse virtutis: nam ex arcâ illâ lapideâ, quæ quondam S. Desiderati ossa complexa est, cælestem aliquam vim in aquam infusam vero simillimum est deriuari, quam piæ mentes ac simplices, vario suo emolumento experiantur: & docent morales Theologi, satis esse contactum sanctorum corporum, aut alicuius rei quæ ad Sanctos pertineat (cuiusmodi est ille sarcophagus,) ut res alioqui cõmunis, cultu aliquo digna censeatur. Cæterum ossa S. Desiderati, quæ pridē ex lapideo sepulchro educta fuerant, & in thecâ ligneâ collocata, in capsâ argenteâ translata sunt tẽpore Caroli de Nouocastro Archiepiscopi Bisõtini, ut fidē facit rei gestæ narratio, quæ quia prolixior est, nos eâ in hæc pauca cõtraximus:

*Anno Domini 1465, Indiēt. 13, Pontificatus Sanctissimi in Christo Patris, & Domini nostri, D. Pauli Diuinâ providentiâ Papæ II. anno primo, die festo Beatissimi Confessoris Desiderati, quæ est 27 dies mensis Iulij, R. in Christo Pater, & Dominus Stephanus Falquerij, Dei gratiâ Abbas S. Eugendi Iurensis, Lugd. diœcesis, Ordinis S. Benedicti, ad preces nobilium honorabilium Scabinorum, Burgenfium, & Incolarum Ledonis salnerij, virtute & auctoritate commissionis sibi datæ, 8, Iulij eiusdem anni 1465, per Venerabilem*



bilem & circumscriptum virum Magistrum Stephanum de Bellouisu, in Decretis Licentiatum, Archidiaconum de Grayaco, & Canonicum in ecclesiâ Bisontinâ, Vicariumque Generalem in spiritualibus & temporalibus Reuerendissimi in Christo Patris & Domini D. Karoli de Nouocastro, Dei & Apostolicæ sedis gratiâ, electi, confirmati, ac Administratoris in spiritualibus & temporalibus prædictæ Ecclesiæ Bisontinæ; ossa siue reliquias Beatissimi Desiderati, quondam Archiepiscopi Bisontini, & ecclesiæ parochialis de Ledone Salnerij Patroni ac Fundatoris, de antiquâ capsâ ligneâ transiulit in alteram capsam argenteam, mirificè ornatam, & compositam, per dictos nobiles & honorabiles Burgeses, incolâsque, & habitatores dicti Ledonis Salnerij, ac prædictæ ecclesiæ de Ledonesalnerij parochianos curatam ac traditam.

Hæc ex instrumento translationis, in ipsâ argenteâ capsâ incluso: ex quibus discis, S. Desideratum non patronum modò fuisse ecclesiæ Ledonensis post obitum, sed etiam ante obitum fundatorem; quòd prior manuscriptus codex tacuerat.



## XII.

## S ANCTUS GERMANVS

Martyr.



ANCTISSIMO Præfuli, & Martyri Germano (quem *septimum* fuisse Bisontinæ sedis Episcopum, malè Baronius in Martyrol. dixit ex Demochare) dicata notatur

h in Mar



in Martyrologiis Bisontino ac Romano anniuersaria celebritas ad vndecimam diem Octobris. Is apud *Grandifontem* (oppidum id temporis nobile, nunc in pagum redactum, quem vulgus *Grandfontaine*, quarto circiter à Vesontione milliario) gloriosam pro Christo mortem oppetiit circa annum 396, (malè Baronius, anno 372:) eò scilicet sese receperant Arianae impietatis sectatores, quos ille de reliquo grege sollicitus, ciuitate Bisontinâ eiecerat: sed cum nec perdicarum ouium immemor, eò se contulisset, vt eas (si tamen vellent) diuini verbi prædicatione, ad Christi pascua, caulâsque traduceret, versa est in lupinam feritatem ouium natura, & nouo crudelitatis genere in proprium sæuere pastorem. Rem vtî gesta est, habe ex antiquis tabulis Palmensibus; quo loco sacra eius ossa pie asservantur:

*Post gloriosum Beati Desiderati ad cælos transtum, Beatus Germanus vir apostolicus, signis & prodigiis inclytus, concordante fauore populi, aut potius Dei spiritu proclamante (vir olim ministris deputatus) aliquando sacris altaribus sacerdos electus est. Factus ergo Presbyter, tantâ sanctitate emicuit, vt in Missarum solemnibus, inter manus ministerium Angelicum appareret. Qui etiam tantæ dignitatis fastigio sublimatus, multis calamitatibus ac tribulationibus huius mundi, pro Christi nomine affectus est: nullis & sus est prosperis, cum omnia aduersa ob Christi amorem portaret. Hic ante Episcopatum probabilis fuit Confessor, & in Episcopatu nihilominus semel & iterum, vsque septies, pro nomine Saluatoris examinatus atque diiudicatus est: hic fecit*



vasa plurima sacrata, sacris altaribus apta : ministeria quoque sacra solerti industriâ sanciuit : denique suâ prædicatione ac traditione, multos ad credulitatem & Baptismum Christi conuertit. Postquam verò prædictam plebem ad verum Dei cultum præfatus Dei Pontifex conuertit, & multos à variis languoribus liberauit; hereticos etiam, qui in suâ ciuitate Chrysopoli remanserant, in suis prædicationibus grauius impugnabat, & ut eos ad viam veritatis reduceret, modò blandimentis vel exhortationibus, modò increpationibus vel vituperiis corripiebat: sed quia dicente scripturâ; In animam maleuolam non intrabit sapientia, neque cordibus induratis & subditis peccatis; sicut aspis surda contra incantatorem, ita & isti heretici contra prædicationis verbum obturabant aures suas : & sicut Iudei in B. Stephanum, ita isti in B. Germanum dentibus fremebant : & si eum extra ciuitatem inuenire potuissent, non minùs quàm Iudei Stephanum, isti Germanum lapidassent. Erat autem quarto ab Urbe milliario quædam ciuitas, turribus & muris tunc munitissima, nomine videlicet Grandifons; in quâ quidem ciuitate multi heretici confluxerant ad refugium, propter metum Beati Germani, qui hereticos omnes, quos inuenire poterat, à ciuitate & patriâ exstirpabat: ibique die & nocte dicti heretici, sua iniqua consilia peragebant. Gloriosus igitur Germanus hæc audiens, de Chrysopoli exiit, & ad ciuitatem illam perrexit: ad cuius aduentum per odium, & inuidiam exierunt, & ad persequendum eum adstipulati sunt. Quid plura? intenderunt arcum suum, ut sagittarent in occulto immaculatum, id est; insidiabantur ei, ut eum morti traderent si possent: verumtamen quia in aperto ei nocere nō



audebant, disposuerunt ei insidias ponere. Erat enim quidam vicus in ciuitate, per quem ire & redire solebat, cum ad prædicationem iret vel rediret: & cum Deus famulum suum illum, veritatis pugilem, donatio gloria cælestis remunerare vellet, raptus est, ne malitia mutaret intellectum eius, aut fictio deciperet animam ipsius: & verè raptus; nam cum quadam die à ciuitate serò reuerteretur, & per vicum illū sicut solebat transire vellet, illi miseri qui arcū insidiarum tetenderant, quasi sagitta de occultis insidiarum profilientes, Sanctum Germanum orantem inuenerunt: & dum oraret, audita est vox consolans eum; quod audientes heretici dicebant magicam artem esse; alij verò dicebant, Angelos confortantes: cuius gratiā conuersi sunt plurimi. Ipso orante sagittauerunt eum, & armis suis capite priuauerunt: & ita consummatus in breui expleuit tempora multa, placita enim erat Deo anima ipsius. Post hæc flexus, caput suum inter brachia recepit: de quo multi obstupescerunt fugerunt. Gloriosus itaque Martyr Christi Germanus, & Sacerdos Domini dilectissimus, inter amplexus caput habens, Angelo duce & cælesti lumine præcedente progreditur, super caput suum ferens Spiritum sanctum, in similitudinem columbæ. Qui cum de vico exiisset, terra tremuit, & ceciderunt muri ciuitatis illius & turrets: & qui viderunt hæc omnia, dixerunt: Verè magnus est Dominus, qui talia operatur; verè amicus Dei erat hic: & conuersi sunt populi multi. Qui cum ante ecclesiam beatorum Martyrum Ferreoli & Ferrutij accessisset, inclinauit se ibidem; & inde pertransiens circa Chrysopolim à latere desuper, ad Ecclesiam & Ciuitatem se inclinans, sine morâ perrexit vsque Palmam, declinauitque ad quandā basilicam



*felicam iuxta maiorem ecclesiam : ibi enim fundauerat Sanctimoniales, ibique obdormiuit in Domino Iesu Christo. Cetera miracula causâ breuitatis omittemus : ipse enim tantâ sanctitate præpollebat, quòd etiam spiritu prophetiæ plenus erat : omnes morbos à corporibus humanis expellebat, præstante Domino nostro Iesu Christo, cui est honor & gloria in sæculorum sæcula, amen.*

Hæc vetusti codices. Nec verò est, quòd cuiquam in animum veniat suspicari, rem esse insolentem, & de vulgi commentis assutam, gestationem illam præcisi capitis : gestit enim plerumque ludere in iis sapientia, quæ maximè ab humanis sensibus & consiliis absint. Audi Rupertum Tuitiensem Abbatem, (apud Surium tomo 5, 16, Octob.) simile quid referentem de Martyre Eliphio: *Martyris, inquit, corpus erexit se per virtutem Christi, & ambabus amplexum manibus caput suum, per unum milliare, comitantibus utique Angelis, & Christum collaudantibus deportauit. Idem habes de Martyribus, Ursò, Victore, & sociis, ex Thebeorum legione, Solodori in Galliâ, sub Maximiani Tyrannide, capite truncatis, & deiectis in profluentem, qui (vt habent eorum acta apud Sur. tom. 5, & tom. 7, 30, Sept.) capita sua in manibus portantes, flumen egressi sunt, & ad locum, vbi nunc in ipsorum honore basilica fabricata est, peruenerunt. De sancto verò Dionysio Galliarum Apostolo, consentientia sunt scriptorum testimonia : sit omnium instar Metaphrastes in eius actis, quæ citat Florentina Synodus, & refert Surius tomo 5. Ferebat, inquit, ipse caput in manibus, tan-*



*quam aliquod trophæum, à Diuinâ omnino portatus gratiâ.*  
 Sed est in Germano nostro quòd obserues, primùm  
 itineris longitudinem, milliarium scilicet qua-  
 tuordecim; quippe totidem numerantur à *Gran-*  
*disfonte ad Palmam*, duobus (quod minimum sit) in  
 singulas leucas nostras vulgares milliaribus compu-  
 tatis. Deinde illam terræ concussionem & disiectio-  
 nem murorum ac turrium: certè ab irato numine,  
 quod aliquas tam immanis facinoris pœnas exige-  
 ret, & illatam sibimet iniuriam, ac lœsam suâ Ma-  
 jestatem, aliquâ tandem furoris sui significatione  
 declararet. Postremò columbam illam capiti insi-  
 dentem, Diuinæ Sancti Spiritus præsentia specimē:  
 quâ olim notâ agnitus à Præcurlore Christus, illud  
 quippe à Deo fuerat præmonitus Ioannes; *Super quē*  
*videris Spiritum descendentem, & manentem super eum,*  
*hic est qui baptizat in Spiritu Sancto; vidit autem Spi-*  
*ritum descendentem, quasi columbam de cælo.*

Ioan. I.

His igitur prodigiis, his datis è cœlo signis egres-  
 sus Germanus, per villam SS. Ferreoli & Ferrutij (quæ  
 Grandifontem inter & Vefontionem mediâ ferè viâ  
 interiacet) inclinavit se venerationis ergò ad SS.  
 Martyrum basilicam, vbi tunc sacra eorum λείψαα:  
 simile reuerentiæ signum, ad ecclesiam Bisontinâ  
 conuersus exhibuit, cum prope Chrysopolim, Pal-  
 mam versùs transiret: vt vel hinc discant incendia-  
 rij, & sacrarum ædium atque altarium euerfores, ab-  
 stinere manus, & adeò religiosè colere ea loca, quæ  
 à tanto Martyre, & cœlo iam donato, in honore ha-  
 beri



beri cognouerint. Palmam denique vbi peruenit (oppidum est decimo à Vesontione milliario, ex opposito Grandifontis) declinauit ad Sanctimonialium, quas fundauerat, basilicam, in quâ hodiè- que sacræ eius reliquiæ coluntur. Ei basilicæ tunc temporis maior alia adiacebat; nunc verò utrâque variis casibus dirutâ, ac deinde restitutâ, res eo sunt statu, vt Palmensium ecclesiarum maxima sit, quæ ad Moniales pertinet. Id cœnobium, viuente adhuc S. Desiderato, ædificari cœptum legimus: perfectum deinde à S. Germano, ab eoque piis & Deo consecratis fœminis (quæ postea Benedictinum Institutum sequutæ sunt) attributum; à Vvandalis postea disiectum; ac deinde circa annum 600, à Vuarnario palatij Burgundici Comite reædificatum, atque auctum prouentibus. Vuarnarij huius obitum refert Vignierus in chronico Burg. ad annum 603 (est enim alius à Vuarnario palatij primùm Austrasiani Comite, ac deinde Burgundionum Præfecto sub Clotario Rege; de quo idem Vignierus anno 618, quémque anno 630, fatis concessisse dicit.) Sepultus verò fuit in choro ecclesiæ dicti Monasterij, quod restituerat: & extat insigne eius lapideum monumentum; circa quod insculptum Guntranni Regis somnium hîc tibi utcunque reddimus.

Somnium





Somnium illud ita refert Aimoinus lib. 3, cap. 3, Hic  
 ( Guntrannus Rex ) quâdam die venatum in syluam  
 profectus, sociis, prout res exposcebat, huc illucque dispersis,  
 ipse cum uno suorum fidissimo fidelium ( is creditur fuisse  
 Vuarnarius ) sub arbore quieturus resedit, positoque in fa-  
 miliaris amici gremio, capite, oculos cupiens furari labori, ob-  
 dormiuit. Et ecce ex ore quiescentis Regis, in modum reptilis  
 animal



animal egressū, oras propter labentis riuuli percurfare, ac in  
 vltiore ripam transire satagere cœpit. Quod cernens ille,  
 super cuius genua Rex cœruicē inclinauerat suā, gladium va-  
 ginā nudatum fluuiolo superposuit, & sic animal illud ad al-  
 teram transmeauit partem, atque sub radice cuiusdam mon-  
 tis ingressum, post aliquot horarum rediit spatium, & eodem  
 ponte vsum, in os Guntranni Regis est ingressum. Et sur-  
 rexit Rex, & familiari narrans somnium, mirabile se di-  
 xit vidisse visum, inquiens: Conspexi fluuium per maximum  
 ponte ferreo constratum; per quem transuectus, speluncam in  
 cuiusdam montis radice constitutam sum ingressus: inibi in-  
 estimabiles thesauros, absconditāque veterum reperi ga-  
 zam patrum. Refert alter, quid de eo & ipse intuitus sit: con-  
 sonāque sibi apparuerunt somnij verba, ac visio manifesta.  
 Quid plura? effusus est locus, enormēque auri ac argenti  
 inuentum pondus, de quo Guntrannus ciborium miræ ma-  
 gnitudinis simul, & pulchritudinis compactum, Hierosoly-  
 mam mittere destinauit ad Iesu Christi Domini sepulchrum.  
 Sed cum & itineris difficultas, & Saracenorum, qui eadem  
 infestabant loca, timor, ne vota perficeret obstitissent: in ba-  
 silicā, quæ Cabilonensi adiacet ciuitati (cuius condendæ ipse  
 auctor exstiterat) super sepulchrum S. Marcelli poni iussit:  
 quod quamdiu tumultum S. Martyris durando venustauit,  
 nullum in totā Galliā opus, quod ei equipararetur, potuit in-  
 ueniri.

Hæc Aimoinus: quibus addunt Palmenfes, Gun-  
 trannum Regem, monstrante de cœlo manu (vnde  
 Palmenfi vrbi nomen inditum putant; atque etiam  
 insigne, *Palmam extensam*, qualem in Vuarnarij tu-



mulo inter duos Angelos expressam habes) agnouisse, id cordi esse Superis, ut Monasterium Palmense restitueret: quod & per Vuarnarium, seu Guarnarium ibidem commorantem, fecisse aiunt: prætereaque thesauri reperti locum ostendunt, vicinum vrbi Palmensi montem (malè enim hæc in agro Turonensi contigisse narrat Paradinus, annal. Burg. lib. 1, ) in quo monte nunc vinea est, quæ idcò *thesauri vinea* dicitur, vulgò *la vigne du Thresor*: quæque olim iuris cum esset eius Monasterij, à Sebelotâ de Varres, Abbatissâ, anno 1347, concessa est Gerardo S. Martini Palmensis parochò, pro iure quarundam decimarum in pagis *Champvans*, & *Grosbois*: ex diplomate.

In eo quoque cœnobio, celebrem illam *Othiliam* Virginem (cuius nomen relatum est in tabulas ecclesiasticas ad 13 diem Decembris) educatam fuisse, & eius ad quam postea euecta est sanctimonix posuisse rudimenta, tum Lazius de Gentium migrationibus libro 8, capite de *Ducibus Alemania & Suevia in Alsatiâ*; tum antiqui Palmensium codices testantur. Sed postea reuersa, obiit in Alsatiâ, vbi nunc percelebris est eius memoria. Sacrum ipsius *velum* in Palmensi Monasterio hodièque piè asseruatur.





## XIII.

*SANCTVS ANTIDIUS*  
*Martyr.*



ANCTVM Antidium ( cuius festiuitas notatur in Martyrologio Bisontino, ad decimamseptimam diem Iunij ; in Romano verò ad vicesimamquintam eiusdem mensis) Petrus de Natalibus in catalogo Sanctorum lib. 8, cap. 32, & Marulus lib. 3, exemplorum, cap. 2, Turonensem Episcopum dixere, sed immeritò; cum Gregorius Turonensis, qui lib. 10, de gest. Franc. cap. 3, decessores suos enumerat, neminem accenseat huius nominis.

In omnibus porrò Archiepiscoporum Bisontinorum catalogis, Antidius proximè ante Nicetium reponitur, etsi longo dirimuntur interregno ; & inter vtrumque vacasse dicitur sedes multo tempore. Nos verò, sicut quinque ante Nicetium omisso restituiamus, sic & Antidium in hunc locum referendum putamus. Cùm enim Beati Protomartyris brachium, aliàque sacra pignora ( de quibus postea ) à Theodosio Iuniore Vesontionem missa constet sedente Celidonio ( quod fieri non potuit ante annum 415, quo S. Stephani corpus reuelante Deo repertum est; immò nec factum est, nisi mortuo Honorio, qui

i 2

obiit



obiit anno 423;) certumque sit ex omnibus de S. Antidio monumentis, cum sub *Croſco* Vandalorum Rege trucidatum; cuius Croſci in Gallias irruptio ex omnium Chronographorum calculo, (vt paulo post innuam) in annum 407, aut aliquem è proximè ſequentibus referenda eſt: neceſſe habemus fateri, Celidonium Antidio poſterioreſ fuiſſe; quin & Leontium, vt oſtendemus in *Leontio*. Nec mirum, erratum in hac parte ab iis, qui noſtrorum Antitiſtum ordinem inſtituerunt, atque Antidium ferè in Attilæ tempora reiectum; cùm nihil ſit frequentius apud ſcriptores, qui res per ea tempora geſtas prodidèrè, quàm vt eas Galliarum clades, quæ frequentes fuèrè à Stiliconis temporibus ad Attilam vſque (hoc eſt ab anno 406, ad annum circiter 453) inter ſe confundant, easque generali *Vvandalicæ perſecutionis* nomine designent. Flodoardus hiſt. eccl. Remenſis lib. 1, cap. 6, *S. Nicæſum* Remenſem aſſerit paſſum à Vvandalis, tempore *Aniani Aurelianiſis*, *Lupi Tricaſſini*, & *Servatii Tungrenſis*; quos tres certum eſt Attilam in Galliis graſſante floruiſſe. Sed cum Vvandalos ab Hunnis nec nomine, nec tempore diſtinxiſſe perſpicuum eſt; tum ex eo quod habet ipſo initio capitis octauo; *Sub eadem Vvandalorum, vel Hunnorum perſecutione, quidam Dei ſeruus, &c.* quali Hunni, Vvandalis ſint: tum etiam, quod de hac Galliarum vaſtitate agere dicit S. Hieronymum, epiſt. ad Ageruchia; qui certè cùm obierit anno 420, ſcribere non potuit de Attilæ clade, quæ contigit anno



451, & sequentibus: sed de illâ egit, quæ propriè Vvandalica dicitur, quæque anno maximè 407, Gallias malè habuit. In quâ etiam occubuisse cum sociis *S. Nicasium* Remensem Episcopum (non autem, ut alij plerique dixêre, sub Attilâ) vero similis putamus, cum Baronio anno 407, num. 42: tum quòd *S. Hieronymus* citatâ epistolâ vndecimâ ad Ageruchiam, disertè scribat Remos à Vvandalis vastatos: tum quòd acta *S. Antidij*, quæ mox ex antiquis manuscriptis codicibus reddemus, fidem faciant, ab eodem Crofco Vvandalorum Rege interemptos cum *Antidio*, præter *Valerium* Lingonensem Archidiaconum, *Desiderium* quoque eiusdem urbis Lingonensis, & *Nicasium* Remorum Antistites. Quòd verò Hincmarus, qui octingentis circiter abhinc annis eandem Remensem ecclesiam rexit, capite 17, cuiusdam suæ epistolæ, (quæ quinta est earum, quæ anno 1602, ex ms. Spirensi typis Moguntinis vulgatæ sunt) dicit, eodem tempore *S. Anianum Aurelianensem*, & *Lupum Trecentem* Vvandalis restitisse, quo *Nicasius* Remorum Archipræsul; non obscurè significat, se populos omnes àquilonares, *Hunnos, Sueuos, Alavos, Burgūdiones, Francos, Gothos, Gipedas, Sarmatas*, alióve qui annis illis fermè quinquaginta prænotatis miseras Gallias vastarūt, vno Vvandalorum nomine comprehendere; omnesque eorum irruptiones, quòd exiguis discretæ fuerint interuallis, quasi pro unicâ censere. De *Antidio* nostro hæc habe ex veteri codice MS. Metropolitanæ basilicæ



licæ S. Ioannis : quæ nos cum ms. *Monasterij Accincti* ord. Cistert. & aliis quibusdam exemplaribus collata, atque etiam ex eis (vbi opus fuit) emendata, in capita aliquot, methodi gratiâ distribuimus.

*Vita & Passio S. Antidij Bisonticensis  
Archiepiscopi.*

Caput I.

*Beatus Antidius Chrysopolitana Urbis Archiepiscopus, mobili germine editus, veræ religionis efficaciâ deditus, sacris eruditus moribus, seruandis plenus operibus, inter creberrimos luporû discursus positus ( quia quippe tunc plures Ariana sedabat dementia ) de suorum curiosè satagebat custodiâ. Certabat custos pro gregis incolumitate totis viribus, quia ferum hostem suis insidiari cernebat ouibus. Hic quindecim caritatis circumfulgens radius, pietatis succinctus balteis, vexillo triumphans dogmatis, quæ populis pandebat eloquio, actu seruabat & animo : erat enim humilis & benignus, patiens & modestus, fidelis & castus, spe firmus & verus, pius & caritativus, concors & sobrius, obediens & latus, mente severus : vigilabat pro posse super eos quibus præerat, ne serpens callidus deciperet, quos regebat, neque retrogradus faceret, quos iam antè damnarat: summi Regis suppetens præsidium, illud semper præferebat Davidicum : Nisi Dominus custodierit ciuitatem, frustra vigilat qui custodit eam: orationi inuigilabat, ieiuniis instabat, eleemosynis inhærebat: nil de transitoris cogitans, omni nisu ad æterna tendebat, quæque in se studebat, eis ceteros instruebat. His & similibus roboratus armis, tantis eum Dominus donauit triumphis, ut etiam*



etiam demonibus imperaret, eosque sui corporis famulatu subigaret. Vnde commodissimū duximus, quod ex eius gestis pauca, quae veridicorum senū relatu comperimus, sacra Catholicaque Religioni mancipatis notificaremus: rem quidem maximam humanāque admiratione confectam, sed diuinā potentiae habilem, suaeque iussioni parentibus quā citō praestabilem: vniuersa nempe suo iuste obediunt plasmatori, suoque imperio sacrae institutionis obsecundant seruatori, sanctaeque legis famulantur cultori: nam fidei munitis inuicta, facultas imperandi virtutibus est promissa cunctarum creaturarum, necnon & elementorum potestatibus, à summo & vniuersali conditore, qui dixit: Si habueritis fidem & ut granum sinapis, & dixeritis montibus, ut recedant à sua conditionis loco, seque mittant in mare, amen dico vobis obsecundabunt dictui vestro. Imperant etiam & Demonibus, Christi milites: meritō quidem, ut qui ad restaurandum eius formati sunt ordinem, qui suā proteruitate & concupiscentiā, caelesti priuatus est gloriā, humilitatis ac caritatis, fideique roborati potentiā, ipsum antiquissimum hostem à dignitate deiectum Angelicā (quam loco eius possessuri sunt post transitoriae vitae tempora) proterant & conculcent imperio, suaeque seruitutis subdant officio.

## I I.

Memoratus itaque Pontifex suos circumquaque dirigens palmites, ut vitis fructifera, dum praedicationis gratiā, praetitulatae urbis praeferire vellet mœnia, contigit, ut Duuij fluminis pontis conscenderet culmina, ubi diuino testus velamine, fretus Angelico solamine, demones vidit adstantes, sui laboris accidentia recitantes. Nomen ergo Duuij amnis



uij amnis, cur ita nuncupatum sit (ne fortè legentibus vel  
 studiosis auditoribus fastidium ingerat) pandendum est: dici-  
 tur namque Duuium mutatâ literâ, quasi Dubium; eo  
 quòd dubio, & flexuoso alueo discurrat, suâque furiosita-  
 te, ac velocitate, super se nauigantes, dubios reddat. Huius  
 quippe fluminis Vallo vrbs prædicta cingitur, eiûsque  
 perenni situ roboratur, non illius tam firma profundita-  
 te, vel undis, quàm Protomartyris Stephani munita  
 triumphis; beatique Antidij (cuius ornatur ossibus) solata  
 meritis. Vir denique venerandus, ubi iam dicti pontis  
 intravit aditus, repente ex aduerso ei apparuit agmen da-  
 monum, sua magistro gesta confitentium: videbatur nam-  
 que inter illos quidam Iudicis modo sublimiori residens sede,  
 ceteros ad se conuocans, ac vniuscuiusque certamina scisci-  
 tans: caput eius diademate cingebatur, manus regio scepro  
 firmabatur, corpus purpurâ variis tinctâ coloribus regeba-  
 tur. in quo ut imperterritus Antidius defixit intuitum, su-  
 bitò visus est aduenisse quidam Aethiopum nimie toruita-  
 tis, terribilis specie, miserâ consumptus macie, resolutis &  
 torpentibus membris, uti fessus itinere, manu gestans san-  
 dalium, sui laboriosi certaminis indicium: cùmque scrutaren-  
 tur quid talia portenderent: fertur respondisse, Romana ec-  
 clesie Pontificis sandalium fore, in quem cùm per septem an-  
 norum curricula plura vibrasset iacula, multa librasset cer-  
 tamina, ut suæ speciei monstrabat miseria, nec ulla posset  
 impudicitie superari maculâ, diutina primum profitebatur  
 frustra peregisse tempora; ad vltimum verò ceu victor de  
 victi detrimento sese glorificans, asserebat supra memora-  
 tum Romanum Antistitem, suæ suasioni cessisse, & in impu-  
 dicum



dicum laqueum incidisse: cuius rei indicium solabatur sanda-  
lio. At Beatus Antidius haud procul stans, quid rei exi-  
tus indicaret expectans, hæsitabat in animo de patris &  
magistri uniuersalis (scilicet Papæ) præsidio. Ipsa, quâ visa  
sunt hæc, dies erat tertia ante feriam, quâ dominicâ celebra-  
tur cæna, sanctumque conficitur chrisma: præteritâ Verò  
dominicâ, Palmarum videlicet die, Dæmon gloriabatur sum-  
mum Pontificem deliquisse, & à directi ordinis tramite re-  
cessisse.

## III.

Venerandus igitur Antidius benedictæ crucis signo muni-  
tus, tam de magistri sollicitus ignauia, quàm de futuræ so-  
lemnitatis curiosus præsentia, meditabatur in animo quid ex-  
pleret obsequio: adstabant circa Præsulem clerici confabulan-  
tes, variis compassibus sese quatientes, pædagogum attoni-  
tum conspicientes, nec tamen illi colloqui audentes: Quos  
ipse conuocans suæque benedictionis munimine confirmans:  
talibus illos fertur eloquiis commonuisse; Recedite commilito-  
nes mei, pax vobis: de dierum aduenientium statu vel or-  
dine sollicitè curate; populum qui ad Ecclesiam conuenerit  
pro posse roborate: oportet enim me pro vestrâ multorum-  
que salute singulare certamen inire, diæque sabbati ad vos  
redire. His dictis, fratribus inde remotis, Dæmones sic allo-  
quitur: discedite maligni insidiatores, pontis aditum occu-  
pantes, neminem noceatis, nec quenquam urbem hanc in-  
habitantium decipiatis. Conuersus autem ad suprâ notatum  
Aethiopem, dixit: Præcipio tibi Dæmon in nomine Dei Pa-  
tris omnipotentis & Filij & Spiritus sancti, in quo viui-  
mus, speramus, & sumus, cui omnia famulantur Elementa,

k

qui



qui te offensione tuâ segregauit ab Angelis, ut meo te corpori supponas, meque Romam sub manu Domini Dei nostri eâdem velocitate, quâ venisti, saluum & incolumem perferas, nullam habens euadendi potestatem, quousque ad locum, quem tibi dixerò, peruenias: tu namque ceu quoddam leue nauigium per rapidissimas discurrens undas; Dominus autem noster Iesus Christus, qui nunquam in se deserit credentes, rector erit & remiger. His finitis, vexillo se muniens crucis; non oblitus sandalij, demoni se superposuit, illum saepe iterans versum, Deus in adiutorium meum intende, Domine ad adiuuandum me festina. Ferebatur itaque Christi famulus curru diabolico, diuino regente stimulo, leuis ut pennifer, fortis ut armiger, Dominum semper inuocans, & prototius Romanæ Urbis populo supplicans. Ergo nullo terrore concussus, nullo inexplicabili itinere impeditus, horâ ferme dici tertiâ, quâ cæna colitur dominica, ante fores Lateranensis Ecclesiæ peruenit. Ibi quoque relicto demone, Dominicæ virtutis sui que imperij constricto ligamine (quippe ut qui malorum incitator est omnium, nullâ suæ calliditatis arte summi sacerdotis irretiret animum, quâ sui reatus occultaret vinculum) domum denique Domini intrat, prostratusque in oratione, grates Deo omnipotenti reddidit, qui ferocissimum & indomitum hostem sui serui deditiōi suppeditauit.

## I V.

Erigens autem se, ut multitudinem coeuntium ad tam solemne statutum conspexit, quidnam quærerent, vel ubi summus sacerdos moraretur, sollicitè requirebat: cui quidam Clericorum primus omnium intulit, ipsum quem expetebat Antistitem, in sanctuario esse, ut sacris indutus vestibus  
inde



inde procederet ad altare, officia diei conuenientia ministraturus. His auditis Beatus Antidius, iam recitantis sermone territus, ubi Pontifex induebatur, cucurrit festinus. Extrahens ergo illum seorsum ab aliis, ne ab expertibus rei impediretur, neque consilium ab ipsis nudaretur: ordinem patrati sceleris planè representauit; cumque ille tanti criminis sese reum disculparet, virque beatus illud sandalij indicio approbaret, nimio ferè exanimis factus terrore, meditabatur quid respondendi foret idoneum: desperatio namque ingens (adeò ut vix lacrymis abstinere) inceserat, inusitatique reatus illum confessio coarctabat. Tandem beati viri prouolutus pedibus, proprii criminis pro posse soluit nodum, omnique nisu remissionis supplicat præsidium: at Beatus Antidius, ita magistri ceu propriis cõpunctus lacrymis, manibus illum erigit, verbis solatur, quidque agendum foret, expedito indicat sermone. Rogatus igitur eiusdem Papæ, confamulantibus ministris, vir Dei sacris ornatus indumentis, cunctisque ordinatim dispositis, quæ ad procedendum more Romano solita sunt institui, à sanctuario procedens cum laudibus & hymnis prosequente Clero, ad sacrum deducitur altare. Spectabat undique Præsulem ignotum populus obstupescens, sese variis agitans sollicitationibus, quid rei presentis signaret euentus: cernebat enim inopinatum nec ante visum Vicarium, mysteria tanto diei cõgruentia dispensantem: notum verò & quotidianum Pontificem nullâ sui corporis insanitate patente vacantem. Vir denique venerandus, cæpta peragens officia, balsaminum consecrauit chrisma, oleique sanctificauit liquamina, cunctisque Missæ completis mysteriis, in sanctuarium regressus, sacris vestibus exutus, magistro omni diligentia,

k 2

remissio



remissionis & curationis suæ commisit certamina. Hærebant simul discipulus & magister, sese vicissim flectentes, lacrymarum affluentia madentes, propria alternatim delicta confitentes, seque pro suis inuicem reatibus supplicantes.

## V

Benedictionis ergo dono mutuatim dato, pacisque munimine firmato, Præsul Antidius, non chrismatis oleique immemor (quippe ne sibi commissis Christianæ institutionis deessent subsidia) secum sacramenta ferens rediit ad locum, in quo demonem statuerat. Regem quoque omnium Regum inuocans, crucisque sacræ se signaculo roborans, directus in cælum luminibus, dixit: Deus in nomine tuo saluum me fac, & in virtute tuâ libera me. His dictis se iam dicto sibi subdito hosti superposuit, virili imperans iussu, ut eum eadem reueheret velocitate ad vrbis Chrysopolitanæ sedes, quâ iam antè illum exportauerat ad ipsius Lateranensis Ecclesiæ fores. Vectus itaque demonis obedientis possibilitate, veluti rapidissimâ cuiusdam currus agilitate, omnipotenti relictus aurigâ, proximioris sabbathi feriâ, horâ diei sextâ, Chrysopolim repatriat. Morabatur adhuc in vrbe præfatâ, multitudo Clericorum, quæ conuenerat ad diem Sanctum cœnæ Domini: aderant & pœnitentes, qui venerant ad impetrandam suorum solutionem scelerum, Patris & Domini expectantes aduentum, qui triduanis sollicitationibus macerati, dum Patris comperissent reditum, lati, & gaudio vix abstinentes lacrymis, concurrentes undique salutabant eum. Quidam autem eius prouoluti pedibus, redeundi licentiam flagitabant: quorum precibus vir adquiescens Beatus, semotis primùm à conuentu ecclesiastico communionem, domus-

que



que Dei ingressum dedit, conuocatisque dehinc Archileuitis, iussit chrisma sacerdotibus distribui. Ad extremum Verò cunctis ordinatim completis, que in Dominica Resurrectionis vigiliâ sunt celebranda, sacra Missæ finiuit officia. O mira Dei omnipotentis potentia, & mira virtus nostre salutis magnifica, cuius regimine cuncta subsistunt condita, qui sibi famulantibus tanta confert subsidia, ut etiam inuisibiles, & indomiti hostes, sua timeant imperia: ô Virum laudibus meritisque politum, cuius bestia mansuescens oraculo (quæ quidem nec camî regitur vinculo, nec concitari potest calcaris aculeo) obedienter eius se submisit obsequio. Nulla illum demonis terruit species, nulla maceravit esuries, nec potus terruit inopia, per quinque dierum ieiunia. Omisissis ergo, quæ de Beati Viri gestis præscripsimus, ad ipsius martyrii seriem reuoluto margine redeamus.

## V I.

Honorio igitur magni Theodosij filio, cum prole fratris Arcadij, minore Theodosio summam imperij iure moderante regio, tot tantisque perturbationibus undique concussa est Gallia, populi primùm peccantis insolentiâ, barbara dehinc prævalente violentiâ, Dei insuper permittente potentiâ, ut quæ paulò ante gloriabatur de multarum gentium cade, suâque Victoriâ, post vno immenso, ac terribili barbarico impetu repente proculcata, omnibus ferè viribus amissis triumphî gloriam hostis crudelitate superatam lugubri clamore, planctibus, ingenti que permisto mœrore recogitaret, animòque miserè commendaret. Croscus enim Rex Vandalorum, nequissimo matris impiæ fretus cōsilio, cū Sueuis, & Alanis, de finibus suis egressus, Gallias appetens, omnia ferro, rapi-



pinis, & igne, in quibus sua prævaluit ferocia, vastavit, & ad perniciem usque deleuit. Mater namque illius, filium ad peruersora incitans: si cupis (inquit) fili, noua rei effector videri, tibi que nomen omnium maximum adquirere, Christiana religionis esto destructor, cunctarumque ecclesiarum euerfor: nil quoque utilius peragere potes, quo nomen tuum eleues, quam si præcessorum tuorum instituta adnibiles, ipsorumque edificia proteras & conculces. Quibus incitamentis tyrannus nimio furore succensus, Rhenum apud Magon-tiam transiens, eandem urbem primum cum populo vastauit, plures dehinc Austrasiorum ciuitates vallans, Mettas peruenit, cuius murus nutu ruës diuino, Vandalorum adi-uit ingressum: vniuersas posthac Galliarum vrbes peruagās, alias subsidione deleuit, alias incendio cremauit: plures au-tem non solum pecuniis, sed etiam populo priuauit: Christia-ne quoque religionis fautores, prauis & inauditis persecu-tionibus quatiens, quosdam variis protraxit pœnis, quosdā verò citato secuit ictu bipennis: inter quos beatissimum Ni-casium Remensem Archiepiscopum, virum vitā, moribús-que gloriosum, post multorum cruciatuum varietates, mode-rati nusquam memor animi, stemmate decorauit martyrij. Nullus in Barbaris vesanie modus, nullus indulgentia locus, sed semper ad cadendum continuus. Instabant cruenti lieto-res, insatiabiles non solum de victarum gentium spoliis, sed de patronorum insontium supplicis.

## VII.

Id est, ea  
loca, quæ  
postea  
Burgun-  
diones  
occupa-  
runt.

Burgundionum ergo inuadentes confinia, suā nimis inua-lescente ferociā, omnium ferè ecclesiarum straucrunt adifi-cia: Christianos quoque sua spernentes imperia, pœnā dita-runt



runt ultimā. Insaniebant in eos seniori vesaniā, quos ma-  
 iori cernebant vigere constantiā; inuictāque nitentes turre  
 subuertere, hostiliori dimicabant certamine. Vnde factum est  
 vt Beatum Desiderium Lingonensem Antistitem, virentem  
 ac fructiferum vitis dominicæ palmitem, quia brutis no-  
 luit ipsorum obedire prestigiis, numinibus scilicet vt litaret  
 vanissimis, mucronis ictu ceruicis nudarent intimis. Memo-  
 rabilem necnon & Valerium eiusdem doctoris eximij dispo-  
 situm, quem ad Archileuitæ delegerat officium ( à prophanis  
 eò quòd omninò ritibus distulit animum ) multimodis crucia-  
 tibus distortum, cælestis militiæ tironibus reddidère con-  
 socium. Chrysopolitanos autem in fines vt peruentum  
 est, non minori exarsère ferociā: sed parui pendentes cæpta  
 primis certabant disæquare vltima. Gloriosus itaque Anti-  
 dius, cæde compertā, variis in diuersa cogitationibus reuol-  
 uens animum, plebis sibi commissæ curiosè quærebat præsi-  
 dium: sed sollicitationis summa vertebatur ad Dominum:  
 meditabatur primùm sese cum Clero intra mœnia urbis in-  
 uictæ tutum hostibus posse resistere, si dimicando mallet vl-  
 cisci barbarico sanguine, quàm tormenta pro Christi pati no-  
 mine: recogitabat dehinc non quietis, sed periclitantibus opus  
 fore remige; non securis, sed trepidantibus, consolatoris so-  
 lamine: denique se prælio magis, quàm fugæ præparans, ag-  
 men urbanum diuini verbi prædicatione corroborat, seque  
 Eucharistia sacra munimine firmans, benedictione fusā foras  
 ad opem ferendam progreditur. Festinat ergo curiosus pastor  
 iam vnius ouilis oues simul locare; affines pecorum greges  
 imminentium impetu luporum territos eruere, prostratos al-  
 leuare, dispersosque contrahere. Est autem oppidum ab ur-  
 be decem



be decem milliariis distans, quod Rufiacus dicitur; in quod quia non solum muro, sed etiam flumine ad montis radicem stagnante muniebatur, provincialium plures desertis vicis agitante metu confugerant. Ad preparandos itaque fidelium animos, quò maiorem plebis sibi commissæ partem confugisse comperit (indubius scilicet quin hostium illic primùm illapsura foret atrocitas) Vir venerabilis ut miles intrepidus occurrit.

## VIII.

Nondum in Patris & Magistri aduentu exultantium oppidanorum finierat sonitus, cum incurrentium undique barbarorum audiebatur fremitus: at beatus Antistes iam sui cernens tempus adesse martyrii, se pro suis hostiam Deo litare cupiens, filios incitabat, dicens: Nemo vestrum, fratres, à veritatis tramite deviatus, mortis metu ab honore se gloriosi triumpho separet: levis enim est cruciatus, qui volucrum cum tempore transiens, perennem reddit pro mercede quietem; nullum quoque pretiosius reor fore negotium, quam si doloris citati merce, salutis aeternæ ematur remedium, & exultationis perpetuæ gaudium. Estote ergo mei imitatores, quem vobis elegistis primicerium: quemque necis egregie, Deo fauente, videbitis esse principium: comitetur ergo mecum ad victimam qui suam Christo sociare nititur animam. His & similibus Christicolæ instruens hortatibus, barbaris obuius exiit, supplicans & suadens, ut non sibi, sed plebi ignoscerent, suæque crudelitatis modum vel in presentibus traderent. Adhæc quidam Vandalorum, ferali succensus vesaniâ cruentas in Christi famulum manus iam mentis inops audacter intulit, detraxit, ictibusque crebris eum diuerberans,



rans, cuius professionis vir testaretur, minaci voce requirit. Cui vir venerandus iam summi desiderij munus parum impetratum comperiens, letus respondit; Christianæ religionis me fautorem profiteor, Christi que Crucis signum me gestare gloriator, quem verum & omnipotentem Deum fateor; cuius ad arbitrium poli voluitur sphaera, terra subsistit machina, maris reguntur spatia, cunctaque moderantur condita. Incensus his amens barbarus, manus sancti cervici applicat, faciem alapis pulsat, vinculumque manu utraque vesano Iudici præsentare festinat.

## I X.

Iudex igitur impius, ut in Christi famulum direxit intuitum, corporis statim vultusque speciem considerans; cuius honoris culmine sublimaretur, fateri iussit: cui beatus Antistes hilari voce respondens, dixit; Christiani vocabulum se Christi iuxta vixero mandata, mei culmen honoris est: neminem enim sublimiorem honoris gradus fore existimo, quam cunctipotenti Deo famulantem, ipsiusque famulatus præmio gaudia in cælis sempiterna consequentem. Tunc quidam indigenarum capti ante præsidem ducti, aliquid sibi remedij in morte Pontificis præstari sperantes, sceleris miseri participes effecti, accusantes, ut fertur dicebant; Caput hic est Christicolarum; plebs hunc omnis sequitur, nouæque legis instructor, baptizati populi possidet Pontificium. Motus ad hæc tyrannus immitis, iussit inde rapi Pontificem, ut cunctis spoliatus amictibus, cruciaretur ictibus, si sacris nollet litare numinibus. At cruentus carnifex, iussa magistri citis complens actibus, Dei viri inde remoti os, atque oculos ceterasque corporis compagines, fustibus flagellisque tundens, omnia  
1 crudeli



crudelitatis instrumenta, nisi Christum suis litans aris, negaret, minabatur. Beatus autem Antidius, inter tormenta positus (quamquam hinc verbera, illinc gladius, non solum ad pœnam, sed etiam ad mortem ingerebantur) postquam corpus intumescens vulneribus, incussos flagellorum ictus nudis vix ferre poterat ossibus; luminibus sursum directis constanti voce dicebat: O Deus omnipotens Genitor, ô Christe cum patre Deus, orbis conditor, ô Pneuma sacrum Dei hominumque mediator, qui simplex es in essentiâ, quem ius trinum fatentur personarum vocabula, visita quæso mei corporis ergastula, ut mundialibus à vinculis tibi dicatus erutus spiritus, sanguine sui immolatus hospitij, cœlorum societur ciuibus: rege Domine populum mihi commissum, ne quis illorum impatiens, pœnæ formidet fastigium, ut incolumis numeri perfectum tibi soluam debitum. Tortoris ergo respiciens ora, dicebat: Perage miser cœpta: Dominus autem mihi adiutor est: non timebo quid faciat mihi homo. Quod indignè sanguine pastus ferens mortifer, gladium à latere reuocans, viri beati caput singulari excussit ictu. Strata soli petunt exanimés artus puluerea, celsa poli penetrat ouans spiritus culmina, cateruâ stipante cum tripudiis Angelicâ. Adfuerunt noctis in eiusdem obscuro properantes ab abditis viri Christicolæ, qui furtim collecta Beati Martyris membra extra castri prætitulati mœnia tumulo dederunt. Lugebat hunc multitudo Christicola (quam vincetam urgebat manus barbarica) de nece magis Antistitis turbida, quàm de suo cruciatu territa: fleuit & mœsta Chrysopolis, virum obuisse fructiferum, quem pastorem habuerat egregium, doctoremque præcipuum.

X. Quis



## X.

Quis deinde exitus agmen furiosum sit adsecutus, quæve pœna cruentis carnificibus ad vindicandas fidelium iniurias tradita sit, intimari non piget. Diruto ergo prætitulato castris, incolis omnibus captiuatis, mortisve nexibus constri-ctis, Croscus cum omni subsequenti exercitu, ad expugnandam Chrysopolim cæpto furore festinat. Cuius impetum Chrysopolitani, loci situ fissi, audaci respuentes conamine, & militari spernentes certamine, furoris eius iram verterunt in rabiem. Urbem denique diutinâ vallans obsidione, cum nullâ posset inuicta mœnia, ciuēsque animosos calliditatis arte superare, oppidum super unum montium, haud longè circumfluentis amnis à margine situm, ad prohibendum ingressum vel secessum ciuium ( qui nunc usque Vandalorum mons ab incolis nuncupatur ) condidit. Quod etiam Urbani parui pendentes, beati Antidij magis interuentionibus protecti, quàm suâ valitudine defensi, persequentium euasere perfidiam: quæ res barbaricæ crudelitati ingens fuit incendium. Ad ulciscendas itaque Christianorum contumelias tanta Barbaros inuasit rabies, ut atrocitatem, quam in Christi plebem exercuerant, nutu diuino, in seipsos verterent, seque inuicem cadentes morti traderent.

## XI.

Croscus itaque cum Suevis & Alanis Galliam Lugdunensem peruagans, cum Arelatum peruenisset, iam maiori destitutus exercitu, captus à Mario Præsidente, catenis nexus per plures, quas vastauerat, Urbes ad improperium reductus, victisq; victor ad vindicandas iniurias representatus, post multorum cruciatuum tormenta,

1 2

impiam



impiam vitam misero finiuit obitu. Barbari autem qui cadi superfuerant, amisso iudice quò quemque metus compellebat diffugientes, nec minima quidem ex eis pars restitit, vixque vllus fuit, qui captionis mortis-ve pœnam liber posset euadere. Mortis etiam Beati Antidij fautores finitimos (domini scilicet & magistri, quia consensere in contumeliam) ita diuina protraxit ultio; ut luridi facti, & imbecilles, cunctisque corporis penè viribus, & suppellectilis supplemento destituti, calamitatem, quam in seipsos perpeffi sunt, ad facinoris perpetrati memoriam, & Beati Antistitis gloriam posteris successoribusque suis, suo videlicet ex germine prodeundis relinquerent: videntur enim ex eorum editi stirpe, ad tricesimum vsque annum corpore vigere, opibusque crescere; post tricesimum verò viribus & facultatum solamine destitui, sicque vitam inhonesto funere finire. Quod quia sceleris in Dei famulum commissi causâ, protestantibus eiusdem contingere comperi, in huius testamenti serie digerere curauit.

## XII.

Vas igitur electum ne traditum obliuioni vilesceret, nève inani frueretur solatio: à patre-familias detegitur, & magnæ vtilitatis honorisque præmio, familiæ fruendum traditur. Plebe namque fidelium paulatim reuirescente, tantis Dominus Beatum Antidium sublimauit honoribus: ut quicumque languore detenti, impetrandi remedij gratiâ, tumulum eius adirent, quocumque morbo grauati angerentur, sanitati redditi leti domos repeterent. Vnde cultu & reuerentiâ non minimâ habitus, basilicâ ibidem edificatâ, aliquandiu ibi conditus honorificè requieuit: Chrysopolitani verò posthæc



posthac non ferentes, tanti muneris decus haud longè ab urbe, non Urbano venerari cultu: sui suasionem Præfulis animati, properantibus undique multis Christicolarum agminibus, beati viri corpus inde remotum, Pontifice cum clero præeunte, cum magno tripudiorum strepitu, undique laudibus hymnisque consonantibus, in suam transtulerunt Chrysopolim, in monasterium scilicet Beati Pauli Apostoli: Vbi etiam alia sanctorum corpora requiescunt. Ibi ergo iuxta basem altaris, gloriosissimi antistitis reliquiae, omni cultu et reuerentiâ reconditæ, multis, opitulante Deo, pollent miraculis: qui viuit, gloriatur, et regnat, in trinitate perfecta Deus per infinita sæcula sæculorum. Amen.

His omnibus addit vulgus ex traditione, Dæmonem S. Antidio suppositum, distichum quoddam fuisse, quod refert Robertus Cœnalis Episcopus Arboricensis lib. I. Gall. histor. perioch. 15, in hierarchiæ Gallicæ Topographiâ, vbi Archipræsulum quorundam Epitheta multis ante sua tempora sæculis edita notans; Bisuntinus, inquit, dignitate clarus est, ob miraculum ab eo perpetratum; Vnde carmen prodiit, quod appellant Sotadicum:

*Signa te signa, temerè me tangis et angis,*

*Roma tibi subito motibus ibit amor.*

Cum scilicet adiuratus Dæmon Archipræsulem deferret Romam. S. Sidonius Aruernorum Episcopus S. Antidio paulò posterior libr. 9, epist. 14, quam scripsit Burgundioni suo, Pentametrum solum producit: Interrogas, ait, per pugilatorem, quos recurrentes asseram versus, ut celer explicem, sed sub exemplo: ij nimirum sunt

1 3

recurren



*recurrentes, qui metro stante, neque literis loco motis, ut ab exordio ad terminum, sic à fine releguntur ad summum; sic est illud antiquum: Roma tibi subito motibus ibit amor.*

Vetustus membraneus codex de Archiepiscopis, eadem prorsus habet, quæ M. S. Ecclesiæ Metropolitane; & illud præterea, Beatum Antidium ex Canonico Bisontino, eximie sanctitatis ergò in Archiepiscopum electum fuisse: in eoque munere, tum alia permulta gessisse admiratione digna; tum verò semel atque iterum, Dominici Corporis è sacra pyxide absentiam, prophetico spiritu cognouisse. Erat (inquit antiquus auctor illius commentarii, quicumque est) *quidam Sacerdos in Diœcesi, Chrysopolitanus, qui cum nimis festinus, & propter hoc magis improbus pergeret ad quemdam infirmum, causâ tradendi viaticum, nihil in vase recepit: cui occurrit Beatus Antidius, querens ab eo, quò tenderet: respondit sacerdos, Ad communicandum quemdam ego vado. Vir Dei Antidius Spiritu Sancto repletus dixit: vide quid vis facere, nihil enim habes in vase: quo sic reperto, miratur sacerdos Antidij Sanctitatem profundam, & mirabilem veritatem. Quadam aliâ vice, quidam alius Sacerdos, dum iret ad communicandum quemdam, recepit in vase hostiam non consecratâ, loco Corporis Christi: quia hostiam sacratam non habens, populo satisfacere, & ipsum decipere, defectumque proprium velare sic credebatur. Et dum pergeret, ut inceptum propositum adimpleret, obuius fuit ei gloriosus Antidius, igne feruido caritatis accensus, dicens ei; Eucharistiam non habes: immò, respondit Sacerdos, in vase habeo. Tunc Antidius, qui spiritu viuendo, spi-*  
ritu



ritu pariter ambulabat, dixit ei: scio quòd non portas Corpus Christi verum, sed portas panem purum. Ad hæc Sacerdos, sciens quòd verum diceret, inuenit se confusum: quod Sacerdotem & populum in admirationem conuertit: & ex tunc populus Beatum Antidium in reuerentiam maiorem habuit, & timorem; multiq; seipsos retrahentes à defectibus, & spiritualibus firmitus inherendo, gloriosum Antidium mirabilem predicabant. Historiam de Sancto Præsule, Romam dæmone vecto, atque inde reuecto, eodem ferè modò narrat: quæ verò ab eius reditu cõtigerint, sic exponit. Cum ergo Beatus Antidius Chrysopolim venisset, inuenit chlamydem suam, totam niue & gelu conspersam; quod multos in admirationem conuertit: & cum ab eo quæreretur unde venisset, nemini voluit indicare. Interea Papa, huiusmodi mirabilium admiranda considerans, misit Chrysopolim ad sciendum, utrùm Archiepiscopus extra ciuitatem fuisset, & quando; maxime illis temporibus, & diebus, quibus ipsi Papæ ostensum est miraculum supradictum: & sic repertum est, quòd à crastino Palmarum usque ad sequens sabbathum (quod est vigilia Pasche) præsens nõ fuerat Beatus Antidius in predictâ ciuitate. Et quãuis per totam illam hebdomadam non comedisset, nihilominus semper vultu hilaris, & decorus, ut prius apparuit. Et cum Papa facti veritatem cognosceret, gratias egit Deo de tantâ gratiâ sibi factâ per Beatum Antidium, & de suâ liberatione à Diabolo iniquo & dolo. Fertur autem quòd extunc Papa assurgit ad præsentiam Archiepiscopi Chrysopolitani in memoriam supradicti miraculi; quod non est assuetus facere in præsentia Prælati cuiuscumque. Rexit igitur gloriosus



riosus Antidius ecclesiam Chrysopolitanam (post regressum eius de Româ) per modicum spatium temporis, multis signis & prodigiis clarescendo. Sanebat verò tunc pestis Vvandalica, &c. pergit enarrare de Vefontione à Vvandalis Crofco duce obsessâ: quos dicit in monte, qui trans Dubim est ad Orientem (is est veteri nomine mons Delij, prope Brigillam, ex eo tempore mons quoque Vvandalarum dictus) castra primùm collocasse: ac deinde attento loci vel arte vel naturâ munitissimi situ, id consilij cepisse, vt propugnaculo, seu castro, in quod sese reciperent, in eo monte excitato, variis excursionibus simul pertentarent quid animi esset ciuibus, simul intercluso comiteatu, ac cibariorum obsessis vndeque aditibus, eos ad deditionem compellerent. Laborabant obsessi ciborum inopiâ (quippe eò ad ingentem numerum securitatis ergò è totâ Prouinciâ confluxerant) cum B. Antidius iumenta quatuor, quæ illi obuia sunt, tritico onusta, sisti iubet: & inuocato Numine triticum auget egregio miraculo, vt alendo populo frequentissimo satis fuerit. Sed non fuit optimo Pastori satis, nisi se ipse pro sui gregis incolumitate victimam mactandam daret. Habitâ ad populum oratione pro foribus Metropolitanæ basilicæ S. Ioannis, egressus è ciuitate, ad *Castrum Ruffeyum* (locum id temporis munitissimum, in quem permulti secesserant) se contulit, ac paulò post comprehensus à barbaris, & dirè trucidatus est. Illud verò mirandum accidit, vt præcisum à reliquo corpore Martyris caput, lau-



put, laudem Deo diceret, & absque pectore, absque pulmone ac faucibus, vno Omnipotentis nutu vocem lingua formaret. Quo prodigio attoniti Vvandali, ac furore amentes, quos antea in pium gregem, in suorum deinde capita strinxere gladios, ea rabie, vt intra perbreue tempus, ad mediam circiter partem mutuâ internecione deleti sint. Quâ de causâ Dux Croscus, eo ferè capto consilio, *fugiamus Israël, Dominus enim pugnat pro illo contra nos*, solutâ obsidione, collectisque copiis ex illâ vastitate, Viennam versùs contendit, & à Mario tandem apud Arelatem captus interiit. Hæc antiquæ illæ membranæ, etsi aliis verbis, certè eâdem sententiâ: quæ ideò retulimus, quòd in historiâ superiùs descriptâ, vel omissa sunt, vel alio ordine narrata.

Illud verò contigit non rarò, vt quibus vel caput, vel lingua præcisa est in Christi contumeliam, iis nec verba defuerint: luculento sanè testimonio, quòd ab ipsis fidei veritas ac certitudo staret: quibus summus Deus veritatis parens, & ipse æterna Veritas, sublatis humanæ vocis organis, vocem tamen tanto miraculo daret. Plenæ sunt his exemplis Martyrum historiæ; id concessum *Eusebio* Martyri, *Aigulpho* Lirinenfi Abbati, ac sociis, *Placido* monacho, *Parmenio*, de quo in actis S. Laurentij, *Leodegario* Augustodunensi Episcopo, *Aniceto* Nicomediæ Comiti, prætercâque vni de generosis illis septem fratribus Machabæis *Ambrosio* teste, & aliis plurimis, vt passim animaduertere est in actis Martyrum.

m

Sed



Sed vt de tempore Martyrij S. Antidij nonnihil adnotemus: statuitur in eius actis, *sub Imperio Honorij ac Theodosij Iunioris*: hoc est, tempore aliquo interiecto inter annum 408, (quo imperare cœpit Theodosius) & annum 423, (quo Honorius è viuis excessit.) omninò existimandum est, Sanctum Antidium martyrio coronatum fuisse, in generali illâ Galliarum clade, à populis borealibus, maximè verò à Vvandalis illatâ (siue à Stilicone in Romanum Imperium concitati fuerint, siue non: quod satis obfcurum est inter scriptores) quos Prosper illius inspector Tragicæ testatur in chronico, *Arcadio sextum, & Probo consulibus, pridie calendas Ianuarij* (hoc est ultimâ die anni quadringentesimi sexti, à calendis Ianuariis inchoati) *Gallias traiecto Rheno ingressos*: meminéruntque huius irruptionis, Hieronymus epist. ii ad Ageruchiam, Orosius libro septimo, Cassiodorus in chronico, Marcellinus, Zosimus, Aimoinus, Marianus Scotus, Sigebertus, alijq; noui ac veteres historici, quorum cusi extant commentarij: ac præter historiam S. Antidij quam retulimus, acta manuscripta, neque adhuc (quod quidem sciam) typis vulgata S. Desiderij Episcopi Lingonensis. Sed auctorum, quos citauimus, nonnulli, Ducem ac Regem Vvandalis fuisse referunt *Modegisil*, seu *Godogisil*; alij *Croscum*, qui & *Crocus* quibusdam, & *Carocus*: potuerunt certè hi Duces, suæ quisque exercitus parti præesse; aut etiam quilibet toti exercitui; sed alter tamquam Imperator, alter vt pro Imperatore. Est autem



91  
VESONTIONIS PARS II. 23

autem simile vero, *Croscum* Ducem, à quo passus est Antidius, traiecto Rheno vltimâ die anni 406, hâc illâc cû exercitu aliquamdiu discurrissè per Gallias: nec nisi anno 408, aut 409, Chrysopolim aggressum, 408. B. Antidium Martyrem effecisse. Certè Orosius illo- 409. rum temporum scriptor, & quo viuentè hâc gesta sunt, cû libro septimo refert, Hispanias à Vvandalis fuisse occupatas; mox subiungit, eos qui Hispanias obtinebant, patefactis Pyrenæi claustris, barbaras gentes, quæ per Gallias tunc vagabantur, in Hispaniarum Prouincias immisissè. Contigit autem primus Vvandalorum in Hispanias impetus, anno Christi 409, (*vide Baronium eodem anno:*) igitur anno 409, Vvandali qui ab anno 406, cis Rhenum in Gallias venerant, eas adhuc infestas habebant. Et sanè antiquissima & sincerissima, quæ dedimus, acta S. Antidij, eius Martyrium referunt in tempora Honorij & Theodosij: annus verò 408, fuit vtriusque simul imperantis primus.

Cæterum adhuc superest *Ruffaci* turris, quam hodièque indigenæ, *S. Antidij turrin* vocant: siue, vt quidam dicunt, quòd in eâ fuerit à Vvandalis incarcerationis; siue etiam quòd ea turris, ex veteri Archiepiscoporum apud *Castrum Ruffacum* palatio, à S. Antidij temporibus diruto, huc vsque perseverarit.

Quo verò anno, vel à quo Archiepiscopo Bisontino, S. Antidij corpus Vesontionem translatum sit, & in B. Pauli basilicâ repositum, tacet translationis historia. Meminit certè Hugo primus in illo suo

m 2

instru



instrumento dotationis Canonicae S. Pauli ( quod *Hugonis primi testamentum* vocant ) dato ad annum 1044, 25 Martij, S. Antidij iam in eâ B. Pauli ecclesiâ quiescentis: & vero simillimum puto, eam translationem ab ipsomet Hugone ecclesiae S. Pauli restauratore factam, eo ipso die, quo reaedificatam basilicam solemniter dedicauit 24. Ianuarij, duobus ante illam dotationem mensibus. Id adducor, ut credam, quod in Martyrologiis S. Ioannis & S. Pauli, eadem dies mensis Ianuarij vigesimaquarta, & dedicatae S. Pauli basilice, & translato S. Antidij corpori sacra habeatur: sic enim in eis leges; *ix Kal. Febr. Bisontij Dedicatio ecclesiae S. Pauli, & translatio corporis S. Antidij*: quod non obscure significet, non modo eadem die posterioris alicuius anni, sed eadem die anni eiusdem, simul importatum in eam ecclesiam, S. Antidij corpus: simul eam sub B. Virginis, ac S. Pauli, & B. Antidij patrocinio, ab Hugone Archipræsule dedicatam. Dedicationis ipsâ Ianuarij 24 die, per *Hugonem I.* factae monumentum prostat in veteri rituum Codice S. Pauli, ubi haec habentur: *In nomine Domini Amen. Altare S. Mariae & S. Pauli dedicatum in honore Spiritus Sancti, S. Mariae, S. Pauli, & Sanctorum Innocentium, in quo continentur reliquiae de capillis S. Ioan. Baptista, reliquiae S. Antidij Martyris & Archiepiscopi nostri; de corpore S. Germani Martyris & Archiepiscopi Bisuntini; de cucullâ B. Leodegarii Martyris; de corpore B. Ermenfredi Abbatis; Reliquiae S. Benigni Martyris; Ursicini Confessoris; Hilarii Episcopi; Casarii Episc. Innocentium*



centum; Ioannis Euang. Largi, & Iachi: dens etiã S. Martini Archiepisc. Altare, quod est situm retrò hoc maius altare, consecratum est in honore S. Antidij Martyris, S. Ioan. Euange. omniumque Martyrum. Altare quod est situm ab Aquilone dedicatum est in honore S. Vincentij Martyris, Gregorij Romani Pontif. Ermenfredi Abbatis; in quo continetur reliquie S. Martini Episc. Cesarij Episc. Romani Martyris; Benigni Mart. Altare ab Australi plagâ, consecratum est in honore B. Stephani Protomart. S. Ambrosij; S. Hieronymi; in quo continentur reliquie S. Protomartyris Stephani; Ermenfredi Abbatis. Hæc autem dedicatio Ecclesiæ siue altarium facta est per manus Domini Hugonis Archiepiscopi Bisuntini IX Kal. Februarij.

Extat pone altare maius S. Pauli, antiquus tumulus lapideus S. Antidij, qui circum Episcopi decumbentis, in plano insculptâ effigiem, sic inscriptus est:

CORPVS BEATI ANTIDII EGREGII  
MARTYRIS FVIT A RVFFEIO  
TRANSLATVM, ET IBI POSITVM,  
QVI PRO NOBIS ORET. AMEN.

Vt verò ex eo tumulo elatum sit, & in eleganti capsâ collocatum anno 1360, dicemus in *Ioanne de Viennâ*.

De historiâ verò S. Antidij Romam vectore dæmone profecti, ad eò multa sunt certaq; monumenta, vt eam vel vt spuriam reiicere, vel reticere vt indecoram, nec historici esse putem, nec æqui rerum æstimatoris. Eius certè veritatem adstruunt, pri-



mum libri vetustissimi, & constans maiorum traditio: deinde antiquissimæ imagines pictæ, fictæve in Ecclesiis Ruffeij, S. Pauli, S. Petri, S. Magdalenæ, &c. necnon breuiaria vetera, & Caroli de *Nouo Castro*, editum anno 1480; Antonij de *Vergeio*, 1535; Claudij à *Baumâ* 1578, ex quibus Golusius.

Accedit ritus perillustis notatus in adorandæ vetustatis codicibus ecclesiarum. In solemnissimâ supplicatione, quæ à Clero instituitur feriâ quartâ in Rogationibus; *Cum veniunt super pontem* (verba sunt ritualis codicis S. Ioannis) incipitur *Responsorium*, Miles Christi, à *Canonicis S. Pauli*: tunc sunt parati duo *Canonici S. Pauli*, qui cantant *versum in medio pontis*, & Prior debet habere *stolam*, & dicere orationem, & aquam benedictam iactare in *Dubio*. Est autem illud *Responsorium* huiusmodi: Miles Christi gloriose, Antidii sanctissime, tuo pio interuentu culpas nostras ablue, ut celestis Regni sedem valeamus scandere. In aliis quoque supplicationibus publicis, in quibus Sanctorum pignora circumferri solent, caplæ S. Antidij curam peculiarè gerunt, & eius cōseruatores ac protectores dicuntur IIII Viri Tribus *Burgēsis*, in cuius Tribus finibus ea Pōtis regio cōtinetur, in quâ visionem S. Antidio contigisse ex antiquis monumentis suprâ retulimus.

Denique in tanti miraculi memoriam, intra altare ecclesiæ castri Ruffeij, nunc in pagum redacti, hodièque recondita creditur phiala, plena eo ipso chrismate, quod Romæ consecrauit S. Antidius, & Româ Vefontionem detulit equo illo veloci. Miramur



mur verò Illustrissimum Cardinalem Baronium, cum in notis Martyrologij Romani, 25 Iunij, historiam hanc relatam à Sigeberto, *quòd magiam*, inquit, *potius, quàm pietatem redoleat*, apocrypham esse dicit, ac meritò reiiciendam; cum ea (vt est in breuiario Claudij à Baumâ) *nulli supra fidem videri debeat, postquam Christus ipse à Diabolo supra montem excelsum, & supra templi pinnaculum delatus est*. Magis certè vltro obtemperant dæmones ex pacto nefario; sed & Sanctis parent vel nolentes, non pacto inducti, quin potius eius imperio, cui quondam reuersi discipuli, illud magno suo gaudio retulerunt; *Domine etiam dæmonia subiiciuntur nobis in nomine tuo*. Pontificem verò, quem vt commonefaceret S. Antidius, Romam contendit, Petrus de Natalibus & Marulus locis citatis, *Zozimum* vocant: alij ex temporum rationibus contendunt vix alium esse potuisse ab Innocentio, quem etiam putant, S. Antidij commonitione permotum vel maximè, vt eam in posterum vitam ageret, ob quam inter Sanctos confessores ad quintum calendas Augusti meritò censeretur. Neque est quod hîc sannas edant Barbari, qui à Romanis signis desciscere: quasi exuere hominem sit, purpuram Pontificiam sumere; aut nequeat illa Petro eiusque successoribus promissa certitudo in decernendo, cum humanæ vitæ noxis complicari: sed hæc Theologis relinquimus. Illud quoque peccatum, ipsius Sanctitati derogare nemo dixerit; nisi qui in Dauide, Paulo, Magdalenâ, Augustino, aliisque è vitiorum cæno ad eximie

LUC. 10.



eximiae sanctitudinis splendorem eductis, aliquam etiamnum ex pristinis sceleribus, propitiâ Dei manu expunctis, herere maculam putet: aut non intelligat, stimulorum instar fuisse illis anteaetæ vitæ recordationem, quibus ad eam puritatem (quam vix aliquin adepti fuissent) concitarentur, dum plus diligenter, quibus plus dimissum erat. Ea nempe est mutatio dexteræ excelsi, ea diuinæ sapientiæ chymica, ut è malis bona educere, & peccata quodammodo in virtutes conflare norit.



## XIV.

## S AN C T V S L E O N T I U S .




ANCTVM Leontium clarissimâ, adeoque Regiâ familiâ natum, longè fuisse propriâ virtute clariorem tabulæ nostræ testantur. Per annos viginti quinque, Ecclesiæ Bisontinæ præfuit: è quibus ne vnum quidem sibi abire passus legitur, quo ecclesiam aliquam, vel de nouo exstructam, vel instauratam, aut aliud pium opus, pietatis suæ & magnificentiæ monumentum nõ posuerit. Ecclesiam suam Bisontinam, quæ ruinam minabatur (ea erat basilica SS. Ioannis & Stephani, à centum circiter annis, B. Helenæ sumptibus reedificata, sed forsan opere ad diuturnitatem non valde firmo) solo æquatam, de integro dicitur excitasse



citasse ampliore formâ; cuiusque *claustrum, refectorium, dormitoriū*, ac cæteras regulares officinas, cōmodiūs ad quoscūq; vsus restituisse. Nouam præterea *Laurē- tio* Martyri construxisse non longè à ponte ciuitatis. Quin & Monasterium in summo Dianæ colle cre- xisse, quod postea dirutum à *Vvandalis*. Vvandalo- rum nomine, Hunnos Attilâ Rege, circa annum 451, aut 453, per Gallias effusos, hîc intelligi puto (quod frequens esse apud Historicos, monui in Antidio: ) siquidem Leontium priori illâ Vvanda- lorum irruptione, in quâ S. Antidius fortiter pro Christo occubuit, posteriorem ideò fuisse existi- mo, quòd 25 annis sedisse dicatur: Frominius ve- rò adhuc sub Siricio Papâ vixerit, cuius annus pri- mus est Christi 385: tum à Frominio præfuerint San- cti Desideratus & Germanus; ac deinde Antidius Martyrio coronatus sub Vvandalis Duce Crofco, circa annum 409. Quæ cum ita habeant, non est certè locus Leontio, nisi post Antidium.

Demum curata re ecclesiasticâ, & auctis sacra- rum ædium vasis atque ornamentis, excessit Leon- tius, sepultusque est in ecclesiâ S. Stephani. Cre- ditur iacere in sacello S. Agapiti, vt mox dicemus in Celidonio.





X V.

## SANCTVS CELIDONIUS.

445.



E Celidonio agit S. Leo Papa, epistolâ octogesima septimâ, ad Episcopos Prouincia Viennensis; quam anno Christi 445 scriptam, colligi videtur ex rescripto Valentiniani Imp. ad Aëtium agentem, in Galliâ Magistrum militiæ, quod habetur inter nouellas Theodosij, post codicem Theodosianum tit. 24, de Episc. ordin. Id enim rescriptum datum constat anno 445, 8 Idus Iunij, in causâ Hilarij Arelatensis, recens à S. Leone Papâ Romæ damnati. Vide Baron. anno 445. venerat scilicet Vefontionem Hilarius Arelatensis Episcopus cum S. Germano Episcopo Autissiodorensi; cumque vir alioquin integer, quique etiam in Sanctorum canonem relatus est; tamen præter omne ius, ordinationes sibi omnium per Gallias Ecclesiarum vindicaret (yt ait S. Leo) & debitam Metropolitanis sacerdotibus in suum ius trāsferret dignitatem, Celidonium, cuius nomen de bigamiâ delatum fuerat, deposuit: qui cum ad S. Leonem Papam prouocasset, re maturius discussâ, absolutus est Celidonium Episcopus (verba sunt S. Leonis, epist. 87,) quoniam se iniussè sacerdotio fuisse deiectum, manifestâ testium responsione, ipso (Hilario) etiam præfente monstrauerat: ita ut quod Hilarius nobiscum



nobiscum residens posset opponere, non haberet. Remotum est ergo iudicium, quod prolatum in hac sententiâ legebatur; quod tamquam viduæ maritus sacerdotium tenere non posset: & paulò post: Redditus itaque est Ecclesiæ suæ, & huic, quam amittere non debuit dignitati Coëpiscopus noster Celidonius: sicut gestorum series, & post decursam cognitionem sententiæ, quæ à nobis est prolata, testatur. Hæc Pontifex; quæ aliquandiu dubitavi, num de Celidonio Bisontino dicta essent: maximè cùm legissem apud Baronium (anno 445, num. 13.) Celidonium illum, de quo Leo Papa, Episcopum fuisse Prouinciæ Viennensis: tametsi id ex illâ epistolâ colligi non potest: & satis constat, Bisontinum Metropolitanum, nec Lugdunensi, nec Viennensi, nec alij cuiquam Primati fuisse subiectum. Sed omnem hæsitacionem sustulit peruetustus codex Monasterij Iurensis (quod nunc à S. Claudio vulgus appellat: ) vbi, in rebus gestis SS. Romani & Lupicini, legitur Hilarius Arelatensis deturbato de suâ dignitate Celidonio Bisontino Episcopo, S. Romanum Vesontione presbyterum consecrasse. Placet ipsa antiqui auctoris anonymi verba proponere. *Auditâ namque memoratorum (Romani videlicet & Lupicini) famâ, Sanctus Hilarius Arelatensis Episcopus, missis in causâ clericis, beatissimum Romanum, haud longè sibi à Vesontionensi vrbe fecit occurrere; cuius incitamentum, vitâmq; dignissimâ predicatione sustollens, imposito honore presbyterij, ad Monasteriû honorificè repedare permisit. Siquidem antedictus Hilarius, Venerabilem Celidonium supradictæ Metropolis Patriarcham,*



cham, Patritio, Præfecturique fultus favore, indebitam sibi per Gallias vindicans monarchiam, à sede Episcopali, nullâ existente ratione deiecerat. Ob quod in audientiâ Beatissimi Papæ Leonis, Rome malè gessisse conuictus, restituto quoque in Episcopatu Celidonio, Apostolicâ auctoritate ob usurpationem illicitam regulariter est increpatus. Hæc ibi. Hilario verò comitem adfuisse Vefontione Germanum Altissiodorensem, fidem facit in vitâ S. Hilarij antiquus auctor, qui se eius exequiis interfuisse dicit, crediturque esse Honoratus Episcopus Massiliensis: refertur in Chronologiâ Lerinensi: In excursibus autem, inquit, quis ut dignum est explicabit, quantum eius præsentia profectum contulerit ciuitatibus Gallicanis? Sanctum Germanum (Altissiodorensem) sæpius expectando, cum quo sacerdotum, ministrorumque vitam, necnon profectus, excessusque tractabat. Ubi eius aduentus innotuit (nèpe Vefontione,) flammata ad utrosque, nobilium & mediocrium studia conuolarunt, astringentes Celidonium internuptam suo adhibuisse consortio: quod Apostolicæ sedis auctoritas, & canonum prohibent statuta: simul ingerentes sæculi administratione præfecto capitali aliquos condemnasse sententiâ. Tanta rei nouitate permoti, testes impetrant preparari: conueniunt ex aliis locis probatissimi sacerdotes: res omni ratione, prudentiâque discutitur, accusatio testimoniis confirmatur. Adhibetur vera simplexque definitio, ut quem scripturarum regulæ remouebant, voluntate propriâ se remouere deberet. Ille urbem credidit expetendam; ibique se iniusto rigore astruit condemnatum, &c.

Exstat insuper in Ecclesiâ Bisontinâ, Celidoni  
Episco



Episcopi celebre monumentum, aduentus brachij S. Stephani Vesontionem, cum aliis permultis sacris pignoribus à Theodosio Secundo missi: & prodigium insigne manantis ex brachij osse cruoris: quæ ut sincerius referamus, habe ipsa verba lectionum ecclesiasticarum S. Ioannis, & S. Stephani.

*Auditâ corporis S. Stephani reuelatione* ( ea contigit anno Christi 415, malè quidam anno 417. vide Baronium ) Imperator Honorius gaudius est maximè, quia erat Christianissimus: mandauitque quamcitiùs Ioanni Papæ ( is enim eâ tempestate patriarchabatur Ierosolymis ) ut sibi transmitteret partem pretiosissimi thesauri à se reperti, videlicet de corpore Protomartyris Stephani. Qui deuotè complens Imperatoriam iussione, misit ei brachium S. Stephani, secundùm Christianam meritò venerandum religionem. Ille verò accipiens deuotissimè munus tam optabile, detulit illud Romam; id portans voti, ut in honore Domini, & eiusdem Martyris deuotione construeret ecclesiam: sed non compleuit opere quod conceperat voluntate. Statim verò exutus homine est egressus viam carnis, ex more: cuius cum suscepisset Imperium nepos illius minor Theodosius, sicut fuit Imperij, sic cœpit esse bonæ voluntatis sui antecessoris & hæres. Cumque id satageret, ut voluntati opus maturaret, ostensum est ei per somnum, Beati Stephani brachium (quod penes se erat reconditum) ut transmitteret Vesuntium, in ecclesiam eiusdem Martyris, quam olim in eadem vrbe amplificauerat donis & beneficiis Regina Constantini mater Helena: indeque fore Ecclesiis Gallie futuram per interuentum Protomartyris protectionem apud Dominum assiduam.



Quâ visione Imperator compunctus, & tamen nolens repugnare Dominicis iussionibus (erat enim Deo deuotissimus) fecit quod ei mandatum fuit diuinitus: eâ utique tempestate Celidomius Præsul erat in ciuitate. Contigit verò per idem tempus, dum hæc gerebantur, ante quàm Legati Theodosij cum reliquijs peruenirent ad urbem, decem Gallie Episcopos reuelatione diuinâ fuisse commonitos, ad urbem properare concito itinere, ut sanctarum reliquiarum possent participare. Qui, ut eis iussum fuerat, venientes Chrysopolim, causam sui aduentus unusquisque nesciente alio, indicauit vrbis Episcopo. Horum omnium quoniam una fuit confessio, maxima fuit in Præsule admiratio: coactisque in gregem retulit vniuersaliter, quod ab eis didicerat singulariter, quantâque in commune eis tunc fuit lætitia potest argumentari bonorum intelligentia, quia adesse se senserant communiter, Dei voluntate & prouidentia.

Tertio nonas Augusti, die scilicet quo celebratur reuelatio eiusdem Beati Protomartyris Stephani, Proceres Imperatorij venientes Chrysopolim nunciauerunt Gallæ Patricia ex Regis præcepto, quia ille dispositioni tantarum reliquiarum non poterat interesse, ut illa faceret sui vice ex eis, secundum quod per Legatos cognosceret suum velle: erat enim Regis consanguinea, & ad deuotionem suam Princeps in eâdem patria. Hæc cum Episcopis, & Clero, deuotissimoque populo quamsolemniter fuit obuia sanctis reliquijs. Non est facile, ut dicat aliquis, lætabantur Episcopi de visitatione Domini, & Stephani: gaudebat Clerus, quia eis aderat destinatus à Deo patronus: plaudebat omnis sexus & ætas, persoluendo Deo in commemoratione Beati Stephani laudes debitas.



debitas. Quanta, & qualia impræsentiarum Dominus tunc fecerit miracula, nullius valet enarrare lingua ( arridebat enim sanitas, cui erat qualiscunque infirmitas: ) de quibus tamen vnum hîc censuimus inferendum. Igitur postquam deductæ fuerunt reliquæ, nec tamen adhuc reconditæ, Episcopi qui aduenerant, cœperunt inter se quererè, qualiter possent de brachio S. Stephani habere: videbatur enim horribile, ossa brachij confringere: sed quia aderant Dei reuelatione, iterum visum est verialiter possibile. Tunc Sanctus Celidonius Archimandrita, accipiens forcipes, quas fabri vocant vulgò tenalias, à tenendi officio: cœpit ex his manus os brachij mordaciter stringere: sic enim censuerant se posse parcius & cautius frangere, ut factis particulis Episcopi valerent participare. Stringente verò os Archiepiscopo, defluxit ex eo sanguis recentissimus, tam largè, ut diceret ibi adesse Beatũ Stephanum viuentem in carne. Quo viso qui aderant, percussis nouitate miraculi, in semet corde tenus conuersi, ex ardore spiritus, lacrymarum obtulerunt holocaustum: ad posse reddentes Deo gratias: sicque non solum Episcopi, verum etiam fideles quamplurimi sunt sanguine participati: repedantibusque ad propria, plebs sue cuiusque Ecclesie occurrebat quam deuotissimè, gaudentes de Beati Stephani sanguine, & per ipsum in perpetuum à Deo concessâ benedictione. Galla verò Patricia unâ cum Præsule Celidonio, ossa brachij Protomartyris accipiendo, manus condiderunt sub altari, quod erat in basilicâ sui nominis principali: minus verò ornauerunt gemmis, & auro, ad instar humane manus opere factò, ut in diebus opportunis ab Episcopo acciperetur, & plebs ab eodem per ipsum Crucis signaculo muniretur. Mi-  
ferat



serat etiam supradictus Imperator Theodosius cum Beati Stephani brachio, aliarum reliquiarum maxima munimina: videlicet Beatae Mariae pectinem, & eius capillorum aliquid: cingulum quoque Dominicum: Sanctorum necnon Martyrum corpora Epiphani, & Isidori: quae cum magnâ reuerentiâ, & honore conuenienti, sarcophagata sunt in ecclesiâ B. Stephani, videlicet eò loci, ubi fons aquae viuae ab ipsa terrae meatibus euisceratur.

Hæc ex codicibus Ecclesiarum, quæ inter diuina officia quotannis recitari solent: in quibus etiam sequens Hymnus perantiquus, de iisdem Reliquiis continetur, in festo SS. Epiphani & Isidori canis solitus:

Laudemus Epiphanium,	Militum Christi praeuius
Demus mûdum præconium,	Meritum habet celsius:
Pangat chorus noster melos,	Huius latum os brachij
Tangat dulcor cuius cælos:	Ornat statum Bisuntij.
Isidoro causa pari	Magnificemus Virginem
Laus à choro debet dari,	Cuius habemus pectinem,
Non funebri Tragædiâ,	Crines, Cingulum filij,
Sed celebri melodiâ.	Sui cumulum gaudij,
Hi deuotè toti tui,	Excedit rerum ordinem
Christe pro te sunt mortui,	Quæ dedit Deum hominẽ.
Hæc profectò plenissima	Innocentum Reliquiæ
Ostenditur dilectio,	Sunt augmentum letitiæ:
Pro dilecto dum anima	Hi sanguine baptisati
Exponitur Martyrio.	Sine fine sunt beati.
Sic Stephani debet cani	Hæc præfata simul data
Egregium martyrium:	Sunt incolis Chrysopolis

A pio



*A pio Theodosio. Vt consequamur gratiam,  
 O quàm bonum fuit donum, Adipiscamur gloriam;  
 Quanta præsens Ecclesia In quâ vera diuitia  
 Tanta habens iocalia: Sunt & vera delitia,  
 Quorum adest solemnitas, Fastigia concordia  
 Horum iuuat nos sanctitas, Praconia perennia. Amen.*

His consentiunt aliæ Bisontinæ Tabulæ, ex quibus constat *Caput S. Agapiti Martyris*, cum supradictis Reliquiis per Theodosium missum, vt infrà dicemus in *Valtherio I. & Hugone I.*

Illud autem clementer interpreteris velim, quod minor Theodosius Honorij Imperium suscepisse dicatur: etsi enim regnante in Oriente Theodosio, Occidentis Imperium Valentiniano tertio adhuc puero cessit post Honorium: cùm tamen per ætatem eas explere partes non posset, summa vtriusque Imperij diu penes vnum Theodosium fuit, qui Constantinopoli Regiam habebat: quem constat ea sacra munera Vesontionem misisse, siue ea Constantinopoli deportata sunt, siue (quod vero similis est) ex Italiâ de ipsius mandato. Sanè brachium Protomartyris Romę relictum ab Honorio indicat relata historia: & Agapiti apud Præneste Italiæ Ciuitatem Martyris caput, non aliunde, quàm ex Italiâ videtur asportatū; idq; agente Gallâ Placidiâ Valentiniani III matre, quæ cum filio in Occidente regnabat. Nam hanc ipsam esse, quæ in Bisontinis codicibus constanter *Galla Patricia* appellatur; liquet tum ex *Patriciæ* nomine, quod Principem fœminam,

o                      seu



seu Imperatricem sonat ( non alia quippe *Galla* eo tempore *Patricia* fuit, & in Occidēte Princeps, quā *Placidia*: ) tum ex eo quòd *Galla Patricia* Theodosio Iuniori sanguine iuncta dicitur: eius verò amita fuit *Placidia*, soror *Arcadij*, ( quo patre natus est Iunior Theodosius, ) Christianorū Cēsarū & mater, & soror, & filia, cuius hic extat nūmus aureus cruciatus,



*Athaulphi* Visigothorum Regis primū vxor, deinde *Constantij* Cæsaris, ex quo *Valentinianum* suscepit: de cuius religione ac pietate *Orosius* hist. lib. 7. cap. 43, *Ado Viennensis* Chronicorum ætate sextâ, & *Constantius* in rebus gestis *S. Germani Altisiodorensis*. *Abrahamus Bzouius* annal. ecclesiast. tomo 14, qui secundus est continuationis *Baronij*, anno 1336, num. 27, *Diūam Placidiam* vocat, & eo anno miraculum apud *Rauennates* per eam patratum refert, ex *Tabulario Rauennate*. Quāquam autem eam *Vesontione* versatam fuisse constet, cū illi venēre à *Theodosio* legati; *Rauennæ* tamen morari solitam



solitam colligitur non obscure, tum ex citato Constantio, in actis Sancti Germani, tum ex aliis historicis.

Quod verò hîc dicitur, corpora SS. Epiphani & Isidori, collocata esse in ecclesiâ S. Stephani, (nunc S. Ioannis,) eo loco sita, *ubi fons aquæ viuæ ab ipsis terræ meatibus euisceratur*; hoc indicat eo tempore fontem illum, à pago Arcie in ciuitatem decurrere solitum; ideoque disruptos non fuisse aquæductus à Vvandalis duce Crofco, cum S. Antidius Martyrium subiit: sed fortè id factum est ab Artilæ copiis, à quibus etiam deleta est Vesontio.

Porrò caput S. Agapiti Prænestini Martyris, Celidonius in medio choro superioris ecclesiæ condidit, grandibus saxis impositis, & desuper erecto altari: sed multis post sæculis Hugo Primus inde erui iussit, ut dicemus suo loco. Hocque, & cæteræ à Theodosio missæ reliquæ, cum aliis permultis, Vesontione hodièque piè asseruantur. Et *Cingulum* quidem *Saluatoris*, *sanctam Christi Sindonem* (quâ diues est Bisontina Ecclesiâ) interpretantur aliqui, sed nullo fundamento: quòd enim quidam aiunt, *cingulum & sindonem* synonyma esse, ex illo Prouerbiorum 31, *sindonem fecit, & vendidit, & cingulum tradidit Chanaanæo*, friuolum est: sanè præterquàm quòd id nullo planè auctore dicitur, eum sensum ex vi vocum seu Græcarum, seu Latinarum, seu etiam Syriacarum, nemo vnquam deduxerit: & quicquid sit, Cingulum illud Christi, à Theodosio missum (quod propriis-



simè *cingulum* est, seu *zona* quēdam) habetur saltem ex parte, in argenteā lipsanothecā, in sacrario S. Ioannis.

Ceterū historiam & miracula *Sacrofancti Christi Sudarij* (quod in Chrysopolitanis S. Stephani sacra-riis habetur) toto orbe celeberrimi, attingere hoc loco non duximus operæ pretium. Satis constat, vo-to ad pretiosum hoc linteum nuncupato, Vesontio-nem peste liberatam, curatos paralyticos; lucis vsu-ram persæpè cæcis redditam; animam agentes, & in mortis confinio positos, magno omnium stupore incolumitati restitutos. Quin & apud omnes in cō-fesso est, ex eā Syndone, diuinum nescio quem splen-dorem emicare, qui sanctum quemdam horrorem spectantibus afferat: & cū pluries tentarit eam pi-ctor imitari; sic tamen perstrictos eius oculos, vt sa-cra stigmata, & sanguineæ notæ, nunc palleferent, nunc ad viuudum recentis sanguinis colorem acce-derent: adeò vt bonus Apelles manum à tabulā non semel sit coactus abducere: & qui alia omnia ad vi-uum exprimeret, in hoc vno nihil se posse professus sit. Testes quoque sunt æstus illi populorum, qui ex omni orbe ad sacratissimum Sudarium, die Paschæ, & Dominicā post Christi Ascensionem quotannis spectandum confluunt; fremere solitos ad pretiosi linteï explicationem energumēnos: & impios illos spiritus horrendis clamoribus, quos alioqui nullā arte humanæ fauces efformare queant, sacratissimi sanguinis ac stigmatum testari plerumque præsen-tiam.



tiam. Sed nolumus, quam non prætexamus ordiri telam; quodque iusto volumine explicandum sit (& breui ab aliquo explicabitur, vt speramus,) in huius Archipræfulum chronici angustias compingere.

Ad rem nostram redeamus. Brachij S. Stephani duorum tantum ossium est mentio, maioris, & minoris. Et maius quidem, *ictibus lapidantium Iudæorum quassatum* vidisse se dicit, & in altari S. Stephani condidisse, S. Leo Papa IX, dato pro ecclesiâ S. Stephani diplomate, 3 Idus Ianuar. 1051, Indict. 4, Pontif. anno 2: & hodièque habetur os illud in eodem altari: quod quia spectare nondum licuit, ambigo sitne *os brachij*, quod vocant, an *cubitus*. At verò minus os asseruatur non integrum in sacratio eiusdem ecclesiæ, argenteo brachio inclusum, cum aliis quibusdam reliquiis, quarum hic est catalogus: *Nodus de spinâ S. Vincentij cum paruulo osse manus ipsius: exigua phiala plena sanguine S. Stephani: de lacte, & vestimento, & velo S. Mariæ: de ligno Crucis: de spongiâ & de sepulcro Christi: de pallio Eliæ Prophetæ: de reliquiis S. Symphoriani, S. Fausti, S. Bonitti, & S. Genebaldi Episcopi: de reliquiis S. Ioannis Euangelistæ: de corpore, & vestimento S. Pauli primi Eremitæ, & de fructu palmæ, quæ ei victum præbuit.*

Quod verò refert Andreas Valaderius, in Augustâ basilicâ S. Arnulphi Metensis, ex quodam Episcoporum Metensium chronico; *Theodoricum 49 Metensem Episcopum, construxisse ecclesiam S. Stephani Metensis*



(nunc Cathedralē,) in eāque brachium Protomartyris Stephani, quod Leonis IX tempore, Vefontione Metas ipse transtulerat, collocasse; sic intelligendum putamus, vt partem ossis minoris, quod in argenteo brachio habetur minimè integrum, Metensis ille Episcopus Theodoricus à Bisontinis acceperit. Cùm autem vtrumque os brachij S. Stephani, repositum dicatur à Gallâ Patriciâ, & Præsule Celidonio, in basilicâ sui nominis principali, ( quibus verbis significari videtur superior ecclesia Montis Cœlij, quæ à solo S. Stephano nomen habet, ) est quòd obserues ex veteri codice S. Ioannis, eas reliquias ad matrem ecclesiam S. Ioannis pertinuisse: idcirco priscis illis temporibus Custodem reliquiarum superioris ecclesiæ S. Stephani, fuisse Canonicum S. Ioannis, eique certâ portionem cibi ac potus, è S. Ioannis refectorio (cùm Canonici vnâ viuerent, conferrentque omnia in cōmune) mitri quotidie solitam: Eam ob rem factum postea, cùm sua cuique Canonico domus, sua suppellex fuit, vt Thesaurario S. Stephani, à S. Ioannis Capitulo, certi in annos singulos fructus, vitæ sustentandæ ergò, penderentur.

Qui decem illi Episcopi, qui iubente Deo Vefontionem venerunt, nusquam comperire potui. Ex eo verò sanguine, qui è Protomartyris brachio Vefontione manauit, plenæ hodièque phialæ plures in Ecclesiâ Bisontinâ supersunt: nempe à tergo maioris altaris S. Stephani; & intra brachiū argenteū, quo minus os brachij S. Stephani clauditur. In sacrario verò

S. Ioan



S. Ioannis extat imago argentea Protomartyris, quę lagenulam ex Achate gemmâ, eo sanguine plenam gestat : & Bernuinum Archiepiscopum constat partem sanguinis S. Stephani intra altare basilicę S. Ioannis condidisse : (quamquam dubium mihi est, num in aliquâ ex dictis phialis asseruetur ille alius sanguis ab Helenâ missus sub Hilario.) Atque ex eodē crediderim fuisse eum qui apud Bituricenses, de quo sic Greg. Turon. de glor. Mart. lib. I. cap. 33; *pars enim beati sanguinis, sacrosancti Levitę huius (Stephani) sicut celebre fertur, in altari Biturigę ecclesię continetur* : tum eiusdem sanguinis aliquod subdit miraculum : fortē etiā eum, quę Colonię Agrippinę in ecclesiā S. Severini haberi notat Sacrarium Colonienſe. Et quamquam non ignoramus, ante inuentum S. Stephani corpus, aliquid ex eius sanguine in quibusdam ecclesiis visum, qualis ille, quem à Machario Hierosolymitano acceptum, B. Helena Constantini mater Vesontionem cum Dalmaticâ Protomartyris misit (seu naturalis fuit sanguis, ab aliquo è Christi cultoribus, tempore Martyrij S. Stephani collectus; seu etiā miraculo ex aliquâ eius imagine, aut aliâ quāpiam re ad eum spectante manavit, ut S. Stephani sanguis dici possit; sicuti hic noster, qui ex eius brachij osse arido fluxit : ) vero tamen simile est, eum Bisontinum sanguinem, cū tantâ copiâ profluxerit, non modò in decem illas Galliarum Ecclesias, quibus pręerant decem qui eò conuenerant Episcopi; sed & in alias plerasque orbis partes fuisse distributum.



butum. Quare ex eo esse existimo illum, qui apud *Neapolim Campaniæ*, in ecclesiâ *S. Gaudioſi* habetur: seu ex Africâ à *S. Gaudioſo* aſportatus eſt (quod famam ferre dicit Baron. in Martyr. 3 aug.) seu ex alio quopiam loco *Neapolim* tranſmiſſus. Quòd enim Baronius, eum ſanguinem ab Oroſio acceptum Hieroſolymis, & in Occidentem illatum probari putat ex epiſtolâ Luciani, non ſatis conſtare videtur: nam in eâ epiſtolâ Luciani, atque etiam in epiſtolâ Auiti, nulla mentio eſt *terræ ſanguine madefactæ* (vt ait Baro.) ſed ſolummodò terræ, ac pulueris, in quem (vt fit) caro, & nerui Protomartyris iam à pluribus ſæculis ſepulti abierant. Eum, inquam, ſanguinem Veſonatione *Neapolim* perueniſſe (ſeu priùs in *Africam* delatus eſt, vnde eum *S. Gaudioſus* detulerit, ſiue non) hinc mihi probatur vel maximè, quòd magno miraculo liqueſcere atque ebullire conſpiciatur, inter Miſſæ officia, die tertiâ Auguſti: quâ die ſanguis è Sancti Stephani brachio apud Biſontium manauit.

Ex quo etiam percommode ſolui puto quæſtionem illam, cui quomodocumque ex Geronij Tarraconenſis ſententiâ reſpondet Baronius citato loco: cur videlicet Inuentio corporis *S. Stephani* celebretur 3 Auguſti: cùm inuentum fuiſſe conſtet menſe Decembri: tranſlatum Hieroſolymam, 7 cal. Ianuarij: inde Conſtantinopolim, 5 cal. Octobris: Conſtantinopoli Romam, nonis Maij: denique *S. Stephanum* Martyrio coronatum, poſtridie Natalis Domi



Domini. Ad hæc Baronius, diem illam tertiam Augusti, ante inuentum corpus S. Stephani, celebrem iam illi fuisse in ecclesiâ, ac deinde auctam celebriori solemnitate Inuentionis corporis ipsius. Sed frigida est eius coniectura, nec satis probat, eam diem S. Stephano, corpore illius nondum reperto, fuisse dicatam. Cum verò nobis constet ex omnibus tabulis Ecclesiæ Bisontinæ, Theodosij Legatos cum brachio Protomartyris, aliisque tanto Principe dignis muneribus, tertiâ die Augusti Vesontionem ingressos: eademque die inter Celidonij Bisontini Præsulis manus (cùm ex osse brachij frustra aliquot, quæ astantibus Episcopis traderet, conatus esset abrumperè) tantâ copiâ fluxisse sanguinem, ut non modò in decem illos Episcopos, sed & in alios multos è circumstantibus distributus sit: non obscuro argumento autemet quis, celebritatem ipsam inuenti corporis S. Stephani, in tanti prodigij *μνημόσυον*, ad tertiam diem Augusti fuisse reiectam. Quæ dies, ut Inuentioni corporis Protomartyris libera esset, consultò statutum est in ecclesiâ Bisontinâ, ut commemoratio SS. Epiphaniij & Isidori fieret 4 Augusti; S. verò Agapiti, 20 Aprilis; aduentus verò brachij S. Stephani, & admirandi illius sanguinis 13 Iulij: cùm tamen eadem die mensis Augusti tertiâ, Vesontione accepta sint, cum brachio S. Stephani, & capite S. Agapiti, corpora SS. Martyrum Epiphaniij, & Isidori, & cruor ex osse brachij Protomartyris emanarit.

p

Quòd




- Quòd verò attinet ad tempus, quo hæc gesta sunt: hoc quidem certum ex relatâ historiâ, ea contigisse tempore aliquo interiecto inter obitû Honorij, qui contigit anno 423, & obitum Theodosij, qui anno 450: sed quo præcisè anno, incertum. Id nonnulli referût in annum 439, quòd eo anno corpus S. Stephani Hierosolymis translatum sit Constantinopolim, quæ erat Theodosij sedes. Sed non habet fundamentum hæc coniectura, si vera est quam descripsimus narratio, in quâ dicitur, brachium illud Protomartyris, quod Vefontionem missum est, Romæ ab Honorio fuisse asseruatum, qui illud acceperat à Ioanne Episcopo Hierosolymitano, paulò postquàm inuentum est corpus B. Stephani: Ioannem enim Hierosolymitanum fato concessisse anno 416, proximè sequenti post annum inuenti corporis, probat Baron. eodem anno, num. 35. Igitur iampridem brachiû illud Romæ habebatur: neque anno 439, Constantinopolim cum reliquo corpore ab Hierosolymis translatum fuit. Si coniecturis agendum: senserim
- 439.
444. ego id factum anno 444, paulò antequàm Hilarius Arelatensis, veniret Bisontium, & Celidonium Episcopatu priuaret: occasione nimirum sanguinis, è brachio S. Stephani, dum à Celidonio tractaretur, diffluentis, populum rem adeò insolentem, vindictam diuinam interpretatum: & scilicet ratum, Episcopum suum occulto aliquo scelere teneri, cum ad Hilarium, bigamiæ, & usurpati Iudicij in causâ sanguinis, magis tumultu quodam, quàm certâ rei cognitione



gnitione detulisse: quibus ille se in Curiâ Romanâ coram S. Leone purgarit: tuncque fortè S. Leonem miraculi perspectâ magnitudine, indixisse, vt ea dies tertia Augusti, quâ hæc contigerant, Inuentioni corporis Sancti Stephani in posterum sacra haberetur.

*Appropinquante Verò tempore, quo Beatus Celidonius Pontifex gloriosus, Sancto sibi reuelante spiritu, ab hac luce se subtrahi cognouit: mercedem laborum suorum à pio Iudice recepturus, iussit locum sepulturae suae preparari, & iuxta prædecessoris sui sarcophagum collocari: in quo post eius transitum, à fidelibus est honorificè repositus; hæc ex veteri ms. Creditur verò Celidonius cum decessore suo Leontio, sepultus in sacello S. Agapiti (vbi olim erat Chorus antiquæ ecclesiæ S. Stephani: nunc autem à temporibus Hugonis I, qui eiusdem basilicæ longè amplius ædificium à Valthero inchoatum perfecit, sacellum S. Agapiti extra chorum est, & ad angulum, qui dexter est, altare maius intuenti.) Exstant siquidem in eo sacello ad murum, sepulchra duo antiquissima absque epigraphâ, minutis columnis distincta: in quibus iacere creduntur, Leontius, ac Celidonius. Hinc fortè appellatam sæpe reperias in Bisontinis codicibus capellam S. Agapiti, Cæmeterium Archiepiscoporum.*





## Importunus.

**H** VNC vnicus dedit, qui in S. Stephani vetusto quodam libro, catalogus: qui proximè à Celidonio hæc habet: *Importunus pseudoepiscopus, receptus, sed temporibus eiectus.* Eum suspicor deposito Celidonio susceptum ab Hilario Arelatensi, aut certè à Clero & populo; quem deinde S. Leo Papa, Celidonio restituto, in ordinem redegerit.




## XVI.

## GERMESILLVS.

**G**ERMESILLVS (quem & *Gelmeisillum, Germeisildum, Chelmegisdum*, ac *Germesigildum* dictum legimus) claustrum S. Stephani construxit, & regulares officinas. Alia quoque multiplicè & laudabiliter gessisse dicitur ineunte suo Præfulatu: sed iucunda initia tristes habuere exitus, cum in Arianam impietatem defecit. Eâ verò de causâ meritò statutum fuisse legimus, vt eius nomen è dyptichis expungeretur.

## XVII.





## XVII.

## CLAUDIUS I.



Hic, & quatuor sequentes, in nullis catalogis reperiuntur: sed eos exactis Conciliorum & registro D. Gregorij Magni restitimus: neque dubium est, quin annis istis circiter centum & quadraginta ante Nicetium, alij sedem Bisontinam tenuerint, quorum nomina perierint nobis. Quia verò in codicibus Bisontinis, eo toto tēpore sedes vacasse dicitur, venit mihi in animum suspicari, Bisontinos Antistites, Vesontione per Attilam euersâ, alibi domicilium habuisse; donec Ecclesia sub Nicetio à Brunechilde restaurata est: quod certè est aliquo modo sedem vacasse, tametsi impropriè: nisi quis *sedis* nomen, muris potiùs, ac domibus, quàm dignitati ac titulo Episcopali tribuendum putet.

Interfuit igitur Claudius hic, Concilio Epaunensi, sub Sancto Sigismundo Burgundiæ Rege celebrato, anno 509: eundemque esse *Claudium Episcopum* 509. putat Baronius (anno 490,) qui subscriptus legitur cuidam Synodo Arelateni, & cuidam Lugdunensi circa annum 490, coactis in causâ Faustî Rhegiensis: sed in eo non est audiendus, quòd hunc Claudium, eum esse dicit, cui publicus in Ecclesiâ exhi-

p 3

betur



betur cultus. Nam illum per septem solum annos  
Bisontinam sedem tenuisse, nec nisi longo post  
hunc Claudium tempore, suo loco ostendemus.



## XVII.

## VRBICVS.

552.




VRBICVS subscripsit Concilio Aurelia-  
nensi quinto, anno Christi 552, Vigilijs Pa-  
pæ, 13. Baron. num. 25. Rhenanus lib. 3 re-  
rum German. in Valle Pœninâ, legisse se di-  
cit in veteri quodam codice, subscriptum Epaonen-  
si Concilio Orbicius Episcopus Ecclesiæ Vefontiensis, quæ  
proximè sequitur Constantius Episcopus ciuitatis Octo-  
dorensis. Sanè ille Orbicius, non alius esse videtur ab  
Vrbico, qui quintæ quoque Synodo Aurelianensi  
interfuit. Sed quomodo Vrbicus adesse potuit  
Eponensi Concilio, cui Claudium Vefontionensem  
subscripsisse constat ipsis cuspis Concilij Eponensis  
tabulis; idque proximè ante Constantium Octodo-  
rensem? proculdubio secundum quoddam Conci-  
lium vulgato recentius proponit vetustus ille visus à  
Rhenano codex; nam & Ioan. Stumpfius, ex anti-  
quis manuscriptis asserit interfuisse Eponensi Con-  
cilio, anno 546 celebrato, Gramatium Episc. Vindoni-  
ensem, qui etiam subscriptus legitur Aurelianensi  
quinto, cum Vrbico nostro; & vtriusque decessores

Clau



VESONTIONIS PARS II. 119

*Claudius Vesontionensis, & Boülcus Vindomissensis*, priori illi Eponensi Synodo anno 509 adfuisse reperiuntur. Vide suprà Partis I, cap. 38.




XIX.

TETRADIVS I.



TETRADIVS anno Christi 570 misit vice suâ Casarium Presbyterum ad Concilium Lugdunense, quod primum dicitur eorum, quæ exstant. Huncque ipsum esse suspicor Tetradium, qui Concilio Parisiensi secundo, seu (vt quidam volunt) primo, interfuit anno 558, vel 559.




XX.

SYLVESTER II.



SYLVESTER Concilio Matifconensi primo, anno 582. (*Baron.num. 10.*) 582. & secundo, anno 588. (*Baron.num. 10.*) vtri- 588. que sub Pelagio Secundo.



XXI.


VITALIS I.



VITALIS cum multis aliis Præsulibus, Theodorico Rege, & Brunechilde Regina, subscripsit priuilegio Monasterij S. Medardi Sueffionensis



593. nensis dato 7 Cal. Iunij, anno ab Incarn. Domini 593, Indict. II, quod cap. vlt. lib. 12 epistolar. ex Registro D. Gregorij Magni, nobis indicauit D. Gaspar de Mornieu Reginus in Lugdunensi Præfecturâ Consiliarius, vir numquam satis laudatus, ob accuratam diligentiam, quâ Sanctorum gesta, & Præsulum Gallicorum Catalogos vndecumque ex puluerulentis Ecclesiarum archiuiis, truncatisque tumulis eruit & exsuscitat, & ad Chronologiæ normam, pio & indefesso labore posteritati consulens, conatur reducere.



## X X I I.

## S A N C T V S N I C E T I V S.



DE S. Nicetio Archiepiscopo Bisontino (cuius felix ex hac vitâ discessus, ad octauam diem Februarij in diœcesi Bisontinâ, festâ celebritate recolitur) hæc habe ex vetustis ecclesiarum codicibus.

*Erat in Beato Pontifice Nicetio, contra errores diabolicos, cælestis sapientiæ plenitudo; aduersus mundi conflictationes, infatigatæ constantiæ fortitudo: Cuius quidem eloquentia cœlitus inspirata, populum sanctè viuere edocebat. Beate vite exemplis subditos roborabat: sæculū, eiusque amatores, repletus Spiritu Sæcto, cōfutebatur. O quàm iuste predicamus, cunctis præconiis esse laudabilem, quem Sanctitas sacerdotem, quem eruditio Doctorem, quem vera fides constituit*

*egre*



egregium Confessorem. Vir denique prudens & eximius, quia ardenti animo ad cœlestia properabat, terrena solo actu non tamen affectu possidebat: & quia non posse Deo servire, & Mammona se sciebat, soli Deo seruiens, diuitiis imperabat; in dandis eleemosynis assiduus, in vigiliis strenuus, in oratione conspicuus: tam doctrinâ, quàm vitâ clarebat: prædicationem suam operibus confirmabat; cuius sermo puritate amabilis, simplicitate laudabilis: & quia Sancti Spiritus gratiæ perfectè donum possidebat, amatus ab omni populo erat. Vir autem Israëlita, in quo dolus non erat, hæreseos incitamenta fidei firmitate subnixus conculcabat; sanctam Ecclesiam in fide orthodoxâ regebat. In quo officio, quantus, quamque industrius exstiterit, si quis studiosè requirit; in epistolis Beati Gregorij Papæ, super eadem hæresi abscissâ, huic & aliis Galliarum Episcopis directis, reperire poterit: fuit enim Beati Gregorij Papæ contemporaneus, & admodum Sanctimonie eius contubernio per literas usus: cui sæpius literarum schedulas dirigebat de conculcandâ hæresi, de sanctâ predicatione in populo Dei, de legis ministerio, & doctrinâ fidei. Ipse verò legaliter suum implens officium, & magistri præceptis diligenter & curiosissimè intendebat, & à mandatis Domini nullatenus declinabat.

Erat autem tunc temporis B. Columbanus Luxouienſis cœnobij Pater celeberrimus: cuius rogatu B. Nicetius Antistes sanctissimus Anagrates, & Luxouium & Fontanas adiit, & in utroque cœnobio, ab eodem sanctæ memoriæ Columbano edificatis ecclesiis, quia in suâ erant diœcesi, altaria dedicauit, ibique de Diuinis dulci & ammirabili confabulatione habitâ, post multarum lacrymarum sparsa flu-



mina, post deosculaciones creberrimas, Præsul ad ciuitatem rediit. Columbanus Verò monachorum vitam educando, apud Luxouium aliquanto tempore fuit. Inter quos quanta fuerit nexæ concordie caritas, quantaq; in oratione societas, non est dictu facile: die enim noctuque desiderabant alter alterum videre: salatorias epistolas sæpe sibi mittebāt: de Dei seruitio hortari & commonere inuicem sese studebant. Posthac verò accedente discordiâ inter Reginam Brunehildem, & beatissimum Columbanum (nulla enim concordia inter bonum & malum) iussu Regis Theoderici (regina enim urgebat) pulsus à Luxouio per manus satellitum, ductus est ad Bisunticam ciuitatem in exsilium. Vbi videns eum B. Nicetius, mutue dilectionis alacritate perfunctus, & fratris aduersitati, solatium inferens, modestè condolebat; & multo gaudio replebatur, quia confabulandi copiam tali cum viro habebat: ubi diu eum honorificè tractans, saluâ Regis reuerentiâ, secum habuit: donec Dei voluntas, (in cuius manu sunt omnia) suâ potentiâ, ac dispositione beatum virum ab hoc exsilio liberatum reduxit. Non videbatur B. Columbano se exsiliū passum esse, sed Dei Paradisi deliciis, quamdiu cum Episcopo mansit, intersuissè.

Verum, cū iam omnipotens Deus voluit Beatissimum Confessorem, & Archiepiscopum, ex suo seruitio remunerari; & quia super pauca fuerat fidelis, super multa constitui; cœpit aliquantulum febribus fatigari: cūque iam suæ depositionis diem imminere sentiret, conuocans Clerum & populum, verbum salutis edidit; suæ vocationis diem ab hoc sæculo notificauit; pacem eis, Magistri sui ac Saluatoris vestigia sequens, reliquit. Ipse verò sexto Idus Februarij exutus  
homi



hominem, in Domino quieuit. Cuius sanctissimū corpus delatum est ad ecclesiam, quam antecessor eius sanctæ recordationis Eusebius quartus Episcopus, in honore B. Petri Principis Apostolorum construxerat; & extra muros sepultum est, sicut ipse in vitâ disposuerat. Populus autem sanctâ devotione commotus, propriam ei condiderunt ecclesiam, sepulchrum eius infra sanctuarium continentem: Ut quem in terris dilectissimum habuerunt Pastorem, in cœlis mererentur propitium intercessorem: Vbi ostendit piissimus Dominus, qualis sui famuli fuerit vita, cuius ossa innumeris miraculis coruscant: ad cuius sepulchrum fiducialiter recepturi, quod iure poscunt, fideles populi properant; ad laudem ipsius & gloriam, cui honor & iubilatio per infinita secula.

Hæc ex libris S. Ioannis, S. Stephani, & S. Petri. Hæresis porrò illa, cui amouendæ adlaborauit Nicetius, Simoniaca est, quæ per ea tempora, toto quidem Christiano orbe, sed maximè in Galliis grassabatur: ad quam extirpandam, etsi frequentes exstât à Greg. Magno ad varios Principes & Episcopos datæ epistolæ, lib. 4. registri epist. 51, 52, 53, lib. 7, epist. 113, 114, li. 9, ep. 50, 51, 53, 54, 55, 57; nusquā tamen videre mihi licuit vel vnā earum, quas ad Nicetium nostrū conscripsit, & eæ fortassis planè periêre. Cæterum quæ S. Columbanus exsul (anno secundum Baronium 612) Vesontione gesserit, vbi à S. Nicetio acceptus est, placet referre ex Ionâ, illius æui scriptore, in vitâ S. Columbani, cap. 18, apud Bedam tomo 3: & exstat aliis permultis locis tum cusa, tum manuscripta.

612.

q 2

Disces



Discessit ergo Rex ( Theodoricus ) relinquens virum quemdam procerem, nomine Baudolphum (al. Baudulphū.) Is enim cū remansisset, virum Dei à monasterio pellit, & penes Vesontionense Oppidum perducit ad exsulandū, quo ad- vsque Regalis sententia, ex eo quid voluisset, decerneret. Commorans ergo inibi, audit carcerem eo in loco plenum esse damnatorum hominum, mortis damna expectantium: ad quē vir Dei properat, ingressusque ostium nullo obstante, verbum Dei damnatis depromit: spōdētque illi, si liberarentur, emendaturos, & de commissā noxā pœnitentiam acturos. Beatus itaque Columbanus post hæc ministro Domoali (cuius superius fecimus mentionē) imperat, vt manu ferrum, quo cōpedes irretiti erant, atq; innexi, apprehendat ac trahat. Quod ille apprehensum trahit, & veluti frutex putrefactus, per partes cōminuitur, egredi que carcerem damnatos, solutis compedibus, iubet. Peractō autem Euangelici cultus officio, pedes lauit, linteoque absterfit; imperatque deinde vt ecclesiam petant. & commissi sceleris, pœnitendo ac fletibus abluendo, culpas lauent: properantes ergo illi, ecclesie fores obseratas reperiunt. Tribunus igitur militum cū vidisset virtute Dei per beatum Columbanum damnatorum compedes fractos, & vacuū sibi tantummodò relictum ergastulum, insequi calces damnatorum (ac si à somno excitatus) cum militibus cœpit. Illi vero post tergum appropinquare satellites videntes, & fores ecclesie obseratas cernentes, geminā vallati angustia, virum Dei compellant, vt eruantur. Ille autem anxio anhelitu sursum caput attollit; precaturque Dominum, vt suā virtute ereptos è ferro, non sinat denuò tradi satellitum nexui. Nec morata Auctoris bonitas; fores firmis obseratas claustris re-  
serat,



serat, atque in angustia positus aditum pandit, pernicique cursu ingrediuntur ecclesiam. Fores autem post damnatorum introitum, in oculis militum absque humana manu obserantur, ac si custos usu clauigero perniciter & reserasset & obserasset. Perueniens ergo beatus Columbanus cum suis, simulque & Tribunus cum militibus, fores obseratas reppererunt, Aspasiumque nomine custodem quaerunt, ut claues largiatur: qui cum venisset, clauigeroque usu fores reserare voluisset, ait se numquam diligentius obserata claustra inuenisse. Nec quisquam post ausus est damnatis iniuriam inferre, quos Diuina virtus eruerat.

Baudulphum supra memoratum, quidam esse volunt eum, in cuius odium erecta dicitur statua lapidea ad Archiepiscopium: Iactat enim imperitum vulgus, sine auctore, ut solet, *Baudum* quemdam, vel *Baudulphum*, muliere quâdam suadente, Archipraefulem quemdam Bisontinum lapide obruere aliquando tentasse, & causam dedisse ponendae illi statuae, quae cum galeâ, loricâ, & accincto gladio cernitur. Et sanè *Baudulphus* ille Miles, *Theodorici* Regis minister domoalis S. Nicetio Archiepiscopo infensus fuisse traditur, quod S. Columbano Vesontione agenti palàm faueret. Quicquid sit, explodendi sunt ij, qui *Baudum* illum Ciuem Plebeium Bisontinum, & Viticolum temerè faciunt, cum repugnet in primis habitus statuae planè militaris: nec vero simile sit Ciues monumento in odium plebis erigendo consensisse, aut certè clam positum superstites reliquisse. Pergit verò Ionas cap. 19.



*Post hac vir Dei (Columbanus) cernens, quod nullis custodiis angeretur, à nulloque molestiam sustineret; (videbāt enim omnes in eo Dei virtutem flagrare, ideoque omnes ab eius iniuriis segregabantur, ne socij culparum forent;) ascendit Dominicā die in verticem ardui cacuminis montis illius: (ita enim situs vrbs habetur, cum domorum densitas in diffuso latere proclui montis sita est, prorūpunt ardua in sublimibus cacuminibus, qui undique abscissi fluminis Doue alueo vallante, nullatenus commeantibus viam pandit:) ibique vsque ad mediam diem exspectat, si aliquis iter ad Monasterium reuertendi prohibeat: & cum nullus contrarius existeret, ipse per mediam urbem cum suis ad Monasterium regreditur. Hæc Ionās.*

*Sed rursus Columbanus Luxouio abire iussus, antequam ad Italiam accederet, Vefontione iterum transisse dicitur, ad finem eiusdem capituli 19. Ex quibus emendes Surium, qui tomo sexto, cum S. Columbani res gestas ex Ionā, mutato nonnihil vt assolet stylo auctoris, describit; pro illis Ionæ verbis, virum Dei à Monasterio pellit, & penes Vefontionense oppidum perducit ad exsulandum; reddidit, iuxta Vefontionense oppidum in exsilium abegit: cum tamen non ad vicinum quempiam locum, sed ad ciuitatem ipsam Bifontinam fuisse deductum per Baudulphum, ibique vinctos magno miraculo è carceribus eduxisse, non obscure significet Ionas, dum ciuitatis situm, & rupem Stephaniam, ac flumen ambiens graphicè depingit: constetque ex iis, quæ de S. Nicetio supra retulimus, cum Vefontione excepisse perhumaniter*



ter beatum Columbanum Luxouio exfulantem.

Hic porro notandus est breuiarij Bisontini neo-  
tericus quidam compilator (ex quo nonnulli recen-  
tiores, ) qui Nicetium hunc nostrum confudit cum  
Treurenſi; dum eum à Treurenſi ſede ad Biſonti-  
nam tranſlatum dixit: cùm tamen hi duo (vt ex tem-  
porum rationibus eruitur) diſtinctiſſimi ſint. Treui-  
renſis ſiquidem ordinatus eſt Epiſcopus anno 529:  
*Baron. ibid. num. 14*: Clotarium primum Francorum  
Regem pluries anathemate perculit: Theodorico  
Burgundionum Regi reſtitit: interfuit Synodo Ar-  
uernenſi, anno 541; & Aurelianenſi quintæ (cui etiam  
adſuit *Urbicus Veſontionenſis*) anno 552: ac tandẽ cùm  
anno 565, ſuam ſedem Treurenſem, à quâ exſulaue-  
rat, perhonorificè recepſiſſet, obiit, anno quidem  
mihi incerto: ſed tamẽ ante tempora Gregorij Ma-  
gni (qui ſedem Apoſtolicam tenuit ab anno 590 ad  
604,) ſepultuſque eſt Treuiris in baſilicâ S. Maximi-  
ni Treurenſis, vt refert Greg. Turonenſis, & ex illo  
Surius, alijque recentiores. Quæ autem miſcentur  
de eodem Nicetio; fuiſſe ſcilicet Magno Gregorio  
æqualem & familiarem; & S. Columbanum Luxo-  
uio pulſum Veſontione excepſſe (anno 612 ex Baro- 612.  
nio,) quadrant iſta in Nicetium Biſontinum: qui &  
ſepultus eſt in æde S. Petri Biſontinẽſis: vnde in anti-  
quo cerimoniaſi codice Metropolitanæ, habetur:  
*In feſto S. Nicetij, ſexto Idus Februarij, itur ad Miſſam in  
eccleſiâ S. Petri, ubi requieſcit corpus eiſdem Sancti, cum  
proceſſione, & omni decore, exceptis vexillis. Iacere cre-*  
ditur



ditur prope maius altare, nec vnquam effossum est. Cum autem (vt ex eius historiâ retulimus) delatum fuerit eius corpus in ecclesiam S. Petri, quam ab *Eusebio quarto Præsule* olim exstructam ipse reedificarat (vt constat ex vetustis codicibus: ) & extra muros eiusdem ecclesiæ sepultum, prout adhuc viuens preceperat: cumque pij superstites, qui nec sacrum eius corpus sub dio relinquere, nec alio quàm quem elegerat loco reponere vellent, *propriam ei condiderint ecclesiam, sepulchrum eius infra sanctuarium cõtinentem*: hoc sic accipiendum putamus, vt ædes S. Petri eâ parte ampliata sint, quâ nunc S. Nicetij ossa cõtinent (neque enim vllus, quod sciam, antiquus liber, meminit ecclesiæ S. Nicetij:) factumque successu temporis, vt ecclesiæ S. Petri maius altare, illud ipsum fuerit, quod prope S. Nicetij sepulchrum olim fideles crexerant.

Sedente Nicetio *Theodoricus Rex Burgundionum, & Brunechildis Regina, Bisontinam ecclesiam à Vandalis* (potius ab Hunnis) *euerfam reedificarunt*; ex veteri chronico rerum Burgund. Sed quam quæso è multis? puto, *S. Stephani*: quæ fortè, quod ex eo tẽpore illustrior esset ac magnificentior, aduersus matrem ecclesiâ S. Ioannis primatum affectarit. Illud verò Chronicũ, satis apud nostrates frequens, etsi nõ ignoramus repperitum esse cõmentis; qui tamen illi hac in parte fidem negauerit, audiat ab Aimoino lib. 4, cap. I, *incredibile videri, tot ab vnâ Brunechilde, pia ædificia, in Austrasiâ, & Burgundiâ erigi potuisse.*

X X I I I.





## XXIII.

## SANCTVS PROTADIVS.



ANCTO Protadio in diœcesi Bisontinâ, sacra est dies (quâ ad cœlos euolauit) Februarij decima. De eo hæc habent Ecclesiæ Bisontinæ tabulæ.

Tempore Clotharij Francorû Regis incliti beatissimus Protadius, vir Apostolicæ auctoritatis, Bisunticæ ciuitatis adeptus cathedrâ, rexit Episcopium, non tam dono quàm merito; quia nullâ ambitione terrenâ suscepit honorem, in quem S. Spiritus gratia perpetuam sibi sacrauerat mansionem: nam summo labore animum ad virtutem à pueritiâ confirmauit; Et ut erat nobilissimus genere, moribus nobilitatem non obscurauit, quæ bonorum actuum splendore in eo modis omnibus coruscavit. Reges ac Principes maximè eum metuebant, item plurimum diligebant: cuius quippe fidei constantia dubios confirmabat, temerarios grauitas temperabat, seueritas eorum lasciuia corrigebat. Emicuit quidem in eo cœlestis conuersationis gloria, cui iugis inerat in cibis abstinentia (edebat autem solummodò ut uiueret, non autem uiuebat ut ederet,) in potu sobrietas, in vigiliis assiduitas, in oratione pura erat sedulitas: vitam Angelicam bonus Pastor agebat, ab ore cuius laus Domini non recedebat: laudem etiam Propheticam semper habuit, cuius in conspectu Domini non solum mors, verum et pretiosa vita exstitit. Quid igitur lucidius hoc Sacerdote, quid clarius hoc sancto Pontifice, in quo non

r

solum



solum continentiae ratio in escarum parcite, & castigatione corporis erat, verum ampliora illius virtutis bona, quae ad animi pertinet castitatem, habebat, quae non concupiscentias duntaxat carnis refrenat, sed etiam mundana sapientiae vanitatem conculcat: nullus enim ipsum per philosophiam & inanem fallaciam decipere poterat, qui sanctarum scientiarum scripturarum ad summam eruditus, & Sancti erat Spiritus doctrinam inuisibili ad summam repletus. Diebus enim suis, veritatis inimici, sicut adhuc sunt, non deerant, qui infra sanctam Ecclesiam bella civilia commouebant: quorum versutiam spiritualis Pastor, fidei armatus galea inexpugnabili, caritatis lorica circumdatus inuincibili, veritatis quoque insecabili scuto munitus, Dominica Crucis vexillo percutiens non solum confutauit, verum etiam quamplurimos illius serpentine veneno astutiae imbutos, ad sanctae matris Ecclesiae gremium perfecte sanatos reduxit.

Quantam denique virtute, quantamque Dei potentiam vir noster apostolicus, haeresim (quae eo tempore, Simoniaca, Gallicanas multum foedauerat ecclesias) extirpauerit, si quis diligenter ac curiosè requirit, in registro B. Gregorij Papae reperiet, qui super hoc laudes Deo & gratiarum actiones, Francorum Reges salutando, rependit. Industria enim eius, cunctis in hac parte resistebat erroribus: fidem autem Catholicam à cunctis muniebat impugnationibus. Specialis quoque pauperum cura in eo maximè praeualebat; circa quos vestimentorum ac ciborum distributor egregius secretè manebat, quia se Christum sub formam pauperis vestire ac pascere cognoscebat. Domesticorum quoque vitam tam exemplis quam eruditione ad portum dirigebat beatitudinis: non sibi viuens, sed



sed illis : Atqui egregius paterfamilias de thesauro suo noua  
 & vetera populis præferebat; qui vtriusque testamenti vnum  
 atque idem sacrosanctum martyrium edocebat, gregemque  
 Dominicum fidei prædicatione augebat: cui etiam Episcopa-  
 lis definitio conuenienter aptata, in nullo dissonabat, quoniam  
 modis omnibus irreprehensibilis erat. Inter cætera quidem,  
 huius beatissimi viri adscribitur laudibus; quod dubitantibus  
 Clericis inter se de diuersis ecclesiarum vsibus, (rogante bonæ  
 memoriæ Stephano sanctæ matris ecclesiæ B. Ioannis Evan-  
 gelistæ, & Haymino S. Stephani eiusdem ciuitatis Decano)  
 libellum ediderit, in quo ad separandum omne ambiguum  
 hæc scripta reliquerit: quid in Conuentu fratrum agi conue-  
 niat; quid tenere ecclesiam, quid ve vitare oporteat; quot  
 sacri ordinis ministros festiui dies habeant; quò, & quando  
 processiones fiant; quo tempore totius vrbis congregationes  
 ad matrem ecclesiam conueniant: quicquid etiam agendum  
 sit per anni circulum in ecclesiâ, sancta eius edocuit posteros  
 industria.

Clotarius denique Rex, tantæ dilectioni, siue timori eum  
 habebat, quod absque eius nutu siue consilio, nihil in regno  
 agere præsumebat, quem adeò miro affectu colebat, vt in om-  
 ni scripto ( sicut adhuc memoralia eius testantur ) Patrem,  
 & Dominum appellaret; & se Rex magnificus, seruum, ac  
 filium subiiceret. Nec mirum, si Rex terrenus, ac mortalis  
 eum metuebat, in quo Rex cælestis, & immortalis perenniter  
 habitabat. Hic autem felici migratione exutus homine, quar-  
 to Idus Februarij, ingressus est cælum; ubi locatus, Angelicis  
 spiritibus & coniunctus, intercedit pro populo ad Dominum.  
 Corpus verò eius sanctissimum, delatum est ad B. Petri Apo-  
 stoli



*stoli monasterium, & ad aram in Sanctuario collocatum: ubi si deuotâ mente suffragium queritur, citò Diuina largitas adesse cognoscitur; præstante Unigenito Dei filio, qui cum Patre & Spiritu Sancto uiuit & regnat Deus per omnia sæcula sæculorum.*

Præsentissimam B. Protadij opem Bisontini experiuntur, tum in aliis multis, tum maximè in imbribus vel laxandis, prout opus est, vel continendis. Quare, cùm eius corpus pridè in capsâ lignèâ, alioqui nõ inegatî afferuaretur; nuper Capellani S. Petri, sacro eius concludendo cranio argenteum caput; reliquis ossibus capsam argenteâ Ciues cõflari curauerunt; in quâ nobis præsentibus translata sunt 9 Februarij, anni 1614, per manus R.D. Philiberti Pourtier Canonici Bisontini, & Vicarij generalis.

Porrò liber ille rituum à Sancto Protadio conscriptus, exstat hodièque in ecclesiâ Sancti Ioannis, sed interpolatus à recentioribus, qui noua officia, nouosque ritus variis ex eo tempore occasionibus inductos, ad vsus Clericorum inseruerunt: adeò vt quid à S. Protadio priscâ illâ ætate institutum, quid à posteris adiectum fuerit, planè dubium reliquerint. Hæresim verò illam Simoniacam oppugnasse non potuit iam Archiepiscopus, sub Gregorio Magno: obiit enim S. Gregorius anno 604: at anno 612 in uiuis adhuc fuisse S. Nicetium, & Vefontione exfulantem B. Columbanum suscepisse vidimus: sed potuit illi hæresi restituisse S. Protadius Magni Gregorij tempore, cùm nondum Archiepiscopus



chiepiscopatum esset adeptus. Qui autem Fracorum Rex eum tanto in honore habuit, is est *Clotarius Secundus* Chilperici filius, qui Galliarum omnium gessit monarchiam ab anno 614, ad 631, vel (ut quidam) 632; quem tradunt seruorū Dei fuisse studiosissimū.

Sed accipe rem miram, quæ Vesontione contigit sub Protadij Præfulatu. Nocte quādam (seu furum ingenium fuit, seu Custodum incuria, qui aditus sacrarij minū diligentē obserassent) ingressi fures brachium S. Stephani, quod nobilissimā ex auro thecā variis distinctā gemmis inclusum, in S. Stephani ecclesiā seruabatur, surripiunt; & auri, quā ossium cupidores, thecam quidem in vsus suos asportant; brachium verò omni gemmā pretiosius, in flumen *Dubium* ex itinere deiiciunt, non longē à ciuitate. *Proiecto brachio in flumen* (verba sunt, quæ in vetustis lectionum ecclesiasticarum libris) *illicò diuidebatur continua quantitas defluentis aquæ; & cumulus vndarum in liquidos parietes erectus, spatium terminauit in medio, ubi brachium sanctum sicco sinu aquosi fundi blandē receptum collocabatur. Nec defuit lucido Martyri lux Diuina; sed in modum candele ardentis lumen appositum apparuit, quod nullis auræ spirantis flatibus exstingui valebat.* Id prodigij obseruatum à piscatoribus: Rumor interim spargitur in populo, ablatum à furibus brachium: exco- gitantur viæ omnes, quibus furtum deprehendi pos- sit, sollicitē perquiritur vndique: *quem tumultum pis- catores prædicti audientes, ut intellexerunt quod acciderat, monstrabant populo locum in fluuio, ubi brachium sanctum*



*cum lumine inter aquas in sicco positum omnes simul videntes, indubitata fide huius miraculi posteris reliquerunt. Mox clerus, populûsque yniuersus locum adiere cum prece publicâ; acceptumque brachium S. Stephani, in ipsius ecclesiam, vnde sublatum fuerat, ingenti omnium gaudio reportarunt. Hinc in Ecclesiâ Bisontinâ, Inuentioni brachij Protomartyris sacra est dies Iulij vigesima: quâ die rei gestæ historia in Diuinis officiis recitari solet. Atque hæc est secunda Commemoratio S. Stephani, in diocesi Vesontionensi fieri solita: cum prima fiat 13 Iulij, vt notauimus in Celidonio. In tertiâ verò Commemoratione, quæ celebratur 23 Augusti, legi solent duo miracula, quæ tibi ipsis antiquorum verbis hîc reddimus, ne styli mutatione, aliquid de veritate narrationis detractum putes.*

*Erat quidam vir in provinciâ Catalaunorum, qui solebat frequentare superiores partes Burgundie, causâ picis, vnde vasa vinaria ab incolis preparantur. Is cum sæpe hospitio reciperetur in ciuitate Vesonticensi, semper ecclesiam B. Stephani cum oblationibus suis visitabat. Quodam tempore dum iterum eodem itinere positus, serò venisset ad hospitium cumque socij itineris, propter accelerandam viam se dicerent in ipsâ nocte exituros; cœpit preparare candelam, quam B. Martyris ecclesie more solito ob deuotionem exhiberet: Cui dum hospes illius diceret, non esse sibi opus in nocte ascendere ad ecclesiam; & si illi commendare vellet candelam, ipse eam manè facto ad S. Stephanum deportaret; non acquieuit illi, sed surgens, de nocte ascendit in montem, & perueniens*



ueniens ad ecclesiam ceremonias persoluebat, & patrocinia B. Martyris efflagitans, securus recedebat. Vrbs verò Chrysopolitana super quemdam montem posita est, undique rupibus acutis per naturam munita; quam circumfluens penè ex omni parte quoddam flumen, quod vocatur Dubium, tutum & amœnum locum incolis præstat: cùmque tota vrbs satis scopulosum circuitum habeat, ex uno tamen latere per altissimum præcipitium patescit ruinis, ita ut neque aditum neque exitum ullis in terrâ uiuentibus, nisi uolatilibus aut serpentibus exhibeat: iuxta quam rupem, in inferiori planitie via publica dirigitur. Comites autem huius religiosi viri similiter de nocte surgentes, ad eandem vulgarem viam peruenerunt; & non inuento illo cœperunt clamare, & vocare illum nomine, ut ubi esset scire potuissent: quos dum ille in summâ rupe inferius clamantes audiret, respondebat se prothinus ad illos properare uelle; & cùm nox tenebrosa esset, probabili errore usque ad montis præcipitium clarè uidentibus valdè formidandum peruenit; & dum se putaret per planum incedere ad socios, cùm ipsi prope rupem fuissent inferius, & ille in saltu aliis hominibus mortali, longè distaret ab eis superius; subitò Diuinâ subuectione in planum inter medios socios illæsus depositus est. Illi verò mirantes, unde tam repenti ueniret, & qualiter de sursum uiuus venire potuisset; respondit se nescire, & nihil difficultatis habere, nisi quòd se per capillos aliquantulum suspensum fuisse, & parum molestiæ dicebat habere; sanus tamen & letus, Deo & Beato Martyri Stephano gratias agens, iter cœptum peregit.

Hoc miraculum, quod in antiquissimis codicibus descri



descriptum est, quo præcisè tempore contigerit, incertum. Distinctiùs refertur alterum de *Lamberto*, tunc Præposito Lingonensi, postea eiusdem urbis Episcopo: qui cum Romam adiens, Vefontione iter haberet, Protomartyris ope, quam implorauerat, fædo manus tumore, ac dolore acerbissimo liberatus est.

Fuit vir quidam, *Lambertus* nomine, natione *Lingonicus*, ex nobili prosapia ortus, sapientiâ & virtutibus admodum ornatus; qui *Lingonica* Urbis Præpositus in primis, postea disponente Diuinâ gratiâ Pontificali honore in ipsâ sede est sublimatus, qui cum adhuc memoratæ Urbis Præpositus esset, ei quidam morbus super alteram manum increuit, quæ vulgus superossum solet vocitare: vnde valdè cœpit egrotare; ex utrâque enim parte carne ingruente, os alte supereminabat, totumque corpus vis doloris exurebat: Sed venerabilis vir, Domini providentiæ vulnus suum committens sanandum, cum tanto dolore Romam adire cœpit, ac Bisonticâ Urbe transiens, ecclesiam S. Stephani in ipso monte sitam visitavit. Qui cum cryptam, ubi sanctum Martyris brachiū habebatur, fuisset ingressus, tamquam mancus ex unâ parte, ex alterâ verò dolore alterius penè debilitatus, orationem Deo ac S. Martyri quamdeuotè fudit, deprecans, ut morbum alieniaret, quo inceptum iter perficere posset: erat quippe vix possibile, tanto labore egrotantem, tam longum iter perficere. Verum, quid non offert indubitata fides credentibus! Ubi enim peractâ oratione surrexit, auditâ Missâ ibi, brachio Domni Stephani, per hoc sperans habere salutem, se signari expetiit. Iam acceptâ licentiâ abeundi, nihil remissens



cens mali, quod tam dirè antea passus fuit, viam aggredi cæpit; donec eò, ubi seruiens cum suis opperiebatur (videlicet ante ipsas fores Monasterij,) peruenit. Cùm igitur ex more equum ascensurus, tegumenta manuum, scilicet vantos, à seruiente sibi exigeret; seruiens vnum ei contulit, alterum verò, quem propter vim doloris iamdiu non induerat, retinuit; atque domino suo reliquum tantum exigenti arridens dixit; ò vtinam verum esset, quòd ipsi manui tamdiu passæ tegumentum suum conueniret. Ad cuius vocem tum demum dominus suus, sospitatis suæ effectum agnoscens, manum suã quamdiligenter intuitus, ita eam sanata inuenit, ac si nullius vnquam læsonis mala in eã pertulerit. Cæpit ergo à circumstantibus sciscitari, in quã manuum videbatur prius malum illud haberi. Denique tanto, tam repentino gaudio, & salute repletus, vnà cum sociis cryptam, ubi prius orauerat, concito itinere repetiit; atque Christo, & S. Protomartyri, quem post Deum, auctorem suæ salutis credebat, gratias egit.

Lambertum, in quem id beneficij collatum est, tunc Præpositum, inde Episcopum Lingonensem, cum esse non dubitamus, qui censetur inter amicos ecclesiæ Bisuntinæ, in veteri Missali codice S. Stephani, in quo hæc habes: Nomina amicorum nostrorum defunctorum; Vualtherius Eduensis Episcopus, Luzo Darentasie Archiepiscopus, Lambertus Lingonensis Episc. Hugo Lausonenfis Episc. Vilelmus Diuionensis Abbas, Aldricus Vercellenfis Episc. Nizo Lugdunensis Episc. Poppo Patriarcha Aquilienfis. Hæc porrò in hunc locum retulimus, occasione inuenti sub Protadio brachij S. Stephani,

f                      cùm



cum tamen ea aliquot post sæculis contigisse constet: obiisse enim S. Protadium existimo, die decimâ  
626. Februarij, anni sexcentefimi vigesimi sexti, quo anno S. Claudius ei suffectus est.

Ecclesiam verò S. Petri, in quâ depositus est, cum *Monasterium* dictam legis; nō est quod ad monachos pertinuisse existimes: nihil enim frequentius in antiquorum scriptis, quàm ut ecclesiam quamlibet, monasterij nomine appellent: sicut & nos Galli, quamcumque basilicam, *Moustier* appellamus. Imò in Bifontinis ritualibus, ecclesiarum omnium Clericos, seu Canonicos, dictos persæpe inuenias *Fratres*: quod nomē ideo illis attributum puto, quod in primâ suâ institutione, regulares fuerint, & vitæ communi addicti.



X X I V.

## SANCTVS CLAUDIUS II.



DE S. Claudij chronologiâ, & ordine inter Bifontinos Archiepiscopos, variæ exstiterunt, eæque inter sese pugnantes sententiæ: quibus referendis ne diutiùs adhærescam, quàm huiusce chronici breuitas ferat; ante omnia, eius historiâ tibi propono, ex archiuo cœnobij S. Claudij, eam ipsam, cuius nōdum editæ prima verba notat Molanus in suis ad Vsuardum notis.

Quæ



Quæ sanè, etsi auctore anonymo, ex eo tamen per-  
antiqua esse apparet, atque adeò omnium quæ vn-  
quam scriptæ sunt antiquissima; quòd ipso initio  
profiteatur auctor, eam se scribere *laudabili Fratrum  
Iurensum instantiâ commonitum*: vitam enim S. Clau-  
dij non videbantur postulaturi vt scriberetur, si ab  
aliquo iam conscripta erat: & illa vox (*Fratrum Ju-  
rensum*) æuum S. Claudij sapit; quo loci illius mo-  
nachi nondum à S. Claudio, sed à loco (veteri no-  
mine) *Iurense*s dicerentur. Quæcumque verò in hac  
historiâ habentur, adeò conueniunt & consonant  
inter se (quemadmodum paulò post demonstrabi-  
mus,) vt vel hinc maximè fidem mereantur apud  
omnes, qui tempora rectè putare norint.

*Vita S. Claudij Archiepiscopi  
Bisontini.*

In nomine Sanctæ & Indiuiduæ Trinitatis. Laudabili  
*Fratrum Iurensum instantiâ commoniti*, vitam Beati Clau-  
dij, & eius miracula summatim delibare decreuimus; cu-  
ius vitæ meritum si ad plenum prosequamur, mendacem  
inuidiam minimè poterimus declinare: & ideo paucas eius  
virtutes attingimus, vt nos lector parcos potius veritatis,  
quàm prodigos falsitatis inueniat.

Beatus igitur Claudius fuit ex nobili Salinensium Princi-  
pum seu Palatinorum genealogiâ: qui usque ad septimum  
annum cum decenti curâ in domo parentum suorum nutritus  
fuit. Transacto autem septimo ætatis suæ anno, ab ipsis pa-  
rentibus



rentibus, probatissimis literarum magistris instruendus traditus fuit; sub quibus artes, quas liberales vocant, infra paucos annos plenè didicit: infra cuius temporis spatium, non solum artes prædictas, verum etiam libros veteris & novi testamenti, historias siue Passiones Sanctorum Martyrum, atque vitas Sanctorum Confessorum, necnon & sermones seu homilias Sanctorum Doctorum, sub ipsis magistris adolescens sibi legendo percurreret: erat enim iam in hac ætate, ingenio docilis, corde feruidus, & sanctis operibus totus deditus, nec sinebat diem transire absque bonis operibus. In hac autem ætate non solum (ut diximus) literarum studio vacabat; verum & omnibus diebus, præcipuè Dominicis & Festiuis, ecclesiam frequentabat: Missam & horas canonicas, ac Diuinæ scripturæ sermones auidè auscultabat, ac in armario suo pectoris recondebat. Personis verò religiosis aut honestis se admiscebat, & cum eis de virtutibus ac bonis operibus semper conferebat: inhonestis autem, aut scurrilibus nunquam iuxta eorum inhonestatem, aut scurrilitatem responsum dedit; sed potius mansuetè verba rationabilia dulciter & sapienter reddebat: erant iam enim tunc eius verba facile sapientiæ condita, ac in tantum rationabilia & dulcia, quòd omnium in se prouocabant affectum. Diligebant autem eum prouecti & sapientes, velut iam virum factum & virtuosum, & sapientem; alij verò, ut adolescentem affabilem atque prudètem. Nunquam in foris, tripudijs, seu quibuscumque mundanis spectaculis astare visus fuit: nunquam cum mulieribus iuuenibus absque rationabili causâ diu fuit; nec de qualicumque nefando opere notatus, nõ de risu, respectu, vel quocumque tam modico verbo dignus reprehendi iudicatus. Hic

Sanctus



*Sanctus erat vultu Angelicus, formâ decorus, incessu maturus, moribus ornatus, sensu profundus, sermonibus affabilis, charitate præditus, in tantum, quod omnes qui eum intuebantur, iudicabant eum esse verum Dei famulum. Hac quæ suprà diximus, in adolescentiâ sine reprehensione per-*  
*egit.*

*Factus autem ætatis viginti annorum, erat iam in diuinis eruditus, ac in bonis operibus assuetus: militiâ elegit Clericalem, petiitque humiliter, ac pro suis meritis obtinuit, se recipi in Canonicum cathedralis ecclesiæ Bisontinensis. Qui creatus siue factus dictæ ecclesiæ Canonicus, incepit in ipso Canonicorum collegio ecclesiam frequentare, Missis, horis canonicis, & aliis officiis ecclesiasticis interesse; libros sacræ scripturæ diligenter reuoluere; lectiones ipsius sacræ scripturæ feruenter, & attentè audire; magistrorum sermones deuotè auscultare; ac per omnia, (ut verus Christi famulus) absque reprehensionis notâ se habere: ac in tantum infra breue temporis spatium, diuinâ gratiâ ipsum prosequente, in prædictis sanctis operibus profecit; quod sacræ paginæ probatissimus, ac talis, quod in totâ Burgundiâ prouinciâ, suo tempore non fuit factus similis magister & professor. Prædictis autem donis, & virtutibus ditatus, de die in diem in sanctitate proficiebat; ecclesiam, ut diximus, frequentabat; Diuina officia in suo gradu, & prout ad ipsum secundum ordinationem ipsius ecclesiæ, absque defectu, reuerenter, & deuotè exercebat; orationi, prout temporis opportunitas se offerebat, frequenter incumbere; omni penè tempore, exceptis Dominicis & Festis, semel in die refectiorem sumebat; sæpe noctes in oratione, lectione, & sanctâ meditatione peruigiles ducebat; castum,*



Et, ut credimus, virginem ( utpote qui numquam de quacumque parua infamia notatus fuerit ) se custodiebat; in vestimentis mediocrem se habebat; in moribus verò humilem, in verbis dulcem & affabilem se exhibebat; ac ( ut uno verbo cuncta complectar ) in omnibus virtutibus, omnium iudicio, pollebat: ita ut crederes illum iam probatissimum monachum.

Completis autem in huiusmodi sanctis operibus duodecim annis; eius suffragantibus meritis electus est in Archiepiscopum Bisuntinensis Ecclesiae: quod qualiter factum fuerit, breuiter enarrare dignum duximus. Infirmante enim dicta sedis Praesule infirmitate quā decessit; vir beatissimus timens quod post euenit, ne scilicet in Pontificem eligeretur, Ecclesiam ipsam ad tempus relinquere disposuit, & ad suos parentes ( Dominos scilicet Saliensium ) deuenire festinauit, & cum eisdem in ipsa Salinensium villā habitare cepit. Dicto autem Praesule viam vniuersae carnis ingresso, Clerus & populus per aliquod tempus fuerunt in eligendo discordes, illis volentibus unum, aliis verò alium: tandem post multas altercationes inter se habitas ad se redierunt; & unanimes in oratione & fletu se prostrauerunt, supplicantes humiliter, ut meritis Beatae Dei genitricis, & S. Joannis eorum patroni, & omnium Sanctorum, Dominus eis misericorditer inspirare dignaretur, quem in Pastorem dictae Ecclesiae eligere deberent. Orantibus autem illis, vox de caelo intonuit, quae ipsos Canonicos, ut à fletu cessarent, monuit, & Beatum Claudium eligerent. Tunc Canonici non modicum latificati, Sanctum virum unanimiter elegerunt: & facta huiusmodi electione, non humanā, sed potius diuinā, miserunt ad Sanctum



*Sanctum virum honorabiles totius Ecclesiæ & ciuitatis, pro  
obtinendo, & habendo eius consensu, & pro reducendo ad  
ipsam ecclesiam memoratam. Factâ autem prædictâ electio-  
ne, & Beato viro præsentatâ, ac in dictâ Salinenfi villâ di-  
uulgatâ, non est nostrum dicere, quantâ letitiâ tota villa fue-  
rit repleta, ad quantâsque eius parentes eruperunt gratia-  
rum actiones. Habito eius (quem denegare non potuit) con-  
sensu; qui destinati fuerant, reduxerunt cum ad Bisuntinẽ-  
sem ciuitatem: & ibi eius diuulgato consensu, quis dicere po-  
test in quanto gaudio ciuitas fuerit, quantâsque gratiarum  
actiones Domino egerit? puto verè, ad hoc non sufficere Ma-  
ronis eloquentiam. Celebratis autem gratiarum actionibus,  
Canonici miserunt ad Romanum Pontificem, pro obtinendo  
ipsius electionis canonicam confirmationem: pro quâ dictus  
Pontifex, compertâ rei veritate, laudes immensas & gra-  
tiarum actiones cum lacrymis Domino retulit, & quantum  
necesse fuit, ipsam approbavit anno sexcentesimo vicesimo  
sexto Incarnationis Dominica.*

*Factus autem Archiepiscopus, subitò officium Pastorale  
feruenter exercere cœpit: in collegio namque residens, eccle-  
siam deuotè frequentabat; Missas solemnes reuerenter cele-  
brabat; horis canonicis continuè intererat; sermones Clero,  
& populo memoratu dignos faciebat; causas ecclesiasticas ho-  
ris debitis benignè audiebat, & decenter determinabat; nec  
propter ipsas, seu quæcuis alia negotia ecclesiastica (quæ tamen  
irreprehensibiliter administrabat) nisi esset euidentis necessi-  
tas, ecclesiam horis, quibus diuina officia celebrantur, dimisit.  
Exponebat disertissimè sacratissimas sententias veteris, &  
noui testamenti; & per suos mellifluos sermones, eradicabat  
vitia,*



titia, virtutes inferebat: erat namque profundissima literature, & per omnia similis bono patrifamilias, qui profert de thesauro suo noua & vetera. Visitabat sæpe provinciam sibi commissam, sacram verbi doctrinam seminando: & ut plura vno verbo concludantur; per omnia fidelis seruus, & prudens, quem constituit Dominus super familiam suã. Erat etiam, ut diximus, valdè dulcis & affabilis, pius, & mitis; quibus virtutibus, miro modo omnium ad se attrahebat affectum: & nihilominus tantum erat in Dei amore eleuatus; quòd in contemplatione assidue fixus, vix poterat ad corporalem refectionem declinare: vocatus tandem, ab oratorio & studio latus & hilaris, ad mensam descendebat. Anno autem septimo sui Episcopatus, Diuino amore totus accensus totis præcordiis, delicias, pompasque huius sæculi funditus volens relinquere, & Domino fonti viuo plenius vacare; cunctis strenuè dispositis, ciuitatem suam cum dignitate reliquit; & in Monasterio S. Eugendi (quod est iuxta fines diœcesis) omni Clero & populo diœcesis ciuitatis renitente, ac lacrymis ipsum reuocante (ab Angelo, ut ferunt, Monachis prænunciatus) deuenit: ibique habitum, vitamque monachalem arripuit.

Residens verò in dicto Monasterio, per omnia ut verus monachus se gerebat: erat enim in diuinã contemplatione suspensus, in orationibus assiduus, in ieiuniis continuus, in vigiliis feruidus, in sanctis lectionibus & meditationibus præclarus: comedebat, & dormiebat ut Monachus: in Diuinis verò officiis peragendis, primus omnium ecclesiam intrabat, & ultimus recedebat: suo sanctissimo exemplo omnes ad perfectionem monasticam promouebat. Per idem tempus

Sanctus



*Sanctus Iniuriosus Abbas, vir utique magnæ sanctitatis & prudentiæ, dictum Monasterium regebat: qui videns Beati viri sanctitatem, ei humiliter præsentavit regimē ipsius Monasterij; supplicando, quatenus dignaretur ipsum, & oves Domini pascere & regere: quod vir Sanctus, cum grandi mansuetudine renuit. Completis autem quinque annis ab introitu S. Claudij, Sanctus Iniuriosus Abbas migravit ad Dominum: quo dato ecclesiasticæ sepulturæ, Fratres venerabiles dicti loci, communi consensu, cum magno deuotionis ardore, præfatum beatissimum Præsulem elegerunt sibi in Pastorem: & habito eius (quem eximiâ charitate, quâ erat præditus, dedit,) assensu, miserunt ad Sedem Apostolicam, postulantes beatum virum sibi dari in Prælatum. Sanctus Verò Ioannes Sanctæ Sedis Apostolicæ apicem tenens, qui prædictum Sanctum optimè nouerat, eisdem Fratribus, ac Monasterio beatissimum virum concessit in Pastorem: quod non sine Diuinâ dispositione factum esse creditur, quod in loco, in quo plures floruerant Sancti, beatissimus Præsul adnumeraretur, & locus ipse insignior efficeretur.*

*Accepto autem regimine dicti Monasterij, multi Clerici tam Ecclesiæ Bisuntinensis, quàm aliarum Ecclesiarum; necnon multi iuuenes nobiles diuersarum Urbium, oppidorum, & terrarum, ad eum cateruatim confluebant, cupientes ei adherere, ac cum magnâ instantiâ postulantes se recipi in Monasterio: quos beatissimus Pater absque difficultate, & personarum acceptione recipiebat. Videns autem beatissimus Pater, in dicto Monasterio magnum monachorum numerum, disposuit recuperare oblationes olim dicto monasterio per Reges & Principes factas. Vnde primò huius rei causâ perrexit*

*Parisiis*



Parisijs ad Regem Clodoveum; cuius prædecessores (Reges scilicet Burgundia & Francia) dona, seu pensiones largissimas prædicto obtulerant monasterio. Apud dictum Regem ipsa dona seu pensiones repetiit: qui Rex benignè confessus est, se debere, & soluere teneri dicto monasterio, & Fratribus ibidem Deo deseruiantibus, pro supplemento victus, & vestitus dictorum Fratrum, summam quinquaginta modiorum tritici, & quinquaginta modiorum hordei, & quinquaginta librarum denariorum argenti. Deum testor, quod ego proprijs oculis vidi, & legi in archiuis dicti monasterij, inter alias chartas unam, diuersis signis & characteribus signatam, super dictas summas confectam, sic incipientem: Clodoveus Francorum Rex, omnibus præsentem paginam lecturis, salutem. Accessit ad nos vir Venerabilis Claudius, &c. Et non solum monachis, qui tunc in ipso Monasterio in magno numero erant, necessaria administrabat; verum etiam pauperibus Christi, & omnibus aduentantibus, alimenta sufficienter distribui faciebat. Non est nostrum enarrare, quatenus vir ipse beatissimus ipsum monasterium augmentauit: nam si de temporalibus libeat fieri sermonem; ecclesias ipsius monasterij munivit pretiosissimis indumentis, vasis, crucibus, & candelabris aureis & argenteis, libris decentissimis, pannis sericis: Sanctorum verò reliquias reposuit in capsis argenteis, lapidibus pretiosis adornatis: monasterium, & domos ipsius, edificijs decenter reparauit & auxit: iura alienata recuperauit. In spiritualibus verò, dici non potest, quantum monasterium auxerit: nam libri sermonum eius, redditi Fratribus, ex quibus cognosci potest, qualis in doctrinam fuerit: sed insuper ex scripturis ipsius monasterij, & potissimè beati Rustici, (qui sub

Beato



Beato viro in Monasterio, officio Prioris claustralis functus, post ipsum Abbas exstitit ) potest videri quales Fratres sub ipso Sancto fuerint. Patrator verò miraculorum fuisse dignoscitur, de quibus exstant libri conscripti. Fuit autem Pater Beatissimus in dicto Monasterio Abbas annis quinquaginta quinque. Fuit verò in hoc sæculo usque ad quartum annum Childeberti Francorum Regis.

Nunc verò aliqua dicenda sunt de eius gloriosissimo fine. Expleto autem anno quinquagesimo quinto, à quo tempore Abbas electus fuit, sanus & immunis ab omni maculâ, licet esset antiquus, & plenus dierum, incidit in quamdam leuem infirmitatem: tertiâ autem die suæ infirmitatis, conuocari fecit omnes Fratres, quibus prolixum & luculentum fecit sermonem, in quo miris rationibus dulciter eos monuit, primò de Diuino amore, secundò de contemptu huius mundi, tertio ne aliquo modo tristarentur de eius recessu: & videns eos uberrimè flentes, acceptâ ab omnibus pace, eos è cellâ suâ abire præcepit, totâque exinde sequentem noctem in orationibus peregit. Quartâ verò die, cum suorum adiutorio in ecclesiam perrexit; & in ipsâ, sacramenta sacra Pœnitentiæ, & Dominici Corporis, totus profusus in lacrymas, veneranter recepit: & cupiens fugere pompas Urbium, & honorem populorum, corpus suum in ipso monasterio sepeliri iussit: deinde suorum adiutorio in cellam rediit. Quintâ autem die, circa horam diei nonam, reclinatus super scamnum, super quod legendo & orando sedere solitus erat, erectis sursùm brachiis, manibus iunctis, oculis ad cælum suspicientibus migravit ad Dominum.

Vniuersæ huius narrationis summa est: S. Clau-



dium Salinensibus Comitibus oriundum, anno æta-  
 tis vigesimo in Canonicum Bisontinum electum:  
 expletis in eo munere annis duodecim (cùm anno-  
 rum esset duorum supra triginta) ex Diuino testi-  
 monio in Archiepiscopum electum fuisse; atque an-  
 626. no Christi 626, à Summo Pontifice confirmatum (is  
 tum erat *Honorius*, vt quidam alij codices habent,  
 qui sedit ab anno 626, ad 638.) Pertæsum deinde Ar-  
 chiepiscopalis Curia, & priuatæ vitæ studio ductus;  
 anno septimo sui Episcopatus; ætatis suæ 38, vel 39;  
 632. Christi, 632, vel 633, ad *S. Eugendi* monasterium se re-  
 633. cepisse: In quo cùm quinque annos compleuisset, de-  
 functo Abbate *Iniurioso*, vno omnium monachorum  
 consensu electus in Abbatem, à Ioanne Papâ eius  
 nominis quarto (vt distinctè habent aliæ membra-  
 næ; & qui Ecclesiam rexit annis 639, 640, 641,)   
 639. confirmatus est anno Christi 639, vel 640; ætatis suæ  
 640. 45, vel 46. Constitutus Abbas, ad *Clodouæum* Fran-  
 corum Regem aliquando adiit, res sui monasterij  
 curaturus: is est haud dubiè *Clodouæus Secundus*, qui  
 sceptrum tenuit ab anno 648, ad 665; vel (vt quidam)  
 ab anno 647 ad 664: nam ad *Clodouæum tertium*, (qui  
 Rex fuit ab anno 689, ad 693) vix crediderim iter ag-  
 gressum S. Claudium, iam tum nonagenarium: &  
 videtur indicari in relatâ historiâ, cum primis Ab-  
 batia suæ temporibus ad Regem venisse; vt scilicet  
 omnia constitueret quasi de nouo, quæ ad creditam  
 sibi familiam pertinerent, & collapsa illius iura re-  
 stitueret. Cùm denique Abbatis partes sustinuisset  
 annis




annis quinquagintaquinque, ad cœlos euolauit, octauo Idus Iunij, quæ dies ipsi etiam sacra est in Martyrologiis Bisontino, ac Romano (quamquam in alio quodam Bisontinensis ecclesiæ S. Stephani Martyrologio, notetur eius festum die præcedenti, his verbis: *Nonis Junij, In diœcesi Lugdunensi S. Claudij Archiep. Bisontini.*) Obit autem anno quarto Childeberti Francorum Regis: Is est *Childebertus secundus*, cuius regni annus quartus cadit in annum Christi Seruatoris 695, vel 696: est verò ætatis S. Claudij circiter centesimus.

Quæ cum optimè conueniant, facile apparet non potuisse S. Claudium interesse Concilio Epaunensi, quod celebratum constat anno Christi 509: neque in Bisontino Archiepiscopatu, vel S. Nicetio proximè suffectum esse, (vt nōnulli senserunt:) vel sextum à Nicetio præfuisse eidem ecclesiæ, (vt habet nouum Breuiarium Bisontinum, ex plerisque catalogis, in quibus S. Claudius primum à *Geruasio*, & sextum à *Nicetio* locum obtinet:) cum enim S. Protadium floruisse constet regnante Clotario secundo, qui è viuis excessit anno Christi 632; necesse est, fuerit *Protadius* Nicetio propior, vt cum eodem Rege per literas frequenter egerit. Rursum, cum *Donati* Archiepiscopi Bisontini certissimæ extant mentiones annis 633, 650, & 662, aut circiter (vt mox ostendemus;) fateri cogimur, cum S. Claudio immediatè successisse, quippe qui anno 632, aut certè ineunte 633, in Iurensem eremum secesserit. Hæc de S. Claudij chronologia.



giâ. Quòd verò in catalogis, sextus positus sit à Nicetio, à quo est secundus; id fortè factum habitâ ratione temporis, quo obiit, non quo gessit Archiepiscopatum: nam vt vidimus, ab Archiepiscopatu abdicato, sexaginta ampliùs annos, quâ Abbas, quâ monachus, in monasterio Iurenfi egit.

Eius acta ( etsi non satis ad chronologiæ normam aptata, ) & miracula, Gallico idiomate vulgavit anno suprâ sæcularem nono, *Henricus Boguetius*, Magnus apud San-Claudianos Iudex: in quem anno proximè sequenti, *Lectius* nescio quis è Calvinianorum turbâ *ματιγροφός*, impudenti quidem, & audaci, sed planè elumbi atque enerui oratione Geneuæ declamauit; cui nomen esse voluit *Claudiomastix*. Dignus ipse plagis, & impietatis atque imperitiæ notâ; qui non modò suâ illâ mimicâ, & certè puerili eloquentiâ exploserit pium honesti viri conatum; sed & in debitam Sanctis, ac sacris eorum reliquiis venerationem, vanissimis argumentis disputarit. Nos cum porrigere iubemus manum *Bellarmino*, aliisve, qui nostri huius æui nouatorum commenta exsufflarunt.



XXV.

### SANCTVS DONATVS.

**D**ONATVM familiæ suæ, sed patriæ magis ac Bisontinæ Ecclesiæ, Sanctissimi viri Columba



VESONTIONIS PARS II. 157

lumbani vota pepererunt. Rem vti gesta est, refert Ionas cap. 13 vitæ S. Columbani: quo ideò libentiùs vtimur; quòd, vt ipsemet testatur, superstite adhuc Donato scripsit: hoc eius opus habetur apud Bedam tomo 3.

Erat tunc temporis Dux quidam nomine Vvaldelenus, qui <sup>al. Vval-</sup> <sup>dalenus.</sup> gentes, quæ inter Alpium septa, & Iurani saltus arua incolunt, regebat: huic soboles nulla erat, vt Juuencus de Zachariâ & Elizabeth ait: Gratius vt donum iam desperantibus esset. Hic cum coniuge suâ Flaviâ nomine, & genere & prudentiâ nobili, ad Beatum Columbanum ex Vesontionensi oppido pergit; precantes simul, vt pro eis Dominum deprecaretur; dicentésque se multis opibus esse ditatos, sed cui hereditatem post obitum relinquerent, heredem non habere. Quibus vir sanctus, Si, inquit, voti vestri est, vt largitoris donum, eius nomini consecretis, mihi que ex lauacro suscipiendum tradatis; pro vobis Domini clementiam implorabo, vt non solum eum, quem Domino voueatis, habeatis; verùm quanta volueritis post pignora suscipiatis. At illi læto animo promittunt, se eius imperiis parituros; tamen pro ipsis Domini misericordiam non desinat implorare. Spõdet vir Dei, muneribus plenus, se in promptu habere: tantum ne pacti fœdus studeant violare. Mirum dictu, vix domum remeant, donum creatoris, aluo grauidâ, mater futura expectat. Editum autem puerum ad virum Dei desert; suis orationibus largitum munus demonstrat; grates conditori agit, qui sic ad petitiones famulorum suorum, quæsita dona largitur. Quem vir sanctus suis manibus receptum sacrauit, sacroque lauacro ablutum ipse suscepit, Donatûmque nomen imponit, matric



al. Ka-  
melenū.  
al. Agriū.  
 trique ad nutriendum reddit. Qui post alitus, in eodem monasterio sapientiā imbutus. & Vesontionensis Pontifex prefectus, nunc usque superest eandem cathedram regens. Qui post in amore Beati Columbani, ex ipsius regulā monasterium virorum construxit, quod Palatium nuncupant, ob veterum munimenta murorum. Addidit post eum bonitatis largitor, famuli sui promissum, alium filium Ramelenum nomine, qui nobilitate & sapientiā pollens, post obitum patris in eius honorem est susceptus, quamvis seculari habitu, tamen in creatoris amore vigil. Nam & ipse in amore Beati viri, in saltu Iurenfi, super Nouisonam fluuiolum, Monasterium ex eius regulā construxit, in quo Siagrium Abbatem praefecit: addiditque adhuc duas filias pristino muneri, & seculo nobiles, & Christi timori deditas. Post ista munera, mater ipsorum Flavia, post mariti obitum, monasterium puellarum construxit in supradictā vrbe Vesontionis: & omni munimine roborans, multarum puellarum concionem adunauit. Tanta autem in eis viri Dei gratia flagrauit, ut omnia phalera-menta praesentis vitae contemnentes, ad omnipotentis Dei cultum anhelarent.

Hæc Ionas: & similia vetusti Bisontini codices, de S. Donati natalibus. De ipsius verò Sanctimoniā, deque duobus illis Vesontione exstructis cœnobiis, pauca hæc accipe ex antiquis membranis. Apicem tantæ dignitatis (Episcopalis) adeptus, nullo modo est à suo proposito alteratus; sed idem permanens ipse omnibus proficere cupiens in Christo, non desisteat à cœpto officio. Inter Canonicos denique commorans, monachali scemā indutus, sic erat inter illos, quasi monachus vnus, Canonici implens officium.



cium, monachi non amittens propositum. Quantam autem solertiam in Catholicâ lege conservandâ adhibuerit, diligentiamque servauerit, non est facile narratu. Fama igitur eximie laudis eius usquequaque propalata, præter solitum multos animabat, ad videnda summi Euang. Ioannis, & Protomart. Stephani limina: qui omnes recreabantur eius consolatione, & benedictione roborabantur: & si quid Apostolico more suis offerebatur pedibus, nihil patiebatur in suorum expendi usus, sed cunctorum pauperum largiebatur necessitatibus. Præterea monasterium infra Urbis mœnia condidit, & in honore B. Pauli Apostoli sacrauit, possessionibus ditavit, privilegio munivit: atque inibi fideles viros sub B. Benedicti, & B. Columbani Luxouienfi regulâ victuros instituit. Suo denique tempore, matre eius Flaviâ cooperante ex propriâ hereditate, aliud in eâdem Urbe nobile sanctarum monialium, in honore Beatæ Mariæ est edificatum cœnobium: in quo requiescit eadem Flavia in pace, & Sirudis eius filia, virgo sacratissima, eiusque loci Abbatissâ. Antiquus, & sexcentis propè abhinc annis conscriptus Bisontinorû Antistitû catalogus, qui in veteri libro S. Stephani, non Flaviæ soli (vt apertè Ionas) sed & S. Donato tribuit foundationem monasterij Beatæ Mariæ, his verbis: Per istum (Donatum) recepit Ecclesia villas Domblingum & Arslatum. Aedificavit autem Ecclesiam Sancti Pauli, in quâ etiam in Domino requiescit: & Iussanum monasterium cum matre suâ Flaviâ, quæ ibi sepulta est.

Quod ergo Palatium Ionas vocari dixit, monasterium est S. Pauli, quod hodièque mœnibus ciuitatis adiacet, quibus à Dubi flumine dirimitur. Puella-



rum verò cœnobium, etiamnum à B. Mariâ nomen  
 habet (à quo vicina porta ciuitatis, *Dominæ nostræ*,  
 seu *Beatæ Mariæ* dicta,) & appellari quoque solet *Ius-*  
*sanum Monasterium*: quod primùm quidem monia-  
 libus exstructum est; deinde ad Benedictinos Mo-  
 nachos abiit, fuitque Balmenſi monasterio subditū  
 multis ab hinc sæculis; vt patet ex chartis Friderici  
 Imp. 1153, & Adriani quarti Papæ 1155, relatis in bi-  
 bliothecâ Cluniacensi: quibus *Balmenſe cœnobium*  
 cum omnibus eius pertinentiis, inter quas est *Iusſa-*  
*num monasterium* (mendosè enim *Visanum* leges) apud  
 Vefontionem situm, Cluniacensibus datur. Et in  
 quodam instrumento cœnobij Bellæuallis Ordinis  
 Cistert. dato ad annum 1264, Gaufridi Prioris *Iusſa-*  
*ni Monasterij* mentionem reperimus. Nuper anno  
 1607, cœnobium illud Minimis concessum est ad  
 habitandum. In eo verò, super altare quoddam, as-  
 seruantur in capsâ ligneâ, ossa quædam muliebria,  
 certè alicuius, cui sua quondam virtus opinionem  
 peperit sanctitatis: sed quæ tandem illa? altum vbi-  
 que silentium. Si quis est locus coniecturæ; ego aut  
 Flauiam esse dixerim, S. Donati matrem, & illius  
 monasterij saltem ex parte fundatricem (piam vti-  
 que fœminam, cui prolem Deus, & eam prolem mi-  
 raculo concesserit; quæque se Deo, & suas opes, &  
 liberos, gratum holocaustum, consecrarit:) aut sanè  
 ipsius filiam *Sirudim*, (quibusdam *Surudim*) eius mo-  
 nasterij Abbatissam: cum vtramque ibidem sepul-  
 tam constet. Vtrùm autem altero antiquius, *Iusſa-*  
num



num, an S. Pauli monasterium; partim ex allatis Ionæ verbis colligitur; cum dicit puellarum monasterium à *Flaviâ* post obitum mariti constructum: partim ex S. Pauli necrologio, ubi *Dux Vvandalenus*, Flaviæ maritus, sepultus dicitur in ecclesiâ S. Pauli. Ex his quippe constat, cœnobium Sancti Pauli, excitatum iam fuisse, cum excessit è viuis *Vvandalenus*, adeoque *Iussano monasterio*, (quod nonnisi eo defuncto ædificari cœpit) esse antiquius.

Vvandalenum porrò cum Ducem legis; caue supremum Burgundiæ Principem intelligas: nam eo tempore Burgundiæ Regnum, Francorum Regibus paruit, fuitque provincia Francica, per Præfectos regi solita, quos *Maiores domus*, aut *Maiores Palatii Burgundici* nuncupabant: easuit Vvandaleni, patris S. Donati, dignitas. Et fidem faciunt vetusti commentarij cœnobij Besuensis, præter *Vvandalenum* S. Donati patrem, alium quoque eodem tempore *Amalgarium Ducem*, alteri Burgundiæ parti, Francorum Regum nomine, præfuisse: ei tres fuisse liberos ex *Aquilinâ* vxore, *Andalcirum* scilicet, *Vvandalenum*, & *Aldalsindam*. Et in *Andalcirum* quidem (ut penes quæ staret stirpis suæ propagatio) dignitates suas, ac præcipuas opes deriuasse: aliis duobus, qui Diuino se mancipauerant cultui, cœnobia duo (normæ utrumque Benedictinæ) à se exstructa, atque optimis prouentibus locupletata, quasi pro dote contulisse; *Besuense* scilicet monachorum, Vvandaleno, qui *Luxovij* primùm ad vitam asceticam institutus, ei Besuensi



cœnobio Abbas præfuit: *Aldalsinda* verò, monasterium Sanctimonialium, prope Ciuitatem Bisontinā exstructum; quod à loco, *Sancta Maria de Battant* appellatum est. Notant verò ad hæc citati commentarij, Aldalsindam Abbatissam, à quibusdam seu prædonibus, seu militibus immanitate barbaris, in suo ipsius monasterio dura & dira passam: indeque expulsam, ad fratres suos in Abbatiam Besuensem cōfugisse; nec multò post, Besuense ipsum cœnobium, direptum fuisse & flammis vastatum. Quibus tumultibus, & quo præcisè tempore id contigerit, nō liquet: hoc certum, eam monialium *de Battant* sodalitatē, quæ circa S. Donati tempora, primū ad B. Benedicti regulam instituta est, Cisterciensē postea Institutum sequutam esse: atque agente Ioanne Cardinali Episcopo Sabinensi, Apostolicæ Sedis Legato (qui paulò antè fuerat Archiepiscopus Bisontinus) ad illud admissam à G. Abbate Cisterciensi, sedente Capitulo generali, dato in eam rem diplomate anno 1228, quod incipit: *Fr. G. dictus Abbas Cistercij, totiusque conuentus Abbatum Capituli generalis, dilectis in Christo, Conuentui S. Mariæ de Battant Bisunt. salutem in Domino. Iustis petentium desideriis, &c.* At paulò antè fuisse illis ædificatam ecclesiam, aut potius reædificatam, fidem facit charta eiusdem Ioannis, adhuc Archiepiscopi Bisontini (ex archiuo S. Magdalenes Bisont.) quæ est huiusmodi:

*Ioannes Dei gratiâ Bisontinus Archiepiscopus, vniuersis presentes literas inspecturis, rei gesta notitiâ. Sciant omnes,*  
quos



quos scire oportuerit, quod cum domus Monialium Cisterciensis Ordinis, sita supra fontem Bateti, fundari deberet (ad normam scilicet Cisterciensem restitui,) ne ex ecclesia ibi adificanda, vel cimeterio, ecclesie B. Marie Magdalenes fieret praedictum & grauamen; de consensu Canonicorum eiusdem ecclesie, & praedictae domus, iura utrorumque per nostras literas sic duximus declaranda: videlicet quod quicumque instituetur sacerdos in dicta domus ecclesia, in sua institutione iurabit in manu Archiepiscopi, vocatis Decano & Capitulo S. Marie Magdalenes, quod eis bonam conscientiam fidem seruabit in iis, quae pertinent ad ius parochiale, &c. Actum anno Domini 1226, mense Februarii.

Anno deinde 1267, vnum est Sanctarum 11000 Virginum Martyrum corporibus Coloniae Agrippinae (vbi quondam trucidatae sunt) effossum, a Margaritha Flandrensi, & Hayonenfi Comitissa per sororem Alaydim Monialem S. Antonij Parisiensis acceperunt: quod hodieque in nouis suis aedibus, magna ueneratione asseruant. Verus siquidem illarum monasterium, supra fontem de Battant, extra muros ciuitatis constitutum, (quia illius oberat securitati) anno 1595, laceffitâ bellis Burgundiâ, decreto Senatus solo tenus dirutum est: Moniales in Iussanum Monasterium deductae; donec anno 1599, propriae illis aedes in Arcarum vico attributae sunt.

Sed ut de S. Donati chronologia non nihil afferamus. Subscriptus in primis legitur Synodo Cabilonensi, sub Clodoueo Secundo celebratae; de qua Baronijs anno 662: alij, circa annum 660, celebratam pu-



tant. Meminit item *Iacobus du Breul* in antiquitatibus  
urbis Parisiacæ, & rursus in earum supplemento, cu-  
iusdam priuilegij immunitatis, & exemptionis  
ab omni subiectione Episcoporum & Clericorum,  
quod *Audobertus* Parisiorum Antistes concessit mo-  
nasterio *Fossatensi* (nunc *S. Mauri* dicto, ab anno 868,  
quo in illud importatum *S. Mauri* corpus) quodque  
confirmauit *Clodoueus Rex*, anno Regni sui quinto, Indi-  
ctione quintâ, die 15 Maij: & quatuor Archiepiscopi, vide-  
licet *Gaudericus Lugdunensis*, *Annobertus Senonensis*, *Pre-  
stelandus Bituricensis*, & *Donatus Besontionensis*: septem-  
que Episcopi, qui omnes tum in Regis aulâ erant, atque ad  
sanctam Synodum euocati conuenerant. Annus quintus  
*Clodouei*, est Christi circiter 650: circiter dixi, quia  
variant chronographi, neque hîc locus est de alienâ  
illâ chronologiâ disputandi. Erratum autem puto in  
Indictione, ut quinta, sit loco septimæ, vel octauæ.  
Sed antiquior exstat mentio *S. Donati* in quadam  
Synodo, quam refert *Flodoardus* lib. 2, hist. eccles.  
*Remensis*, cap. 5, tacito tamen celebrationis loco &  
tempore. De quâ ut dicam, quod vero mihi similis  
633. apparet; habitam puto *Remis*, & anno 633, aut certè  
634. 634: cum *Dagobertus* (ablato è viuis *Clotario* pa-  
tre anno 332) restitisset iuribus, quæ ipsorum pater,  
*Ariberto* fratri, testamêto reliquerat: ac suorum mul-  
tâ arte conciliatis animis; eâque ob rem plurimis  
Regni urbibus, egregiâ æquitatis & clementiæ si-  
gnificatione lustratis; Remos tandem, Prælatos Re-  
gni, ac Proceres conuocauit. De quo conuentu *Nic.*  
Gillius



Gillius in Dagoberto: & antiquior Aimoinus lib.4, cap. 17, ex cuius veteri codice, à Dionysianis Parisiensibus sibi commodato, refert Belleforestius lib. 1, annal. Franciæ, cap. 32, cum Remos venisset Dagobertus, eò quoque ex omni Regno, & nominatim è Burgundiâ, Episcopos & magnates de ipsius mandato confluisse: ibique habitis comitiis, visos magnam partem euocatos Dagobertum sibi in Principem cooptare. Hoc verò Concilium, (de quo Flooardus citato lib.2, cap.5,) tempore superius notato celebratum fuisse, maximè apparet ex Episcopis, qui illi interfuerunt; Hi sunt *Sonnatus Remensis*, *Arnulphus Metensis*, *Theodericus Lugdunensis*, *Sindulfus Viennensis*, *Sulpitius Bituricensis*, *Modegiselus Turonensis*, *Senocus Elosanensis*, *Leontius Santonensis*, *Modoaldus Treuerensis*, *Chunnebertus Coloniensis*, *Richerius Senonensis*, *Donatus Vesontionensis*, *Auspicius Augustodunensis*, *Modoaldus Lingonensis*, *Ragnebertus Baiocensis*, *Childoaldus Abrincatensis*, *Bertegiselus Carnotensis*, *Palladius Autisiodorensis*, *Gondoaldus Meldensis*, *Leudebertus Parisiacensis*, *Chainoaldus Lauduni Clauati*, *Godo Virdunensis*, *Ansericus Sueffionensis*, *Claudius Reiensis*, *Bertoaldus Cameracensis*, *Agomarus Siluanectensis*, *Cæsarius Aruernensis*, *Verus Rutenensis*, *Agricola Gabalensis*, *Lupoaldus Maguntiacensis*, *Uuillegiselus Tolosanus*, *Constantius Albienensis*, *Namatius Ecolesmenensis*, *Rusticus Caturcensis*, *Audericus Auscensis*, *Emmo Arefetensis*, *Felix Catalaunensis*, *Hadoindus Cenomannensis*, *Magnebodus Andegauensis*, *Ioannes Pictaunensis*, *Leobardus Namneticus*. Quorum Præfulum si attendas



tēdas chronologiam, comperies primū Synodum hanc multò esse antiquiorem Cabilonensi, quæ in annū circiter 660 referri solet. Cū enim è tot Episcopis, tres tantū vtrique interfuisse legantur, nēpe *Donatus Vesontionensis*, *Palladius Antisiodorensis*, & *Claudius Regiensis*; duodecim ferè inuenias in Concilio Cabilonensi, quibus totidem alij huic Remensi Synodo subscripti respondent; qui eos in eādē Sede, sæpe etiam non proximè, sed vno, pluribusve interiectis præcesserunt: vt clarum est ex Antistitum Gallicorum catalogis. Neque tamen celebrari potuit ante annum 632, cū adhuc S. Claudius, nondum autem S. Donatus Vesontione sedebat: sed sequenti anno 633, aut 634, incunte tum Dagoberti Regno, tum Donati Præsulatu. Aberrat autem *Baronius*, dum anno 631, mortuo Clotario, S. Arnulphum Metensem, simul Episcopatum abdicasse, atque in cremum secessisse dicit, ex Ionâ in vitâ S. Arnulphi, apud Bedam tomo tertio: neque enim auctor ille (siue Ionas est, siue alius quispiam) quidquā aliud docet, quàm S. Arnulphum, non ante Clotarij obitum cessasse dignitati suæ, vt trāquilliorē in solitudine vitam ageret. Cæterū rectè ostendit *Regorius* tomo tertio Stemmatum Lotharingæ, histor. capitali 48; *Arnoldus Vuion* lib. 3, ligni vitæ, 18 Iulij; & *Vincent. Barralis* in chronologiâ Lerinensi; S. Arnulphum anno 622, monasterium Lerinense ingressum; ac deinde anno 623, factum Episcopum Metensem, quindecim annos in eo munere exegisse: ideoque



que nec se vltimò in cremum recepisse, nec ei adhuc superstiti suffectum fuisse *Goëricum*, ante annum 638. Interesse igitur potuit huic Concilio, anno, quem notauimus, 633, aut 634.

Ex his habes annos plus minùs viginti octo, Sedis S. Donati: nempe ab anno 633, ad annum circiter 661: & facillè senserim, ipsum multò etiam vlteriùs 661. vitam produxisse; cùm natus sit degente Luxouij S. Columbano (ideòque non ante annum 592; immò fortè non multò ante annum 612, quo exfulauit S. Columbanus: ) è viuis autem excefferit affecta iam ætatis. Cùm ergo diem obiisset septimo Idus Augusti (quæ dies illi festa est in diocesi Bisontinâ) depositus est in S. Pauli basilicâ, quam ipse construxerat; in quâ etiam sepultus est ipsius pater Dux Vvandalenus: ex *Necrologiis*, & aliis antiquis codicibus.

Exstat à dextrâ parte cœmeterij S. Pauli, ædícula sub S. Donati nomine, quæ Parochia est incolarum vici *Paulini*: illi suus olim præerat Parochus, seu Curatus; nunc verò illud beneficium vnitum est officio *Cantoris S. Pauli*. Non desunt autem, qui existiment, iacere S. Donatum in eo sacello, quod ab illo nomen habet: verùm sepultum in S. Pauli, constat sexcentis antiquorum testimoniis; & de translatione, nulla exstat mentio.





XXVI.

## S A N C T V S M I G E T I V S .

**S**A N C T V S Migetius, vir sempiternâ memoriâ dignus, in Ecclesiâ Chrysopolitanâ educatus, & sub S. Donati Archipresulis disciplinâ ad omnem virtutem eductus; ei ad Superos translato, consentientibus omnium suffragiis subrogatus est. Commendatur à Maioribus nostris, quòd incruentum Missæ sacrificiû æterno Deo quotidie offerret; quòd largus in egenos; quòd in diurnis, nocturnisque precibus assiduus; quòd nunc huius, nunc illius Sancti proposito sibi quòd imitaretur præclaro aliquo facinore, eam se diem perdidisse putaret, quâ aliquos non fecisset in virtute profectus. Officia ecclesiastica permulta instituit, iustis in eam rem collatis redditibus: nouo Ecclesiam censu & vasis auxit. Ordinavit in Ecclesiâ Bisontinâ quinque Archidiaconos cum maiori Archidiacono, qui vices Archiepiscopi supplerent: assignauitque eis redditus, quos pro sede acquisuerat. Collationes nihilominus prædictarum dignitatum, Camera Archiepiscopi; collationem verò maioris Archidiaconi, Decano & Capitulo liberè resignauit. Possessiones autem & redditus primi Archidiaconi assignauit in Luxouio: secundi assignauit in Fauerneyo: tertij in Treuâ: quarti in Grayaco: quinti verò in Saliniâ, & in Villarum confinibus prædictarum. Præterea ecclesiam parochialem, in honorem S. Ioannis Baptiste, prope  
muros



muros ciuitatis, readificauit: atque circum hanc cœmeterium benedixit: in quâ etiam instituit Baptisterium fieri per succedentium annorum curricula (exceptis tantum sabbatis sanctis Paschæ & Pentecostes, & per octauas eorum.) Nam antea Cives & suburbani, qui fuerant baptisandi, in baptisterio maioris ecclesiæ (S. Ioannis Euangelistæ, ubi exstat hodieque illud Baptisterium à S. Lino fundatum) baptisabantur. In aliis uero ecclesiis parochialibus instituit Fontes fieri: uidelicet in ecclesiis S. Mariæ Iussani monasterij, S. Mauritij, Sancti Petri, & Sancti Laurentij. Claustrum quoque columnis & testudinibus adificauit, ab ostio ecclesiæ, quod ducit ad palatium, per partem illam, quæ Conuentus dicitur; & per partem Dormitorij usque ad Refectorium. Priuilegium etiam à S. Macario Patriarchâ Ierosolymitano dudum huic urbi concessum, & per beatam Helenam delegatum, sed suo tempore iam deletum, per Romanum Pontificem renouari fecit. Hæc ipsis auctoris antiqui (quem non alium esse credimus à Ternatio, qui Migetium proximè sequutus est) uerbis retulimus; ut appareret quàm alia esset quo illo ciuitatis Bisontinæ facies, ab eâ quæ nunc est: cum S. Ioannis Baptistæ parochialis ecclesia constituta esset prope muros ciuitatis. Quæ ecclesia, quod baptisterium frequenter appelletur in uetustis libris ecclesiarum; id à Migetij ætate factum puto, qui sacros in eâ fontes primus constituit: & ad quam fortasse per annos aliquot, priusquam in aliis quatuor prædictis ecclesiis baptisteria erigeret Migetius, è totâ ciuitate, accipiendi baptismi ergò accessum est. Quodnam illud priuilegium à Maca-




rio vrbi concessum, nondum comperire potui.

De Migetij felici transitu, hæc subdit idem auctor: Hic autem eius mos erat assiduus; ut nocturnæ quieti membra traditurus, sese Sanctorum pignoribus commendaret; & à secularibus absolutus curis, in sanctâ contemplatione animum relaxaret, atque in piâ meditatione necessarium corpori soporem susciperet. In piâ ergo intentione, quâdam nocte soporatus, per visum ad principalem ecclesiam est deductus: ubi contemplabatur quasi consistentem infinitam multitudinem Abbatum, quorum maior pars videbatur esse Sacerdotum. Inter quos unum recognoscebat hominem, quem (quod sibi nouerat familiarem, quia eius comes in Romano itinere exstiterat) interrogans, quæ tanta esset multitudo; audiuit omnes hos mundanam vitam finiuisse in B. Ioannis Euangelistæ seruicio. Quos Beatus Ioannes cum Leuitâ Stephano ad altare prædictæ ecclesiæ cum ineffabili cantus melodiam deducebat, & sacris peractis officiis, omnes ab eius manibus viuificum munus percipiebant. Diuinâ itaque reuelatione est edoctus; quod non alia cum maneret carnis resolutio, nisi in locis, B. Ioannis vicinis oratorio. Qui gratulabundus super tali visione, seque visitari Diuini respectus miseratione; oratorium B. Ioannis est ingressus: & ibi ex imo cordis profundo, lacrymis prorumpentibus, ad Deum extendens puram mentem, Dei clementiam secretis precibus inuocauit. Quo factò, ad domum quamdam Episcopatus proximam declinauit, & ibi cum magnâ Abbatum multitudine, & Cleri, visitatus est: sacro se iussit oleo muniri, unâ cum Corporis, & Sanguinis Domini perceptione. His peractis, astantes respiciens, singulis pro exhibito officio gratias retulit: scissâque membra ad requiem



*ad requiem in Domino contradidit. Depositus est in ecclesia S. Pauli: ex veteri codice eiusdem ecclesie.*



## XXVII.

## SANCTVS TERNATIUS.

**S**ANCTVS Ternatius cōscripsit Bisontinorum Antistitū chronicon, eorūque res gestas; incipiens à *T. Lino*, qui fuit primus Pontifex de Romā missus à S. Petro Apostolo; & pertingens vsque ad *Migetū* predecessorē suum. Ut ne mireris, nos S. Lino primo Præsule gloriari; aut id neoterici alicuius cōmentum esse existimes, quod *Ternatius*, (qui nongentis circiter abhinc annis vixit) ex antiquorum traditione, monumentis consignauit. Idem Ternatius Ecclesiam Sanctis *Petro & Marcellino* ædificauit in campo Martio; vbi nunc est Abbatia S. Vincentij, de quā suo loco. Iacet in ecclesia S. Pauli: ex illius cœnobij tabulis.



## XXVIII.

## SANCTVS GERVASIUS.

**S**ANCTVS Gervasius clarissimā familiā natus, *Ternatij* frater & successor: ab eo primū ad omnem pietatem institutus, ei denique excedenti



suffectus est vel nolens. Quo in munere, cum plebem sibi creditam, in vnitatem fidei studiosissime contineret, ob innocentiam vite charus omnibus fuit.

Geruasio Ternatij primi successori, nonnulli *Ternatium* eius nominis secundum subiiciunt, quem nos, emendatiores codices sequuti, consulto pratermittimus: sicut & in omnibus ecclesiarum catalogis omitti videmus.



XXIX.

FELIX.

**F**ELIX, infelicissimis moribus, & patrimonij Christi decoctor improbissimus, Canoniorum Collegium, virtutum scholam, & officinam pietatis, in vitiorum omnium, & luxu academiā conuertit. Tanta quippe ipsius vel incuriā, vel prauo exemplo, irrepsit in Canonicos morum licentia; ut non modò sub eo, ex regularibus ac vite communi addictis, in proprietarios, sed etiā è castis in obscenos, ex piis in sacrilegos, è pacificis in seditiosos, ex Clericis demum in milites euaserint. Ita infelix ille pastor commissum sibi gregem, non virenti doctrinæ gramine, non religionis pavit; sed lethali veratro, & noxiis vitiorum herbis, quasi veneno infecit. Hinc scandala in ciuitate; hinc contentiones, & iurgia; hinc etiam conflictus, & cædes  
in Cle



in Clero & populo: adeò vt nonnulli ciues grauitè aliquando à Canonicis læsi, cùm vèrum esset ad manus, ingentem eorum stragem ediderint. Timuit sibi in eo tumultu Felix: & scilicet, veritus ne in se quoque impetus fieret, agente *Comite Montisbeligardi* clam subductus est è ciuitate, & ad superiores partes Burgundiæ secessit: Ex quo fertur nullam vnquã diem (siue id æternæ calamitatis prælibatio fuit, seu potiùs paterna misercntis Dei animaduersio) sine graui aliquo dolore ac mœrore transgisse.

Ob hanc verò ortam morum in Clero dissolutionem, factum puto, vt Canonici nonnulli melioris mentis, ad S. Pauli monasterium vitæ strictioris ergò se conferrent. Vnde in necrologio S. Pauli multos huiusmodi legas, S. Pauli *Redditos* Canonicos, ex S. Ioannis Canonicis; & hunc in aliis: *X Cal. Martij, obiit Manasses ecclesiæ S. Ioannis Decanus, noster redditus, & hic regulariter sepultus.*



X X X.

## TETRADIVS II.




ORRVP TISSIME quoque vixit Tetradius (nonnullis *Tetrardus*;) cuius tempore natum sub Felice malum serpsit longiùs: & Clerus omnis, atque omnis Ordo disciplinam abiecit. Dissipatis denique nimio luxu, sacrarum familiarū bonis,



bonis, res ecclesiastica in eas devenit angustias; ut  
*Ecclesia Iussani Monasterij, Ecclesia Sancti Marcellini*, (ita  
 antiquus auctor cui illius appellat ædem sacram  
 SS. Martyribus Petro & Marcellino) *Ecclesia S. Pe-*  
*tri* (Apostoli,) *quæ sita est in medio suburbij, Ecclesia S.*  
*Pauli, & Ecclesia SS. Ferreoli ac Ferrucij; in quibus sin-*  
*gulis singulæ fuerant olim congregationes; vix suum quæ-*  
*que sacerdotem sustentare possent. Cui malo, aliis-*  
*que multis latè grassantibus, ut medicinam faceret*  
*Zacharias Pontifex, Bonifacium monachum An-*  
*glum, virum eruditione & vitæ sanctimoniâ clarum,*  
*Bisontinæ, aliisque Gallicis Ecclesiis lustrandis, cau-*  
*sisque Episcoporum & Clericorum auctoritate A-*  
*postolicâ cognoscendis præfecit. Qui Ecclesiæ Chry-*  
*sopolitanæ consuluisse dicitur; piis consiliis excitando,*  
*atque ad Episcopale munus, extincto Tetradio,*  
*suscipiendum disponendo Albone, tunc Canonico*  
*vitæ austerrimæ, & egregiæ virtutis. Eam porro Bo-*  
*nifacio factam potestatem, ac delatum Apostolici*  
 742. *per Gallias Legati munus anno 742, notat Baro-*  
*nus eodem anno: cùm præcedenti 741, questus es-*  
*set per literas apud Zachariam Papam, nominatim*  
*de luxu Episcoporum & Presbyterorum Galliæ. Te-*  
*trardus demum è medio tollitur, cùm in venatio-*  
*ne militem ageret, percussus ab apro, quem inse-*  
*quebatur.*

X X X I.





## XXXI.

## ALBO.



ALBO non annis sed probitate morum gra-  
uis, in Episcopali Sede constitutus est ma-  
gno rei Ecclesiasticæ bono. Eius historiam  
duximus operæpretium referre, ipsismet illorum  
temporum scriptoris anonymi verbis.

Hæc fratrum misera conuersatio, temporibus istorum  
duorum Pontificum (Felicis & Tetradij) incorrecta per-  
durauit, usquequò Deus, quia tempus miserendi eius ve-  
nerat, super his dignatus est nunc providere. Destinauit enim  
quemdam iuuenem, Albonem nomine, Chrysopolitana Ec-  
clesiæ Canonicum, qui aliorum non consentiens ludibrio, san-  
ctæ conuersationis studium quæsuit. Hic vir, genere nobilis,  
sed fide & religione nobilior exstitit: tantâ enim abstinentiâ,  
labore, & vigiliis corpus suum attriuit: ut grauissimâ, &  
ferè continuâ ægitudine languens, Conuentum sequi vix  
posset. Qui vitæ huius naufragia volens euitare, ad mona-  
sterium Luxouienſe se transtulit, ubi ab Abbate & fratribus  
loci, benignè receptus est. Albo, quem Diuina instruxerat be-  
nignitas, consideratis religionis & Ordinis circumstantiis,  
modum tam sagaciter retinuit, ut Adonus Prior dicti Mo-  
nasterij, sanctitate & virtutibus quamplurimum adornatus,  
& fratres dicti monasterij ipsum gratanter retinuissent, (si  
uoluisset) pro suæ humilitatis & modestiæ statu. Sed ille,  
quem Deus suæ Ecclesiæ Pastorem præuiderat, ad recuperan-

y

dam




dam Ecclesiam Chrysopolitanam, & fratres eius, qui in tam prauo statu constituti erant; acceptâ à Priore & fratribus licentiâ, ad dictam Metropolitanam ecclesiam remeauit. Interea Tetradius tyrannus (his ita peractis) venationibus inserviens, ab apro percussus moritur. Adeptus igitur Albo, cōsentientibus Ciuibus Pontificatus officium; fratres alloquitur, eisque verbis benignissimis quid Luxouij didicerat indicauit, & ut more illorum religiosorum, viuerent, ammonuit. Qui (quia consuetudo altera est natura) responderunt, se non aliter velle viuerē; sed sicut consueuerant orabant, ut eos viſitare permitteret. Videns autem Albo se nihil proficere, Abbatem Luxouienſem cenſuit conſulendum. Abbas verò videns eum zelo Dei duci; ad eius roborandam bonam voluntatem, dictum Priorem Luxouienſem Adonum, suâ fultum auctoritate, eidem Archiepiscopo dedit adiutorem. Venientes igitur ad nostram matrem Ecclesiam, præfati Archiepiscopus & Prior, fratres satis aptè sunt alloquuti, nunc quidem blāditiis, nunc verò terroribus, ut à dissolutione suâ discedendo, se regulari disciplina submitterent, hortabantur. Qui omninò nec potestate, nec minis molliri potuerunt; sed moti ad contumelias deuenerunt. Quod cum viderent Archiepiscopus & Prior (scilicet ipsorum pertinaciam & duritiam cordis,) proposuerunt illis vnum de duobus eligendum: aut obediendo mandatis regule, Deoque seruiendo in monasterio disciplinatè viuerent; aut de monasterio exeuntes, quamcumque viam sibi viuendi sumerent. Quod illi audientes, quatuor ipsorum simplices, se ditioni Archiepiscopi subdiderunt; alij stoliditate tumentes, & in suâ iuuentute confidentes, viam latam quæ ducit ad mortem aggressi sunt. Ordinatis



dinatis denique fratribus, & regulari disciplinae restitutus, Adonus Prior Vale dicens Archiepiscopo, ad propria reuersus est. Qui Archiepiscopus à suo numquam recedens proposito; sed (ne iactantia videretur,) occultè sub triticeos panes, alios tenues ex hordeo supponebat pro vitâ suâ; triticum frangens, aliis erogabat. Similiter dum alij vinum biberent, ipse aquâ in vitro obscuro, vino modico desuper infuso bibebat: Et in orationibus, ieiuniis, vigiliis, tam efficax erat; vt in medio mundi positus, nouus efficeretur Eremita. Nam cum apud Chrysopolitanam urbem moraretur; domus eius Baptisterio adhaerebat, in quo multorum Sanctorum reliquiae tenebantur. Nocte de stratu suo, nemine sciente consurgens, ad orationem Deo tantum teste pergebat, ostio diuinitus reserato, attentè psallebat in Baptisterio. Sed cum hoc multi temporis spatium ageret, tandem ab vno Diacono res manifestata est: qui Diaconus longè stans, vt factum viri sancti videret & agnosceret plenius, vidit dum vir Dei accederet, ostium cum clauē seratum, nemine tangente aperiri: illòque ingrediente, diutissimè silentium erat: postea voces audiuit tanquam multorum psallentium, per spatium quasi trium horarum. Ipsòque viro sancto recedente, ostium seratum (vt prius) inueniebatur: Commotòque signo, vir Dei, vt vnus recens ex aliis, ad officium veniebat. Tandem post multos annos Episcopatus sui in pace quieuit. Sed cum iam sui corporis dissolutionem imminere sentiret; dilecto sibi Vrando-berto, castitatis & continentiae armis accincto, & in virtutum deuotione composito, consensu Cleri & populi, Ecclesiae curam pastorem commisit, quam ipse viriliter cuncta regens, ac paterno affectu disponens, parui licet temporis in-



172 IOAN. IAC. CHIFFLETII  
ternalio, piè ac strenuè gubernavit.



XXXII.

VVANDELBERTVS.

**A**L BONI igitur adhuc superstiti successit in Episcopatu Vvandelbertus ( qui & Vvandalbertus, Gaudalbertus, Vvandeberthus & Gandalbertus, ) vir ut precibus, sic ieiuniis, & corporis castigationi addictissimus, atque (quod solidæ virtutis argumentum sit) de se quamdemississimè sentiens : qui decessoris sui vestigia sequutus, in munere piè ac strenuè obeundo, cum quoque aliquantulo post tempore sequutus est, felici morte ad vitam immortalem traductus.




XXXIII.

EUROLDVS.

**E**UROLDVS seu Eurordus, ( quibusdam Curol-  
dus, aliis Conradus ) populum suum rexit quic-  
tissimè: & auctâ re ecclesiasticâ, anno duodecimo sui  
Episcopatus excessit è viuis.

XXXIV.





## XXXIV.

## AURULCVS.


**A**VRVLCVS, vel *Arulcus* ( qui & nonnullis *Arnulphus*, ) illustris genere, & rerum gerendarum peritiâ celebris: tum virtutû cæterarum, tum maximè virginittis ac puritatis integerrimæ nomine, Deo iuxta atque hominibus charus fuit.



## XXXV.

## HERVEVS.

**H**ERVEVS ( quibusdam *Hermes*, sed forsan mēdosè ) eadem, quâ *Aurulus* clarissimâ familiâ natus; postquàm Episcopali officio aliquandiu magnâ laude perfunctus est; mortem quæ horrore esse solet, ingenti lætitiâ ( qui fructus est piæ actæ vitæ ) excepit.



## XXXVI.

## SANCTVS GEDEON.


**S**ANCTVS Gedeon homo mitissimus, & ad omnem modestiam compositus; summâ animi



- aquabilitate vidit ciuitatem à Barbaris penè flammis absumptam: adeoque afflictam rem ecclesiasticam, vt ex redditibus ecclesiarum S. Ioannis, & S. Pauli, vix tres ministri possent sustentari. Eam ciuitati cladem facile senserim illatam à Saxonibus, qui anno 773 rebellarunt aduersus Carolum Magnum, in *Desiderio* Longobardorum Rege debellando occupatum; & cum ingenti exercitu hanc illam effusi, permulta Regni Francici loca, & nominatim Christianorum ecclesias, ferro flammâque vastarunt. Quod idem anno 778 fecisse leguntur, cum Carolus Magnus in Hispaniâ aduersus Saracenos dimicaret. *Baronius. anno 773, num. 13; & 778, num. 3, & seqq.*

Bibliotheca Cluniacensis ab Andrea Quercetano nuper collecta, in chronologiâ Abbatum, & in chronico refert; Bernonem primum Cluniacensem Abbatem ordinatum fuisse à *S. Gedeone Archiepiscopo Bisuntino*, anno 910. Sed illud, vndecumque irrepsit, haud dubiè mendum est: Gedonem enim, (qui vnicus est, & *Bernone* Abbate multò antiquior) nostri omnes Catalogi, atque annexarum historiarum ratio, hunc in locum vt referamus planè cōpellunt. Certè vtriusque illius libelli auctores, non videntur valdè antiqui: erroris verò occasionem mox indicabo, in Bernuino.





## XXXVII.

## BERNVINVS.

**B**ERNVINVS, quibusdam *Berminius* & *Germinius* (cui in antiquissimis S. Stephani, & S. Pauli catalogis, *Boni* cognomen adiectum vidimus) Illustri Regum Austrasiorum profapia satus, magno ecclesie Bisontinae emolumento, Archiepiscopalem dignitatem adeptus est. Nam in primis basilicam S. Ioannis, quae sub Gedcone in illa ciuitatis clade conflagrarat, à fundamentis restituit, opere magnifico. Prudentibus, & integræ fidei viris ad sua consilia adhibitis; in Clero instituendo, curâdâque re ecclesiasticâ, insignem operam posuit. Magnates de genere suo, videlicet Reges, Duces, Comites, Barones, & alios Christi fideles adiit, & præcipuè Constantinum Sextum, tunc Imperatorem Romanorum (imperauit Constantinus VI, cum Irene matre ab anno 780, ad 780. 790: solus verò, à 790, ad 797) vt eorû auxilio ecclesie inopiâ releuaret. Quâ Ecclesiam largissimâ liberalitate ditauit: aureis & argenteis Crucibus, Calicibus, Casulis, Dalmaticis, tunicis, palliis, Cappis, velis, cortinisque & possessionibus ditauit, atque ampliauit. Monasteria urbis similiter reparauit: altare maius incomparabiliter adornauit auri & gemmarum fulgore: innumerabilia vasorum inibi acquisiuit genera, pulchritudine & valore, nullo pretio taxanda: illudque consecrauit, & templum reconciliauit in honore Domi-  
nicæ



nica Resurrectionis, & victoriosissima Crucis, atque perpetuae Virginis Mariae Dei genitricis, & praecipue Sanctorum Ioannis Apostoli, Stephani Protomartyris, Leuitae Vincentij, Martyrum Ferreoli & Ferrucionis. In quo quidem altari (sermo est de maiori altari S. Ioannis, quod hodieque aurea tabula, & gemmis Bernuini liberalitate collatis nitet) reliquias inseruit: videlicet de praesepio Domini, & de Sepulchro eius: de capillis S. Mariae: de Planetâ S. Ioannis Euangelistae: de Dalmaticâ, cum parte sanguinis S. Stephani: de reliquiis S. Ioannis Baptista: de reliquiis sanctorum Ferreoli & Ferrucij, Epiphanijs, & Isidori; Innocentium; Mauricij, & sociorum eius; Germani, & Antidij Chrysopolitanorum Episcoporum; Ioannis Confessoris de territorio Lingonensi; cum multis aliis reliquiis. Haec ex antiquo codice: in quo etiam notatur, Canonicos matris ecclesiae S. Ioannis, Bernuino Archipraefule defuisse esse regulares. Ita forsan visum optimo Antistiti, vt modicâ hac relaxatione, malo alicui grauiori occurreret.

811. Anno 811, subscripsit Bernoinus testamento rerum mobilium Caroli Magni, in quo *Vesontio* cum alijs viginti ciuitatibus in partem bonorum vocatur. *Eginartus*. Et recentior illius mentio habetur in capitulis Regum Franciae, lib. 2, cap. 25, initio: *In Vesontio, quae est diœcesis Bernoini Archiepiscopi, Heiminus Episcopus, & Monogoldus Comes, &c.* quod capitulum à Ludouico Pio datum putat Bâronius, anno 819. Obiit autem Bernuinus (cùm multos annos praefuisset) pridie Idus Aug. sepultus in Abbatia S. Viti, sexto circiter



citer ab vrbe milliaro sitâ, quam à Constantino Imperatore acceperat, *ex ms.* Ea Abbatia nunc prorsus deleta est.

Bernuinum Archiepiscopum Bisontinum, consecrasset *S. Odonem* Abbatem Cluniacensem, anno 926; habet Chronologia Abbatû Cluniacensium, relata in Bibliot. Cluniacensi. Verùm cùm citatis annis vixisse constet Bernuinum: & alium eiusdem nominis, ipso recentiore, nullum habeant catalogi etiam antiquissimi, nec vltra Hugonem primum perducti: cogimur in eâ chronologiâ errorem agnoscere. Verùm quisquis ille est Episcopus, qui Sacerdotem inaugurauit *S. Odonem*; de eo legitur sub finē lib. I, vitæ *S. Odonis*, per *Ioannem* monachum, eius æquæuum ac discipulum scriptæ: si quis canis cibum ab illo benedictum deuorasset, eum quasi accepto veneno præsentissimo, quamprimùm interire solitum: *S. Odonem* præ animi demissione renitentem, tamen ab eo Episcopo ad suscipiendam sacerdotij dignitatem fuisse permotum; atque etiam eius rogatu libros quosdam conscripsisse. In chronico verò Cluniacensi à centum circiter annis conscripto, dicitur fuisse *Episcopus Bisontinus*. At in alio opusculo, quod inscriptum est *Chronologia Abbatum Cluniac.* qui *S. Odonem*, non quidem sacerdotem, sed Abbatem ordinauit, dicitur esse Bernuinus Archiepiscopus Bisontinus. Ego *S. Odonem* à Berengario Archiepiscopo Bisontino (de quo postea) & initiatû sacerdotio, & Abbatem consecratum puto: ac pro *B*, aut

Z

Ber,



*Ber*, Berengarij notâ, Bernuini suppositum nomen. Cùmque aut coniectura haberetur, aut certo aliquo testimonio constaret, Bernonem inauguratum fuisse Abbatem ab eo Archiepiscopo Bisontino, qui S. Odonis consecratorem proximè præcesserat: facile fuit Gedeonem Bernuini decessorem scribere pro Theodorico, qui Berengarium immediate anteceffit. Theodoricum enim verisimile est, Bernonem (qui priùs Abbas fuit cœnobij Balmenfis in diœcesi Bisontinâ, quàm Cluniacensis) anno 910, Abbatem consecrasse.



XXXVIII.

## AMALUVINVS.

**A**MALVVINVS seu *Ama'guinus*, ob eximiam prudentiam, & suauitatem cōsuetudinis, omnibus quidem, sed Regibus maximè ac Principibus charissimus fuit. Abbatiam Sancti Pauli auxit prouentibus: aliàsque multas suæ diœcesis ecclesias exhaustas refecit, ac restituit afflictas. Hunc verò esse  
840. putamus *Amaluuinum Archiepiscopum*, qui anno 840, Indict. 3, s'c'rispsit edicto Imperiali, quo Lotharius recens factus Imperator, Sedem Remensem restituit Eboni, qui vt refert Flodoardus lib. 2, hist. Eccl. Rem. cap. 19, & 20.) ob quædam crimina fuerat depositus.

XXXIX.





XXXIX.

AR D V I C V S.

**A**R D V I C V S pietati, & augēdis Ecclesiæ opibus intentus, acquisiuit Ecclesiæ S. Steph. ad luminaria cōcinnanda, salariū Ledonis, de manu Clotharij nepotis Karoli Regis (nēpe Calui.) *ms. codex S. Steph.*

Notat Flodoardus libro tertio historiæ Eccles. Remensis, cap. 20, dedisse *Arduicum* epistolam ad Ludouicum Alemannorum, Hunnorumque Regem, & fratrem Caroli II, Galliarum Regis, cognomento *Calui*, pro Bertulpho Treuerensi Archiepiscopo, cum Hincmaro Remensi, Remigio Lugdunensi, Erardo Turonensi, Adone Viennensi, Egilone Senonensi Archiepiscopis; sed tempus tacet.

Anno 859, interfuit vniuersali Synodo Tullensi, 859.  
apud Saponarias: cuius acta nusquam antea edita dedit Baronius in annalibus: simulque duas Synodales epistolas; alteram ad Vvenilonem Senonensem Archiepiscopum; alteram ad Episcopos Britannia; cui vtrique præfixum inter cætera *Ardoici Vesontionum Metropolitani Episcopi* nomen.

Vndecim post annis, adhuc vixisse cōstat Arduicū: 870.  
cū anno 870, præfuerit cum Remigio Lugdunensi, & Bertulfo Treuirensi Archiepiscopis, multorum Episcoporum Synodo apud Attiniacum villam cōgregatā, in causā vtriusque Hincmari, *Remensis* fei-  
licet,

Z 2

licet,



licet, & *Laudunensis*. Quam Synodum Baronius anno 870, num. 35, *latrocinalem* vocat: nec immeritò, si Hincmari Remensis improbitatem attendas; quo agente Hincmarus iunior, *Laudunensis* Episcopus, eius suffraganeus & nepos, interceptus in itinere, & spoliatus, ad Synodum indecorè pertractus est. Cæterùm, Episcopos eò conuocatos non tulisse in eum depositionis sententiam; quin lacrymis potiùs ac gemitibus, suam in iuniorem Hincmarum (qui pessimè ab Hincmaro Remensi, atque à Carolo Rege habebatur) propensionem testatos fatetur ipsemet Hincmarus *Laudunensis*, libello, quem obtulit Ioanni octauo Papæ; in Concilio Ticinensi, anno 878; qui inter eius epistolas post centesimam vndecimam positus legitur: & refertur à Baronio, anno 878. Arduicum certè nostrum fauisse (quod æquum erat) Hincmaro iuniori, liquet vel ex epistolâ ipsius Hincmari Remensis, apud Flodoardū lib. 3, cap. 21, quâ apud nepotem suū queritur, quòd per *Arduicum Venerabilē Vesontionensem Archiepiscopum*, ad se misisset breuiculus quoddam profitendum & subscribendū.

Ad hæc, Arduico, pro tribus villis, *Cauennaco*, *Cāpaniis*, & *Alisiaco*, quas ab ipsius decessoribus olim possessas Atto Comes Regis consanguineus obtinebat; aliquot alia bona restituit Rex ipse Hlotharius, dato diplomate cal. Febr. anno Regni sui 14, Indict. 3, cum esset in itinere ad Sedem Apostolicam. Quâ chartam, & alias complures mihi pro suâ beneuolentiâ spectandas dedit vir magnę probitatis & eruditionis



VESONTIONIS PARS II. 181

tionis D. Franciscus *Dorival*, sacrae Theologiae & Iuris Canonici Doctor, atque in Metropolitano Capitulo Bisontino Canonicus, & Archidiaconus, dictus *Luxoviensis*. Porro datum est illud instrumentum, à Lothario III Rege, Lotharij Imp. filio, & nepote Caroli Calui; anno quo obiit in reditu ab Vrbe: qui videtur esse Christi 870, si bene hic notatur Indictio tertia: cum tamen cum plerique anno 869, Indictione secundâ obisse dicant: Et sine controversiâ, malè Baronius, eius obitum refert in annum 868.



X L.

THEODORICVS I.

**T**HEODORICVS, clarus genere, sed facundia, & in dandis consiliis, prudentiâ ac moderatione illustrior, Abbatiam, quæ dicitur *Castrum Caroli*; castellum item *Choys* cum villis adjacentibus, acquisiuit ecclesiæ suæ; aliisque multis eâ bonis auxit. *ex manuscriptis.*

Eo verò sedente Carolus Caluus, anno 876, à natiuitate ducto, ipso die Natiuitatis Domini in Imperatorem vnctus & coronatus, celebratâ Ticinensi Synodo, in Gallias per *Vesontium* rediit. *Aymoinus lib. 5, cap. 32.* Tuncque fortasse Vincentij Martyris reliquias Bisontinæ ecclesiæ donauit; quas in veteri codice



dice rituali S. Ioannis, Vefontionem ipse attulisse dicitur. Eodémque anno 876, Carolus Generalem Synodum Pontigonensem Apostolicâ auctoritate indixit: cui vndecimo cal. Iulij, Indictione nonâ inchoatâ, solutâ verò 17 cal. Aug. interfuit *Theodoricus Archiepiscopus Bisontinus*, cum maximâ parte Episcoporum Galliarum: quos malè *Tillius* in ordinibus magnatum Franciæ, Ticinensi conuentui præsentés facit; & Conciliorum Ticinensis, ac Pontigonensis Patres sic recenset, quasi Ticini omnes conuenerint: cum aliter factum constet ex Aimoino, & aliis scriptoribus.


Ioannis octauæ Papæ, plures exstant ad Theodoricum epistolæ: in quibus cum leges à Pontifice dictum, nunc Byzantiensem, *epist. 151, Indiēt. 11, anno 878*: nunc Bisincorensem, sed mendosè, *epist. 110, eadē Indiēt. 11*: modò Sanctæ Chrysopolitanæ Sedis Archiepiscopum, *epist. 245, datâ 20 Iunij, Indiēt. 13, anno 880*. Epistolâ verò 243, eadē die anni eiusdem 880 datâ, rogat Ioannes VIII Carolum Regem (nempe *Carolus Crassus*) vt restitui curet res Ecclesiæ Bisontinæ, quas *Hubo* eius Fidelis inuaserat: quâ de re multis questum apud se dicit *Theodoricum Sanctæ Chrysopolitanæ Sedis Archiepiscopum*.

Agente quoque Theodorico, restituit *Zuentobolchus* Rex ecclesiæ S. Stephani *villam Pauliaci*. *ms. codex S. Steph.* Fuit ille Arnulphi in Germaniâ Imperatoris filius (*Zuendibolchum* & *Zuendebaldum* quidam vocant) Lotharingiæ Rex à patre constitutus anno



895: qui propagandi regni cupiditate Burgundiam 895.  
inuasit. *Regino.*

Theodoricus verò post multorum annorum Archiepiscopatum, præuidens exitum suum, omnia sua pauperibus erogauit; saluis, quæ ecclesiæ debebantur, bonis: suosque conuocatos ad pacem hortatus, foeliciter excessit.



## X L I.

## BERENGARIUS.

**B**ERENGARIUS nepos Theodorici, (cui successit in Archiepiscopatu, raptus, & inronizatus communi electione ante altare S. Stephani, cuius erat Canonicus) doctus fuit hæreticorum infectator: sed propter Ayminum hæreticum excæcatus, Vicarium habuit in officio Pastoralis Stephanum Bellicensem Episcopum: & decimo tertio sui Sacerdotij anno in pace quieuit. *hæc ipsis veterum manuscriptorum verbis.*

In diplomate sine datâ, quo Hugo primus multa Ecclesiæ S. Stephani conferre se testatur beneficia; mentio est ecclesiæ S. Martini de Tarcentiaco, olim à Berengario Archiepiscopo, S. Stephano collata.

Eius verò tempore, & iussu Stephanus Bellicensis Episcopus, transtulit ab ecclesiâ S. Petri, villæ quæ *Domnipetra* dicitur, ad castrum Montisbeligardi, corpus S. Maimbodi Martyris, natione Scoti: cuius festum



festum in diœcesi Bisontinâ, 23 Ianuarij. Et fertur Berengarius, qui à sacrilegis hæreticis excæcatus fuerat; in eâ S. Maimbodi releuatione, visum miraculo recepisse.

Ayminus.

**I**N vetusto ms. catalogo S. Stephani, Berengariū sequitur *Ayminus inuasor, vocatus pseudoepiscopus, non receptus*: propter quem excæcatum diximus Berengarium.

Haud dubiè hic est *Leoninus* Archiepisc. Bisontinus ( vt legit Paradinus lib. 2 hist. Lugd. cap. 26, ) vel melius *Eiminus Vesontionensis* ( vt habet Seuertius; ) qui cum pro Bisontino Archiepiscopo, de facto non de iure se gereret, interfuit Synodo Prouinciali Cabilonensi, celebratæ anno 915, Indiçt. 3, vt ex antiquis tabulis refert Seuertius in *S. Geraldo Matisconensi*: non autem circa annum 883, sub Carolomanno, vt vult Paradinus loco citato.

Gontherius.

**I**N catalogo ms. S. Stephani, *Gontherius vocatus Episcopus*: quidam codices *Hontherum* habent.

XLII.


G Y R F R E D V S.

**G**YRFREDVS, (nonnullis *Gerfredus*, aliis *Godefredus*, & *Guyfredus*) interfuit nationali Synodo, in Abba



in Abbatia Trenolchiana celebrata anno 944, in 944.  
 qua decretum est, ut reliquiae, quas monachi Tre-  
 nolchiani inde eduxerant, secumque in Aruernen-  
 se *S. Portiani* Monasterium secedentes asportarant,  
 eidem Trenolchianae Abbatiae restituerentur. De  
 hoc Concilio de San-Julianum, & Seuertij chro-  
 nologiam. Exstat insuper in archiuo Capituli, in-  
 strumentum contractus cuiusdam initi, inter Gyr-  
 fredum Archiepiscopum, & *Vvilencum* virum Illu-  
 strissimum, vnum ex fidelibus *Ugonis* Comitis; datum  
 v, Cal. Ianuar. Anno VIII, regnante Conrado Rege. Is  
 videtur esse annus Christi 947.

947.



## XLIII.

## GUIDO.

**G**UIDO, seu *Vuido* Gyrfredam sequutus est.  
 Malè cum Golusius & alij quidam dixerunt  
 fuisse postea *Calixtum Secundum* Summum Pontifi-  
 cem, quo hic multis annis est antiquior; vixit quip-  
 pe saeculo decimo; sedit verò Calixtus II, saeculo  
 duodecimo, ab anno 1119, ad 1124. Sed forte errori  
 occasionem dedit, quòd Calixtus secundus, (qui an-  
 tea Guido) *patria Bisontinus* fuit, filius Guillelmi, &  
 frater Stephani, Burgundiae Comitum; Archiepis-  
 copus item, non Bisontinus, sed Viennensis; quo in  
 officio constitutum Paschalis II, controuersiae de  
 maternitate Ecclesiarum S. Ioannis, & Sancti Ste-  
 phani

a a

phani



phani dirimendæ delegauit; vt inferiùs referemus in  
Guilelmo primo.




## XLIV.

## GVICHARDVS.

**G**VICHARDVS, seu *V-vichardus*, Germanus,  
Monachus, & Abbas vallis S. Georgij, electus  
est Archiepiscopus Bisontinus, sub Othone  
tertio Rege. *Franc. Belleforestius tom. 1. cosmogr. volum.*  
*2, lib. 3:* atque ex illo *Arnoldus V-vion lib. 2, ligni vitæ,*  
*cap. 19.*

Refert verò Chronicon Cluniacense (in bibl.  
Cluniac.) *S. Maioli* (qui anno 954, electus est in quar-  
tum Cluniacensium Abbatē, obiitque anno 994.)  
vocatū fuisse electione ad Ecclesiam Bisontinen-  
sem: sed vel priuatæ vitæ amore, vel propriæ imbe-  
cillitatis conscientia, id honoris, atque oneris non  
suscepisse: quod deinde aut *Guichardo*, aut fortasse  
*Guidoni* delatum putamus; vel certè etiam *Leutaldo*:  
cui ex tribus, incertum.




## XLV.

## LEV TALDVS.

**L**EVTALDVS (aliis *Leotoldus*, *Leuraldus*, & *leo-*  
*roldus*) *S. Maioli* successorem *S. Odilonem*, Ab-  
batem




VESONTIONIS PARS II. 187  
batem Cluniacensem consecrauit, die Pentecostes  
anni 994. *bibl. Cluniac.* 994.



XLVI.

HECTOR.

**H**ECTOREM acquisiuisse S. Stephano Capellam *S. Iustini de Camborniac*, habet charta Sancti Leonis IX Papæ, data 16 cal. Decemb. Pontif. 1, Indict. 3, anno verò Christi 1049 : *ex archiuo Capituli*. In Necrologio S. Pauli, obiisse. notatur sexto calendas Nouembris.



Bertaldus.

**I**NTER Hectorem & Vvaltherium habetur in catalogo quodam S. Stephani ms. qui in Hugone primo desinit, antepenultimus hic : *Bertaldus pseudoepiscopus non receptus.*



XLVII.

VVALTHERIVS I.

**V**ALTHERIVS, seu *Galtherus*, in corpore affecto mentem integram gessit: homo mansuetus,

aa 2

tus,



tus & pius, sed sanitatis imbecillo statu, & valetudini ut plurimum obnoxius. Is quodam tempore, cum morbo contumaci vrgeretur, desperatus à Medicis, à beato Agapito Martyre curatus est, prout ex antiquo, adeoque ipsius Vvaltherij æquali scriptore tibi referimus, ipsismet illius verbis, quæ habentur in libris lectionum ecclesiasticarum S. Ioannis, & S. Stephani, 20 Aprilis.

Caput S. Agapiti, à venerabili Celidonio Archiepiscopo, qui tunc ciuitati præerat (cum nēpe à Theodosio secundo Vefontione missum est,) in ecclesiâ S. Stephani, in medio scilicet choro fuit reconditum. Super quod, altare quatuor columnis argenteis sustentatum, decentissimè fuerat edificatū. Verum quia memoriæ literis ita traditum non fuerat, nisi quantum quorundam relatio nō satis firma suggererat, pretiosissimum munus longo tempore latuerat: sed miraculis, quæ per eius meritum Dominus faciebat, cunctis circumquaque manentibus Virtus Diuina innotuerat: præstabatur namque ibi cæcis visus, surdis auditus, claudis gressus, loquela mutis, mundatio leprosis; salutem denique se petentibus Martyr tuebatur, vulneribus medebatur, morbi diuersi generis ab ipso pellebantur: sic cunctis repertis partibus Medicina, de toto non erat dubitandum in Martyre. Vnde, cum eius miraculorum multitudo occurrat permaxima, quæ partim ab incolis ciuitatis sunt visa & audita, partim verò illustrium senum virorum relatione credita; vnum, quod nostris factum constat temporibus, quodque ab ipsius ore Venerandi Vvaltherij Archiepiscopi sæpe audiuiimus, particulariter huic nostro opusculo inferere opportunum duximus. Erat enim hic

cur



vir simplicitate admodum præditus, virtute patientiæ præmunitus, humilitate magnificus, caritate conspicuus: quem corporis natura infirma & imbecillis quodam tempore & accidentibus ita infecit; adeo omnibus modis, febribus (ut ipse solitus erat referre) ægrotavit, quod cibi potusque usum omnino amiserat, vixque lassescente spiritu anhelabat. Huic verò cum nullâ Medicorum ope subuentum esset, cumque sibi deesse humanum auxilium præsensisset, statuit Diuinum querere, & ad Medicorum potissimum Christum confugere. Ad altare namque beati Agapiti se deferri præcepit; spe & fide roboratus accessit; Christi Martyri, quatenus sibi apud Dominum subueniret, corde & animo supplicauit. O mira Dei clementia, mira potentia, quæ nunquam deest credentibus! Ipse namque omnipotens, qui B. Petro (ut solueret eum de carcere) Angelum suum misit; famulum suum & Martyrem Agapitum, pro hoc ægroto orantem copiose audiuit, & eundem Christum ad soluenda eius infirmitatis vincula de supernis sedibus adesse constituit. Visus est enim B. Agapitus in similitudinem candentis pueri sancti adesse, & signo Crucis manu propriâ sibi benedicere, ac eo modo salutare antidotum suggerere; Surge, inquit, Valtheri, de sospitate securus, de sanitate certissimus, de visione letissimus; nihil dubites, nihil hæsites, quia ecce sanus factus es. Quæ vox certè ita Præsulem nostrum sanum reddidit, ac si nullum infirmitatis dolorem vnquam pertulerit.

Cæteris transactis multorum annorum curriculis, cum iam Ecclesia nimis existeret vetustatis, & cum ferè solutis murorum compagibus patefceret ruinis, Valtherus scilicet beatæ memoriæ Archiepiscopus (cuius supra memoriâ habuimus)



*cœpit edificare aliam amplioris magnitudinis, infra ambitū suum priorem ecclesiam muris inter se distantibus non nimio spatio continentis: qui quod conceperat mente, non implevit; statim enim natura concedens, in Domino quieuit.*

Hæc ibi de Vvaltherio: cuius obitus sic notatus est in Necrologiis: 4 Nonas Octobris, obiit Bisontinus Archiepiscopus Galtherus, qui ecclesiam S. Stephani readificavit. Porro species illa, quâ se S. Agapitus visendum Vvalthero præbuerat, rectè exprimit ætatem, (annorum scilicet quindecim) in quâ beatus Martyr, acerbissima pro Christi nomine tormenta, ac mortem, apud Prænestinam Italia civitatem, tulit. Celebris est eius memoria in Ecclesiâ, die 18 Augusti: & eius, Martyrologia, Romanum, Bedæ, Vsuardi, Adonis, alijque auctores magnâ laude meminerunt: tametsi de eius sacro capite Vesontionem translato, deque iis quæ ibidem consequuta sunt miraculis, illorum nemo (quod sciam) quidquam habet.

Inter Vvaltherum & Hugonem primum reponendus esset Albertus Archiepiscopus Bisontinus; si quis esset, qui anno 1025, adfuisset Concilio Ansano, in causâ Burchardi Viennensis, & Gaußeni Matifconensis celebrato: sed mendum puto irrepsisse in *San-Julianum*, qui lib. de antiq. Cabilonenf. Albertum quemdam Archiepiscopum Bisontinum, dictæ Synodo præsentem facit. Nam idem auctor lib. de antiq. Matifcon. dum eos recenset, qui eidem Ansano Concilio interfuerunt, Albertum hunc omittit: quem etiam præterit *Seuertius*, qui Concilium illud



illud ex antiquis tabulis refert. Mirum certè sit, si sedem Bisontinam hic Albertus tenuit, cuius ne in vno quidem catalogo, etiam antiquissimo, & qui in Hugone primo desinat, mentionem reperias. Etsi non valdè difficulter legi potuit à San-Iuliano, *Alberti* nomen pro *Vualthero*: qui absque dubio, anno 1025, 1025. Bisontinæ ecclesiæ præerat, fuitque ( vt sexcentis monumentis constat ) immediatus Hugonis primi decessor.



## XLVIII.

## BEATUS HUGO I.



A V D scio, an in Præsulum nostrorum chronologiâ quidquam obscurius, vel difficilius, quàm huic Hugoni, & tribus eiusdem nominis successoribus, suū cuique tempus rectè assignare: tanta est recentiorum in sentiendo diuersitas, tãta etiam penuria testimoniorum, vt vix appareat, vbi pedem figas. Hoc tamen duce Deo, plurimis monumentis magno labore cõquisitis, atque ad temporum rationes expensis, nos effecisse credimus; vt iis perlectis quæ pauca subiiciemus, quod cuique ex Hugonibus conueniat, in promptu sit dignoscere.

Hugo igitur primus, (quo nullus prior eiusdem nominis, quique in antiquis Precum Bisontinarum

Calen



Calendariis *Beatus* optimo iure scribitur) cognomēto *Salinarius*, clarissimā apud Salinas familiā natus (vnde passim in diplomatis *Hugo Salinensis*, vel *Salinis oriundus* dicitur,) Canonicus primū Bifontinus fuit in ecclesiā S. Stephani, & Rodulphi Burgundionum Regis capellanus; tum Abbas Commendatarius S. Pauli Bifontinensis, post *Albericum*; inde Bifontinus Archiepiscopus ab anno 1031, ad 1067, aut certè 1066, vt planum fiet ex iis quæ dicturi sumus.

Et primò quidem, Vgonem, priusquā esset Archiepiscopus Bifontinus, reādicasse ecclesiā *Sancti Anatolij Salinensis*, in eāque Ordinem Canonicum instituisse, constitit mihi ex triplici instrumento archiui S. Anatolij: primum est Rodulphi Burgundionum Regis, datum anno Incarnationis 1029, regni Rodulphi Regis 35; in quo hæc habes inter cetera: Notum volo fieri cunctis regni Principibus tam presentibus quā absentibus, necnon ecclesiarum ordinibus, Vgonem nostrum capellanium, cognomento *Salinarium*, Sanctique Stephani Chrysopolitane Urbis Canonicum, nostram presentiam adiisse, humiliterque postulasse, vt res quas *Ragenaldus Comes*, in valle *Salinensi*, vel in ceteris locis dedit Sanctis *Simphoriano* & *Anatolio*, gloriosæque *Virgini Agathæ*, vel ipse supradictus *Comes*, vel ipse *Vgo* edificator loci illius, vel ceteri datores, corroboraremus ad honorem Dei, eorumdēque Sanctorum, atque ad refectiōem *Salinensium* Canonicoꝝ. Cuius petitioni libenter annuentes statuimus, &c. Alterum est *Henrici tertij* Regis, datum *Aquisgrani*, quinto Idus Iulij, anno Incarn. 1048, Indict. 2; anno verò *Ordina*



dinationis Domini Henrici tertij Regis Inuictissimi  
 21, Regni 11, Imperij 3; in quo leguntur hæc verba:  
*In hac quidem S. Anatolij ecclesiâ ante Episcopatum præsa-*  
*tus Archiepiscopus (Vgonem dixerat) constituit ordinem*  
*canonicum: postea factus Episcopus, rogatu matris suæ (eam*  
*esse puto, de quâ sic Necrologium vetus S. Stepha-*  
*ni; 7 cal. Nouemb. obiit Ermemburga Deo fidelis, mater*  
*Domni Episcopi Hugonis.) quæ apud eandem ecclesiam mo-*  
*rabatur, ordinem immutauit, & monachis Diuionensibus*  
*concessit. Quod nos audientes, prædium nostræ Ecclesiæ, ad*  
*Ecclesiâ alterius regni, & Episcopatus translatum esse, tu-*  
*limus indignè, præcipientes sub obtentu nostræ gratiæ, quate-*  
*nus, ut æquum erat, reuerterentur. Idipsum habet tertiū*  
 diploma Leonis I X, datum 16 cal. Dec. anno Sedis  
 eius primo, Indiēt. 3, quod sic incipit: *Leo Episcopus*  
*seruus seruorum Dei, Hugoni Archiepiscopo (Chrysopolitano,*  
*&c. illudque præterea notat, monachos Diuionenses, lo-*  
*cum illum (S. Anatolij Salinensis) malè & inreligiosè*  
*tractantes, expulsos fuisse. Porro Vgo, quem iam vidi-*  
*sti Canonicum S. Stephani Chrysopolitanæ vrbis, &*  
*Rodulphi Regis capellanum) in duorum Regum di-*  
*plomatis (quæ in archiuo S. Pauli Bisontinensis) ac-*  
*cepisse refertur à Rodulpho Rege Ecclesiâ seu*  
*Abbatiam S. Pauli: alterum est Henrici I V, Regis*  
*Romanorum, datum anno 1067, Indiēt. 4; quo ro-*  
*gatus ab Hugone Sanctæ Bisonticensis Ecclesiæ Venerabili*  
*electo Archiepiscopo (is est Hugo secundus, de quo po-*  
*stea) confirmat donationes & priuilegia, quæ antecess-*  
*or eius beatæ memoriæ Hugo Archiepiscopus cōtulerat ec-*  
b b                      clesiæ



clesiæ S. Pauli; de quâ hæc verba subiungit: *Hanc ecclesiam cum capellis Rex Rodulfus bonæ memoriæ atavus noster, cum præcepto contulit ei suo dilecto adhuc capellano. Alterum Henrici III, Henrici IV patris, sine datâ, rogante ipso Hugone primo concessum; in quo similia habes de ecclesiâ S. Pauli: Hanc ecclesiam cum capellis Rex Rodulfus bonæ memoriæ Auunculus noster, cum præcepto contulit ei suo dilecto adhuc capellano. Atque id ipse agnoscit in diplomate dotationis Canonici S. Pauli (de quâ postea) dato ad annum 1044: Hanc ecclesiam, inquit, cum capellis tradidit mihi cum præcepto clementia Regis Rodulphi, cum in capellâ multo labore defuisssem, antequam ad Præsulatum accessissem.*

1031. Creatum verò Archiepiscopum anno 1031, fidem facit vetustum chronicon S. Benigni Divionensis, ex quo nondum typis edito id se notasse me monuit *Claudius Robertus*, Lingonensis Presbyter, insigni vel eruditione vel morum probitate vir. Cum autem in instrumento quodam S. Pauli Bisontini, è quo mox nonnulla relaturi sumus, annus Incarnationis 1044, Indictione 12, dicatur Præsulatus Hugonis duodecimus, qui minimum fuit decimustertius; fateri necesse est, annos tantum completos, ut sæpe fit, numerari, & decimumtertium eius Episcopatus annum, quia adhuc pendebat, non accenseri: cum alioqui
1032. anno 1032, Indict. 15, subscriptus iam inueniatur *Hugo Chrysopolitanus Archiepiscopus cum Gaufrido Cabilonensi, Hugone Niuernensi, & Elminio Eduensi* Episcopis, diplomati *Euzelini paterno & hereditario iure Vergiacensium*



*sum Domini, Parisiorum Episcopi, &c.* Augustoduni dato, pro Monasterio Vergiacensi: quod inter cætera spectandum mihi dedit Illustrissimus Cleriadus *de Vergoyo*, Comes Camplitensis, Eques Velleris aurei, & liberæ Burgundiæ Gubernator optatissimus.

Hugoni itaque primo, (quo vix alium reperias, cuius plura extant in Ecclesiam Bisontinam merita) prima cura fuit, quæ decessor eius *Vvaltherus* pie inchoauerat, ea perficere: basilicam ergo S. Stephani, quam Vvaltherus nimia totius ædificij amplitudine ac vastitate excitare cœperat, perduxit ipse ad summitatem, sed paulò angustiore factam, etsi certè peramplam. Cumque (vt ipsemet testatur diplomate Idibus Augusti dato, absque inscriptione anni, quo multa bona ecclesiæ S. Stephani assignat, animæ suæ remedij causâ, & prædecessoris sui Vvaltherij, *qui me, inquit, sacri baptismatis undâ renouatum suscepit, ac tenuit*) ea ecclesia quotidianis laudibus deficeret, *cuncto videlicet Canonorum cœtu, B. Ioanni Euāg. sub Christi famulante regimine*; non modò nouum illi Clerum, ac ministros adsciuit, sed & nouis eam prouentibus, vestibus pretiosissimis, vasis aureis atque argenteis, codicibus, & reliquâ sacrâ supellectile ditauit, eoque nomine census ipsos ecclesiasticos, & patrimonium ipsum largissimè effudit. Atque ab eo primùm sancitum puto, vt Præpositi S. Stephani, olim *Abbates* dicti, (vt constat ex chartâ Chuonradi Regis, quam in ecclesiæ S. Stephani gratiam dedit anno Incarn. 967, Regni sui 28, vbi mentio fit Ste-

b b 2 phani



phani & Ermenfredi Abbatum S. Stephani) Decani in posterum appellarentur: quod etiam fecisse eum in ecclesiâ S. Pauli, mox dicturi sumus.

Cum autem veteres ædes S. Stephani, nouarum longè ampliorum ambitu circumclusas mandasset dirui, contigit vt altare S. Agapiti in medio choro veteris ecclesiæ situm, lapidibus, qui è sublimi deiciebantur, obrueretur, & confringeretur. In eo altari, fama erat Celidonium Archiepiscopum, qui Theodosij Iunioris æuo vixerat, S. Agapiti caput ab eodem Theodosio missum condidisse: id Hugo sollicitè exquiri iussit: cumque magnâ vi amoti essent alter ac tertius miræ magnitudinis lapides, inuentus tandem est pridem absconditus thesaurus, miro omnium gaudio ac stupore, 12 cal. Maij: cuius rei memoria ex eo tẽpore in officiis ecclesiasticis quotannis recolitur eadem die Aprilis vicesimâ. Caput verò Martyris, Hugo Archiepiscopus in eburneâ magni pretij capsâ reposuit, donec à Leone IX Papâ intra altare maius S. Stephani conditum est, vt mox referemus fusiùs.

Inter alia porrò beneficia, quæ plurima Hugo citato instrumento in Sancti Stephani ecclesiâ contulit, est alia ecclesia Vefontione in S. Quintini honorem consecrata: cuius certè primam fundationem, etsi diu, multumque perquisitam, nullibi adhuc inuenire potui: quamquam in Necrologio S. Ioannis, mentionem reperi illius, qui eam extruxit, his verbis: 13 cal. Maij, obiit Bisuntinus Laicus, qui ecclesiâ  
S. Quin



*S. Quintini edificauit:* (forſan ex Turrianorū nobili & antiquā familiā fuerit, quorum ibi familiare ſepulchrum eſt) & in Martyrologio S. Stephani, eiufdem dedicatio ſic notata legitur: 3 Nonas Iulij, Chryſopoli, Dedicatio Baſilicæ S. Quintini egregij Martyris, videlicet in honore ipſius, & Beate ſemper Virginis Mariæ, & Beatorum Martyrum Benigni & Agapiti. In eā eccleſiā nunc perangultā, & quæ ſacellum potiùs quàm baſilica dicenda ſit, per D. Outheninum Bardeletum Presbyterum anno 1514 inſtauratā, ſeruatur os quoddam S. Quintini Mart. arculā ferreā vetuſtiſſimā incluſum: eoque conuenire ſolent pridie calendas Nouembris (qui dies beato Quintino ſacer eſt) eccleſiarum S. Ioannis & S. Stephani Canonici, diuinorum officiorum peragendorum cauſā, ex veteri conſuetudine in rituum codicibus adnotatā.

Conſtitutis eccleſiæ S. Stephani rebus, cœpit agitare animo pius Præſul, vt Deiparæ Virgini Mariæ ſacram ædem ab imo conſtrueret: ſed deliberāti quid ageret, illud demum viſum eſt magis è re Eccleſiæ ſuæ fore, vt quæ bona in nouam Eccleſiam vel exſtruendam, vel dotandam conferre ſtatuerat, ea in eccleſiā S. Pauli, ſibi quondam à Rodulfo Burg. Rege collatā (quæ à priſtino ſplendore, atque opibus ipſi olim à S. Donato, primo eius fundatore attributis, prope defecerat) reſtituendā collocaret. Plana ſunt iſta, cū ex citatis instrumentis Henricorum tertij, & quarti Regum, quæ in archiuo S. Pauli, tum maximè ex diplomate inſtitutionis Canonice



1044. S. Pauli, dato ad annum 1044, quod Hugonis primi testamentum vocant, ubi hæc de seipso Hugo: Igitur post ordinationem Congregationis venerabilis Patroni nostri S. Stephani Protomartyris, quam ex bonis ipsius, quæ quondam malè ablata fuerant, & ex proprio beneficio, necnon maternâ hereditate coadunaueram; diuinitus prouocatus instinctu, volui & in sanctæ Dei Genitricis honorem, à fundo ecclesiæ edificare, & Canonicoꝝ frequentia pro bonorum exhibitione decorare. Dum autem hæc mecum tacitus reputarem, diuque utrū hoc aut illud surgendo operi cohereret, consilio haberem, placuit sententiam priorem mutare, nec tamen ab incæpto cessare. Abbatia etenim S. Pauli, olim in eius honore, nunc Pissimæ Virginis Mariæ dedicata, in meâ potestatem venerat: quam bonæ memoriæ prius Abbas dum vixit Albericus rexerat. Quapropter in commune consulenti potissimum est visum mihi, ut & quod debebam meæ Mariæ, & quæ erant in meâ potestate bona S. Pauli unirem, unitūque Canonicis ibi Deo, & Matri eius, & Beato Apostolo, Sanctoꝝque Antidio in eadem ecclesiâ requiescenti seruientibus attribuerem. Notatu digna res est, eam ecclesiā, quæ nunc nudè à S. Paulo nomen habet, nō illi solū, sed & Beatissimæ Virgini Mariæ, & S. Antidio Archiepiscopo Bisontino ac Martyri, (cuius sacræ reliquiæ ibi asseruantur) per Hugonem fuisse dedicatam, (ut habes suprâ in Antidio) atque à tribus simul patronis cognominari, non hoc tantū, sed & aliis plurimis, iisque antiquissimis eius ecclesiæ instrumētis: in quibus passim dicitur, Ecclesia Virginis Matris, gentiumque Doctoris, & egregij Martyris Antidij.



*Antidij*: memineruntque Necrologia S. Pauli, *Xenodochij* olim sub S. Antidij nomine erecti, iuxta ecclesiam S. Pauli, & circa annum 1483 reedificati: sed ei nunc deleti, alia succedere publica charitatis domus, de quibus nos suis locis.

Inde multis recenset Hugo, quos fundos, quos census, ac creditus, vel ex fructibus beneficiorum, vel ex patrimonio, Canonicis S. Pauli assignet: ac tandem in eâ ecclesiâ designato sibi tumulo, hæc ad extremum subiicit: *Rogo obnixè ne in loco superscripto Abbas ponatur, neque Præpositus ordinetur; quia sæpius quarunt quæ sunt propria, negliguntque fratrum commoda: Decanus ibi constituatur, talis tamen qui à Fratribus eligatur, & qui magis velit prodesse quàm præesse. Si quis igitur successorum, vel heredum superscripta iura infringere vel calumniare voluerit, nisi resipuerit, sit damnatus anathemate, quorum Episcoporum subscribimus nomina, auctoritate; sitque pars illorum cum Dathan & Abiron, quos terra viuos absorbit; & cum his, qui dixerunt Domino Deo, recede à nobis, scientiam viarum tuarum nolumus; & cum Iudâ proditore Domini, qui cælo, terræque perosus crepuit medius. Ut autem hoc nostrum testamentum, firmitus habeatur post obitum, sigilli nostri impressione signamus, Suffraganeos, Consocios, Coepiscopos firmare rogamus.*

*Signum Hugonis Archiepiscopi, qui hanc chartam fieri iussit, & propria manu firmavit, cæterisque idem fieri rogauit. S. Henrici Lausonnensis Episcopi. S. Theoderici Basileensis Episcopi. S. Aymonis Bellicensis Episcopi. S. Aymonis Sedunensis Episcopi. S. Odolrici Lugdunensis Archiepiscopi.*

*S. Elmui*



*S. Eluini Augustodunensis Episc. S. Hugonis Lingonensis Episc. S. Vidonis Cabilonensis Episc. S. Valtheryj Matiscensis Episc. S. Leudegarij Viennensis Archiepiscopi. S. Renconis Aruernensis Episcopi, Hierosolymis reuertentis. S. Rogerij Catalaunensis Episcopi Româ redeuntis. S. Frotlandi Syluaneensis Episc. Romam pergentis. S. Frederici Geneuensis Episc. S. Stephani Anitiensis Episc. S. Pontij Valentinenensis Episc. S. Emmonis Darentasensis Archiepisc. S. Hugonis Niuernensis Episc. S. Araldi Gratianopolitani Episc. Ego Ermenfredus sanctæ Chrysopolitane Ecclesie Cancellarius recognoui. Data VII cal. Aprilis, die Annuntiationis S. Mariæ Matris Misericordie, Indict. XII, Anno Dominicæ Incarnat. M XLIIII: anno verò Domini Henrici III, Ordinationis eius XVI, Regni V, Præfulatus Domini Hugonis anno XII. Actum Bisontij publicè feliciter, Amen.*

Miretur fortasse quispiam, tot conuenisse ad vnius ecclesiæ firmandam atque illustrandam dotationem Episcopos, quâ Metropolitanos, quâ Suffraganeos; ni magnum Hugonis nostri nomen atque auctoritatem attendat. Quia verò egimus de ecclesiâ S. Pauli ab illo restitutâ; operæ pretium duximus, eius ecclesiæ statum à primâ suâ origine, ad nostra vsque tempora, hîc breuiter ob oculos ponere; adiecto etiam Abbatum quàm fieri potuit integerrimo catalogo.

Status



*Status Ecclesiæ S. Pauli, & eius Præpositorum series.*

Diximus in *S. Donato*, Monasterium S. Pauli ab eo primùm exstructum, atque institutum ad S. Columbanii regulam Luxouiensem; tuncque (vt ex Ionâ retulimus) *Palatium* vocari solitum: multa deinde damna passum sub *Felice*, & *Tetrardo* impiis Præfultibus: demum *Alberico* Abbate mortuo, à Rodulpho Rege Hugoni primo, tunc suo capellano collatum; qui illud, vt vidimus, anno 1044, reedificatum optimis dotauit prouentibus, voluitque vt eius Præfecto, non *Abbas* (quod antea) sed *Decanus* nomen esset.

Primus igitur Decanus fuit *Vrichardus*, seu *Guichardus*, ab anno 1044, vltra 1069, quo anno nominatur in chartâ Alexandri Papæ, monasterio S. Pauli concessâ: immò longè etiam vltius, si eo agente suspensus est Hugo secundus à Legato Gregorij VII, circa annum 1078. Eius obitus notatur in Necrologio S. Pauli, 10. cal. Nouembris.

*Gerardus* Decanus S. Pauli, in duobus diplomatis Hugonis tertij 1092, Indict. 15.

*Oddo* Decanus S. Pauli, sub Hugone tertio, ex diplomate sine datâ: & anno 1108, Paschalis II Papæ 9.

*Aymo* Decanus S. Pauli, 1122, Calixti II anno 4, 14 cal. Aprilis.

Inuicta est deinde in illud Monasterium, S. Augustini regula: à quâ cum solutiores nonnulli ab-

cc

horre



horrent, grauis orta est contentio, quæ anno 1131, ab *Anserico* Archiepiscopo certis conditionibus definita est: simul constitutum, vt Decanus sæcularibus Canonicis præesset, Prior verò regularibus. Decanorum ab eo tempore nulla mentio.

*Gerlandus* vel *Garlandus*, Prior S. Pauli, annis 1131, 1132.

*Petrus* Prior Sancti Pauli, ex diplom. 1236, mense Maij.

*Vrichardus* seu *Guichardus* Prior S. Pauli, 1138, 1140, 1143.

*Hieremias* Prior S. Pauli, sub Theodorico secundo Archiep. ex diplom.

*Stephanus* Prior S. Pauli, 1220, 1229, 1230, 1233.

Cùm autem anno 1132, vetuisset Innocentius quartus dato Cluniaci diplomate, ne quis, qui S. Augustini regulam sequi noller, in B. Pauli cœnobium admitteretur, sensim defecere seculares Canonici: & anno demum 1252, in Augustinianam normam domus tota consensit: cui eo nomine primus Abbas præfectus est,

1 *Stephanus de Cicons*, qui obiit pridie Nonas Ianuar. 1558, ex Necrologio Sancti Pauli, sepultus in Capitulo.

2 *Otho de Vennes*, secundus Abbas, 1558: obiit 8 Idus Februar.

3 *Renaudus*, tertius Abbas, 1262: obiit 3 Non. Iul.

4 *Ioannes de Sauigneyo*, 1272, 1281, 1294, 1303: obiit 9 cal. April. 1304.

5 *Hugo*



- 5 Hugo de Monte-Bozonis, 1312, 1327: obiit idibus Martij, 1332.
  - 6 Henricus de Saigneyo, 1348: obiit 1362.
  - 7 Ioannes de Marignaco, Decretorum Doctor, 1363.
  - 8 Theobaldus de Nans, 1371: obiit 16 cal. Maij, 1379.
  - 9 Hugo de Castellione Guetæ: obiit 5 Nonas Octob.
  - 10 Ioannes de Valletrauersa: obiit 9 cal. Maij.
  - 11 Odo de Saigneyo, 1387, 1390: obiit 9 Maij: sepultus apud S. Paulum, in facello S. Mariæ.
  - 12 Henricus de Falerans, 1400, 1404: obiit 13 cal. Maij, 1406.
  - 13 Robertus de Babigneyo, Doctor in Decretis, ex Abbate vigesimo S. Stephani Diuionensis, 13 Abbas S. Pauli: obiit 1428, 6 cal. Martij; sepultus in imâ nauis S. Pauli, cum hoc Epitaphio ad murum:  
*Hic ante est tumba cernua  
 Abbati Roberto grata:  
 Sic solent sepeliri  
 Regulares Canonici.*
- Præcedenti anno 1427, obierat Vesontione Ioannes Soardi Abbas vigesimus primus S. Stephani Diuionensis, iacétque in ecclesiâ S. Pauli.
- 14 Simon de Claranalle, 1432.
  - 15 Simon de Domnoprato, ab anno 1439: obiit 1467.  
 Eius verò tempore, nempe anno 1444, migravit ad Superos B. Ioannes Bassandus, qui ex Canonico regulari S. Pauli Bifontinensis, factus fuerat Celestinus in Italiâ. *Chopinus in monastico.*
  - 16 Petrus de Roserius.



17 *Carolus de Nouocastro*, Archiep. Bifontinus, Abbas commendatarius S. Pauli: obiit 13 cal. Aug. 1498.

18 *Ioannes de Palude*, 1499.

19 *Franciscus de Palude*.

20 *Petrus Rolinus*.

21 *Antonius de Gorreuodo*, piissimus Lausanensis Præsul: dicitur fuisse Abbas per annos 51: obiit 24 Febr. 1598, sepultus in S. Pauli.

22 *Prosper à Baumâ*, Decanus Capituli Bisotini: obiit 7 Iunij 1599: sepultus cum Decanis in naui ecclesiæ S. Stephani.

23 *Carolus Madrucius*, presb. Card. tit. S. Thomæ in Parione, Episc. Tridétinus: nunc viuit, & præest 1618. Hæc satis de monasterio, & Archimandritis Sancti Pauli: ad Hugonem redeamus.

1046. Anno 1046, Hugo Chrysopolitanus Archiepiscopus *Halinardum* patre Lingonensi, matre Æduensi nobilibus natum, & filium spiritalem in baptismo, Galtheri Episcopi Æduensis; post regimen cœnobiale apud Benignianos Diuionenses, annorum circiter viginti, in Lugdunensem Archipræsulem electum consecrauit, in loco, cui nomen *Herbestain*, coram Henrico nigro. *Chronicon Sancti Benigni*. Halinardus ille, quem inter xui sui Antistites locum obtinuerit, vel ex eo intelliges, quòd (vt habet idem chronicon) mortuo Damaso secundo Romani eum ab Henrico Cæsare Pontificem postularint anno 1048: sed eo præ animi modestiâ moras trahente, ne id honoris inuasisse potius, quàm admisisse



misisse videretur ; delegit Henricus *Brunonem Tul-*  
*lensem Episcopum* ( qui Leo IX dictus est ) Hugonis  
 Comitis filium , virum vt regij sanguinis claritate,  
 sic eximiâ virtute conspicuum: qui cùm Vvormatiâ  
 ( vbi delectus fuerat ) Romam peteret, Vefontione  
 iter habuit; ibique quinto nonas Octob. anni 1048, 1048.  
 altare maius ecclesiâ S. Stephani sollemni ritu dedi-  
 cavit: & in eâdem ecclesiâ *septem Canonicos Cardinales*  
 instituit ( quod ipsum sequenti anno 1049, primùm 1049.  
 Coloniae, ac deinde Remis fecisse legitur apud Vi-  
 bertum lib. 2 vitæ Sancti Leonis, & alios ) aliâque  
 gessit, de quibus constat, tum ex archæo Capitu-  
 li Bisontini, tum ex antiquâ tabulâ in eâ basili-  
 câ appensâ; quam ( quia brevis est ) hîc tibi descri-  
 bimus.

Anno ab Incarnatione Domini millesimo quadragesimo  
 octauo, quinto nonas octobris, consecratum est altare Sancti  
 Stephani à Domno Leone VIII Papâ, in honore Domi-  
 nicæ Ascensionis, & Sanctissimæ Dei Genitricis semper Vir-  
 ginis Mariæ, & Beati Protomartyris Stephani, & S. Ioan-  
 nis Euangelistæ, & Beatorum Martyrum Vincentij, Aga-  
 pitii ( cuius caput, cum maiore ossè brachij sancti Stephani, &  
 duobus nodis de spinâ sancti Vincentij, ab ipso Papâ infra  
 idem altare est reconditum ) coram Episcopis & Abbatibus,  
 & Casatis, & populo qui infinitus conuenerat: ad quem san-  
 ctus Papa sermonem faciens, annuum concursum populi in-  
 stituit, tertiam partem pœnitentiæ suæ omnibus qui conue-  
 nerant condonauit; & cunctis, qui ad anniuersarium eius-  
 dem dedicationis per secula conuenirent, eamdem indulgen-



tiam concessit. Deinde statuit, ut eadem dies per totum Episcopatum semper celebris duceretur, & per omnes eiusdem Episcopatus ecclesias, tanquam eadem die consecratas, dedicationis officium quotannis solemniter celebraretur, quæ reuera benedictionem à capite in membra omnia transfusam & derivatam omnes acceperant. Statuit item, ut Vigilia & dies dedicationis, in treijgayâ Dei in perpetuum haberetur: & omnes illi, qui ad eandem dedicationem, vel ad nundinas ibidem institutas convenirent, & omnis substantia eorum ubique, quousque domum reuersi essent. Statuit quoque, ut septem de Canonicis ipsius loci eligerentur, qui Cardinales vocarentur, qui cum dalmaticâ, mitrâ, sandalis, chirothecis, ad altare illud ordinati, missas ibi facerent: quorum unus, loci illius Decanus, anulo etiam ad missarum solemnia uteretur. Sine dalmaticâ autem nullus unquam ibi præsumat sacrificare: quâ tamen nullus utatur, nisi cui tempore ordinationis suæ, vel Apostolicâ sede postea fuerit specialiter indulta. In festiuitatibus autem omnibus Domini & Saluatoris nostri Iesu Christi, & Sanctæ Dei Genitricis, & omnium Apostolorum, & Sanctorum Martyrum, Stephani, Vincentij, Agapiti, Ferreoli, & Ferrucij, & Sancti Archangeli Michaelis, & dedicatione eiusdem loci, & festo omnium Sanctorum, sandalis, mitris, & chirothecis, tam sacerdotem, quàm Diaconum & Subdiaconum vti præcepit, sicut & in cæteris prohibuit diebus. Præterea bannum suum Apostolicum posuit, ne quis cæmeterium, quod ipse ibidem sacrauerat, vel quæcunque ipse (ut diximus) ibi statuta decreuerat, in aliquo violare, vel conuellere præsumeret. Postremò omnes illos anathematis iaculo confossos, in perpetuum  
dam



damnavit, qui scientes eadem Statuta sua infringerent; nisi dignam satisfactionem, tam Sedi Apostolica, quàm loci eiusdem Canonicis persoluerent. Quam etiam excommunicationem Episcopi, qui ei astabant, suo assensu, & responsione confirmaverunt, quorum hæc sunt nomina: Halinardus Lugdunensis Archiepiscopus, Georgius Colociensis Ecclesie Ungro- rum Episcopus, Kilinus Sutriensis Episcopus, Fredericus Geneuensis, Guido Cabilonensis, Gualtherius Matiscensis, Hugo Bisuntinus.


Quem hîc subscriptum legisti Kilinum, cum esse credimus Sutriensem Episcopum, quem refert *Vibertus* in vitâ S. Leonis lib. 2, cap. 10, cum in Cōcilio Romano, sequenti anno 1049 celebrato, Simonie delatus excusasset, & falsis testibus, qui de suâ innocentia mentirentur, productis, ad præstandum de more sacramentum accederet, subito morbo concidisse, ac domum delatum, paucos post dies miserè interiisse.

Septem illi S. Stephani *Cardinales*, purpureis vestibus (ut ex vetustis imaginibus patet) indui soliti, desuisse creduntur, iam inde ab vnione ecclesiarum factâ anno 1253, de quâ inferius suo loco. Sed omnibus Metropolitanis Capituli Canonicis, illud concessum non ita pridem à Paulo V, ut violaceâ veste, Lateranensium more induerentur.

In eo verò altari, à S. Leone IX dedicato, digna notatu res est medius lapis, super quo Christi Domini Corpus ac Sanguis consecrari solet, in quo rosa ad duos circiter digitos excavata est; hac inscriptione & figurâ.

In con





In concauam illam rosam, quotannis die cœnæ Domini infundi solet sextarius vini rubri, qui Pintarum sexdecim est, (tantumdem enim capit) de quo bibunt ordine, ex veteri ritu, Canonici, ac deinde populus vniuersus.

Verùm nascatur hîc fortasse cuiuspiam in Pontificû historiâ versato scrupulus; num valida fuerit ea cōsecratio, aliâq; priuilegia à Leone IX, Bisontinensi S. Stephani ecclesiæ concessa anno 1048, cùm Leo delectus quidem esset ab Imperatore, nondum tamen à Clero Romano electus, & in Pontificem consecratus, quòd solùm factum constat, duodecimâ  
die



die Februarij, anni sequentis 1049: referatque *Otho* 1049.  
*Frisingensis*, Leonem IX, cum in purpurâ, & ceterâ  
 Pontificiâ maiestate, priusquam inauguraretur in  
 Vrbe, Cluniacum ex itinere venisset; ibidem ab *Hil-*  
*debrando* Cluniacensi Priore grauitè increpatum,  
 quòd nondum à legitimis Electoribus in Sede Ro-  
 manâ constitutus, solâ Imperatoris fretus nomina-  
 tione, iam se pro Pontifice gereret: atque eâ moni-  
 tione permotum Leonē, vt erat ab omni fastu alie-  
 nissimus, depositâ purpurâ, ac sumpto peregrini ha-  
 bitu, Romam vsque perrexisset. Certè, etsi consecra-  
 tio altaris, à Leone IX, tunc adhuc *Brunone Tullensi*  
*Episcopo* facta, valida fuit ( quod ab Episcopali cha-  
 ractere pendeat ) ideòque non iteranda; tamen in-  
 dulgentias, aliâque priuilegia, quorum collatio iu-  
 risdictionis est Pontificiæ, rata postea haberi oport-  
 uit; quod & fecit Leo IX, ex quo ad Pontificatum  
 promotus est, dato diplomate, 3 Idus Ianuarij, Indiçt.  
 4, anno Christi 1051, Pontificatus secundo; quod ha-  
 betur in archiuo Capituli: vbi repetit ac firmat,  
 quicquid eum anno 1048 concessisse ex veteri tabu-  
 lâ retulimus: ac sub finem ait *vidisse se, & in altari ba-*  
*silicæ S. Stephani condidisse preciosissimum S. Stephani bra-*  
*chium, istibus lapidantium Iudeorum quassatum.*

Anno 1049, à Natiuitate inchoato, die Cathedræ 1049.  
 S. Petri, Ordinatus est ab Hugone Bisontino in Clu-  
 niacensem Abbatem (vt notatur in bibl. Cluniac.)  
 Hugo ille alter, vitæ sanctimoniâ, & miraculis clarif-  
 simus, relatus in tabulas Ecclesiasticas ad tertium  
 d d calea



calendas Maias: quocū paulò post Synodo Remen-  
 si à Leone IX indictæ interfuit, ineunte Octobri  
 1049. eiusdem anni 1049. Refert verò Vibertus Archidia-  
 conus in vitâ S. Leonis, & Anselmus monachus in  
 eiusdem Leonis itinerario, S. Leonem primâ die  
 Octobris, sacrum Beati Remigij corpus solēni pom-  
 pâ humo extulisse: quod cū eâdem die ad Beatif-  
 simæ Virginis Remensem basilicam deportatum  
 fuisset, & in altari S. Crucis repositum; id honoris  
 Hugoni Bisontino Archipræsuli delatum est, vt in  
 tanto Gallicorū Præsulum penè omniū, & plurimo-  
 rum Cardinaliū, qui in Pontificis comitatu venerât,  
 cœtu, vnus ipse ad illud altare S. Crucis in S. Remi-  
 gij honorē, sacrosanctum missæ sacrificiū peregerit.  
 Mirum porrò contigit in eo Remensi Concilio, dum  
 variorum Episcoporū agitentur causæ: cū enim  
*Hugo Lingonensis* Episcopus, plurimorum criminum,  
 atque inter cætera simoniacæ ad Episcopatum pro-  
 motionis delatus esset ad Pontificē in Synodo; eiuf-  
 que causam suscepisset Hugo Bisontinus, homo pro-  
 nus ad benefaciendum, & qui nihil posset de quo-  
 quam mali suspicari, ingenti miraculo obmutuit:  
 ne scilicet in causâ iniquâ vir optimus, vel bonâ, vt  
 aiunt, fide patronum ageret. Quo prodigio attoni-  
 tus Hugo Lingonensis, nocte sequenti Remis se sub-  
 duxit. Sed postridie citatus in Synodo, cū absens  
 percussus esset anathemate, & de Episcopali digni-  
 tate deiectus; tum è solio surgēs *Hugo Bisontinus*, pro-  
 fessus est coram Patribus, cū pridie illius diei pro  
 Hugone



Hugone Lingonensi dicere aggredi vellet, sibi de repente omnem loquendi facultatem ademptam. Id miraculi S. Leo B. Remigio adscripsit, eoque nomine publicas illi ab vniuersâ Synodo grates persolui voluit. Hæc ex citatis Viberto, Anselmo, aliisque tum cussis, tum manuscriptis codicibus, qui de Remensi illâ synodo.

Decennio post, anno scilicet 1059, Indict. 12, die 1059. sacro Pentecostes, qui tunc fuit mensis Maij 23; cum Philippus primus Francorum Rex, à *Geruasio* Archiepiscopo inunctus est in metropolitanâ Remorum Basilicâ, adstantibus præter Episcopos vigintiquinque, & vigintiocto Abbates (quorum nomina recenset Tillius) quamplurimis Ducibus, Comitibus, & illustribus viris; *Hugoni Bisontino*, quippe ad magna nato, & qui præcipui esset inter Gallos Antistites nominis, potissimâ in tanto virorum principum cœtu cessere partes: et siquidē inaugurationi Franci Regis interfuit legatus *Nicolai* Papæ, cum *Ermenfredo* Sedunensi, altero Pontificis legato. *Tillius*.

Quo verò loco haberetur Hugo noster, quantūque ab optimo quoque fieret, satis ostendit column illud Ecclesiæ Petrus Damiani Ostiensis Episcopus, epistolâ octauâ libri tertij, quam benè longam sic inscribit: *Domno V. Reuerentissimo Archiepiscopo Bisontino, Petrus peccator monachus seruitutem: Vgoni* scilicet (sic enim plerunque scribunt antiqui) non autē (vt intellexit Baronius literâ initiali deceptus) *Vulthero*, cui iam inde ab anno 1031, Vgonem suffe-

dd 2 etum



rum vidimus. Venerat scilicet in Gallias Petrus Damiani, ab Alexandro II Pontifice legatus, anno, 1062. iuxta Baronium, 1062; eumque ex itinere, Vefontione perhonorificè habuerat Vgo Archiepiscopus: ad quem ille postea benè longam epistolam dedit, vel amicitiae, vel grati animi significandi ergò: ex eà (quoniam aliqua continet, quæ ad res nostras faciunt, & Vgonem non obscure commendant) nonnulla hîc exscribere duximus operæpretium: sic incipit:

*Non ignoras, Venerabilis Pater, quoniam dum à te receptus hospitio, tuis interfui, sic omnia velut in quadam animi mei tabellâ depinxi. Ut nullâ de cætero valeant obliuione deleri. Teneo scilicet claustrum post absidam ecclesiæ, tuo dumtaxat habitaculo dedicatum; vbi tam priuatè, tam remotè studio potes orationis, ac lectionis insistere, ut eremiticâ videaris solitudine non egere. Alterum quoque claustrum, quod dextrum tenet latus ecclesiæ, non omisi; vbi candidus Clericorum tuorum cætus, tanquàm chorus nitet Angelicus: Illic enim velut in cælestis Athenæ Gymnasio, sacrarum scripturarum erudiuntur eloquiis: illic veræ philosophiæ solerter incumbunt studiis, seseque sub regularibus exercent quotidie disciplinis. Nec illud excidit, quia præter istas, duas alias nouiter canonicas uno simul eodèmq; tempore construis: vnâ scilicet cum ecclesiâ sanctæ Mariæ Magdalene; alterâ verò cum ecclesiâ, si ritè teneo, Sancti Laurentij: & cum tua non sit diues Ecclesiâ, mirum est qualiter tam operosis, tamque magnificis sit intentâ structuris, & tam profusis quotidie sufficere possit impendiis, &c.*

Initio



Initio describit metropolitanam ecclesiam sancti Ioannis, quæ propè Archiepiscopii: claustra item, & scholas Clericorum, quæ æuo illo vigeant. Extollit deinde Hugonis in excitandis ædibus sacris magnificentiam: quippè qui præter eas, quæ plures erant in ciuitate, canonicas, duas alias egregiâ vel amplitudine operis, vel elegantia construeret; alteram cum ecclesiâ S. Mariæ Magdalenes; cum sancti Laurentij æde alteram. Sed dubium cuipiam esse possit, num aliqua præextiterit ecclesia S. Magdalenes, cui facta sit accessio nouarum ædium ac prouentuum ad institutionem canonicæ; an verò Hugo Ecclesiam sub nomine S. Magdalenes omnium primus excitarit. Certè, in diplomate Alexandri II, quod eidem Ecclesiæ concessit Laterani 15 cal. Maij, anno 12 Pontifi indict. vndecimâ (hoc est anno Christi 1073.) habes hæc verba: *Proinde notum esse volumus omnibus, qui in Christo sunt, nos Ecclesiam sanctæ Mariæ Magdalenes, sitam Bisontij, vltra Flumen Dubium, iuxta pontem eiusdem fluij constitutam ab Hugone bonæ memoriæ eiusdem loci Archiepiscopo, in tutelam Apostolicæ defensionis suscepisse. Et in chartâ Guillelmi Archiepiscopi Bisont. datâ anno M C XI, Indict. IV. Quia Ecclesiam vestram sanctæ recordationis prædecessor noster Hugo primus ab imo erexit, ordinem ibi canonicum instituit, facultatibus etiam competenter ditauit, nos eiusdem prædecessoris nostri, &c. Ex quibus intelligi videtur, primum, qui B. Magdalens Ecclesiam Vefontione dedicarit fuisse Hugonem. Verum, ex Petri*

dd 3

Damia



Damiani verbis (cum dicit, *constructam canonicam cum Ecclesiâ B. Mariæ Magdalenes*) perspicuè colligi puto, extitisse aliquam Ecclesiam ante institutionem canonicæ ab Hugone: Et si fas est aliquid in re dubiâ coniicere; crediderim ego æquæuam esse Ecclesiam Beatæ Magdalenes, Ecclesiæ S. Laurentij (& sanè iactat vulgus ex traditione, in eâ quondam Ecclesiâ vixisse Sanctimoniales: quod si verum est, id certè ante Hugonis primi tempora fieri debuit) & sicuti hanc, sic illam primùm à Leontio constructam; de quo illud expressè notatur, vt suprâ retulimus, ex annis quinque & viginti, quibus præfuit, ne vnum quidem illi abiisse, quin aliquos vel in ædificandis sacris ædibus, vel in augendâ re Ecclesiasticâ sumptus faceret.

Alteram canonicam exstruebat Vgo cum ecclesiâ S. Laurentij, non longè à S. Magdalene: ea in extremo Ponte olim à Leontio constituta, nunc verò ab Hugone primo in canonicam erecta est: anno demum 1239 (vt habet ms. codex S. Magdal.) *sequenti nocte post diem Natiuitatis Domini, combustum fuit igne, quicquid erat à Monasterio S. Laurentij vsque ad Dubium:* quod sic accipiendum est, vt ipsa quoque S. Laurentij basilica deflagarit. Nunc certè in exiguum sacellum redacta est, in foro frumentario constitutum, in quod quotannis in vigiliâ B. Laurentij, dens vnus eiusdem inuictissimi Martyris, à Capellanis S. Petri (in quorum ecclesiâ seruator) deferri solet, cum supplicatione, & precibus publicis: postridiè verò, quid  
dies



dies est S. Laurentio sacer, à vesperis ad S. Petrum reportari.

Sed ad Hugonem redeamus: subdit Petrus Damiani in epistolâ ad eum scriptâ hæc, quæ sequuntur: *Illud autem fateor, mihi præ omnibus placuit, quia sepulchrum tuum mihi tunc ostendisti* ( in mediâ scilicet naui ecclesiæ S. Pauli, in quâ monumentum sibi excitari curauerat ) *à te velut hodie suscipiendum, accuratissimè preparatum; ubi tanquam vespillonum merces, quini nummorum solidi, per quatuor altrinsecus angulos in sudario sunt ligati: ut inter exsequias funeris, in ipso quoque pietatis opere, sepulcoribus tuis videatur remuneratio non deesse. In quo nimirum Patriarchæ Abrabæ tenere videris exemplum, Gen. 23.* qui cum Saram uxorem suam sepelire satageret, & omnes filij Eth, electa quæque sepulchra sua sibi gratis offerrent, gratuita contempsit, ab Hephron filio Seor speluncam duplicem comparavit: nam & in ipso quaternario numero quodammodò cerneris eius imitatus exemplum: sicut enim quadringentis siclis argenti redemit ille speluncam, sic & tu quaternis quinque solidis aliquo modo videris emere sepulturam. & paulò post: Tu autem, Venerabilis Pater, sapientis mihi videris usus esse consilio, cum sepulturam tibi adhuc viuens, & valens fieri decreuisti: nam si quando deceptrix hæc vita blanditur, si fortè mens lenocinante fastigio cuiuslibet dignitatis extollitur; mox ut ad expectantem se talem domum quis oculos dirigit, pulverem se, sicut est, cineremque perpendit. Hinc est, quòd per Salomonem dicitur: Eccl. 7.1. Quid necesse est homini maiora se querere, cum ignoret quid conducat sibi in vitâ suâ, numero dierum peregrinationis sua.



sua, & temporis quod velut umbra praterit? nec illices titillationum motus praevalent carnes in luxuriae fluxa resolvere, dum mens cogitur scaturientes vermes, ac profluentem ex eisdem carnibus saniem cogitare. Plura de mortis recodatione, quae animum à terrenorum cupiditate auclat: tametsi nec appetenda sit mors viro sapienti, nec fugienda; sed è duobus (morte ac vitâ) id demum optandum, quod è diuino obsequio, nostroque, aut proximorum spiritali emolumento magis futurum sit. Subiungit deinde: *Vnum praterèa torporis ac desidia signum in Ecclesiâ tuâ vidi, quod & tunc, prout expeditionis diebat hora, corripui, & nunc apicibus tradere non superfluum duco: Plerique siquidem ibi Clericorum resident, dum vel canonica horarum celebrantur officia, vel etiam ipsa Missarum offeruntur terribilia sacramenta. Cuius torporis ignauiam per Galliarum partes, nonnullis inesse etiam Monachis deprehendi: quod profecto praeue consuetudinis vitium, & correctione dignum, & de stadio militantis Ecclesiae, in his, qui incolumes sunt, constat penitus eradendum, &c. Hinc longissimâ, & certè piâ ac pereleganti oratione inuehitur in illam consuetudinem. affidendi in locis sacris, tempore diuini Officij, eamque non in Clericis modò, sed etiam in laicis damnat: Vgonem rogat, cum morem in suâ primùm Ecclesiâ emendet, tum in aliis; Nunc autem, inquit, sufficit mihi sanctitati vestrae suggerere, ut hoc ignobilis negligentiae vitium in suâ prius Ecclesiâ corrigat, deinde per ceterarum palmites tanquam falcem salutiferæ correctionis extendat: districtè quippe prohibendum est, non modò Clericis, sed*



ricis, sed & laicis utriusque sexus, ut nisi, sicut mos est, inter nocturni lectiones officij, aliàs dum diuinis hymnis insistitur, nemo sedeat, nisi corporis eum valetudo compellat: ac nonnullis interiectis, tandem concludit; Tu autem, dilectissime, quia in occiduis partibus, inter Sacerdotes insignis es, ac celebris famæ; ubique inquantum potes, & hoc ignominiose sessionis opprobrium destrue, & cetera, quæ villicatui Sacerdotalis Officij competunt, non segniter implere contende; argue, obsecra, increpa, atque, ut idem monet Apostolus, vigila, in omnibus labora, & opus fac Euangelistæ; ministerium tuum imple, ut cum necesse fuerit, conspectui summi Pastoris assistere, copiosum ac dignum tanto nomine fructum, de peractò valeas ministerio consignare: hæc Petrus Damiani.

1. Timothy. 4.

Anno Verbi Incarnati 1063, 3 calendas Iunij, 1063. translata sunt ab Hugone primo ossa veneranda Diuorum tutelarium Ferreoli ac Ferrucij Martyrum, à Monasterio ciuitati proximo ad Metropolitanam basilicam sancti Ioannis. Diximus superius, ut sacra Martyrum corpora, quæ diu latuerant, reperta sint in cryptâ, seu antro quodam, *Valentiniano & Valente* Imperantibus: utq; eo loco, qui altero plùs minùs milliari abest à ciuitate, *Anianus* Bisontinus Præsul, Ecclesiam, seu Monasterium exstruxerit; in eâque iustis dotatâ prouentibus, Clericos, quibus curæ essent sacra pignora, collocarit. Diu itaque (verba sunt vetustorum codicum sancti Ioannis, & sancti Stephani) in statu suo, monasterio permanente, peccatis populi id agentibus, Dei permissu, cuius occulta sunt indicia,

cc

Pasto.



Pastorum negligentia ingruente, ad id deuenit; ut sicut fuerat summa religionis domiciliū, ita fieret irreligiositatis contubernium: nam laicorum in beneficium voluntati à quodam Præsule malè consulto, prædiis ad eum locum pertinentibus traditis, in breui ita dilapsus est; ut destructā congregatione, ad Beatorum Martyrum seruitutem præter admodum paucos Sacerdotes idiotas & indociles nullus remanserit. Cum ergo communi in excidio totius patriæ, ut in propatulo positi SS. Martyres iacerent (quippe quos latrones de Fræciâ ad Burgundia perniciem conabantur auferre) sempiterna pietas Christi, populum suum tanto patrocinio destitui non permittens; non hominum custodiâ, non murorum clausurâ, non denique loci illius firmitate aliquâ, sed suâ nobis eos tamdiu reseruauit admirabili gratiâ. Henrici itaque Imperatoris secundi tempore, Dominus Hugo Archiepiscopus, cui hoc amicorum diligentia summum periculum intimaratis id gerens voti, quatenus eos ad ciuitatem transferret, habebat occultum; querebat tamen temporis opportunitatem ad id agendum. Terrio denique kalendas Iunii, quod erat crastinum Ascensionis Dominica, orandi gratiâ iussit illud Clerum & populum Archiepiscopus (et eorum consuetudo fuerat) conuenire. Ipso verò eo veniente, Missâque per se celebratâ, itur ad sepulchrum, ubi pausabant præclara cæli duo luminaria gemini fratres, patriam illuminantes, pacem gentibus conferentes, Dei populum liberantes. Sarcophago autem aperto, inestimabilis suauitatis fragrantia totius Ecclesie ambitum respersit, quæ Dei præsentiam adesse sine dubio signauit. Quosdam verò è cernentibus qui aderant, visis eorum ossibus, diuinus timor quasi positos in extasi tenuit.

Cernere



*Cernere erat Clerum & populum mixtum, præ gaudio, multo lachrymarum imbre madentem, Dei laudibus communiter exultantem. Mirabile visu; tanta multitudo hominum, cum nulli nuntiatum fuerit, ibi subito affuit, ut nullus unquam in tam breui temporis articulo tot conuenisse meminerit, non tantum ciues, non tantum vicina incolentes, sed de remotis longè partibus occurrentes. Horum autem sacratissimorum corporum partem minorem Dominus Metropolitanus sagaci usus consilio, ad loci conseruationem, qui in eorum honore dedicatus erat, sub principali altari ibidem locauit: maiorem uerò portionem, quæ sibi semper foret presidium, ad ciuitatem cum hymnis & laudibus detulit, atque in B. Ioannis Euangelistæ, in altari Beatissimæ Dei Genitricis Mariæ gloriose recondidit: ubi gloriosi Martyres, ad se confugientibus diuinum præstant refugium, petentibus patrocinium; ad laudem Domini, cui est honor & gloria in secula seculorum, Amen.*

Hæc ibi. Nos uerò eam translationem retulimus in annum 1063, quod in hac historiâ facta dicitur *tertio calendas Iunij*, quod erat *crastinum Ascensionis Dominicæ*: nam in toto tempore Præfulatus Hugonis primi, nullus est annus, quo dies Ascensionis inciderit in quartum calendas Iunias, & consequenter dies Paschæ in duodecimum cal. Maij, præter annum *millesimum sexagesimum tertium*; ut clarum est ex computo. Et rectè conuenit, quod habet hæc, quam descripsimus, rei gestæ narratio; Dominum Hugonem Archiepiscopum (haud dubiè eius nominis primum, qui pluribus annis ante & post



Henrici secundi Imperium sedit) de periculo ex bel-  
 licis tumultibus impendente admonitum, suum de  
 transferendis reliquiis consilium, toto Henrici se-  
 cundi (qui anno 1056 excessit è viuis) tempore dis-  
 simulasse: id verò captâ deinde occasione perfecisse,  
 eo anno, quo crastinum Ascensionis incidit in diem  
 trigessimam Maij: qui certè annus, non alius esse po-  
 1063. tuuit à millesimo sexagesimo tertio.

Quia verò in S. Ioannis ecclesiâ repositæ sunt  
 Martyrum reliquiæ ab Hugone primo (cuius sum-  
 ma fuit in sacris ædibus, vel de nouo excitandis, vel  
 instaurandis pietas) de eo dictum putamus, quod  
 habet codex ritualis S. Ioannis, 9 cal. Octobris: nem-  
 pe *basilicam S. Ioannis, quæ præ nimia vetustate titubabat,*  
*à Domino Hugone Archiepiscopo repolitam; ab eoque 9 cal.*  
*Octobris solemni pompâ dedicatam.* Ibidem meminit an-  
 tiquioris dedicationis, vndecimo cal. Maij, ad vsque  
 tempus Hugonis celebrari solitæ. Et infra, aliam re-  
 centiorem notabimus ab Eugenio tertio factam  
 quintâ die Maij, anni 1148.

Supereft, vt de tempore obitus Hugonis primi  
 aliquid dicamus. Et de die quidem satis constat; sic  
 enim notatur in Necrologio S. Pauli: *VI cal. Augusti*  
*obiit Hugo bonæ memoriæ, huius canonicæ Institutor, multo-*  
*rum beneficiorum largitor, apud nos sepultus in medio eccle-*  
*siæ. & in codice S. Ioannis: VI cal. Augusti obiit Hugo*  
*primus Archiepiscopus, qui dedit S. Stephano molendina de*  
*Terraignoz, & ecclesiam S. Ioannis Salinensis.*

Illâ ipsâ die, quæ S. Desiderato sacra est, celebra-  
 tur



tur quotannis anniuersarium Hugonis primi in ecclesia S. Pauli, ad quam conuenire solent Canonici S. Ioannis, S. Stephani, & S. Magdalenes; quibus Abbas olim dabat *prandium cum fabis*, sanè ex consuetudine ad veterem & prophanum ritum introductâ, & nunc meritò suppressâ; Parentando enim fabas assumebant Antiqui, quòd in iis animas mortuorum esse putarent, & quòd in earum floribus litteræ lugubres reperiantur. Plinius lib. 18, cap. 12. De anno verò eius obitus, quòd nullibi notatus inueniatur, paulò difficilior est certi aliquid statuere: nos cum diximus esse, Christi millesimum sexagesimum septimum, aut fortè proxime præcedentem 1066: ducti eâ ratione, quòd in diploma archiui S. Pauli, quo Henricus IV Rex, donationes factas ecclesiæ S. Pauli confirmat anno Dominicæ Incarn. M. LXVII, Indiçt. IV; ordinationis autem Henrici quarti Regis XIV, Hugo secundus, adhuc electus nominatur, nondum scilicet confirmatus: eius verba sunt: *Comperiat omnium solertia, qualiter fidelis noster Hugo, Sanctæ Bisonticensis Ecclesiæ Venerabilis electus Archiepiscopus, eiusdémque Urbis, S. Mariæ Genitricis Dei, & S. Pauli ecclesiæ Vicardus Decanus, apud Spiram iussu & rogatu sanctissimæ matris mee Imperatricis Agnetis Augustæ, in præsentia Guilelmi Comitis Burgundionum, nostrum adiere conspectum, humiliter obsecrantes, ut auctoritate confirmaremus regali, quæ antecessor eius beatæ memoriæ Hugo Archiepiscopus tradiderat ecclesiæ S. Mariæ misericordiæ matris, & S. Pauli, &c.* Aut igitur anno præcedenti obierat Hugo primus, aut

1066.

1067.



1067. certè (quod vero similis est) eodem ipso anno 1067,  
6 cal. aug. Augusti.

Corpus eius sepultum est eo tumulo, quem sibi  
adhuc viuens & valens præparari iusserat: qui hodiè-  
que cernitur in mediâ naui S. Pauli, cum lapideo  
Præfulis decumbentis simulachro; circa quod hæc  
postea adscripta sunt carmina:

*Lux Clero, populo dux, pax miseris, via iusto:*

*Fulsi, disposui, consului, patuit:*

*Conus trigenus Præsul Bisonticus Hugo:*

*Cum restent Iulij quinque dies obiit.*

Illustre hoc quidem elogium, si aliud nihil spectes;  
sed sanè frigidum, si ad hominis merita attendas.  
Solutus nempè est tantæ virtutis æquus æstimator, ac  
laudator Deus, qui vnus in conditis habet, quæ ei  
iusta præmia decernat. Cæterum, Hugonem trige-  
simum nonum dicere, qui apud nos est quadragesi-  
mus septimus; hominis est, qui ex vno aliquo mu-  
tilo catalogo, non ex multorum monumentorum  
inspectione, exactæve putatione temporum, nume-  
rum Archipræfulum Bisontinorum emendicarit.  
Nulli certè hætenus instituti catalogi, habent quin-  
que illos, quos ante S. Nicetium reposuimus; vide-  
licet *Claudium primum, Urbicum, Tetradium I, Syluestrum*  
*secundum, & Vitalem I:* à quibusdam etiam absunt om-  
nes vel illegitimi, vel certè impij, vt monuimus in  
proloquio huius partis; nempè *Importunus, Germesil-*  
*lus, Felix, Tetradius secundus, Ayminus, Gontherius, & Ber-*  
*taldus:* quos omnes si è canone expungas, reliquos  
tantum



tantum facis quadraginta. At cum in catalogis illius ætatis, qui in Hugone primo desinunt, & adhuc supersunt in variis Ecclesiarum libris, nunc vnus, nunc alius omissus sit, exscribentium inconsiderantia; facile fuit, vt bonus poeta in vnum quempiam ex illis incideret, atque ita Hugonem, *tricesimum nonum* putaret.

Porro ad pedes decumbentis Archiepiscopi, habes expressos in lapide hos versus:

*Anno milleno tercentum septuageno,  
Adiunge primo, Pater Hugo reconditur imo,  
Cum superet quina Iulij lux, en libitina.*

Quæ epigrapha, quibusdam occasionem præbuit, censendi in Bisontinis Archipræfulibus, cuiusdam *Hugonis septimi*, inter *Aymonem*, & *Guillelmum tertium*; qui Hugo annum integrum in Archiepiscopatu non expleuerit; sed obierit anno 1371, 6 cal. Aug. sepultusque sit propè Hugonem primum, qui eadem die ante annos amplius trecentos è viuis excefferat. Sed his versibus aliud nihil significari putamus, quàm anno 1371, Hugonis primi ossa imo recondita fuisse; hoc est, cum naus Ecclesiæ S. Pauli restitueretur, eiusque solum attolleretur iniecâ humo, ne ad eò humida, & aquis (quippe flumini propinqua) ad eò peruia esset; eductum tumulum Hugonis primi, ne obrueretur; ac deinde eodem loco, in mediâ scilicet naui (vbi nunc ad altarium ferè communem altitudinem eminens conspicitur) repositum. Sanè recens est naus ædificium, & ex eâ in chorum aliquot



quot gradibus descenditur ; cū alioquin ē nauibus Ecclesiarum potiūs in choros ascendi solitū sit.

In Ecclesiā verò S. Magdalenes *Cor Hugonis* conditum est in choro superiori ( nam ea Ecclesia propè duplex est, duplici fornice, altera alteri magnā ex parte superstructā) sub marmore nigro, quod tibi sic exprimimus: In plano figurę quadratę, inscripti sunt duobus quadratis circuli duo concentrici : & in medio quidem lapide insculpta est Archiepiscopi jacentis effigies ; inter duas verò circulares lineas, hic versus : *Hugonis primi. cor sepelitur ibi.* At inter duo quadrata, ad oras plani marmorei, hoc semideletum legitur : *Fratres orate pro . . . . . Magñes primo Fundatore , perquem sumus in honore.*



## X L I X.

## H U G O I I.

1067.



V G O N I S secundi rogatu ( quem anno 1067 adhuc *Electum* nominari vidimus) Alexander II canonicam sancti Pauli ab Hugone primo restitutam *sub tutelā Apostolicę defensionis* suscepit , eiūsque priuilegia confirmavit ; dato diplomate Laterani, Idibus Aprilis, anno Incarn. 1069, Pontif. 8, Indiēt. 7.

1072.

Anno 1072, interfuit illi Æduensi Synodo, in quā S. Hugo Cluniacensis Abbas Rotbertum Burgundię Ducem , mirā libertate compescuit , atque ad melio



meliozem frugem reuocauit : de quâ sic vita S. Hugonis Cluniacensis, ab Hugone monacho Cluniac. eius æquali conscripta, quæ refertur in bibliothecâ Cluniacensi : *Dux Burgundia Robertus, Haganonem Æduorum Episcopum mirâ infestatione grauabat, variisque prædonum incurfibus passim Burgundia laborabat. Eapropter Episcopi Gaufridus Lugdunensis, Hugo Bisuntinensis, Accardus Cabilonensis, & Drogo Matiscensis Æduam conuenerunt; magnique Patrem consilij, prædictum Hugonem Cluniacensem Abbatem venire rogauerunt. In eo cœtu, magnâ omnium admiratione, visi dæmones humanâ specie, Hugonis Abbatis imperio abscedere : cum ille Dei Omnipotentis nomine præcepisset, ut quotquot conuenissent in eum locum, qui pacis non essent filij, ocius recederent. Huius Synodi meminît ex occasione Baronius, anno 1055 : cum tamen ( ut monet Seuertius in Chronologiâ, ) anno 1072 celebrata sit. Ex quo emendes Andream Quercetanum in bibliothecâ Cluniacensi, qui in notis ad eum locum Vitæ S. Hugonis, Hugonem Bisontinensem, qui huic Concilio adfuit, eum ipsum esse dicit, qui S. Hugonem Abbatem consecrarat anno 1049 : qui enim S. Hugonem ordinauit, est Hugo primus, ut diximus; qui verò huic Augustodunensi Conuentui adstitit, est Hugo secundus.*

In Canonicam S. Magdalenes contulit Hugo secundus ecclesiam *S. Germani de Dimidiâ*; ut patet ex instrumētis, Pontij 1101, Vuilelmi 1109, & Calixti secundi Pontificis 1120, Indict. 13. Ecclesiæ verò S. Pauli

ff

(cui



(cui ineunte suo Præfulatu visus erat fauere) plurimum postea damni intulit; ut constat ex chartâ quadam S. Pauli, cui titulus: *Proclamatio Vvichardi Decani ad Papam, pro quâ cessauit Archiepiscopus Hugo secundus ab officio tribus annis, donec satisfactione emendatum est commissum*: Longam texit querelam Vvichardus, de seruis ecclesiæ S. Pauli ab Hugonis secundi familiâ malè habitis, deque multis bonis, ac censibus eidem ecclesiæ ereptis. Et quamquam ibi nec ullus notetur annus, nec nominetur Pontifex, ad quem delatus est Hugo; tamen hæc facta credimus sub Gregorio VII, à cuius Legato *Vgone Diensi Episcopo*, suspensione Ecclesiasticâ coërcitum constat Hugonem Archiepiscopum Bisontinum: de quo sic Gregor. VII, lib. 5 Registri, epist. 17, datâ Romæ, 7 idus 1078. Martij, Indiçt. primâ, anno Incarn. 1078: quâ epistolâ declarat Pontifex, se causas discussisse Episcoporum Franciæ, & Burgundiæ, qui ab eius Legato Hugone Diensi Episc. suspensi fuerant; *Vgoni quoque Bisuntino Archiepiscopo*, inquit, *quia literæ, quibus inuitabatur ad Synodum, à Clericis suis retentæ, & non sibi offensæ fuerant, suspensio in eadem Synodo, Episcopale officium reddidimus; hac conditione, quod debeat se de obiectis coram Legato nostro, si ei visum fuerit, cum Suffraganeis, aut conuicinis Episcopis expurgare.*

Superius monuimus, *Ternatium* Archiepiscopum, qui est ordine vigesimus septimus, extruxisse in câpo Martio ecclesiâ sub nomine SS. Martyrum Petri, & Marcellini. Ei parochiali ecclesiæ longè ampliori



priori factæ, Hugo secundus præcipuum à S. Vincentio nomen esse voluit: relicto exiguo in SS. Petri & Marcellini honorem dedicato sacello. Adeò verò eam auxit, vt meritò in diplomate Humberti Archiepiscopi dato ad annum 1140, *primus eius fundator* asseratur. Ad ecclesiam, ædes cœnobiticas adiecit, quas Benedictinis monachis attribuit: sed morte præuentus, non potuit illis Abbatem præficere. Dicunt nonnulli eò deductos monachos, qui olim diuina officia persoluebant in monasterio SS. Ferreoli & Ferrucij extra ciuitatem: sed hoc nullo antiqui cuiusquâ testimonio firmatū vidimus: immò eam sodalitatem, iam tempore Hugonis primi penè in nihilum redactam fuisse diximus, in Hugone primo, cum de translatione SS. Ferreoli, & Ferrucij.

Obiit Hugo secundus 4 cal. Octob. ex libris obituum S. Ioannis: & quidem anno ferè 1085, si, vt mox dicturi sumus, annus 1092 est sedis successoris eius Hugonis tertij septimus. In Necrologio S. Pauli hæc habes: *Quarto cal. Octob. obiit Hugo Archiepiscopus, & monachus*: haud dubiè Hugo secundus, cuius obitus eadem die notatur in libris S. Ioannis: sed cur monachus? forsan monasterij S. Pauli, idque ante Archiepiscopatum: cum ecclesiæ S. Pauli priuilegia, nondum confirmatus in Archiepiscopum, sed solum *Electus*, apud Henricum quartum Regem (ad quem cum Vvichardo S. Pauli Decano Spiram adierat) renouari curauerit. Sepultus est autem in ecclesiâ S. Vincentij, quam exstruxerat: quod non aliunde di-

1085.

ff. 2

dici,




dici, quàm ex veteri chartâ archiui S. Magdalenes, sine datâ, quæ incipit: *Religiosâ, deuotâque inoleuit affectione, &c.* in quâ dicitur, *tres ciues Bisontinos, Petrum de Calesiâ cum duobus fratribus Dominico & Constantino, paulò postquàm defunctus est Hugo bonæ memoriæ Archiepiscopus Salinis oriundus* (is est Hugo primus, qui S. Magdalenes Canonicam instituit) *videntes ecclesiam à suo tanto viduatam patrono, cœpisse insurgere, & calumniari beneficium aliquod supradictæ ecclesiæ: eamque calumniâ diu acerrimèque contra ecclesiam iniustè agitasse, tempore Hugonis Archiepiscopi, qui apud S. Vincentium iacet. Hic certè alius esse non potest ab Hugone secundo: què tamen nonnulli aliquando opinati sunt sepultum esse in Prioratu Curtifontis, diœcesis Bisontinæ: in cuius Capitulo exstat tumulus perhumilis, sic inscriptus:*

*Sobrius & mundus Hugo fuit iste secundus:*

*Cœlica regna Dei gratia donet ei.*

Sed aut esse putamus Prioris alicuius, vel Abbatis epitaphium: aut fortè etiam illud *secundus*, non ordinem alicuius dignitatis, vel officij, sed familiam denotat.



L.

### HUGO III.

**H**UGONEM tertium clarissimâ Dominorum Salinensium familiâ natum, antiqui codices restan



testantur : patrémque illi fuisse puto *Guillelmum* Comitem Burgundiæ, & Salinensem, de quo sic liber obituum S. Ioannis : *Secundo Idus Nouembris, obiit Vi-  
lhelmus Comes Burgundiæ, pater Hugonis Archiepiscopi.* Quin & hunc ipsum *Guillelmum* Comitem esse existimo, quem passim in antiquis instrumentis *Consulem* dictum reperias ; vt in chartis Pontij Archiepiscopi 1101, & *Guilelmi* Archiepiscopi 1109, quæ in archiuo S. Magdalenes : in quibus habes hæc verba, de causâ quadam definitâ : *quod probatum est iureiurando, atque iudicio, in conspectu Guillermi Consulis, patris Archipræsulis Hugonis.* In alio verò instrumento eiusdem chartularij, sine datâ, cuius prima verba sunt ; *Religiosâ, deuotâque inoleuit affectione, &c.* refertur transactio quædam facta pro ecclesiâ S. Magdalenes, *laudante & confirmante Archiepiscopo Hugone Guilelmi Comitis filio :* in cuius quoque Archipræsulis conspectu, calumnia quædam feruentis aquæ iudicio eneruata dicitur. Vides, eundem *Guillelmum* Hugonis tertij patrem, modò *Comitem* dici, modò *Consulem*.

Contulit Hugo tertius ecclesiæ S. Magdalenes, & Canonicis ibidem Deo famulantibus, *altare de Boissères, iuxta Castrum Abès, & aliud altare apud Sayens, iuxta castellum Dolam,* dato diplomate ad sextum idus Apriles, anno Incarn. 1092, Indiēt. 15, regnante tertio 1092.  
Henrico, Roman. Inuictissimo Imperatore Augusto, anno septimo sedis Domni tertij Hugonis Chrysopolitani Archiepiscopi. Et in chartis confirmationum Pontij 1101, *Guilelmi* 1109, & Calixti



secundi Pontif. 1120, notantur tria altaria, seu tres ecclesie Canonice S. Magdalenes ab Hugone tertio concessæ, nempe ecclesia S. Petri de Bossieris, S. Germani de Haens, & Sancti Martini de Saens, cum omnibus appendiciis.

1092. Eodem verò anno 1092, Indiçt. 15, quinto cal. novembris, constituit primum Abbatem Achardum, in monasterio S. Vincentij, vt constat ex diplomate, è quo hùc aliquid transferimus.

Ego tertius Hugo Bisontina Sedis indignus Archiepiscopus, in ecclesia Sacratissimi Martyris Vincentij, quæ infra urbem eandem habetur, Achardum Venerabilis Vitæ Virum primum Abbatem constituo; benignissimâ illud adimplens affectione, ad quod antecessor meus bonæ memoriæ secundus Hugo Archiepiscopus omni aspirauerat studio. Cum enim post ipsius adificationem ecclesiæ, monachos in eâ constituisset, morte præuentus adimplere non potuit, vt eis Abbatem superposuisset: multa deinde enumerat bona, quæ S. Vincentij monasterio confert: Abbati verò hæc sub finem priuilegia impertit; Et quia præfata ecclesia, matri vicinius adheret; ipsius honorem, & dignitatem in ecclesia S. Ioannis Euangelistæ, & B. Protomartyris Stephani specialiter assumentes; suam suorumque successorum personas, inter Canonicos S. Ioannis, dignitate, & numero esse censemus, atque concedimus. Præterea auctoritate Apostolicâ, & Pontificali prohibemus & interdiciamus, ne præfata S. Vincentij Bisontini ecclesia, ab Abbatie dignitate in Prioratum, vel alterius ecclesiæ subiectionem cadat; sed Bisontino tantum Pontifici, ab aliis libera subiaceat: eiusque ecclesiæ



*ecclesiæ Abbas S. Vincentij, in Synodo, & aliis, quæ ad officium nostrum pertinent; in ecclesiâ Bisontinensi S. Ioannis Euang. & Protomartyris Stephani, Vicarius noster existat; & immediatè, præ omnibus aliis Abbatibus, post Bisontinum Pontificem, primum locum obtineat, &c. Vnde igitur ego Hugo Dei gratiâ potestatem soluendi & ligandi habens, gladio Pontificali interdico, ne ego, nec quilibet mihi succedens, manum mittere ad hoc infringendum, vel impugnandum audeat donum. Si verò aliqua persona, diabolicâ instigatione præuenta, hoc destruere, vel abolere voluerit, cum Daciano eiusque complicitibus perpetuo torqueatur incendio. Ut autem hæc donatio, in futurum firmior existat, manu propriâ firmaui, & sigilli mei impressione signaui, & inferius nostro deuotissimo Clero descripto corroborandum contuli. S. Magneri Decani S. Ioannis, S. Hugonis Decani S. Stephani, S. Gerardi Decani S. Pauli, S. Manegaldi Decani S. Mariæ Magdalenes, S. Guilenchi Archidiaconi, S. Bernardi Magistri, S. Stephani Cantoris. Acta quinto Cal. Nouemb. anno quarto Ordinationis Domni tertij Hugonis Chrysopolitani Archiepiscopi, regnante Henrico tertio Romanorum Imperatore Augusto, anno ab Incarn. Domini millesimo nonagesimo 1092. secundo, Indiçt. XV.*

Mirum fortasse cuipiam videatur, annum quartum Ordinationis Hugonis tertij, iungi anno Christi 1092, Indiçt. 23 cum in citato B. Magdalenes diplomate, idem annus 1092, eadèmq; Indiçtio 15, iungatur anno septimo Sedis Hugonis tertij: sed nihil vetat, eundem annum fuisse Ordinationis quartum, qui fuit Sedis septimus: fortè enim Hugo tertius



tius iunior erat, cum electus est in Archiepiscopum, quàm ut Episcopali charactere signari posset.

Quia verò primi Abbatis S. Vincentij institutionem dedimus, placet successorum quoque ipsius nomina hîc describere.

*Series Abbatum Monasterij S. Vincentij Bisontini, Ordinis S. Benedicti.*

- 1 *Achardus*, primus Abbas ab anno 1092: qui forte ille est, de quo sic Lignum Vitæ Arnoldi Vvionis, in adiunctis ad finem: *B. Arcandus, Gallus, primus Abbas monasterij SS. Ferreoli & Ferrucij, extra civitatem Bisuntinensem, quod nunc est intra civitatem sub nomine S. Vincentij, multis miraculis fertur suo tempore claruisse. nam & in vetustis chartis, Archadius, & Archandus dictus legitur.*
- 2 *Petrus* Abbas, ex chartis 1140, 1146.
- 3 *Vvichardus*, 1177. 1178, 1185, 1189.
- 4 *Hugo*, 1197, 1198, ex chartis Bellauallensibus.
- 5 *Anselmus*, 1213.
- 6 *Anserinus*, 1228, 1229, 1235, 1238.
- 7 *Hugo de Mommerio*, fecit clausuram domus, & vineæ S. Vincentij, ex chartâ 1239.
- 8 *Vvirricus*, 1243.
- 9 *Hugo*, 1250, 1253.
- 10 *Ioannes*, 1268, 1273, 1278.
- 11 *Gulielmus de Ruffeyo*, 1303, 1304, 1306.
- 12 *Gulielmus de Quingeyo*, 1339, 1340, 1348.
- 13 *Aymo à Baumâ*, 1350, 1351.

14 *Guliel*



- 14 *Guilelmus de Bifontio*, dictus *Chinus*, 1358: dedit baculum pastorem argenteum.
- 15 *Gerardus de Albaspina*, 1363, 1364.
- 16 *Petrus Beraldus*, 1371.
- 17 *Hugo d'Oyselet*, 1383.
- 18 *Hugo de Môte auin*, vulgò *de Môt-Oyseau*, 1400, 1405.
- 19 *Guilelmus de Leugney*, 1412.
- 20 *Petrus Armenie*: castrum *Villerpater* dirutum restaurauit anno 1435.
- 21 *Ioannes Renedallo*, 1453: exstruxit Claustrum testudineum S. Vincentij: obiit 1490.
- 22 *Petrus de Montfort*, cœpit præesse anno 1492: ædes Abbatiales erexit: obiit 1501.
- 23 *Hugo d'Augicourt*: obiit 1517, fuitque vltimus Abbas per monachorum electionem.
- 24 *Antonius de Montecuto*, fuit primus Abbas Commendatarius ab anno 1521: exstruxit præcellam turrim campanariam: obiit 1532.
- 25 *Franciscus Bonuallot*, qui & Abbas Luxouienſis, & Administrator Archiepiſcopatus Bifontini ſub Claudio à Baumâ: obiit 1560.
- 26 *Antonius Perrenotus*, Archiepiſcopus Bifontinus, dictus Cardinalis Granuellanus: obiit 1586.
- 27 *Ludouicus Madrucius*, Ciuis & Episcopuſ Tridentinus, Cardinalis creatus à Pio IV, anno 1561: obiit 1600: Romæ ſepultus in eccleſiâ S. Onuphrij. *Vide Ciaconium.*
- 28 *Petrus de Toledo.*
- 29 *Stephanus Pierrardus*, antea Abbas *Gratie-Dei*: auxit

gg

ædes



ades Abbatiales: obiit 1608.

30 *Guilelmus Simonin*, monachus primùm S. Vincentij Professus, indè Cantor, Sacrista, Prior; tum Vicarius Abbatis in spiritualibus & téporalibus: postea Archiepiscopi Bisontini Suffraganeus, & Archiepiscopus Corinthiensis; vltimò Abbas sui monasterij. Is tertio nonas Octobris, anni 1611, auctoritate Sanctæ Sedis Apostolicæ reformauit monachos suos ad regulam SS. *Vithoni*, & *Hidulphi*, ad instar Congregationis S. *Benedicti de Monte Cassino*, aliàs S. *Iustinae de Paduâ*; & constituit definitum numerum monachorum tredecim: nunc superest cùm hæc edimus, anno 1618.

Hæc de Abbatibus S. Vincentij. De Hugone tertio hoc præterea habemus, quòd contulerit ecclesiæ S. Pauli altare de *Rosario*, (ex diplomate sine datâ) *Odonis S. Pauli Decani, fratrumque cum eo militantium acquiescens petitioni*. Consecrauit insuper ecclesiam Prioratus *Martyrum*, non longè à Vesulio, per Gilbertum Vicecomitem Vesulanum anno 1092 fundati: ex *Golusio lib. II, cap. 13*.

Eo verò sedente, Otho quidam *Miles*, bona nonnulla à Maioribus suis iniquè detenta, ecclesiæ Bisontinæ restituit: quâ de re vt constaret posteris, publicum eo nomine instrumentum (quod habetur in archæo Capituli) cōfecit Hugo tertius, 6 Idus Septēb. *Indict. 8, anno 13 Hugonis III Chrysop. Archiep. regnante Imp.*  
1100. *Henrico III*: is est annus Christi 1100, vt ex Indictione colligitur; eodēq; anno, (quē prætergredi nō potuit, cùm



cùm annus 1102, sit Pontij primus, ante quem adhuc  
fedit Hugo quartus ) sexto post die obiisse existimo  
tertium Hugonem: sic enim habet Necrologium S.  
Pauli; *Idibus Septemb. obiit Hugo tertius Chrysopolitanus*  
*Archiepiscopus*: at in libro S. Ioannis notatur eius obi-  
tus die sequenti, nempe 18 cal. Octobris: & frequen-  
ter variant vno aut altero die, ecclesiarum codices  
in notandis obitibus: nos priorem diem, quod tu-  
tius ac vero similis est, semper accipimus.



L I.

HUGO IV.



HUGO quartus ( qui tertium proximè se-  
quutus est ) obiit in peregrinatione Hie-  
rosolymitanâ, vt constat certissimis mo-  
numentis, & maximè instrumento quo-  
dam S. Pauli, dato ad annum 1133. Credibile est au-  
tem, eum cum Stephano Burgundiæ Comite Hie-  
rosolymam iter aggressum ( non autem cum Fride-  
rico Duce Sueuiæ, vt malè Golusius; qui & Hugoni  
IV nō bene applicat versus Florentini monachi, de  
Theodorico secundo accipiendos, vt suo loco mo-  
nebinus: ) refert enim Guilelmus Tyrius, belli sacri  
lib. 10, cap. 12, *Stephanum Burgundiæ Comitem, virum*  
*inclitum, & multâ nobilitate insignem*, cum aliis quibus-  
dam Occidentis Principibus, magno cum apparatu


gg. 2

belli



bellico, ad Godefridum, alióſque in eâ expeditione deſudantes iter arripuiſſe. Deinde cap. 20, commiſſo prælio apud Ioppen, nostros inter, & Aſcalonitas, atque Ægyptios, *cecidērunt*, inquit, *in eâ acie vterque Comes Stephanus* (nempe Stephanus Burgundiæ, & alter Stephanus Carnotensium & Bleſenſium Comes) & *alij Nobiles, quorum numerum, vel nomina non tenemus*. Cum his Hugonem quartum obiiſſe facile ſuſpicet; cū hæc contigerint (vt ex Tyrio colligere eſt) circa annum 1100, aut 1101.

Contulit Hugo quartus aliqua beneficia in eccleſiam S. Vincentij Biſont. (vt conſtat ex chartâ Humberti Archiepiſcopi datâ anno 1140:) eius verò obitus, in Necrologio S. Ioânis notatur 16 cal. Febr. & contigiſſe exiſtimo anno 1101, indiēt. nonâ: vnde tres tantum meſes ſederit, nempe à Septembri anni 1100, quo obiit Hugo tertius, vſque ad 16 cal. Feb. anni 1101: neque enim perueniſſe potuit ad annum 1102, indiēt. 10; cuius anni exordio, nimirum 3 Idus Ianuarij, primum ſui Præſulatus annum iam agebat Pontius.



## L I I.

## PONTIVS.



ONFIRMAVIT Pontius donationes eccleſiæ S. Magdalenes, factas per Hugones ſecundum & tertium deceſſores ſuos: cique in-  
super



super contulit altare, seu ecclesiam S. Andreæ de *Che-  
neurey*, dato diplomate, 3 Idus Ianuar. M. C. II, Indict. 1102.  
X. Idem anno 1107, Valclufensem ecclesiam con- 1107.  
cessit Cluniacensi monasterio, datâ cam ob rem  
apud Bisontinam chartâ, quæ refertur in Biblioth.  
Cluniacensi, vbi de rebus tempore S. Hugonis ge-  
stis: sed mendosè *Petrus* scribitur pro *Pontio*. Eam  
Pontij donationem, aliâsque multas confirmat Pal-  
chalis II, dato instrumento Indict. 15, anno 1107,  
(non autem 1106, vt leges in bibl. Cluniac.) in quò  
habes hæc verba: *In Bisuntino Episcopatu, monasterium  
Vallis-cluse, quod profectò Romani iuris, per Pontium Epis-  
copum nostro vobis fauore concessum est.*



LIII.

GVILELMVS I.

**V**ILERMVS, seu Guilelmus, ex antiquâ  
& nobili apud Bisontinos familiâ Domino-  
rum *de Turre*, filius fuit *Odonis de Turre*, cuius  
obitum sic notatum legimus in Necrologiis S. Ioâ-  
nis & S. Stephani: *VII Idus Nouemb. obiit Odo de Tur-  
re, Miles (hoc est Nobilis) pater Vviltermi Archiepiscopi Bi-  
sontini: qui dedit S. Stephano 30 solidos censuales, super ho-  
mines suos de Pallise: pro quo idem Vviltermus dedit S. Ste-  
phano 10 libras, &c.*

Nonnullas ecclesiæ S. Magdalenes factas dona-

gg 3 tiones



1109. tiones, ratas habuit : & altaria, seu ecclesias, S. Petri de Mernay, & S. Pauli de Courchapon, de nouo eidem contulit, dato instrumento, 13 cal. Mart. anno Incarn. 1109, Pontificatus sui primo. Ad hæc, Pontio Cluniacensi Abbati ( qui præfuit ab anno 1109 ad 1122 ) inhabitandam dedit à suæ Congregationis fratribus, & in religione Monastici Ordinis Deo auctore vigilantius informandam, Altepetrensem ecclesiam, religione quondam monasticâ destitutam ; diplomate, quod refertur in bibl. Cluniac. non adscripto anno.

Sedente porrò hoc Gulielmo orta est contentio inter Canonicos S. Ioannis, & S. Stephani ( quæ diu exinde perdurauit ) de maternitate suarum ecclesiarum : & primùm quidem coram Guilelmo Archiepiscopo acta causa est, tum ad Paschalem II Pontificem delata ; qui rei cognitionem, & potestatem ferendæ sententiæ commisit Viennensi Archiepiscopo Guidoni ( quem postea successorem habuit, dictum Calixtum II. ) Is plurimum cepit in eâ causâ laboris, ac Synodum tandem, ex speciali Pontificis mandato, pro solutione controuersiæ indixit apud Trenortium ( Gallicè *Tornus* ad Ararim : ) cui Synodo interfuere, præfidente Guidone Apostolico Legato, G. Lugdunensis Archiepiscopus ; Episcopi H. Gratianopolitanus, L. Viuariensis, B. Matifconensis, S. T. Eduensis, G. Cabilonensis, G. Lingonensis, P. Bellicensis, G. Gebennensis, & P. Abbas Cluniacensis, cum aliis septemdecim Abbatibus, & aliis plurimis viris religiosis, propter hanc causam apud Trenortium conuocatis. Ibi ex Patrum iudicio definitum est, ecclesiam



*clesiam B. Ioannis debere maternitatis prerogatiuam in perpetuum obtinere: & ipse Legatus, ecclesiam S. Ioannis extunc à querelâ illâ liberam fore decreuit; constituens Episcopalem Sedem in eâ irrefragabiliter permanere: auctoritate insuper Apostolicâ, quâ fungebatur, sub anathematis obligatione præcipiens, ut nullus eam ulterius Clericus seu laicus inde inquietare, aut inquietandi fauorem præsumeret ministrare. Hæc ad verbum ex vetusto codice S. Ioannis.*

*Illi verò singulari charactere designati, sunt Gaucerannus Lugdunensis Archiep. Episcopi, S. Hugo Gratianopolitanus, Leodegarius Viuariensis, Berardus Matifconensis, Stephanus Aduensis, Gotfaldus Cabilonensis, Gaucerannus Lingonensis, Pontius Bellicensis, Guido Gebennensis, & Pontius Abbas Cluniacensis.*

*Monasterio S. Vincentij aliqua fuisse à Gulielmo collata beneficia, fidem facit charta vetus Humberti Archiepiscopi data anno 1140, in quâ hæc habes: Reliqua verò beneficia, quacunque illa fuerint, quæ à prædecessoribus nostris bonæ memoriæ Archiepiscopis, Hugone secundo, qui primus ecclesiam fundauit; Hugone tertio, qui primum in eâ Abbatem ordinauit; Hugone quarto; Gulielmo tempore sui Episcopatus; Anserico viro Reuerendissimo, eidem cœnobio collata, atque concessa sunt, vel à Comitibus, vel Principibus, &c. concedimus & confirmamus. Quibus verbis (tempore sui Episcopatus) subindicat Humbertus, Gulielmum aliò transiisse, nec diem clausisse in Archiepiscopatu Bisont. Quicquid tandem illo factum sit, præfuit annis nouem, nempe ab anno 1109, ad 1118, qui fuit Anserici primus.*

LIV. An



## LIV.

## ANSERICVS.



1118. 1120. **A**NSERICVS (quem ab Humberto successore suo *virum Reuerendissimum* appellatum iamiam monui) regere cœpit anno 1118: & anno 1120, Indict. 13, Pontificatus sui tertio, 3 Idus Iulij, definiuit controuersiam ortam inter Canonicos Bisontinos S. Magdalenes, & Balmenfes monachos, de ecclesiâ videlicet de Dolâ; quam Canonici infra terminos sue parochie, seu ecclesiæ de Asans, querebantur edificatam, & ob hoc consecrari vetabant. Quæ causa ita demum conclusa est; vt Præsentatio Dolanæ ecclesiæ, simul ad Balmenfem Abbatem, & ad S. Mariæ Magdalenes Capitulum pertineret. *Chartul. Magdal.*

1123. Anno 1123, die octauarum Assumptionis, Ansericus Petrum cognomento Mauritiij, dictum Venerabilem, Cluniacensis familiæ magnum lumen, Abbatem consecrauit: ex biblioth. Cluniac. in Chronologiâ Abbatum, vbi *Anserius* perperam scribitur pro *Anserico*.

1134. Obiit 12 cal. Maij, ex Necrol. S. Ioannis: & quidem anno 1134, qui fuit ipsius successoris Humberti primus; cum adhuc Ansericus dederit Capitulo Sanctæ Magdalenes, ecclesias de Goux, & de Pusuz, eodem



dem anno Incarn. 1134, Indict. 12; ex chartulario Sancte Magdal. eodemque anno inter S. Ioannis, & S. Stephani ecclesias quamdam concordiam fecerit; ex archiuo Capituli.



L V.

HUMBERTVS.

**H**UMBERTVS in defuncti locum suffectus est anno 1134 (quod constat ex diplomate, 1134. quo S. Vincentij Abbatia, multa confirmauit, & de nouo contulit beneficia, 6 cal. Nouemb. anno Incarn. 1140, ordinationis suae septimo.) Pro eo scripsit ad Eugenium Papam Petrus Venerabilis epistolam 25, lib. 4, quae sic habet: *Ex multâ dilectionis fiducia, quam semper habere consueuimus ad Apostolicam Sedem, soliti sunt plerique amicorum nostrorum ad nos recurrere, & preces suas Apostolica mansuetudini nobis mediantibus offerre. Vnde hoc, tam antiquo vsu, quam iam expertâ erga nos in expulsionē fratrum nostrorum de sancto Sabâ Pastoralī dilectione, ac studio vestro, quos eiectos suscepistis, desolatos aluistis, verberatos consouistis; confidenter Reuerentiam paternam adimus, & pro Domino Bisuntino Archiepiscopo, bono Cluniacensis Ecclesie amico, magnitudinem vestram oramus: (merito amicum dicit, cum bonorum quorundam in Cluniacensem ecclesiam collationes ab Humberto factas, ratas habuerit Fri-*

h h

dericus



dericus Imp. diplomate Vvormatiæ dato, 3 Idus Iunij, anno 1153, Indict. 1, regni sui anno 2. *bibl. Clun.*) Accusatur enim, ut nobis relatum est, à paucis & vilibus Ecclesiæ suæ personis: excusatur & commendatur à pluribus & fide dignis viris, & maximè, arctioris religionis, & ordinis Professoribus: qui, ut bene credimus, nullas pro eo preces funderent, in nullo pro ipso supplicarent, si eisdem precibus suis, vel commendationi, iustitiam in aliquo obuiare sentirent, &c.

1135. Anno 1135, Indict. 14, concessit Humbertus Canonicis S. Mariæ Magdal. ecclesias de Tromarè, & de Brucè; ex diplom.

1145. Decennio post, nempe anno 1145, 5 cal. Maij, donauit Pontio Abbati Bellæuallis, ecclesiam *Camborniacensem*, diplomate dato *Iunciuilla*: testibus Gotsfrido Lingonensi Episcopo, Guidone Chariloci, & Lamberto Clarifontis Abbatibus. ex chartulario *Bellæualensi*.

1147. Contigit autem sedente Humberto, ut anno 1147, Eugenius tertius vitans Romanorum Arnaldistarum persecutionem, in Gallias se conferret more maiorum, & visitatâ Claraualle, ac Cistertio (ubi mira quædam eo præsentē contigerunt, de quibus Bernardus Abbas Bonæuallis, in Vitâ S. Bernardi lib. 4, cap. 4.) Vefontionem denique veniret, anno

1148. 1148. Ibi tertio Nonas Maij idem Eugenius altare maius S. Ioannis Euangelistæ consecrauit, & basilicam solemnī ritu dedicauit, in honorem Domini-  
cæ Resurrectionis, & Sanctissimæ Dei Genitricis  
Mariæ,



Mariæ, & B. Ioannis Apostoli ac Euangelistæ, & Sanctorum Martyrum Stephani, Vincentij, Ferreoli, & Ferrucij: adstantibus & cooperantibus Archiepiscopis Humberto Bisontino, Balduino Casariensi, Henrico Eboracensi: Episcopis autem Hymaro Tusculano Cardinali, Hugone Altissiodorensi, Arnaldo Austrorisiensi, Nannarone Cantienfi, Chrysandino Mantuano. ex Martyrologio S. Ioannis.

Adhæsit verò plusquàm par erat, schismatico Imperatori Friderico Ahenobarbo Humbertus noster: nam & anno 1160 consensit per Legatum conciliabulo Papiensi aduersus Romanum Pontificem, (Baron. eodem anno;) & in Friderici comitatu ferè perpetuò fuit: vt constat ex plurimis Friderici diplomatis, à quibus vix vnquam abest Humbertus Archiepiscopus Bisontinus: Et vnum quidem habes Arbofij datum anno 1157, in bibl. Cluniacensi: alia in Bibliothecâ Floriacensi, & variis archiuis: habet subscriptionem vnius, Erbipoli dati, ex Chartulario Bellæuallis. Confirmat Fridericus Imp. donationes factas Abbatie Bellæuallis à Raynaldo Comite Burgundiæ, & sic demum subscribitur: *Actum solemniter Herbipoli, Anno ab Incarn. Domini 1156, Indiæ. 4, Epact. 26. Testes sunt Killinus Treuerensis Episcopus, Henricus Dux Saxonie, Matthæus Dux Lotharingie, Stephanus Comes Burgundiæ, Theodericus Comes Montisbelicardi, Humbertus Bisuntinus Archiepiscopus, Otho Frisiensis Episcopus, Orlicus Basiliensis Episcopus.*

Anno 1160, Humbertus Landericum de Durnac

hh 2

Deca



Decanum S. Ioannis Bisont. in *Lausanensem* Episcopum Vefontione consecrauit, coram *Arducio* Gebennensi, & *Vilelmo* Bellicensi Episcopis, ac per multis Abbatibus: ex chartâ *Gerardi I* Archiepiscopi, de diuisione bonorum S. *Magdalenes*, vbi describitur ac renouatur sententia Humberti, lata in eâdem causâ, adstantibus prædictis Episcopis atque Abbatibus, anno 1160, statim à consecratione Episcopi *Lausanensis Landerici*.

Obiit non multò post Humbertus, calendis Octobris, ex Necrologio S. Pauli, quod habet; *cal. Octob. obiit Humbertus Archiepiscopus, Canonicus noster, hic sepultus*: obiisse autem vero simile est anno 1161; cum adhuc eum vixisse constet anno 1160; & successoris eius *Vualtheri* nondum confirmati certa extet mentio, anno 1162.



## LVI.

## VVALTERIVS II.



VALTERVS, quibusdam *Vautherius*, & *Gaultherius*, in omnibus catalogis Humbertum proximè sequitur. Eum certè (si tamen vnquam in Archiepiscopatu confirmatus fuit) breuissimo tempore sedisse necesse est; cum *Herberti* qui post eum intrusus est, iam extent diplomata anni 1163. Huius porrò *Vualtheri*, habetur



tur charta quædam in archiuo Bellæuallis, *de terminatione querelæ quarundam decimationum aduersus Bellæuallensem ecclesiam*, datâ Bisuntij, anno Incarn. Dominicæ 1162, quæ sic incipit: *Ego Gautherus Dei gratiâ Bisuntinus Electus*, &c.

Herbertus.

**H** VNC plerique prætereunt (& rectè quidem si legitimos solum Præsules enumerât: ) alij cum Humberto confundunt; sed immeritò, cum alterum ab altero medius *Valtherus* disternat. Herbertum intrusit Fridericus Ahenobarbus non ante annum 1162: at Humbertum iam inde ab anno 1134, sedisse vidimus, viginti ante Friderici Imperium annis: sed clariùs vtrumque distinguit Guilelmus II Archiepiscopus Bisont. dato diplomate pro monasterio S. Vincentij, anno 1252; quod describit & confirmat alio instrumento, sequenti anno 1253 confecto, *Hugo* tt. S. Sabinæ presb. Cardinalis, Apostolicæ Sedis Legatus: quo diplomate testatur Guilelmus, quæ privilegia Victor IV, Pont. Maximus Abbati S. Vincentij, Humberti Archiepiscopi rogatu concesserat, eadem fuisse postposita, & per longum tempus mansisse incognita, propter inhibitionem quondam Herberti schismatici, qui tanquam Apostata, pro Archiepiscopo Bisuntino, de facto, non de iure se gerebat. Inter epistolas Stephani Tornacensis Episcopi centesima octaua scripta est ad Papam, pro quodam Odone Clerico, qui in puerili ætate (inquit) ab Herberto Bisuntino schismatico gradum Acolyti



lyti qualitercumque susceperat, cum prius à Catholico Clericus factus fuisset; nesciens miser quantum veneni pestis illa infunderet; quantum periculi manus illa leprosa sibi vel ad præsens, vel in posterum importaret. Aperiatur, addit, super eum, obsecro, paternus Apostolica pietatis oculus, maternus Ecclesie Romane sinus expandatur, ut qui in suscipiendis ordinibus minoribus deliquit, ad maiores valeat humiliter promoveri.

Dedit hic Herbertus ecclesie S. Ioannis, Crucem ex auro purissimo apprimè elaboratam; in cuius centro inclusæ hodièque conspiciuntur salutiferi ligni particulæ in crucis formam dispositæ. Atque utinam aliquid de Crucis viuificæ amore sibi ipse seruasset, homo cætera impius, & ad Ecclesie perniciem natus. Sequiebat Imp. schismaticus Fridericus, in eos, qui ab Alexandri III Pontificis partibus stabant; atque (ut in homine id conditionis, siqua est, ea potens esse solet, ac robusta impietas) Christianum Orbem propè vniuersum, quæ ad se pertrahendis qui minùs haberent fidei, quæ multandis qui Alexandro adhærerent, schismate suo compleuerat. Cùmque eò processisset amentia, ut eorum qui secum sentire nollent, parceret nemini; in eius tamen animo superabat (futuræ pœnitentiæ semen) singularis quidam cultus B. Petri Tarentasij Episcopi, qui cùm semurum pro domo Dei opponeret, & Fridericum eiusque affeclas, à vero Ecclesie Capite diuissos, atque à fidelium communione extorres palàm prædicaret, non deerant stygio inflati spiritu, furoris Imperato



peratorij folles, qui ad voluptatem atque assentationem loquerentur omnia, nihil ad veritatem: quique Imperatori obiicerent, mirari se, quod vnum illum homuncionem, qui tantâ in eum declamaret audaciâ, non modò non perderet, sed eâ reuerentiâ prosequeretur, quâ alium neminem: Cui *suggestioni* (verba sunt Gaufridi Abbatis Altætumbæ, qui æuo illo scripsit, in Vitâ S. Petri Tarentas. cap. 24; apud Surium tomo 3, 8 Maij) *Herbertus quidam Chrysopolitanæ incubator Ecclesiæ, præ cateris insistebat*: qui cum id Imperatori aduersus Petrum consilij daret, hoc ab illo responsum extorsisse fertur; *si hominibus, ut merentur, contrarium me exhibeo, tunc velis, ut euidenter opponere me incipiam Deo?* Sed accipe quæ de Herberto subdit idem auctor, cap. 25.

*Extat in diœcesi Chrysopolitanâ cænobium, quod Betha-* vulgò  
Bethan-  
*via nominatur. Illò venturum Tarentasum Archiepiscopum* ne.  
*Herbertus audiens, premisit, nuntians eâdem die sese venturum. Expauit Abbas, & cum multâ anxietate in occursum properans viri sancti, ignorare sese quid ageret causabatur: cui ille, angulus, ait, nobis quantuluscumque sufficiet, ne turberis. Verumtamen diuina pro eo vltio militauit, & ægritudine occupatus apostata, quod disposuerat non impleuit. Exinde vir Beatus ad Imperatorem accessit in ciuitate Chrysopoli constitutum; ubi etiam ab oppressione Catholicorum, maximè Religiosorum, quantum potuit, eius animum reuocauit, Regis iram rugitui similem leonino, monitis simul & intercessione compefcens. Conuenit autem solitâ deuotione Populus Ciuitatis ad eum, & innumera etiam*  
de vi



de vicinis locis undique multitudo confluit: quibus inter cetera de prædicto heretico (Herberto) verbum faciens, nec ipsius maliciam veritus, nec præsentiam Imperatoris per quem erat intrusus, orationem omnibus indixit generaliter, ut manus Domini acceleraret ab illius tyrannide Ecclesiam liberare, vel mutando hominem, vel multando; ut conuerteretur ad pœnitentiam, aut de medio tolleretur. Oratum est; & infra quatuor vel quinque dies, miseram idem schismaticus animam exhalavit. Accidit tamen, ut interea visitatus à R. Belluallensi Abbate, ad primum gratulari videretur aduentum: conuentus autem de confessione peccatorum, & adinopitus de pœnitentiâ, pugillum strinxit, & applicans ori buccinabat in eo: post modicum verò deponens manum quam strinxerat, ore canebat. Erubuit Abbas, quòd non posset aliud obtinere responsum: & agnoscens iudicium Dei, non sine multâ confusione recessit. Necdum vir sanctus de ciuitate exierat, & iam in plausro boum Herberti cadauer efferebatur infaustum; clamante populo, & dicente: Benedictus Deus, qui tradidit impium.

Quo verò anno hæc contigerint, dubium mihi est: hoc quidem certum, quod Fridericus Imp. dedit rescriptum Vesontione, anno Dominicæ Incarn. 1176. MCLXXVI, cui subscripti leguntur testes, Ilbertus Bisontinus, & Drogo Lugdunensis Archiepiscopi, cum Petro Tullensi, Arducio Gebennensi, Episcopis, Hugone Cluriacensi Abbate, Ecberchardo Thesaurario Bisuntinæ ecclesiæ, Matthæo Duce Lotharingiæ, Comitibus Alberto, &c. ex Ioanne à Bosco, in læuo Xysto bibliothecæ Floriacensis; qui tamen in eo corrigendus est, quòd Ilbertum pro Herber



Herberto scripserit. Post Herberti schismatici mortem Rogerius Lausanensis Episcopus, & Apostolicæ Sedis Legatus Bisuntinam Prouinciam lustrauit: quod mihi compertum est, cum ex Lausanensis Ecclesiæ tabulis, tum etiam ex instrumento Bellæuallensi, quo idem Rogerius, anno 1180, confirmat donationes factas Ecclesiæ Bellæuallis; ac statim initio profitetur, se fuisse delegatum pro visitatione Prouinciæ Bisuntinæ, ne quid in ecclesiâ Dei maculosum remaneret, post schisma illud, cuius erat fautor ille Præsul (Herbertum intelligit) qui Ecclesiæ Bisuntinæ qualitercūque præsidebat.



## LVII.

## THEODORICVS II.



THEODORICVS de Montebeligardo postea Ecclesiam rexit. Frequens illius mentio in archiuis Bellæuallensi, Magdalensi, & Vincentiano, in chartis, quas fieri iussit annis 1181, 82, 83, 84, 85, 86. Anno demum 1189 1181.  
(quo anno S. Vincentij monasterio instrumentum 1189.  
dedit, cuius hoc initium: *T. Archiepiscopus Bisontinus, Hierosolymas partes ad subuentionem Crucis adire uolens, dedi pro remedio anima mea, Abbatie S. Vincentij Bisunt. &c.*) cum Friderico Sueuo, filio Friderici Ahenobarbi, ad Acconensem obsidionem se contulit: ex Ioanne Herold,



250 IOAN. IAC. CHIFFLETII  
ne *Herold*, in Continuatione belli sacri post Guil.  
Tyrium, lib. 2, cap. 7; & discedens *Oliuerium Abbatem*  
*Luxouienfem* Vicarium reliquit: ex chartis Bellæual-  
lensibus. Quid verò in eâ expeditione gesserit, pro-  
sequitur rythmico carmine Florentinus monachus,  
libro de recuperatâ Ptolemaïde:

*Quid de Archipraefule dicam Bisuntino?*

*Vir est totus deditus operi diuino:*

*Orat pro fidelibus corde columbino,*

*Sed pugnat cum perfidis astu serpentino.*

*Fecit hic arietem, quem de ferro textit,*

*Qui nostrorum animos plurimum erexit.*

Pergit describere, vt ille aries, alioquin ad muros de-  
iiciendos aptissimus, tamen igne græco à barbaris im-  
misso deflagrarit: ac non multò post, hæc subdit:

*Hinc Archiepiscopus, gemma Clericorum,*

*Bisuntinus obiit; Duxque Sueuorum,*


*Qui nisi contraria foret sors fatorum,*

*Strauisset innumeras acies Turcorum.*

Quis hîc literionem illum *Cognatum* non rideat;  
qui in suâ Burgundiæ superioris descriptione, non  
intellecto *Florentino*, Archiepiscopum quemdam Bi-  
suntinum (quem non nominat) *Ducem Sueuorum* fa-  
cit: quasi non loquatur Poëta de Friderico Sueuiæ  
Duce, quocû Bisuntinus Archipraeful obierit, etsi ali-  
quâto post tempore: nam obiit Sueuus tempore op-  
pugnationis; Theodoricus autē expugnatâ iam vr-  
be: de quo sic Ioan. *Herold*. lib. 2 citato, cap. II, ad fi-  
nem: *Capitur, inquit, vrbs (Acconensis) tertio obsidionis*  
anno,



anno, 4 Idus Iulij, anno 1191: cum peste, tantum apud nostros, intra paucos dies, plusquam quinquaginta Pontifices, Comit'esque peri'ere: inter quos precipui nominis, Rauennas, Faentinus, Vesontinus, & Balduinus Cantuariensis. Obiit igitur Theodoricus anno 1191: & quidem nono cal. 1191. Decembris sex Necrologiis, in quibus conscripsisse dicitur piam illam profam, quæ in Ecclesiâ Bisontinâ, in Missâ diei S. Vincentio sacre concini solet: cuius prima verba sunt, *Melos cordi consonum*: proque eâ decantandâ, annuos centum solidos, ac totidem pro suo anniuersario, assignasse super molendina Campi Martij: dedisse insuper S. Stephano, ecclesias de *Vilers, de Quers, & de monte S. Martini*.



## LVIII.

## STEPHANVS.



EXTINCTO Theodorico electus est Stephanus, filius *Othonis tertij* Merauiæ Ducis: nondum tamen confirmatus, quod per ætatem obire id muneris non posset. Sed dum expectatur in fructu maturitas, deceditur præter expectationem: exacto à suâ electione biennio, ut habet antiquus catalogus S. Magdalenes, obiit 4 Idus Iunij: sepultus in atrio basilicæ S. Stephani; cuius tumulo inscriptum legitur:

ii 2

STE



STEPHANVS  
BISVNTINVS  
ELECTVS

Ad oras tumuli, quatuor insculpta carmina; è quibus  
tertium disruptus saxi angulus nobis eripuit:

*Forma, decus morum, spes regni, culmen honorum,  
Fulxit in hunc; horum sedes fuit iste bonorum*

.....

*Tot bona, tamque breui, casus brevis abstulit aui.*

In eodem templi, atrio sepulti sunt octo Burgundiae Comites; quorum epitaphium olim in lapide inscriptum, detrimento eo & exeso, Canonici beneficiorum ab iis acceptorum memores, ad murum describi curauerunt, expressis singulorum imaginibus; addito in medio, S. Stephani Protomartyris habitu, Stephano Electo. Subscripta sunt iconibus nomina hoc ordine:

*Gerardus Comes Viennensis, Dominus de Salinis.*

*Galtherus Comes Burgundiae, & Viennensis.*

*Regnauldus Comes Burgundiae, Viennensisque, &  
Marisconensis.*

*Otho Comes Burgundiae, & Dux Merauia.*

*Stephanus de Burgundia, Electus Bisontinus, frater  
Othonis Comitum.*

*Otho Comes Burgundiae, qui instituit duos Capellanos  
ad altare S. Theodoli.*

*Regnaul*



*Regnaldus Comes Burgundia, pater Beatricis Imperatricis.*

*Vilermus Comes Burgundia, Matiscouensis, & Viennensis.*

*Vilermus Magnus Exarches Burgundia, Viennensis, & Matiscouensis.*

Epitaphium verò est huiusmodi:

SEPULTURA PRUDENTVM BVRGVN-  
DIÆ COMITVM.

*Bis quater hîc Comitû sunt corpora, quæ dedit istû  
Mors, & ibi solitum nobis soluere tributum.  
Spiritus in cælis horum manibus Michaelis  
Sancti portantur, & in altâ sede locantur.*

Alterius Epitaphij loco subiiciuntur duo sequen-  
tia disticha:

*Nobilium turba, quos mors subduxit acerba,  
Octo iacent Comites, ut patet, ipse vides.  
Illis parce Deus; dic lector voce benignus,  
Ut tibi post mortem conferat alter idem.*

De Stephano verò notatu digna res est, malè cum  
à Golusio lib. 7, cap. 18, dici filium *Othonis* quinti,  
Comitis Palatini Burgundiæ, ex *Mathilde* filiâ *Ro-*  
*berti* Comitis Artesiæ, cui nupserat anno 1192. Anti-  
quior est *Stephanus* Electus, quem meliùs idem *Gol-*  
*usius* lib. 6, cap. 38, natum dixerat *Othone* tertio *Me-*  
*rauiæ* Duce, ex *Alix* Comitissâ Palatinâ Burgundiæ,  
ac fratrem *Othonis* Comitis Burgundiæ, filij dicto-  
rum coniugum.


• LIX. AME





L I X.

A M E D E U S.



STEPHANO subrogatur Amedeus, cuius frequens mentio in antiquis instrumentis, quæ Vefontione, quæque in Abbatia Golliana, cuius ecclesiam, paulò ante obitum, in honorem B. Virginis dedicauit, & consecrauit ritu solemniori.

Ad Celestinum Papam delatum est eius nomē de periurio, simoniā, & incestu; à G. Decano S. Stephani; Gerardo Cantore S. Stephani; Ioanne Salinensi, T. de Graiaco, Io. de Varese, O. Fauerniacensi Archidiacono, & Norrandino Subdiacono. Dicta est igitur illi à Pontifice dies, quā ad Sedem Romanam, ad obiecta responsurus accederet; quod & fecit constituto tempore: sed cum interea diem obiisset Celestinus tertius, ea causa ad Innocentium tertium Celestini successorē pertinuit: qui Amedeum dimisit, rei inquisitione, Episcopo Cabilonensi, & Abbati de Firmitate, cōmissā. *Hæc ex epistolā quādam Innocentij III, quæ cūsa extat inter eius decretales.* In Canonicos Amedei delatores, 1212. accusationes deinde conuersæ: quare Innocentius anno 1212, Legatum misit Bernardum Gebennensem Episc, qui eius vice de maioris vtriusque ecclesie Canonicorum moribus cognosceret: sic enim ha-

bet di

FIN XII



bet diploma, quod descriptum est in veteri codice S. Ioannis:


*Vniuersis Christi fidelibus, B. diuinâ permissione Gebennensis Episcopus, salutem in salutis auctore. Cum ad paruitatem nostram mandatum Apostolicum emanasset, vt accederemus ad ecclesias S. Ioannis, & S. Stephani Bisontini, eisque vice ipsius impenderemus visitationis officium, inquirentes quæ essent circa Canonicos inquirenda; & appellatione remotâ reformaremus pariter: nos ad utramque ecclesiam accessimus, &c. Actum Bisuntij in Capitulo S. Ioannis, in octauis Sancti Matthæi Apostoli, Anno Domin. Incarn. MCCXII.*

Nec multò post, anno scilicet 1214, iterum multorum criminum reus vulgatur Amedeus. Commisit Pontifex Lingonensi Episcopo, & Abbati Morimundi; qui purgationem canonicam ab eodem, super totius vitæ actis, & eis præcipuè, quæ in ecclesiasticâ dignitate gessisset, acciperent; & si illam præstitisset, in officio permanere tolerarent. *Hæc ex Innocentiij tertij epistolâ 166, Abrahamus Bzouius tomo 13 annalium ecclesiast. qui primus est continuationis Baronij, anno 1214, num. 1. Vt causa illa cesserit, non cognouimus. Eodem anno Amedeus cû Triderico Treuerensi Archiepisc. Desiderio Dyensi, Conrado Constantiensi, Henrico Argentinensi, Vvaldrico Basileensi Electo, Gaufrido Tricastino Episcopis, subscripsit diplomati Friderici II Imp. pro Ecclesiâ Viennensi, dato Basileæ, anno Domini 1214, Indiçt. 3, Regni 2, 9 Cal. Decëb. Biblioth. Floriac. Obiit deinde Amedeus 15 cal. Febr.*



1218.

Febr. anno 1218. Cúmque incertum sit, quonam suæ diœcesis loco sepultus sit, eum obiisse suspicor in expeditione terræ sanctæ; ad quam per ea tempora, ex omni orbe Catholico Principes, atque Episcopi concurrebant. Et hunc ipsum esse puto, qui discedes, Henrico cuidam Camerario partes suas commendauit: vt comperi in instrumento Bellauallesi, dato ad annum 1218, cuius hoc est initium: *Henricus Camerarius Curia Bisuntina, fungens vice, & auctoritate Domini Archiepiscopi Bisuntini, dum idem Archiepiscopus esset in partibus transmarinis; Notum facio, quòd Richardus Comes Montisbeligardi, concessit ecclesiæ Bellaualis, &c.*



L X.


## E B R A R D V S.



BRARDVS Ecclesiæ Sancti Ioannis argenteam thecam obtulit, quâ inclusæ seruantur particulæ quædam de fimbriis vestium Christi Domini, deque eius sepulchro: cōsecrauit altare Monasterij de Rosieres per Galcherum Dominum Salinensem fundati anno 1219: obiit tertio Nonas Octobris, ex Necrologiis S. Ioannis & S. Stephani.

LXI. GI





L X I.

## G I R A R D U S . I .



MILTAS dedit chartas Girardus anno 1221.  
 1221. Anno 1223 confirmavit donationem 1223.  
 XX librarum, super puteum Salinarum,  
 factam ecclesiæ Gollianæ, per D. Idam Du-  
 cissam Lotharingiæ, Dominam de Coloniaco, filiam Giral-  
 di Comitis Burgundiæ, sororem Comitis *V-vilelmi*, &  
*Galcheri* Domini de Salinis, & de castro Braconio;  
 qui anno 1219, vnâ die tria cœnobîa fundasse dici-  
 tur; manè quidem *Roserianum*, meridiè verò *Gollia-*  
*num*, at vespere *Sanctimarianum*; iacētque prope Idam  
 sororem in ecclesiâ Gollianâ. *Ex archiuo Golliano.*

Anno 1224, varia apud Bellamuallem dedit di- 1224.  
 plomata: & vnum quoque pro ecclesiâ S. Stephani,  
 4 Nonas Martij, duodecim ante mortem diebus;  
 quo diplomate testatur se in ecclesiâ S. Stephani à  
 puero fuisse educatum, deinde in eiusdem eccle-  
 siæ Decanum promotum, multos in eo munere an-  
 nos exegisse. E viuis excessit, *Idibus Martij* anni præ-  
*dicti* 1224, cum alioqui Ioannes eius successor, instru-  
 mentum confecisse dicatur anno 1225, mense Mar-  
 tio. Non ergo *Idibus Martiis* eiusdem anni obierit  
 Girardus, sed anni proximè præcedētis. Sepultus est  
 apud Bellauallē, ante maius altare, nullo epitaphio.

k k

Hoc



Hoc verò Girardo sedente, fratres Prædicatores  
 è familiâ S. Dominici, Vesontione recepti sunt, cir-  
 1223. ca annum 1223. Occasionem refert S. Antoninus, tit.  
 23, cap. 9, §. 3 : vbi de B. Iordane, primo, post S. Do-  
 minicum, generali Ordinis Magistro: *Alterâ vice, in-*  
*quit, cum transiret (Iordanes) per Bisuntium, antequàm*  
*Fratres domum ibi haberent, contigit eum ibi grauius infir-*  
*mari. Quadam ergo die cum febribus vehementer æstua-*  
*ret, factum est vt in immensum sitiret. Et ecce iuuenis habens map-*  
*pam albam ad collum, lagenam vini portans in vnâ manu,*  
*et scyphum argenteum in aliâ, obtulit ei, dicens : Magister,*  
*ecce porto vobis optimum potum, de quo bibatis secure, quia*  
*in nullo nocebit vobis. Qui non ignorans astutias eius (scili-*  
*cet diaboli) commendauit se Deo, muniens se signo Crucis:*  
*qui statim disparuit. Ex deuotione autem, quam ceperunt*  
*Archiepiscopus, et populus ad sanctitatem viri, dederunt ei*  
*locum ad ædificandum Conuentum. Hæc ille. Ea domus,*  
*olim à numero, Conuentus centum fratrum dicebatur:*  
*Et quamquam ædes ipsæ peramplæ ac splendidæ,*  
*elemosynis ex omni ordine corrogatis exstructæ*  
*sunt : tamen Capitulo S. Ioannis Euangelistæ, quod*  
 1224. *fundum concessisset, foundationem adscribit Girar-*  
*dus Archiepiscopus, dato diplomate ad annum 1224,*  
*his verbis:*

*Memorie dignum duximus tradere futurorum, quod Ve-*  
*nerabiles fratres nostri Decanus, totumque Capitulum nostræ*  
*Bisuntinæ matricis ecclesiæ S. Ioannis Euang. attendentes,*  
*&c. Reuerendos fratres Canonicos Ordinis Prædicatorum,*  
*ad ciuitatem nostram instinctu S. Spiritus vocauerunt. Ipsis*  
*etiam*



*etiam iuxta molendina sua de ripa, locum dederunt (hinc barbaro nomine, fratres Riueta dictos legimus in archiuo S. Magdal. in testamento Theobaldi Cantoris, anno 1254: quasi dicas, parua ripa: quod eorum domus ad ripam Dubij fluminis constituta sit) & ad ædificationem loci, consilium & auxilium plurimum impenderunt. Supplicauerunt etiam nobis, vt nos prædictis fratribus in eodem loco cimeterium benediceremus, ad sepeliendum ibi fratres Ordinis prædicti, & eos qui ibi elegerint sepulturam; saluo in omnibus iure parochiali, & iure prædictæ matricis ecclesiæ S. Ioannis Euangelistæ; quæ fundatrix & patrona est prædictæ domus Ordinis Prædicatorum. Et quicumque in domo illâ pro tempore Prior exstiterit, fidelitatem & reuerentiam debet ecclesiæ supradictæ S. Ioannis, sicut Canonicus spiritualis ecclesiæ. Hæc ex chartâ Girardiscuius exemplar reperi inter tumultuarias schedas Petri Chiffletij S. Theologiæ Doctoris, & Canonici Metropl. Bifontini, Patru mei qui anno 1574.*

*Ostentatus, raptusque simul,*

*Solstitialis velut herba solet,*

*in ipso iuuentæ flore, conditus est in choro ecclesiæ S. Petri, iuxta Sanctorum sepulchra, in monumento familiari, quod (propter religionem loci) hæredes tantum masculos & innuptos sequitur.*

*Ad Bifontinam Prædicatorum domum (quam S. Anton. tit. 23, c. 13, §. 1, quinquaginta nouem Prouinciæ Franciæ Conuentus enumerans, quarto loco recenset) Inquisitio fidei, quam vocant, ab æuo pertinuit. Hinc Innocentius IV, anno 1247, Priori Bi-*

kk 2 sunti



suntino, vt in Lotharingiam & Burgundiam, ad extirpandos hæreticos clam pullulantes, Inquisitores viros idoneos destinaret, præcepit epistolâ 370, datâ 16 cal. Decēb. *Bzonius continuator Baronij anno 1247, num. 4.* Et fuit sanè ea familia magnorum virorum ferax: nam, vt de *S. Vincentio Ferrario* taceam, quem olim vidit Vefontio ( prout in *Theobaldo* dicturi sumus ) aliquot Archiepiscopi Suffraganeos tulit: ac duos Generales Ordinis Magistros, octauum, & decimumoctauum; de quibus sic frater Vincentius de *Castrouuo*, in chronicâ Generalium, ad calcem Constitutionum Ordinis S. Dominici: Anno 1292, in Capitulo Romæ celebrato, electus est in Magistrum Ordinis octauum *F. Stephanus Bisuntinus Magister in Theologiâ, & præfuit duobus annis. Hic obiit anno 1295, in Conuentu Lucano. Scripsit autem super Ecclesiasten. Item libellum de auctoritatibus Sanctorum & Philosophorum. Item librum exemplorum per alphabetum narrationum. Item postillam super Apocalypsin. & inferiùs: Anno 1343, electus fuit in Magistrum Generalem Ordinis decimumoctauum frater Petrus de Palmâ, Magister in Theologiâ, Prouinciæ Franciæ, Conuentus Bisuntini. Scripsit hic Petrus de Palmâ, librum eruditum in epistolas & Euangelia; quem cum aliis manuscriptis in meâ bibliothecâ seruo. Exstat in Doctoris Angelici lucubrationibus, Opusculum duodecimum, quo respondet ad sex quæstiones à Gerardo Lectore Bisuntino propositas. Porro in sacrario Ecclesiæ Prædicatorum Bisont. inter alia seruatur Cranium Sancti Ermenfredi Abbatis Cusanciæ: Et in Con*



in Conuentu, celebrata nuper anno 1615, Generalis Gallicana Ordinis Prædicatorum congregatio, maximo omnium Ordinum Ciuitatis fauore, & applausu.



L X I I.

JOANNES I.



IACONIUS in Honorio III, agēs de *Conrado* Bauariæ Duce, inde monacho Cister-  
tensi, postea Cardinali Episc. Portuensi, &  
Sedis Apostolicæ, pro bello sacro ac aduersus Albi-  
genses hæreticos Legato: cum à Capitulo Bisuntino in Archiepiscopum electum fuisse dicit: tamen ab Honorio Pontifice vetitum id muneris admit-  
tere; quod ipsius operâ in grauioribus Christianæ reipublicæ negotiis uti vellet. Ea verò electio, cum æquè vacante per Ebrardi obitum Bisuntinâ Sede facta esse potuerit, quantum ex temporum rationibus potui colligere; in hunc tamen locum tutius referri videtur; quod vero simile non sit extincto Ebrardo, in Conradum potius, hominem extraneum, quàm in *Girardum* Decanum S. Stephani, & domesticarum Ecclesiæ Bisuntinæ rerum scientissimum, ac cætera ad Archiepiscopatum idoneum, electorum suffragia propendisse: sed magis id factum videatur, cum deficiente in Bisuntino Clero homi-

kk 3

neido



ne idoneo, aliunde adscisci debuit, & in Ioannem denique Ambianensem Decanum consensus est. Hic verò obiter notandus Baronij continuator *Bzovius*, anno 1222, num. 6, qui Ciaconium citato loco sic intellexit, quasi de *Ioanne* quodam *Argotorasensi*, Ordinis Prædic. dicat, eum à Capitulo Bisontino electum fuisse: cum tamen ea Ciaconij verba ad *Conradum* referenda sint, ut planum erit legenti. Igitur Girardo succedit Ioannes de *Abbatis-Villâ*, diocesis Ambianensis, Picardus, monachus quondam Congregationis Cluniacensis, & Prior monasterij de *Abbatis-Villâ* (malè *Abbatem* vocant Onuphrius in Gregorio IX, Ciaconius ibidem, & Arnoldus Vvion in ligno vitæ:) qui cum in Parisiensi Academiâ, multis annis Theologiam, magnâque laude docuisset, atque in primis egregiâ polleret dicendi facultate, factus est ex Magistro Parisiensi, Archipræsul Bisontinus. Id muneris per duos annos gessit, ut habet catalogus S. Magdal. exstâtque in archæo S. Magdalenes, diploma iam ab eo datum mense Martio anni 1225, data verò anno 1226 quamplurima, sicut & 1226. apud Bellamuallem. Ab eo moniales S. Mariæ de *Battant*, ad Cisterciensem regulam restitutæ sunt, ut suprâ monuimus in S. Donato. Ad hæc controuersiam de maternitate ecclesiarum, eo qui sequitur modo definiuit: *His supradictis accedit sententia diffinitiva Venerabilis Patris nostri, Domini Ioannis quondam Archiepiscopi nostri Bisuntini, qui postmodum factus est Sabiniensis Episcopus Cardinalis. Cum enim sub eo ecclesia Sancti*

*Stepha*



Stephani contra ecclesiam S. Ioannis contenderet, de dignitate maternitatis, placuit utrique parti, ut quod ipse Dominus Ioannes per diffinitiuam sententiâ pronuntiaret super hoc obseruandum, ab vtraque parte teneretur: & de hoc tenendo Canonici vtriusque ecclesiæ fidem dederunt: insuper vtraque ecclesia se alteri obligauit, in mille marchis persoluen- dis ab eâ, quæ à sententiâ Domini dicti Ioannis resili- ret. Ipse autem Dominus Ioannes Archiep. Bisunt. auditis ratio- nibus, & inspectis scriptis vtriusque partis, per diffinitiuam sententiam pronunciauit, quod ecclesia S. Ioannis, in quâ primò incathedratur Archiepiscopus, quod plenius ea obti- net quæ ad maternitatem pertinere noscuntur, in totâ Bisun- tine Ciuitatis parochiâ, sola matris ecclesiæ possideat digni- tatem: sicut continetur in authentico eiusdem Domini Ioan- nis, quod ita incipitur; In nomine Patris, &c. Et hanc sen- tentiam suam ipse in Synodo Bisuntinâ promulgauit, & per excommunicationem futuris temporibus obseruari præcepit. Hanc etiam sententiam Dominus Papa Gregorius nonus approbauit & confirmauit. Hæc vetustus codex M. S. S. Ioannis.

Anno 1227, Anagninæ creatus est à Gregorio IX 1227. Cardinalis Episcopus Sabinensis, in quatuor tem- poribus mensis Septembris: plura de illo Ciacon. in Greg. I X. Hunc verò Ioannem de Abbatiss-villâ, cui Tri- themius de scriptoribus ecclesiasticis, & Ciaconius adscribunt libros quatuor de tempore, & de Sanctis, eundem esse puto cum Ioanne Halgrino, auctore Sex- ti commentarij in Cantica: nam & Coccius in The- sauro, Ioannem Algrinum (quem anno 1227 vixisse notat)



notat) Bisuntinum Archiepiscopum vocat. & Sixtus Senensis libro quarto bibliothecæ, cum scriptores sacros alphabetico ordine recenser, duobus locis meminit auctoris commentarij sexti in Cantica, Parisiis editi per Ascensium, anno 1521; & quem posteriore loco Ioannem Halgrinum dicit, prius Ioannem de Abbatif-villâ, Archiepiscopum Bisuntinum nominarat. Hoc autem adducor ut credam, quod uterque Cardinalis Sabinenfis nominetur, & sub Gregorio IX dicatur floruisse. Certè ad calcem illius commentarij in Cantica, quæ vidi editum Parisiis anno 1521, typis Ascensij, legitur, Ioannem Halgrinum, dictum de Abbatif-villâ, Decanum Ambianensem, Cantorem de Abbatif-villâ, & Cardinalem Sabinensem, finem illi operi imposuisse anno 1233; illudque opus postmodum sedente adhuc Gregorio IX, fuisse approbatum: (ex quo manifesti erroris arguitur Sixtus Senensis, qui lib. 4 cirato, dicit Ioannem Halgrinum, auctorem sexti Commentarij in Cantica, circa annum Domini 1450, floruisse): at constat, non alium per ea tempora existisse Cardinalem Sabinensem, à Ioanne de Abbatif-villâ, qui & fuerat Archiepiscopus Bisuntinus. Decanatum verò Ambianensem, & officium Cantoris Abbatif-villæ, gessisse potuit vel adhuc Prior Abbatif-villæ, vel abdicato iam Prioratu. Nec mirum, hos adeò illustres commentarios à Trithemio non recenferi; cum ipse fateatur, Ioannem de Abbatif-villâ, multa quoque alia edidisse opera, quæ ad notitiam suam non peruenerint.

Eum



Eum quidam sepultum dicunt Salinis, anno 1229: sed nulla eius apud Salinenses memoria; & *Nicolaus*, ipsius in Archiepiscopatu successor, in instrumento Bellæuallēsi, quod dedit anno 1234, *Ioannis prædecessoris sui, tunc Sabiniensis Episc.* meminit: non ergo obierat anno 1229. Ciaconius eum fato functū dicit circa annū 1240: sed quoniam idem Ciaconius, Gaufridū de *Castilione* creatum dicit à Gregorio IX, Episc. Card. Sabinum anno 1237 (quod fieri non potuit, nisi mor- 1237. tuo Ioanne eiusdem tituli Cardinali; ) eo pariter anno, aut præcedenti 1236, Ioannem vitā functum putamus. In necrologio verò S. Ioannis, sic notatur dies eius obitus. *IX cal. octob. obiit Ioannes Episcopus Sabiniensis, qui prius fuerat Archiepiscopus Bisuntinus:*

Per ea tempora, dum adhuc Seraphicus ille *Franciscus* in terris ageret, ipsius Instituti religiosi sectatores ciuitate donati sunt, illisque à Senatu populōque Bisontino, templum, & per commodæ edes erectæ. Quod opus ita inter sese partiti sunt ciues; ut quibus ampla domi res esset, ij pecunias conferrent in ædificij sumptus; cæteri fortunæ tenuioris, suas ipsi manus, atque operam præstarent. *Hæc ex archiuo ciuicæ domus:* neque enim Franciscanis nostris vlla reliqua sunt illorum temporum monumēta; quæ ipsis quæ flammarum (anno 1520,) quæ vndarum iniuriâ periēre: annis quippe 1263, 1456, & 1570, erumpētum è suis alueis aquarum ea vis fuit, ut in templum ac domesticæ cubicula illapsæ, eorum chartas omnes ac diplomata confecerint, atque expunxerint; cuius



rei fidem facit distichon ad quemdam domus illius parietem adscriptum, sexto minimum pede à pavimento (nam eò usque deuenerant aquæ, anno illo 1570, tertiâ die Decembris;)

*Dubis erat dubius, nostras sorberet an ades,*

*Cum tot aquas istam vexit ad vsque notam.*

Eam Franciscanorum domum, nonnulli Sequanicarum, quidam etiam Transalpinarum omnium antiquissimam faciunt. Vt sit eâ de re, illud sanè certum, vt ex domus ciuicæ chartophylacio retulimus, viuente adhuc B. Francisco: fuisse excitatam: qui cum anno 1226 ad cœlos emigrarit; veròque simile putemus non leuib; adducti coniecturis, priùs Dominicanos domicilium Vefontione accepisse anno 1224, quàm Frâciscanos; his certè extructas ædes putamus ipso anno 1226, aut proximè præcedenti, cum Ioannes Halgrinus Bisontinæ præesset ecclesiæ.



L X I I I.

NICOLAUS.

1227.



RANSLATO ad Sabinensem Episcopatum Ioanne, anno, vt vidimus, 1227; & vacante Sede Bisontinâ, mandauit Gregorius: IX, Decano & Capitulo S. Ioannis & sancti Stephani; vt intra dies quadraginta à suis literis receptis, idoneum sibi Pastorem canonicè eligerent, adhibi



adhibitis in consilium Abbatibus *S. Benigni* Divi-  
 onensis, & *Morismundi*, ac fratre G. de Ordine Prædi-  
 catorum: id ni facerent constituto tempore, ad hos  
 tres ius omne eligendi Archiepiscopi deuolueretur.  
 Acceptis literis Pontificiis, seni ex omnibus com-  
 muni consensu deputati sunt, quibus omnis à Capi-  
 tulo, eligendi Archiepiscopi collata potestas. Sed  
 cum Abbatem *S. Benigni* elegissent, non seruatis ad  
 amussim iis quæ Pontifex obseruari præceperat;  
 idem Papa, re inquisitâ per Archiepiscopum Vien-  
 nensem, & Abbatem *de Firmitate*, electionem Ab-  
 batis, non personæ, sed electionis ipsius vitio irri-  
 tam declarauit. *Vide in decretalibus cap. 52. cum in ve-*  
*teri, de electione.* Cum hæc gererentur, necesse fuit  
 produci aliquamdiu interregnum. Tandem *Nico-*  
*laus de Flauigneyo*, Decanus Lingonensis, vir vel pie-  
 tatis, vel doctrinæ nomine clarissimus, ad Archie-  
 piscopalis dignitatis apicem euehitur à Gregorio  
 IX: *ex M S. Veteri.* Exstat in archiuo Belleuallensi  
 charta quædam à Nicolao data, anno 1229, mense  
 Februario: aliæ item plurimæ, tum ibidem, tum in 1230.  
 chartulariis Bisontinis, annorum 1230, 1231, 1232, 1233, 1234,  
 & 1235; quo anno 1235, 7 Idus Septembris,  
 auctis redditibus Ecclesiæ suæ, & expletis boni Pasto-  
 ris partibus, Moguntia (ex Godefrido Monacho) è  
 viuis excessit: cum ut habet *M S. Codex S. Magdal.*  
 sex annis præfuisset. Conditus creditur corâ maiori  
 altari Ecclesiæ Bellæuallis, absque tumuli epigraphâ.  
 Inter alia, quæ piè gessisse legitur, illud non in  
 11 2 postre



postremis censendum, quod *S. Anatholij*, clarissimi apud Salinas Confessoris, Episcopi natione Scoti, qui vitam eo loco vixit solitariam, sacrum corpus honoratiore capsâ includendum releuarit: cuius rei monumentum exstat in Martyrologio Basilicæ *S. Anatholij Salinensis*, his verbis: *Kal. Septemb. Salinis, Releuatio Beati Anatholij Confessoris atque Pontificis, per manus Domini Nicolai Archiepiscopi Bisuntini.*



## LXIV.

## GAUFRIDVS.



VBROGATVS est Nicolao Gaufridus, cuius iam electi, necdum confirmati exstat diploma apud Bellamuallem, datum anno 1236, in Vigiliâ B. Laurentij; & ibidem aliud eiusdem iam confirmati, anno 1237, in Inuentione S. Crucis. Astitisse legitur, tertiâ die ante octauam B. Martini, Gregorio nono altare maius ecclesiæ sanctæ Sabinæ de Monte Auentino in Urbe, propriis manibus consecranti; cum Messanensi Archiepiscopo, & quamplurimis Episcopis, & aliarum Ecclesiarum Prælati: *Ex diplomate Gregorij IX. dato Laterani, 10. Cal. Iulij, anno ab Incarn. 1238, Pontif. anno 13, quod refert Bzouius anno 1238, num. 6.* Cùm autem Gregorius IX Concilium apud Lateranum indixisset, datis literis anno 1240. Pont. 14, prioribus quidem 3 idus Augusti, posterioribus verò, idibus



bus Octobris; & in Urbem Prælati ex omni orbe conuenirent, egit Fridericus secundus Imperator Schismaticus, vt interciperentur ex itinere, aditibus omnibus terrâ marique interclusis. Eam ob rem, *Entium* Regem filium suum spurium Pisas destinauit; qui cum Legatos Cardinales, aliosque magno numero Prælatos, Genuensium vectos nauibus Romanam contendere, per exploratores cognouisset, obuiam progressus cum suis Pisanis, eos adortus est inter portum Pisanum, & Corsicæ Insulam. Quæ pugna cum malè cessisset Genuensibus, cæsi sunt ex iis quamplurimi, atque etiam ex Prælatis; cæteri capti ad Imperatorem deducti sunt, & variis in locis custodiae mancipati. Hæc benè multi auctores; accuratè satis Ciaconius in Gregorio IX, præsertim ubi agit de Cardinali Iacobo *de Pecorariâ*: at Nauclerus volumine secundo Chronographiæ, Generatione 42, disertè asserit, in eo conflictu *Vesontinum Archiepiscopum* in mare submersum occubuisse. Eam cladem malè Ciaconius refert in annum 1240: rectius Vignierus in Bibliothecâ historicâ, & Andreas *du Chesne*, in Pontificibus (vterque liber Gallicus) eam contigisse notant anno 1241, quinto nonas 1241. *Maij*: tametsi nos, aut sexto tantum, aut quinto simul & sexto nonas *Maij*, stragem illam editam putamus; cum in Bisontinis necrologiis, Gaufridi (tunc, vt ait Nauclerus, extincti) obitus notetur sexto nonas *Maij*. Malè etiam Ciaconius, Archiepiscopum Bisuntinum, captiuum cum cæteris abductum refert.



Obiit igitur Gaufridus anno 1241, 6 Nonas Maij: & vacauit post eum Sedes, quatuor circiter annos, cum afflictissima esset res Christiana, apertis Friderici II, in Pontifices coniurationibus. Exstat in archæo S. Magdalenes diploma, quod per ea tempora dedit. *A. Decanus Bisuntinus, sedem Bisuntinam vacantem regens, anno Domini 1244, in crastino Bordarum.*



L X V.

## IOANNES II.



ODEM anno 1244, electus est in Archiepiscopum Ioannes eius nominis secundus; qui quod post paucos menses ius suum alteri cessit, propterea in omnibus catalogis omittitur. Exstant tamen in archiuo Monasterij Bellæuallis, Ordinis Cisterciensis, duo diplomata à Ioanne *Electo Bisontino* data, anno 1244, mense Septembri. Quo ipso anno, Innocentij quarti secundo, in 4 Temporibus Aduentus Domini, Lugduni in Concilio Generali, ab eodem Pontifice creatus est Card. t. t. S. Laurentij in Lucinâ: de quo hæc Ciaconius in Innocentio IV, Urbano IV, & Gregorio X.

*F. Ioannes Franciogia, de Villâ Abbatis, seu de Abbatis-Villâ, Burgundus, Gallus, Monachus Cisterciensis, Magister in Theologia, vir doctissimus, Archiepiscopus Bisuntinus,*  
*creatus*



VESONTIONIS PARS II. 271

creatus est ab Innocentio IV, Presb. Card. tt. S. Laurentij in Lucinâ, Lugduni in Concilio generali, anno D. 1244, Pontif. 2, in 4 temporibus Aduentus Domini. Deinde ab Urbano IV, anno Domini, 1261, Pontif. 1, mense Decembri, Viterbÿ creatus Episc. Card. Portuensis, & S. Rufinae. Anno demum 1274, pridie Idus Iulij, obiit Lugduni in Concilio generali, sub Gregorio decimo; ibidem sepultus. plura de illo habet in Innocentio quarto. Sepultum autem puto Lugduni apud Dominicanos. Iuuerit verò hîc annotare errorem Arnoldi Vvionis, qui libro 2 Ligni Vitæ, Ioannem Franciogiam cum Ioanne Halgrino (de quo supra) confudit: cùm hic, monachus fuerit Cluniacensis; ille, Cisterciensis: hic, Cardinalis Sabinenſis à Gregorio IX creatus Anagninæ, 1227: ille, tt. S. Laurentij in Lucinâ, ab Innocentio IV, Lugduni anno 1244, Halgrino iam, vt vidimus, defuncto. Sed deceptus est, quòd vterque dictus sit de Abbatif-villâ, vterque item fuerit Archiepiscopus Bisuntinus, nec valdè longo diffiti sint intervallo.



L X V I.

GVILELMVS II.

**G**VILELMVS Imperatoriâ familiâ natus, ex Cabilonenſi Episcopatu, in quo constitutus fuerat anno 1231, ex MS. apud D. Seuertium in catalogo Episc. Cabilonenſum; translatus est ad Sedem  
Bison



Bisontinam, anno 1245. *San-Julianus*. Eodémque anno 1245, interfuit cum duodecim Cardinalibus, & aliis magno numero Prælati; Missa ab Innocentio IV Papâ Cluniaci celebrata, in festo S. Andreæ Apostoli: ex *Chron. Cluniae*. Concilio quoque Lugdunensi interfuit sub eodem Innocentio IV.

1246.

Anno verò 1246, releuauit sacra corpora SS. Martyrum *Ferreoli* ac *Ferrutij*; vt testatur Martyrologium Bisontinum S. Ioannis, his verbis: *Anno Domini 1246, 4 Nonas Septemb. residente apud Lugdunum Innocentio Papâ quarto, facta est in hac ecclesiâ reuelatio* (releuationem fortasse melius dixisset) *Sanctorum Martyrum Ferreoli, & Ferrutij, prædicatorum huius vrbs; per Venerabiles Patres, Vilelmum Archiepiscopum Bisunt. Ioannem Lausanensem, Seguin. Matisconensem, Alexandrum Cabilonensem, Ansericum . . . . ., & alios Prælatos ciuitatis & diæcesis Bisuntinae. Quæ vt capias, lector, memorem te esse oportet eorum, quæ ex ecclesiarum libris retulimus in Hugone primo; cum scilicet reliquiarum S. Ferreoli & S. Ferrutij partem minorem, in ipsorum ecclesiâ extra ciuitatem constitutâ reliquisse: maiorem verò partem in S. Ioannis basilicâ delatam, condidisse in altari Beatissimæ Virginis. Minoris partis nomine intelligenda existimo pauca quædam ossa, quæ hodièque habentur in Martyrum ecclesiâ extra urbem: per maiorem verò partem designari puto quicquid nunc asseruatur in basilicis duabus, S. Ioannis, & S. Vincentij: adeò vt hæc à Guilelmo facta releuatio; nihil aliud sit, quàm sacrorum*



crorum corporum collocatio in capsis, ac thecis ex ligno deaurato affabrè factis, quibus postea, vt inferius dicemus, successe argenteæ: & eodem tempore, existimo mediam ferè sacrarum reliquiarum partem, quæ hodie exstat in ecclesiâ S. Vincentij, eò ex S. Ioannis basilicâ fuisse translaram.

Sub eodem Guilelmo (cùm ad eius vsque tempora perdurasset vetus illa inter Canonicos S. Ioannis, & S. Stephani, de suarum ecclesiarum præcellentia contentio) facta est vnio Capitulum Maioris vtriusque ecclesiæ; delegato ad id muneris à Sede Apostolicâ, Hugone de S. Caro, Burgundo, Ord. Prædicatorum, tt. S. Sabinæ Presbytero Cardinali: in cuius rei fidem confectum est hoc, quod sequitur, instrumentum.

Nos F. Hugo miseratione diuinâ T. T. Sanctæ Sabinæ Presb. Card. Apostolicæ Sedis Legatus, Notum facimus vniuersis, quòd Venerabilis Pater Archiepiscopus, Ioannes Decanus totumque Capitulum Ecclesiæ S. Ioannis Euangelistæ, ac Pontius Decanus totumque Capitulum ecclesiæ S. Stephani Bisunt. super vniõne ipsarum ecclesiarum, & ad ipsam vniõnem pertinentibus, voluntati & ordinationi nostræ iuramento præstito stare firmiter promiserunt. Nos itaque cum Archiepiscopo, Decanis, & Capitulis prædictis, tractatu super præmissis habito diligenti, de prudentum virorum consilio, volumus, ordinamus, & statuimus, quòd ecclesiæ prædictæ quas vnimus, vna sint ecclesia, & deinceps Ecclesia Bisuntina ab omnibus in perpetuum censeatur, vnumque ecclesiæ sic vnite sit Capitulum, vnus Thesaurarius,

mm

rius,



rius, *Unum sigillum, cuius sint circumferentia, SIGILLUM ECCLESIAE BISUNTINAE*, unum officium ecclesiasticum, illud videlicet, quod in praedicta S. Iohannis ecclesia haecenus existit observatum, unus Decanus, unus maior Archidiaconus, unus Cantor, unus Thesaurarius, unus Scholasticus: & cum iam dicto maiori, alij quatuor Archidiaconi, videlicet Salinensis, Grayacensis, Treuensis, & Luxoviensis: ita quod de Varese, & de Palmâ, Maiori; de Ledone, de Montanis, Salinensi; de Dolâ, de Anjoes, Grayacensi; de Rubeomonte, & de Fauerniaco, Treuensi; de Grangis, & de Aioyâ Archidiaconatus, Luxoviensi, Archidiaconatibus, ipso facto quâ citò vacauerint sint uniti. Decanus superstes Decano premortuo succedat in Decanatu dumtaxat, non in praebendis, seu Archidiaconatibus, quos nunc tenent Decani superius nominati: ac ipso facto Decanatus, qui primò vacauerit, alteri sit unitus. Et hoc idem de Thesaurariâ & Cantoriâ Ecclesiae utriusque sic unitae precipimus observari. Quicquid autem dictarum ecclesiarum acquireretur alteri, pro indiviso acquiratur, ipsarumque privilegia ad ecclesiam sic unitam in omnibus, & per omnia se extendant. Personis verò, & Canonicis viventibus, nullum per hoc praedictum generetur; quin quamdiu vixerint, dignitates, personatus, seu officia praedicta, quae nunc tenent, licite valeant retinere. Succentores quoque in dictis remaneant Ecclesiis, ad regendum choros Ecclesiae sic unitae, & praesentes in anniversariis, & distributionibus quotidianis, duplicem percipiant portionem. Statuimus quoque, & ordinamus quadragintaquinque Canonorum, & praebendarum numerum, in Ecclesia sic unitâ dumtaxat, in perpetuum observandum.

Canonii



Canonicis verò præbendas, quæ Obedientiæ appellantur,  
 non integrè percipientibus, præbendæ quàm citò se facultas  
 obtulerit, integrentur. Reliquis verò omnino expectanti-  
 bus, præbendæ seu Obedientiæ cùm vacauerint, nullatenus  
 assignentur, sed secundùm ordinem receptionis suæ, triginta  
 librarum Stephanienſium pensio pro singulis præbendis seu  
 obedientiis singulos contingentibus, ab Unito Capitulo annis  
 singulis persoluitur, præbendâ seu obedientiâ cuiuslibet apud  
 Unitum Capitulum remanente, donec dicta quadraginta-  
 quinque præbendæ vacauerint, & ad manus Uniti Capi-  
 tuli deuenerint: & tunc per Unitum Capitulum inter di-  
 ctos quadragintaquinque Canonicos æqualiter diuidentur.  
 Præterea domus, vineæ, redditus, & cætera bona dictarum  
 Ecclesiarum, à quocumque & quocumque modo teneantur, quæ  
 non sunt de corpore præbendarum, quæ vacant ad præsens, vel  
 quàm citò per mortem eorum qui ea possident, vel ex dona-  
 tione iam factâ possidere debent, seu alio modò vacauerint,  
 ad Unitum Capitulum reuertantur: uiuentibus tamen per-  
 sonis & Canonicis nullum per hoc præiudicium generetur,  
 quin ea, quæ in præsentiarum rationabiliter possident, ad vi-  
 tam suam licitè valeant retinere. Ultra quoque statutum  
 numerum personarum, & Canonicorum, nullus recipiatur  
 in Canonicum, & in Fratrem: nec dignitas, personatus,  
 vel officium alicui conferantur, donec prædicta redacta fue-  
 rint ad numerum constitutum. Electio autem Archiepiscopi  
 cùm pro tempore fuerit celebranda, in capellâ S. Eugendi  
 Ecclesiæ prædictæ sancti Ioannis immediatè adherenti, ab  
 Unito Capitulo celebretur, sicut hætenus fuit ordinatum.  
 Consuetudines quoque suæ in omnibus, & per omnia in dictis



*Ecclesiis obseruentur: ordinatis tamen per nos superius nihilominus exceptis, & in firmitate sua perpetuo duraturis. Ordinationem autem anniuersariorum, & aliorum, de quibus non ordinamus ad presens, dispositioni & ordinationi dicti Capituli duximus relinquendam: interpretationem & declarationem questionis & dubitationis, si qua super predictis, vel aliquo predictorum orta fuerit, nostro arbitrio reseruantes, ac retinentes nobis potestatem faciendi recompensationem Archiepiscopo memorato, super hoc, quod Archidiaconatus vnimus supradictos. Vniuersa vero & singula supradicta, in virtute prestiti iuramenti, & sub pena excommunicationis, quam ex nunc in scriptis, auctoritate qua fungimur, in contradictores ferimus & rebelles, precipimus inuiolabiliter obseruari. Datum Bellicen. II, Kal. Octob. Pont. Innocentij P P. II. anno undecimo.*

1153. *Transactionem hanc sigillo proprio firmavit Uvilelmus Archiep. sequenti Nouembri eiusdem anni posttridie Beati Martini: quam idcirco hic ad longum descripsimus, ut planior cuique esset Capituli Bisontini status: qui, quis hodieque sit, ut intelligas (est autem vix mutatus ab illo) habe sequentem indicem, ex tabulis Ecclesie Bisontinae.*

*Status Insignis Ecclesie Metropolitane Bisontinae.*

REVERENDISSIMVS DOMINVS  
ARCHIEPISCOPVS.

*Quatuor Dignitates.*

*Decanus Maior.*

*Archidia*



*Archidiaconus Maior.*

*Cantor Maior.*

*Thesaurarius.*

*Quatuor Personatus.*

*Archidiaconus Salinensis.*

*Archidiac. de Fauerncio.*

*Archidiac. de Grayaco.*

*Archidiac. de Luxouio.*

*Camerarius Domini Archiepiscopi.*

*Scholasticus, olim praeerat Scholis.*

*Canonici quadraginta tres. Erant olim 45, cum unita sunt Ecclesiae, sed dua praebeae ex eo tempore unita fuerunt Capitulo.*

*Succentores duo, cuique Ecclesiae suus.*

*Capellani 24, ad nutum Dominorum Canonicorum, pro seruicio Ecclesiarum; In quorum numero comprehenduntur;*

*Reclusus, Pœnitentiarius Archiepiscopi, in Monasterio sancti Michaelis.*

*Matricularij duo.*

*Secretarij duo.*

*Curatus S. Andrea.*

*Crucifer.*

*Magistri choralium duo, cum pueris decem in duabus Ecclesiis: sex in S. Ioannis; quatuor in S. Stephani.*

*Sequuntur Decani Rurales quindecim;*

*De Sextâ.*

*De Fauerncio.*

*De Salinis.*

*De Luxouio.*

*De Montanâ.*

*De Ajoia.*

*De Ledone Salnerij.*

*De Grangis.*



*De Neublanc.**De Rubeo-**De Dolâ.**monte.**De Grayaco.**De Palmâ.**De Treuâ.**De Varese.*

*In hisce Decanatibus sitæ sunt Abbatiæ, Prioratus, & Parochiæ totius Diœcesis. In summâ, in Bisontinâ Diœcesi sunt,*

*Abbatiæ XXVI.**Prioratus XCIV.**Parochiæ DCCCLXXX.*

Hic verò obiter monendum; etsi eâ sententiâ Hugonis Pontificij Legati, sapienter definitum est, ut Canonici vtriusque Ecclesiæ, sedandæ illius contentionis ergò, vna essent congregatio, vnumque corpus, suâque officia, & beneficia, in vnum conferrent: tamen Ecclesiæ S. Ioannis, suam (quæ eripi nullâ ratione potuit) relictam esse antiquitatis prærogatiuam: quæ cum aliquam maternitatis dignitatem inuehat (si de ipsius Ecclesiæ fundo loquamur;) non minùs certè nunc in illam, *Matris Ecclesiæ* nomen, ac dignitatem eo sensu quadrare existimandum est, quàm antè latam de vtriusque Ecclesiæ Canoniorum vnione sententiam.

Per hæc tempora duo erant Vefontione *Inclusi*, ut cognoui ex testamento *Theobaldi* cuiusdam Cantoris Ecclesiæ S. Magdalenes, qui anno 1254, *tribus Reclusis, Riuetæ, S. Stephani, & Boneuallis*, certam pecuniæ summam legauit. Vefontione habebant duo priores: & quidem *Inclusi S. Stephani* domus, etiamnum



num adiacet Ecclesiæ *S. Michaëlis*, in monte sancti Stephani: quæ *sancti Michaëlis* Ecclesia sanè peranti-qua est, & eius foundationem nullibi legi, etsi plurima inueni, & vetustissima illius monumenta; cuius-que dedicationem sic in veteri rituum codice notatam: *III Kal. Octobr. Dedicatio Basilicæ S. Michaelis.* Reclusus *Riueta* nullus superest, nec eius domus, quòd quidem sciam; nisi est *Eremus S. Leonardi*, quæ non longè à suburbio *Riueta*: Pendet ea eremus, certè peramœna, à *S. Vincentij Bisontini* Abbate; sed qui eam incolit, *inclusus* non est, quin ipse sibi stipem identidem emendicat, vnde victitet. Ad Guilelmum redeamus: Is Archiepiscopium reedificauit, cuius foribus statua eius apposita visitur, cum hac inscriptione:

VVILERMVS ARCHIEPISCOPVS


QVI FECIT HOC PALATIVM.

Rebus demum bene gestis, cùm per annos tres & viginti, Bisontinæ præfuisset Ecclesiæ, excessit anno 1268, 13 cal. Septembris: depositus est in capellâ *S. Nicolai*, quam ipse fundauerat, in ecclesiâ *S. Stephani*, sub æneo tumulo, hac epigraphâ: 1268.

*Quondam præfedi Cabiloni, Chrysopolique,  
Nunc cinis hic, Sedi iaceo subtractus utrique.  
Chrysopolitanus Pater hic iacet æthere dignus,  
Cuius larga manus, cor nobile, sermo benignus:  
Euitans fastus, pius, orans, corpore castus,  
Moribus ornatus, regnet sine fine beatus. Amen.*

LXVII.





## LXVII.

## O D O.

**W**ILHELMUS susceptus est Odo de Rubeomonte, qui Sede Apostolicâ vacante confirmatus est à collegio Cardinalium, diplomate dato *Viterbij*, 5 Idus Febr. cui appensa sunt octodecim Cardinalium sigilla. Frequens eius mentio in antiquis instrumentis; in quorum vno dato ad annum 1278 (quod à se visum me monuit D. Claudius Robertus, cuius suprà in Hugone primo, & inferiùs, in Quintino meminimus) Eudo appellatur: eâ chartâ Philippus de Viennâ; Dominus de Pagny, & de Seurre, de consensu Aleidis Domine de Pouilly matris, & Agnetis Burgundæ vxoris, & Hugonis primogeniti, donat ius Communie, & Maioritatis, mediante summâ 4000 librarum Viennensium, præsentibus Eudone Archiep. Bisuntinensi, & Roberto Duce Burgundiæ. Anno 1269, 17. cal. Nouemb. conuenit Odo Archiep. cum *Mone* Abbate Cluniacensi, super electione Abbatum, & visitatione monasterij Balmenfis: ex diplomate relato in bibl. Cluâ. dato Belnâ, præsentibus Henrico de Coys Cantore Bisuntino, Richardo de Valgrenant Archidiacono de Luxouio, Scholastico Bisuntino, & aliis. Odoni promisit obedientiam Henricus Basileensis Episcopus: ex chartâ anni 1280, datâ apud



apud *Insulam supra Dubium*, propè Abbatiàm *Loci-  
crescentis*. Sequenti verò anno 1281, in *craftino Inventionis* 1281.  
S. *Crucis*, dominicâ tertiâ post *Pascha*, dedicatum fuit ma-  
ius altare ecclesiæ S. *Magdalenes*, cum altari S. *Michaëlis*  
(in eâdem ecclesiâ sito) per R. Patrem *Odonem Arch.*  
*Bisuntinum*. M S. S. *Magdal*.

Anno 1301, reâdificata est S. P. Q. *Bisuntinum*,  
capella S. *Iacobi in Arenis*, extrâ muros ciuitatis, vbi  
olim sub Romanis fuerat *Amphiteatrum*: ex *diario*  
*ciuicæ domus*: eodémque anno 1301, *Odo Archiep. cu-* 1301.  
ratis per annos triginta tres Ecclesiæ suæ rebus, obiit  
9. cal. Iulij: ex *necrologio S. Joannis*: Iacet ante maius  
altare Ecclesiæ *Bellæuallis*, absque epitaphio.

Ad ænum *Odonis* pertinet hocce epitaphium,  
quod apud *Franciscanos*, *Arce sepulchrali* perho-  
norificâ inscriptum:

HIC IACET FRATER ELIAS, QVI  
OBIIT ANNO M. CC. LXXXV.

Eliam illum esse putant plerique, secundum Ge-  
neralem Ministrum Ordinis Minorum, quem Gre-  
gorius IX officio abdicauit, quòd *Friderico secun-*  
*do Imp.* schismatico adhæsisset; qui ex B. *Francisci*  
prædictione, obiit extrâ Ordinem, & tandem in mor-  
te pœnitens (ex libro, cui titulus, *Firmamenta trium*  
*Ordinum*, primâ parte, in memoriali Ordinis Mi-  
norum) socium ad Papam misit, & absolutionem prome-  
ruit, & in *Galliis* in ciuitate *Imperiali Bisuntinensi*, pro-  
uincie *Burgundia*, tunc *Francia*, in Conuentu fratrum Mi-  
norum,

nn

norum,



*norum, honorificè sepultus fuit. Næ, longæuius fuerit Elias hic, si à Generalatu, dum adhuc S. Franciscus viueret, suscepto, ad vsque annum 1285, inter viuos perstiterit: obiit quippe S. Franciscus anno 1226: vide an duos potiùs fratres Elias suspicere.*



LXVIII.


HUGO U.



DOMI substitutus fuit Hugo de Cabilone, filius Ioannis de Cabilone Comitis Burgundia, ex Dominâ Laurâ de Commercey, quæ sepulta est in Salinensi Franciscanorum templo. Is primùm à Bonifacio VIII institutus Episcopus Leodiensis (malè apud Golusium *Laodicensis*) anno 1296; sex post annis, ab eodem in Archiepiscopatum Vefontionensem euectus est: atque inter alia, quæ vel prudenter, vel piè gessit, Ecclesiam *Bellipratiz*, alterò aut tertio à ciuitate milliari, loco amœnissimo à se exstructam, opimis prouentibus dotauit, & egregiâ ornauit sacrâ supellectile: è 1316. viuis autem excessit circà annum 1316, quo adhuc Senatuscòsulto cuidam subscriptus legitur, vt nunc nunc, properante prælo, literis suis humanissimis nos adimonuit maximùs ille Aruernorum Præses, Apollinaris sui Genius, Io. Sauaro, qui iam pridem, vt Ruffus noster, vidit scripta de se carmina, & interfuit



terfuit posteritati suæ. Quod verò suprà Guilelmo II tribuimus epitaphium, nō defuere qui Hugoni V positum crederent, delusi verbis illis: *Quondam præfedi Cabiloni*: quasi verò Hugonis familiam, & non potiùs Guilelmi Cabilonensem Episcopatum designent.



## L X I X.

## VITALIS II.



**V**ITALIS natione *Vasco*, vir magnæ in rebus gerendis, tum auctoritatis, tum prudentiæ, Hugoni suffectus, sacra ossa SS. Epiphaniij, & Isidori, olim Vesontionem à Iuniore Theodosio missa, anno 1320, cum nonnullis ossibus Sanctorum Innocentium perhonorificè collocavit in capsâ argenteâ benè graui, & affabrè elaboratâ; quam dono misit *Ioanna* Regina Franciæ, filia *Othonis* Comitis Burgundiæ, ex *legendario S. Ioannis 4 Augusti*; in quam diem transfertur officium de Sanctis *Epiphanio & Isidoro*: cum tamen sacra eorum ossa, Vesontione accepta sint tertiâ Augusti, vt superiùs monuimus in *Celidonio*. Reposita autem putamus in eâ capsâ, à *Vitali* Archiepiscopo, *quinto nonas Octobris*; quâ die notatur in Martyrol. S. *Ioannis*, *Reuelatio S. Epiphaniij & Isidori in matrice ecclesiæ S. Ioannis Euangelistæ*. Vbique in Martyrologiis Bifon-

nn 2 tinis



tinis *reuelationem* inuenias pro *releuatione*: an mendium est exscribentium? an etiam *releuatio* Sanctorū ossium, quædam eorum *reuelatio* ac *manifestatio* est, dum ex obscuriore loco in ornatiorē transferuntur?

1321. Sequenti anno 1321, Ioannes *de Corcondrayo*, Scholasticus, & Canonicus Bisont. à duobus Græcis Episcopis, Auenione accepit interpretationem, quarundam Græcarum vocum, antiquo charactere inscriptarum, circa thecam, in quâ *S. Ioannis Calibita* venerandum Caput, in Bisontinâ *S. Stephani* ecclesiâ seruabatur: quo nomine Episcopi illi publicum instrumentum confecerunt Auenione, 17 Aprilis anno à Natiuitate 1321, Indict. 4, Pontifice Ioanne XXII. Ioannes ille *de Corcondrayo*, factus postea Decanus Bisontinus, obiit 22 Octobr. 1360: iacetque in sacello *S. Martini*, (cuius sacelli meminit *Aimoin. lib. 5, c. 25,*) in claustro ecclesiæ *S. Stephani*, tumulo conditus perhonorifico, multumque à terrâ eminente.

1324. Anno 1324, nonis Augusti, post vespertas, coram basilicâ *S. Ioannis*, erupit ex veteri aquæductu pridem sub terrâ delitescente, maxima aquarum copia: quod magnæ fuit ciuibus admirationi. *ex Martyrolog. S. Ioannis.*

1333. Obiit Vitalis, 6 cal. Sept. anno 1333: iacet apud *Franciscanos* ante maius altare: malè nonnulli, apud *Dominicanos.*

Eo verò *Vesontinam* regente Ecclesiam, *Bisuntinus* quidam Hugo, *de Bisuntio* dictus, *Parisiensem* gerebat



gerebat Episcopatum : in quo institutus cùm fuisset  
anno 1326, postridie octavarum Epiphaniæ, obiit 29 1326.  
Iulij, anno 1332 : *du Breul, in antiquit. Parisiacis* & pa- 1332.  
triæ memor, certam pecuniæ summam, pro anni-  
uersario suo annuatim pendendam, ecclesiæ S. Ioan-  
nis assignauit. *M S. S. Ioannis.*



L X X.

HUGO VI.

**V**ITALEM sequutus est Hugo, illustri *Vien-*  
*nenſi* familiâ oriundus, sed aliis humanis, di-  
uinisſque ornamentis longè illustrior: cui diu  
& magnis perfuncto laboribus, grati superſtites, in  
choro S. Stephani, ad ſiniſtram maioris Altaris,  
marmoreum egregio opere ſepulchrum excitarunt,  
hac inſcriptione :

HIC IACET VENERABILIS PATER  
DOMINVS HVGGO, DE VIENNA, QVONDAM  
ARCHIEPISCOPVS, QVI BIS VNTINAM  
ECCLESIAM REXIT ANNIS XXII.

OBIIT AVTEM IIII. IDVS MAII,

ANNO DOMINI M. CCC. LV.

1355.

¶ Eo verò ſedente, anno 1349, die ſextâ Martij, veſ- 1349.  
pertinis horis, templum S. Stephani iſtum eſt ful-  
mine, atque exuſtum cum adiacentibus ædibus Ca-

nn 3

noni



nonicorum : cuius rei testis est ænea lamina vetus,  
quæ ad ianuam basilicæ, sic inscripta:

*Mille, C ter, quater X, postea tres numera ter,*

*Mart. sexta luce, vespere iamque duce.*

*Tunc fuit ecclesia Sancti Protomartyris vsta,*

*Et nocuit cunctis Stephanistis fulminis ignis.*

Quibus versibus idem Gallicè sic notatum subiici-  
tur :

1349. *M. CCC. IX, & XL,*

*A vespere le VI de Mars,*

*Ceste eglise icy presente,*

*Et tous les hostels furent ars.*

Præteritis sæculis, cum ædificia plurima è ligno  
essent, frequentissima erant incendia : annis quippè  
1448, multæ montis Cælij domus, & Iussanum monaste-  
rium; 1452 magnus vicus, Burgi vicus & Macellum; 1460  
Vici S. Pauli & Carcerum; 1488 Vicus Clausi; 1510 Vicus S.  
Vincentij cū Ædibus Clarissarum; 1520 Monasterium Frä-  
ciscanorum; 1545 Vicus Arenarum; 1588 vici Batualium  
& Campi Rotundi conflagrarunt. Hinc iam pridem  
Edicto Gubernatorum sancitum est, vt quæcumque  
restaurarentur, aut de nouo excitarentur ædificia,  
ex quadrato lapide fierent; quod præter vtilitatem,  
maximam Ciuitati venustatem conciliauit.





LXXI.

JOANNES III.



JOANNES de Viennâ, Hugoni sufficitur ipso anno 1355, quo subscriptus iam inuenitur Vincentiano cuidam instrumento.

1355.

Anno 1360, tempore Innocentij Papæ

1360.

VI, 14 cal. Iulij, releuat Corpus S. Antidij Archiep. Bisontini, & Martyris; ut fert, præter alia monumenta, antiquus lapis retrò altare maius Ecclesiæ sancti Pauli, qui sic habet:


ANNO MILLENO, CENTVM TER, SEX  
VNA DENO,  
CVM HIS IUNGENDIS IVLII TER  
QVINQVE KALENDIS,  
ANTIDI FOSSA TOLLVNTVR DI-  
GNIVS OSSA,  
PONVNTVR CASSA, PER QVÆ SINT  
CRIMINA LASSA.

Illud *ter quinque*, versus causâ positum putamus; cum alioquin antiqui & optimæ notæ codices, in hoc omnes conueniât, releuatum esse corpus S. Antidij, anno 1360. 14 cal. Iulij. Anno 1361, 12 Maij, 1361.  
Ioannes de Viennâ, in sanctâ Synodo obtulit super altare sancti Ioannis, imaginem argenteam ad honorem

norem



norem B. Ioannis Euangelistæ, ponderis X I mar-  
carum, duabus vnciis minùs; *tabula sancti Ioannis*:  
eodémque anno translatus est ad *Metensem* Episco-  
patum: & quinquennio pòst, anno scilicet 1366, ad  
*Basileensem*; in quo obiit anno 1382, Bruntruti sepul-  
tus. Vir fuit planè militaris & contentiosus, qui fo-  
ri, atque armorum strepitu, (quod in Episcopo mi-  
rèrè) oblectari videretur: quæ bella cùm Basileensi-  
bus gesserit, referunt Stumpfius, Vrstisius, & alij  
rerum Basileensium scriptores: quas mouerit Me-  
tensibus lites, notat Chronicon Metense in *Augustâ*  
*Basilicâ sancti Arnulphi Metensis*, per Andréam Vala-  
derium Gallico idiomate nuper editâ: in quo ta-  
men Chronico illud emendandum, quòd Ioannes  
*de Viennâ*, ad Metensem Episcopatum à Bisuntinen-  
si Archiepiscopatu translatus dicitur anno 1371;  
cùm id toto antè decennio factum constet; ex hac  
nostrâ, & aliis Basileensium Episcoporum Chrono-  
logiis.



LXXII.

LVDOVICVS.




ILIVS fuit Henrici Comitis *Montisbeli-*  
*cardi*, atque ex Decano Archiepiscopus,  
nouem tantùm mensibus præfuit: con-  
ditus est in choro sancti Stephani, ad  
dextram maioris altaris, ex opposito Hugonis de  
Viennâ, hac tumuli epigraphâ:

HIC



HIC IACET REVERENDVS PATER  
DOMINVS LVDOVICVS DE MONTE-  
BELICARDO, QVONDAM ARCHIE-  
PISCOPVS BISVNTINVS, QVI OBIIT  
VIII KAL. AVG. ANNO DOMINI 1362.  
M. CCC. LXII.



LXXIII.


AYMO.

**H**IC illustri natus familiâ dominorum *de*  
*Villario-sexel*, ex maiori Archidiacono  
factus Archiepiscopus, ecclesiâ S. Stephani,  
quam sub Hugone VI flammis vastatam vidimus,  
magnâ ex parte restituit. Iacet in eâdem basilicâ,  
ante altare B. Virginis, prope sacrum, cum hoc  
epitaphio:

HIC IACET REVERENDVS PATER  
DOMINVS Aymo DE VILLARIO  
QVONDAM ARCHIEPISCOPVS BI-  
SVNTINVS, QVI OBIIT IV. IDVS DEC.  
ANNO DOMINI M. CCC. LXX. DEVS 1370.  
SIT EI PROPITIVS, AMEN.

LXXIV.





## LXXIV.

## GVILELMVS III.



VIT iste ex Illustrissimâ, & antiquissimâ  
*Vergeyorum* gente; è quâ *Manasses* ille Co-  
 mes Burgundiæ (cuius meminit Vignierus  
 in Chronico Burgund. anno 924.) fundator Mona-  
 sterij Vergiacensis, cui à *S. Viuentio* nomen: *Philippum*  
 Ducem & Comitem Burgundiæ, vinculis sacris ob-  
 strinxit, quòd contrà iura vetera ciuitatis Bisonti-  
 næ, monetam cudi faceret apud *Axonam*: ob id Dux  
*Audax* audacter eum tunc Giaci commorantem ob-  
 sedit; cuius furori, de suorum consilio, simul cessit,  
 & Archiepiscopatu, factus Cardinalis: de eo sic  
 Ciacon. in Clemente VII Antipapâ: Anno Domini  
 1391. Pont. 13. XVII. Kal. Maij, *Auenione*, *Clemens VII*  
*Unum creauit Anticardinalem*: Is fuit *Guilielmus de Ver-*  
*geyo*, *Gallus*, *Archiepiscopus Bisuntinus*, *Anticardinalis*  
*presb. tit. S. Catiliæ*. Obiit anno 1407. Ea erat turbulentis-  
 sima illius tempestatis conditio, quæ vix legitimam  
 à spurio, probatum ab adulterino secerni pateretur:  
 vt vitio vertendum non sit *Guilielmo*, quòd *Cle-*  
*menti Pseudopontifici*, bonâ fide adhæserit; à quo  
 alioquin eundem Cardinalatus honorem accepit  
*Thaumaturgus* ille *Petrus de Luxemburgo*, de cuius  
 non modò fidei integritate, sed & sanctitudine  
 eximiâ nemo sapiens dubitauerit.

LXXV.





LXXV.

## GIRARDVS II.

**G**IRARDVS *a' Athies*, nobili apud Picardos, familiâ oriundus, abdicatum à Guilielmo Archiepiscopatum suscepit: cuius ineunte Præfulatu, Bisontinum *Carmelitarum Conuentū* fundauit anno 1392, Ioannes *de Viennâ*, Eques, Dominus *de* 1392. *Rolans*, Admirallius Franciæ, & Ioanna *d'Oyselet* eius vxor, regnante Carolo VI, Galliarum Rege; *ex diplomate dato Parisiis*, 1392. Sodalitatem seu confratritiam Corporis Christi, in parochiali Ecclesiâ S. Petri institutam confirmauit dato diplomate ad quartam diem Nouëbris, anni 1399. Anno 1403, fundauit 1399 horas B. Virginis, in Ecclesiis S. Ioannis, & S. Stephani; *ex Calendario S. Ioannis*: alia plurima reliquit suæ 1403 virtutis monumenta, quæ breuitatis studio omittimus: Anno verò 1404, obiit Parisiis, 22 Nouembris: 1404. eius corpus sepultum est in Ecclesiâ S. Eligij, *Nouiomis*, vbi fuerat Monachus Benedictinus; cor autē (prout adhuc viuens præceperat) Vesontionem delatum, & in choro S. Stephani, sub insigni monumento reconditum, à parte dextrâ maioris altaris, infrà Ludouicum *de Montebelicardo*, cum hac inscriptione:

OO 2 HIC



HIC REQUIESCIT COR REVERENDI  
IN CHRISTO PATRIS, ET DOMINI  
D. GERARDI D'ATHIES QVONDAM  
ARCHIEPISCOPI BISVNTINI, QVI  
OBIIT PARISIIS, XXII DIE MENSIS  
NOV. ANNO DOMINI M. CCCC. IIII.  
ORATE PRO EO.



LXXVI.

## THEOBALDVS.



THEOBALDVS de Rubeomonte, Episcopus erat *Matifconensis*, annis 1390, & 1393, vt notat D. Seuertius in Chronologiâ: *Vien-nensis* verò Archipræsul, anno 1399, ex Ioanne à Bosco, ad calcem bibl. Floriacensis: denique Bisuntinus post Gerardum II.

Adiisse fertur aliquando terram sanctam, & redemptionis nostræ monumenta, ac Redemptoris vestigia adorasse: Sed & pro suâ in Beatissimam Dei matrem Virginem pietate, sacram illi prope *Gyacum* excitauit ædiculam, quam dicunt *Dominam nostram de Fonte*; vulgus *Nostre Dame de leffont* vocitat. Cùmque annis circiter 25, Bisontiæ præfuisset Ecclesiæ, 1429. obiit Romæ 16 Septemb. anno 1429; depositus est in basilicâ Principis Apostolorû, in sacello S. Thomæ.

Eo




Eo verò sedente, vidit Vefontio, magno suo, & rei Christianæ bono, duo illius ætatis lumina, *B. Coletam* Ordinis S. Claræ reſtitutricem, & *S. Vincentium Ferrarium*. Coletam (cui patria fuit Picardiæ vrbs *Corbeia*) in S. Claræ familiam adſcitam, prima excepit Biſontina Clariffarum domus, quam Tranſalpinarum omnium antiquiſſimam fuiſſe ferunt: in eâ verſari cœpit circiter annum Domini 1410, ex eâque, vt è capite reſtituti Ordinis, aliis monaſteriis, vel de nouo erigendis, vel ad priſtinam Inſtituti puritatem reuocandis prouidebat, de conſilio F. Hêrici de *Balmâ* confeſſarij fui, viri ſanctitate vitæ commendabilis, cuius oſſa in dictâ Clariffarum Domo piè aſſeruantur. Vitam B. Coletæ bene longam conſcripſit *Stephanus Iuliacus*, quam refert Surius, 6 Martij. 1410.

At verò Apoſtolicus ille *Vincentius* Ordinis prædicatorum, nobili apud Valentiam Hiſpanorum *Ferrariâ* familiâ natus, qui Europam prope vniuerſam doctrinæ euangelicæ prædicatione compleuerat, 4 Iulij, horis vespertinis, vacante Apoſtolicâ Sede, & Synodo apud Conſtantiam congregatâ, anno 1417, paucis antequàm ad cœlos euolaret menſibus (obiit quippe anno 1418, 5 Aprilis) Vefontionem ingreſſus eſt, magno diſcipulorum comitatu. Quotidie manè, in plateâ, quæ inter ædem S. Petri, & domum Ciuicam interiacet, altari ad id compoſito, ſacroſanctum Miſſæ ſacrificium offerebat; de quâ eius conſuetudine vide S. Antoninum 3 parte tit. 23, cap. 1417.



8, §. 4 : Missam excipiebat oratio ad populū, de Deo, diuinisq; rebus; sed ea adeò potens, atque efficax, vt mirabiles in audientium animis excitaret motus. Eius cathedra, concionum *μνημόσυνοι*, in Dominicanorum cœnobio hodièque asseruatur: *Brachium* verò iam defuncti, & in Sanctorum canonem auctoritate Apostolicâ relati, Vespotionem delatum est, & habetur in basilicâ S. Mariæ Magdalenes, cum reliquiis *Sanctæ Magdalenes, S. Ioannis Baptiste, S. Christophori, S. Sigismundi Regis, S. Laurentij, S. Theobaldi, S. Yvonis, S. Sebastiani, S. Blasij,* & aliis quamplurimis.



LXXVII.

## IOANNES IV.



IOANNES à natali solo dictus *de Rupeſciſſa* (viculus est, qui duobus circiter milliaris abest à Lugduno) cognomēto *Rothomagensis*, à Rothomagēsi, quod gessit Archiepiscopatu: in ecclesiâ Lugdunēsi à puero educatus, suam illi operâ pueri symphoniaci nomine multis annis præstitit: inde, vt erat acerrimo ingenio, ad studia literarū applicitus, tantos in eis profectus fecit, vt aliquot post annis, vtriusque Iuris Doctoratum sit consequutus. Constitutus deinde Officialis Rothomagensis, ad Episcopatum *S. Pauli*, & Patriarchatum Aquilegiensem promotus est in Concilio Constantiensi; quod



quod anno 1414, Nonis Nouembribus inchoatum, anno verò 1418, calendis Maij dissolutum est: postcà à Martino tertio (*quintum* vulgò appellant) qui Sedem Romanam tenuit ab anno 1417, ad 1431, translatus est ad ecclesiam Gebennensem; inde, non multò post, ad Parisiensem, cui cùm præsset, consecrauit Lutetiæ, anno 1424, 4 Mart. ecclesiam parochialem S. Petri *des Affis; du Breul in antiq. Parisiacis*: à Parisiensi subinde ad Metropolitanam Rothomagensensem ab eodem euectus est. Ineunte verò anno 1426, Pontificatus Martini V nono, S. R. E. Vicecancellarius constitutus est; & eodem anno 9 cal. Iulij, Romæ creatus est presb. Card. tt. S. Laurentij in Lucinâ; quod vtrumque munus ad mortem vsque gessit: Ciaconius in Martino V, cum præterea *Correctorem literarum Apostolicarum, & Patriarcham Constantinopolitanum* appellat. Igitur Theobaldo, anno 1429, 1429. Romæ defuncto, postulatus est à Capitulo Bisuntino in Pastorem *Ioannes*, tot clarus dignitatibus, tot perfunctus officiis: annuit Martinus V, & electum confirmavit in Archiepiscopatu Bisuntino; quem cùm annis fermè octo tenuisset, obiit 9 cal. April. 1437. anno 1437 (malè nonnulli eius obitum referunt in annum 1436, & alij in 1438.) Ciaconius in Eugenio IV, dicit mortuum Bononiæ in Legatione, ibique sepultum: vetusti Bisontini codices, conditum referunt in ecclesiâ Lugdunensi, sub humili saxo: at distinctius liber anniuersariorum S. Stephani, notat cum obiisse Bononiæ in Italiâ, Dominicâ in Ramis, sepul



sepultum verò in choro ecclesiæ Lugdunensis (habent quidam codices, *in navi*.) Biennio ante mortem, anno 1435, Indiēt. 13, Pontif. Eugenij IV, anno quinto, die 13 Septemb. conuenerat cum Capitulo Bisont. super celebratione quatuor anniuersariorum fuorum. *Calendar. S. Ioannis*. Longas cum ciuibus Bisontinis exercuit lites, cum quibus certis demùm conditionibus transegit, tractatùmque iniit, qui vulgò dicitur *Rothomagensis*.

1435

Eo sedente, Anno 1435, Iacobus Borbonius, Neapolis & Sicilia Rex, Vefontione factus est Franciscanus; ex Oliucio *de la Marche*, monument. cap. r. sepultus est in Ecclesia Clarissarum, in Sacello quod vulgò vocant, *la chapelle du Roy Iacques*, cum hoc Epitaphio:

1438

*Cy gist Iacques de Bourbon, tres-haut Prince & excellent, De Hongrie, Hierusalem, & Sicile, Roy Tres-puissant, Comte de la Marche, de Caſtre, & Seigneur d'autres pays, qui pour l'amour de Dieu laissa freres, parens, & amys, & par deuotion entra en l'Ordre de S. François, lequel trespassa le XXIII iour de l'an M CCCC XXXVIII: Priez pour son ame deuotement.*

Regius huius Sacelli Capellanus nunc est D. Philippus Chiffletius, Patruus meus, in quo, pro salute animæ dicti Regis, sacrosancta Regi aeterno non desinit offerre sacrificia.

LXXVIII.





## LXXVIII.

## FRANCISCVS I.



FRANCISCVS *Condemerius*, patriâ Venetus, Eugenij IV nepos, eius scilicet fratris filius, Protonotarius Apostolicus, & Vicecamerarius, ab eodē Eugenio, Romæ creatus presb. Card. tt. S. Cæcilie, anno 1431. Pontif. 1. 13. cal. Octobris; ac subinde tt. S. Clementis, & S. R. E. Camerarius (nam eodem anno 1431, pridie idus Nouembris, iam subscriptus legitur, tt. S. Clementis, in bullâ quadam Eugenij IV, quæ refertur in actis Concilij Basileensis): mortuo Ioanne de *Rupescissa*, duplicem eius dignitatem adeptus est, factus post eum, S. R. E. Vicecancellarius, & Bisuntinus Archiepiscopus constitutus ab Eugenio IV. Sed cum Cāonici Bisuntini, Decanum suum Ioannem de *Fruyno*, in Archiepiscopum elegissent (elegerant verò anno 1437, 24 Aprilis) mira omnium rerum fuit <sup>1437.</sup> perturbatio, dum duobus Officialibus ab utroque constitutis, anathemate utrinque certatur, & quod stringit alter, alter soluit: nonnihil in eo tumultu gestum refert M. S. codex S. Magdalenes, his verbis: *Anno à Natiuitate Domini 1438, more Romanæ Curie sumpto, die Iouis sanctâ, quæ fuit 10 mensis Aprilis, indictione primâ, Pontificatus Sanctissimi in Christo Patris, &*

pp

Domi



Domini nostri Eugenij, diuinâ prouidentia Pape quarti, anno eius octauo; in Ecclesiâ collegiatâ, & parochiali B. Mariæ Magdalenes Bisunt. de licentiâ & auctoritate Reuerendi in Christo Patris, & D. Domini Francisci, miseratione diuinâ tt. S. Clementis, S.R.E. presbyteri, Cardinalis Veneritarum communiter nuncupati, Domini D. nostri Pape Camerarij, & Archiepiscopi Bisuntini, Reuerendus Pater D. Petrus Episcopus Capuanensis, Ordinis S. Augustini, fecit officium, & cōsecrauit sanctum Chrisma, Oleum sanctum, & oleum infirmorum: quæ vnctiones remanserunt in sacratio dictæ Ecclesiæ Magdalenes, penes Matricularium eiusdem Ecclesiæ: & in eadem Ecclesiâ baptisabantur pueri per totam hebdomadam post Pascha: quod officium non fuit factum in Ecclesiâ cathedrali S. Ioan. Euang. prout consuetum erat, obstante processu, lite, & controuersia motis & existentibus, inter predictum R. Patrem Dominum Cardinalem, & Venerabilem, virum Dominum Ioannem de Fruyno, presbyterum, Decanum Bisuntinum, & huius ecclesiæ Canonicum, se dicentem electum, & confirmatum Archiepiscopum Bisuntinum per Concilium Basileense: quod Concilium fuit auctoritate Apostolicâ, à ciuitate Basileensi ad ciuitatem Ferrariensem translatum, de, & super Archiepiscopatu Bisuntino predicto. Acta fuerunt hæc, anno, die, loco, indictione, & Pontificatu quibus supra, Regnante Carolo Rege Franciæ, Philippo Duce Burgundiæ, ac etiam Sigismundo Imperatore nouiter defuncto, Ducéque Alberto Imperatore electo. Huic sedandæ procellæ, ita demùm transactum est, vt certâ pensione Ioanni de Fruino assignatâ, Franciscus ad Veronensem Ecclesiam transiret,

8c



& à Viennensi ad Bisuntinam Ioannes *de Norry*, de quo post paululum. Franciscus deinde Veronensis Episcopus, ex presbytero Card. tt. S. Clementis, creatus est ab Eugenio, Card. Episcopus Portuensis, & S. Rufinæ : quod factum puto anno 1446, quo anno Henricus *de S. Allosio*, titulum S. Clementis accepit. Obiit denique Romæ, anno 1453, nonis Septembris, sepultus apud S. Petrum in Vaticano. *Ciacon. in Eugenio IV, & Nicolao V.* At Ioannes *de Fruyno*, quinque post annis vitæ functus, nempe anno 1458, 14. Sept. conditus est in naui Basilicæ S. Stephani, hoc Epitaphio : Hic iacet Venerandus Pater, & Dominus Magister Ioannes *de Fruyno*, de Poligniac, in legibus Licentiat, Decanus & Canonicus, Electusque concorditer Ecclesiæ Bisuntinæ ; ac ecclesiarum, Tornacensis, Capellæ Ducis Burgundiae de Diuione, S. Anatolij, & S. Michaëlis de Salinis Canonicus, ipsius Domini Ducis Consiliarius, qui obiit anno M. CCCC. LVIII. XIV. Sept.



LXXIX.

JOANNES V.



IOANNES *de Norry*, ab Eugenio IV, à Viennensi Sede ad Bisuntinam translatus ; per procuratores suos receptus est in ædibus Archiepiscopalibus, à Gubernatoribus ciuitatis, anno 1438, 17 Aprilis : cum autem

pp 2

ipse

1438.




ipse Gyacum primò venisset, ibique interquiescens (ut erat affectæ iam ætatis) solemnem suum in ciuitatem ingressum cogitaret, contracto morbo excessit è vitâ. Eius corpus Gyaci conditum est, ante altare S. Symphoriani.

1438. Anno 1438, 18 Iunij, Capitulum Bisontinum ratam habuit vnionem Hospitalis S. *Brigide*, factam Cantoriæ Bisuntinæ: ex actis Capituli in quibus actis, 7 Decemb. 1530, dicitur fundatio illius domus nullibi reperiri: atque idipsum innuit vetustus, & anno 1363, conscriptus codex, in quo hæc habentur: *De institutione, seu fundatione domus S. Brigide, referunt antiqui, quòd fuit fundata, & instituta antiquitus ab ecclesiâ Bisuntinâ S. Ioannis, per Dominos Canonicos tunc existentes; non tamen pro Hospitali communi, vel tanquam Hospitali; sed solum ut ibi sustentarentur pauperes familiares ipsius ecclesiæ, antiqui, infirmi, & impotentes propter senium, vel infirmitatem, ibidem Deo famulaturi usque ad obitum suum: subdit deinde; processu temporis factum, ut alij quoque pauperes reciperentur: tum aliquot Rectorum illius Xenodochij nomina recenset, Andrea, Guidonis, Columbeti, Badeti Officialis Bisuntini, Simonis de Cromary, &c. sed ea Rectoris dignitas, vnita est Officio Cantoris, anno prænotato: nec superest amplius Xenodochium illud; sicut nec quod iuxta S. Antonij ecclesiam olim extabat; cum tamen alia non desint in tam piâ ciuitate, nempe, S. Spiritus Xenodochium, pro infantibus, à ciuibus Bisontinis erectum circa annum 1200: & S. Iacobi in arenis intra ciuita*



ciuitatem, paulò post, curandis agris, atque excipiendis ex itinere peregrinis destinatum.

Porro super altare S. Brigittæ, asseruatur eiusdem Beatæ fœminæ baculus quidam, quem clinicæ nostræ, puerperis auxiliari credunt.



L X X X.

## Q U I N T I N U S.

**Q**UINTINVS *de Flauigneio*, Eduensis diœcesis, cognomento *Menart* (vt me monuit, ex Necrologio S. Capellæ Diuionensis, D. *Claudius Robertus* Lingonensis presbyter, egregiâ pietate, doctrinâque vir) Canonicus & Thesaurarius S. Capellæ Diuionensis, Præpositus S. *Audomari* apud Belgas, *Philippi* Ducis & Comitis Burgundiæ à secretis, atque ab eodem ter ad Martinum V, semel ad Eugenium IV, itémque ad Nicolaum V, ad alios verò Franciæ, Angliæ, & Alemâniæ Reges ac Principes sapissimè, pro grauissimis negotiis missus Legatus: ex Episcopo Atrebatensi, Archiepiscopus Bisuntinus constitutus est anno salutis 1349. Canonicos in patrio suo solo *Flauigneio*, apud S. Genesium instituit, & annuis dotauit prouentibus: organa nobilissima curauit in ecclesiis Bisuntinis S. Ioannis, & S. Stèphani; quibus ecclesiis pretiosissimas vestes sacras, aliâque ornamenta contulit: domos Archie-

pp 3

pisco



1462. piscopales quamplurimas, vel labantes restituit, vel ab imo crexit: annis demum viginti duobus, & eo amplius in Archiepiscopatu exactis, obiit Gyaci propè octogenarius, anno 1462, 18 Decembris: eius corpus Vefontionem delatum, & in choro S. Stephani ad sinistram maioris altaris sepultum splendido monumento, cui hæc inscripta sunt:

HIC IACET REVERENDÆ MEMORIÆ REVERENDISSIMVS. IN CHRISTO PATER, ET DOMINVS D. QVINTINVS ARCHIEPISCOPIVS BISVNTINENSIS, QVI OBIIT DIE XVIII MENSIS DEC. M. CCCC. LXII.

Miram vitium feracitatem notant Bisuntina Chronica anno 1448, vt condendis vinis non suppetere vasa: & anno 1456, 15 Octobris, inauditam aquarum eluuiionem.



LXXXI.

CAROLVS.




AROLVS de Nouocastro, filius illustrissimi Ioannis de Nouocastro, primùm Episcopus Baiocensis, deinde anno 1462, pridie calendas Ianuarij, decimotertio die ab obitu Quintini, à Capitulo Bisuntino in Archiepiscopum electus



electus est, cum annos natus esset vnum non amplius supra viginti. Sequenti anno 1463, sextâ die Maij, pater eius *Ioannes* Vefontionem venit, possessionem Archiepiscopatus, filij nomine initurus: ac paulò post, die decimâ Iulij, eiusdem anni, Carolus ipse, magnâ vel illustri Burgundiâ ac Germaniâ virorum, qui in eius comitatu; vel Bisfontinorum obuiam prodeuntium pompâ, Vefontione exceptus est. Vetus palatium à Quintino reâdificari cœptum perfecit; & suæ diœcescos breuiarium, in meliorem ordinem digessit: fuit primus Abbas commendatarius S. Pauli Bisuntini, cum antea Abbates ex eâ Benedictinâ familiâ, seu potius Augustinianâ, præfici solerent. Anno verò 1498, octaua Augusti, Vefontione adfuere nuntij, qui de obitu *Caroli* Archiepiscopi, in partibus Normanniæ defuncti, admonerent: obierat ille, ut notatur in necrologio S. Pauli, 13 cal. augusti, postquam præfuisset annos 36. Vacante Sede, Pontificalia per totam diœcesim exercuit ex decreto Capituli, R. Dominus Episcopus *Thibeuadensis*, Suffraganeus Bisuntinus. Anno 1481, obierat Vefontione R. D. Iacobus *Clara-Vallis* Episcopus *Ebroicensis*, sepultus in angulo sacelli S. Agapiti, in Ecclesiâ S. Stephani.





LXXXII.

## FRANCISCVS II.



T primùm de *Caroli* obitu accepit Maximilianus Rex Romanorum, sequenti Augusto ad Canonicos Bisuntinos literas dedit, quibus rogabat, vt Petrum Bontemps Protonotarium Apostolicum, Carolo sufficerent: sed cùm mutato consilio idem Maximilianus Franciscum de *Busleyden*, in Archiepiscopum eligi postulasset, & accessissent *Philippi* Archiducis Austriae, Maximiliani filij commendatitiae, in eum  
 1498. cõsensere electores, die 12 Octob. anni 1498. Is patriâ Luxemburgensis, patre natus *Ægidio de Busleyden*, Equite Aurato, & *Philippi Boni* Burgundiae Ducis à consiliis, cùm esset præpollentis ingenij vir, & summae eruditionis, Philippo ex Mariâ Burgundâ Maximiliani Imp. filio magister datus, eam familiam, variis hæc illâc felicissimè gerendis rebus, plurimùm sibi deuinxit: quam ob rem ad *S. Lamberti* Leodiensis, ac *S. Donatiani* Brugensis Præposituras, aliasque dignitates euectus: vacante demùm Bisuntinâ Sede, (vti dictum est) Cæsaris, & *Philippi* Archiducis rogatu, ad eam absens (cùm in Belgio ageret) electus est; in eâque ab *Alexandro VI* confirmatus, ciuitatem festo omnium ordinum occurfu, & gratulatione  
 nc



ne ingressus est, non ante diem 16 Nouembris, anni  
insequentis 1499. Tanti fuisse dicitur apud *Philippum* 1499.

Archiducem, adultæ etiam ætatis, ut in rebus quibusque grauissimis eo inconsulto nihil vnquam decerneret. In aliis, quæ præclarè gessit Franciscus, illud censei solet, quod *Leuani Collegium trilingue* instituit, & illud quidem (addit Petr. Nannius, miscell. lib. 5, cap. 3.) quo nullum post hominum memoriâ extiterat in orbe Christiano prius. In quamplurimis præterea, tum Belgij, tum suæ diocesis Ecclesiis, diuina officia quotannis recurrentia instituit, magnis in eam rem collatis prouentibus. Cùmque anno 1501, Philippo vnâ cum vxore Ioannâ Ferdinandi Catholici Regis & Elizabethæ filiâ, in Hispaniam per Gallias & Parisios (vbi à Franco Rege honorificentissimè exceptus est) iter facienti comes accessisset, ibique arduis distentus rebus, ageret menses aliquot, designatus est ab *Alexandro VI* Cardinalis, ab eoque illi Cameracensis Ecclesia per id tempus vacans, in commendam data: sed paucos post dies febre correptus, huic honori simul & vitæ cessit, euocatus ad cœlitum tergeminus honores, quos sua illi virtus, & pietas pepererat. Obiit Toleti, 10. cal. Sept. anno 1502: corpus suum in cœnobio *Di-* 1502.  
*ui Bernardi* propè Toletum sepeliri voluit: cor verò, ad sponsam suam Bisuntinam Ecclesiam deferri: quod aromatibus conditum est, conditumque per honorificè in Bisuntinensi Protomartyris Basilicâ, in sacello S. Agapiti, *veteri Archiepiscoporum cœmeterio:*

q q sic



sic enim ab antiquo appellatum illud sacellum, frequenter in S. Stephani codicibus reperies; ex quo existimes velim, pleròsque omnes Archiepiscopos, quorum sepulturæ locum non indicauimus, in eâ S. Agapiti capellâ, communi Archiepiscoporum sepulchro depositos.



L X X X I I I.

A N T O N I V S I.

1502. **F**RANCISCO vitâ functo, electus est eodem anno 1502, decimâ die Octobris, Antonius *de Vergeyo* (è familiâ Guilelmi III,) annum agens ætatis decimumquartum: qui dum
1508. eruditur Dolæ (vbi anno 1508, 9 Februarij, primum lapidem maioris ecclesiæ B. Virginis posuit ritu solemni: *Golus. lib. 2, cap. 49:*) fuit interim administratio Archiepiscopatus penes Decanum & Capitulum; donec Antonius, cùm annum attigisset ætatis vigesimum quintum, ciuitatem Bisuntinam magnâ pompâ, anno 1513, 27 Augusti ingressus, suo Archiepiscopi munere fungi ipse cœpit.
- 1513.

Deinde Carolo V Imperatori, cùm adhuc tenerioris esset ætatis, datus est moderator, qui eius mores ad Christianam pietatem, & virtutes regias formaret. Ei verò Coadiutorem addidit in Archiepiscopatu Bisuntino, Petrum à Baumâ Gebennensem Episco



Episcopum Clemens VII, datis in eam rem literis Bononiæ, 12 cal. Febr. anno Domini 1529, Pontif. 7: 1529. quas literas Apostolicas, Ludouicus *de Rye*, Abbas monasterij *Albaripa*, ord. Cistert. & diœcesis Lingonensis, exhibuit in Capitulo Bisontino, die 17 Decemb. anni 1532, & nomine Petri à *Baumâ*, Coadiutoriæ possessionem accepit ritu consueto. 1532.

Anno 1539, die Lunæ post festum Resurrectionis 1539. Dominicæ, in ecclesiâ Metropolitanâ S. Ioannis Euang. Bisunt. Gubernatoribus ciuitatis, & maximâ cleri ac populi multitudine ibidem congregatis, R. Domino Franc. *Symard* Episcopo Nicopolitano & Suffraganeo Bisuntino Missam celebrante, post offertorium facta est, magnâ suauitate vocum, & totius officij maiestate, translatio sacrarum reliquiarum SS. Martyrum, *Ferreoli* & *Ferrucij*, de vetere in nouam capsam, per manus Domini Archiepiscopi Antonij *de Vergeyo*; ex actis Capituli Bisuntini. Eam capsam ex argento, vel mole, vel operis elegantia præcipuam, Gubernatores, & Canonici Bisuntini conflare curauerunt, vt notatur in actis Capituli, annis 1518, & 1525.

Sed vt ad Antonium redeamus; tantæ fuit commiserationis in ægros, eos maximè quibus angusta domi res erat, vt non modò suis sumptibus adsciscere soleret qui opem ferrent, sed ipse etiam persæpe ad eorum se ministeria abiiceret: tantæ in egen-tes, ac tam profusæ liberalitatis, vt ipsi (quod illustre sit testimonium) apud omnes, *Boni*, & *Patris*



*pauperum* cognomentum pepererit: dignum sanè pio Præsule, quòdque longè in illum, quàm in *Traianum* aptius quadret elogium; quippe qui id cùm gereret Pastoritij muneris, bonus esse magis, quàm haberi vellet. Ei, cùm annis propemodum quadraginta, maximæ tum claritati sanguinis, tum dignitati, maiora virtutum ornamenta copulasset, vitâ functo, & in basilicâ S. Stephani sepulto, sepulchralis hæc epigrapha posita est:

GENEROSORVM ET PAUPERVM REMEDIVM QVI FVERAT PRÆSENTISSIMVM HAC TEGITVR VRNA.

REVERENDISSIMI IN CHRISTO PATRIS AC DOMINI D. ANTONII DE VERGEIO QVONDAM ARCHIEPISCOPI BISVNTINI DEPOSITVM, QVI OB-  
1541. IIT XXIX DEC. M. D. XLI.

Atque vt videas, fuisse hanc in pauperes pietatem in eum hæreditario quasi iure transfusam, accipe vnus ex ipsius Maioribus *Theoloci* sepulti epitaphium:

*Cy gist Henry de Vergey, Cheualier, Sieur de Fouuens, & Seneschal de Bourgongne, appelé pere des pauvres, qui trespassa l'an M. CCC. XXX.*

Hoc est: Hic iacet Henricus de Vergeyo, Eques, Dominus de Fouuens, & Seneschallus Burgundiæ, dictus Pater pauperum, qui obiit anno 1330.

Porro



Porro Antonio tres fuere Suffraganci; D. Ioannes *d'Anuers*, Episcopus *Salonensis*, & Canonicus *Bisuntinus*, qui obiit 23 Nouembris, 1523: Petrus *Tasfard* Ord. Prædicatorum, Episc. *Chrissopolitanus*, qui obiit anno 1533: & Franciscus *Symard*, Doctor *Parisiensis*, Canonicus *Bisuntinus*, & Episcopus *Nicopolitanus*, qui è viuis excessit anno Christi 1554.

Antonio sedente D. *Ferricus Carondeletus* splendidissimum in ecclesiâ S. Stephani sacellum construxit, è quo ascenditur ad Theatrum S. Sindonis, in quo postea eius ossa condita sunt marmoreo monumento, cum hoc epitaphio:

D. Ferrico Carondeleto Archidiacono maiori Ecclesiæ Archiepiscopalis *Bisunt.* Abbati *Commendatario* B. *Mariae Montis Benedicti* in Comitatu *Burgundia*: *Præposito Furnen.* apud *Flandros*: *Caroli V Imp. P. F. Aug. Consiliario*, & *sue Majestatis Oratori* & *Commissario in Curia Romanâ*: D. Ioannes Carondeletus Archiepiscopus *Panormitanus*, *Cancellarius perpetuus Flandriæ*, eiusdemque *Imp. Consiliorum Belgicorum Præses Primarius*, suâ impensâ translatis ossibus in hoc sacellum ab ipso Ferrico prius constructum, hoc Monumentum fratri bene merito, cui in dictâ Abbatiâ successit, posuit & dedicauit: Obiit anno M. D. XXVIII, die XXVII Iunij, ætatis sue anno LV.





LXXXIV.

## P E T R U S.



ET RV M à *Baumâ* ( ea est illustris apud Burgundos familia ) Gebennensem Episcopum , Antonio *de Vergeyo* Coadiutorem datum vidimus , iam inde ab anno

1529. 1529 : is præcedenti anno 1528 , ipsâ illâ die mensis Augusti primâ , quæ B. Petro diuinitus vinculis erepto consecrata est ; cùm palàm scuiretur à sectariis in auitæ religionis professores , consultum scilicet sibi esse voluit , ac veritus capiti suo , Geneuâ noctis silentio clam elapsus , lacu Lemano , in suam sancti Claudij Abbatiam se recepit : elapso inde quinquennio , ne suorum oblitus videretur , cósque , si quo modo posset , ex hostium manibus eriperet , Ciuitatem Gebennensem adire constituit , vel cum vitæ discrimine : eam cùm ingressus esset primò Iulij , anni 1533 , postridie indicta est Clero omni ac populo supplicatio , quæ & frequens fuit , & , quod pro eo tempore vix credas , satis religiosa ; secundùm quam dato signo de mandato Episcopi , Magistratus iuxtâ , ac populus , pro foribus Basilicæ sancti Petri conuenère : ad eos Baillius Dolanus Episcopi nomine orationem habuit eloquentiæ plenissimam ; quam vt absoluit , tum verò Petrus à *Baumâ* , è medio virorum Nobilium , atque Illustrium



strium cœtu dicere aggressus, hoc primùm ex populo sciscitatus est, num se Pastorem agnoscerent; quibus vnâ voce se verò agnoscere profitentibus; *Viuite igitur, inquit, concordēs, & state in antiquâ fide in vos ab Apostolis, & eorum successoribus derivatâ*: plura ille in eodem argumento, quibus aded commoti sunt vniuersi, vt è vestigio præcipui quidâ è factiosis hæreticis in carceres coniecti sint: sed inualuerat potentiorum ex iis quorundam impietas: cogitari cœptum est de Episcopi nece, nocte intempestâ tentatâ non semel eius hospitij fores, ac penè perrupti aditus à sicariis; adeout, cùm nihil propiùs abesse sentiret Petrus, quàm vt in suo ipse hospitio iuglaretur, nec vlla ei reliqua spes esset curandæ præsentîæ suâ rei Catholicæ, furori apertisque insidiis cedendum putauerit, & Ciuitate excedendum; quod & fecit quamprimùm. Cùm autem anno 1535, 1535. Geneuenses abiectâ Catholicâ fide, Calvinianam superstitionem publicè professi essent (cuius infelicissimi consilij triste monumentum laminâ æream, inscripto suo de reformatâ religione profitendâ decreto, ante domus ciuicæ fores posuerunt) dictum est anathema ciuitati, & Dominicâ primâ Augusti, eiusdem anni 1535, Episcopi auctoritate, per omnes Diœcesis Ecclesias proclamatum, simul prohibitum, ne quid commercij causâ importaretur in ciuitatem, neque cum Gebennensibus commune quidquam haberetur, vt qui essent à fidelium communionē extorres. De totâ hac tragœdiâ legendus libellus




libellus Gallicus, qui inscribitur, *Le leuain du Calu-  
nisme*, simplici stylo conscriptus à quadam è Gēben-  
nensi S. Claræ Conuentu piâ moniali, quæ Geneuæ  
habebat tum, cūm hæc gererentur : prætereaque  
Florimundus *de Raimond*, lib. 7. historiæ hæreseon  
huius sæculi, cap. 17 : tametsi hic immeritò *Petrum*  
incuriæ ac somnolentiæ notat, quem ob Pastoris  
optimi munus in miserâ illâ sacrorum euerfione ritè  
obitum, & egregiam Catholicæ Ecclesiæ operam  
1539. præstitam, Paulus III, anno 1539, Pontif. 6, 14 cal. Ia-  
nuarij, creauit Presbyterum Cardinalem SS. Ioan-  
nis, & Pauli, tt. Pammachij.

1542. Igitur secundo Ianuarij, anni 1542, à calendis Ia-  
nuariis inchoati, quarto die ab obitu Antonij *de Ver-  
geyo*, postquàm ei parentatum est egregiâ pompâ,  
Franciscus *Bonuallot* Iurium Doctor, Ecclesiæ Bisun-  
tinæ Thesaurarius, & Canonicus, Commendatarius  
perpetuus Abbatix S. Vincentij, ac Cæsareæ Maje-  
stis Consiliarius, nomine Reuerendissimi in Christo  
Patris, & Domini D. Petri à *Baumâ*, Commendatarij  
perpetui Abbatix S. *Claudij*, & S. R. E. presb. Cardi-  
nalis, ad dignitatem Archiepiscopalem Bisuntinam  
(officio Coadiutorix dudum auctoritate Apostoli-  
câ sibi de consensu Antonij Archiepiscopi commis-  
sæ, per eiusdem obitum cessante) admissi, & rece-  
pti, repræsentauit literas Apostolicas dictæ Coad-  
iutorix, & pro D. Petro absente, Archiepiscopatus  
Bisuntini possessionem accepit, vt moris est, *ex actis  
Capituli Bisunt.* At Petrus iam tum senio grauis, im-  
petrauit



petrauit à summo Pontifice bullas deputationis in Administratorem, & prouisionis Archiepiscopatus, in fauorem Claudij à Baumâ, sui ex fratre Nepotis, datas Parmæ, 5 cal. Iulij, anno 1543, quibus Carolus 1543. V Cæsar adiunxit literas sui consensus, 2 Aug. eiusdem anni 1443 ac paucis post mensibus, nempe 4 Maij, 1544, obiit Petrus Arbofij, ibidem sepultus in 1544. ecclesiâ S. Iusti, prope Claudium fratrem suum, Equitem Velleris aurei, & Burgundiæ Marefchallum. Vtrūque malè plerique sepultum dicunt Ignyci, delusi fortasse ex eo, quòd illud ecclesiæ S. Iusti Arbofienfis, in quo iacent, sacellum, capella Ignycensis (sicut alicubi scriptum legimus) appellaretur.



L X X X V.

## CLAUDIUS III.



DEFUNCTO Petro, Canonici Bisuntini, quos latebat ius Claudio à Baumâ, ab Apostolicâ Sede concessum, Franciscum Bonvallot, in Archiepiscopum elegerunt, 16 die eiusdem mensis Maij, anni 1544. Prouocatum vtrimque ad Pontificem, & Cæsarem: ac 24 Sept. 1544, admissus est à Capitulo Administrator Archiepiscopatus stante lite, inter Claudium & Franciscum electos, Iacobus du Res, Decanus sancti Petri Insulani, à Carolo V Imp. & Mariâ Hungariæ Reginâ ad id muneris designatus: ita demum aliquo  
rr post



- post tempore transactum est, vt Francisci esset Administratio Archiepiscopatus, cum parte tertiâ prouentuum, ad vsque tempus, quo Claudius vigesimum quintum ætatis annum compleuisset; eaque transactio auctoritate Apostolicâ confirmata, Ventione publicè proclamata est, adstantibus, *Claudio* Archiepiscopo, & *Francisco* Administratore, ac multis Baronibus, & illustribus viris, die 8 Septemb.
1545. 1545: quâ die Canonici Bisuntini Claudium à *Baumâ* solemnî ritu in Sedem Archiepiscopale deductum, dato osculo pacis, & exactis de more Sacramentis, in Archiepiscopum summâ omnium consensione admiserunt: sed tenerioris cûm esset ætatis, quàm vt id muneris suscipere, datus est *Antonio Lullo* Theologo liberalibus excolendus disciplinis, dum penes Franciscum esset Administratio, prout conuentum erat: quâ pendente, anno Domini 1548,
1548. *Joannes Chuppin*, Canonicus S. Mariæ Magdal. Bisuntinæ, digitum indicem dextræ manus *S. Vernerij*, clarissimi apud Treuirenses Martyris, cum parte sudarij eiusdem, ex oppido Baccaracensi Treuirensis Diocesis, ad Ecclesiam S. Mariæ Magdal. detulit, ex *Ioannis* Treuirensis Electi, & *Friderici* Comitis Palatini licentiâ: tum Bisuntini viticolæ, magna pars plebis, bonis auibus *sanctum Vernerium* sibi patronum cooptarunt, ac sub eius nomine & patrocínio, pia sodalitas erecta est in dictâ S. Magdal. Ecclesiâ.
1556. Anno 1556, 3 Aprilis conuenerunt in Capitulum Bisuntinû Franciscus à *Baumâ*, Comes de *Mont-reuel*, & fra



& frater Claudij Archiepiscopi; Girardus de Rye, Eques, Dominus de Balançon; & Dominus Abbas de Rosieres, Procuratores Claudij à Baumâ; ac propositâ conuentione olim factâ declararunt, per Claudij aetatem cessare ex tunc Administrationem D. Francisco Bonvallot concessam: quod ipsemet præsens agnouit, & Administratoris officium vltro abdicauit: obiit deinde anno 1560, splendido tumulo conditus in sacello quodam S. Stephani, hac Epigraphâ:

Reuerendissimo in Christo Patri D. Francisco Bonvallot, Administratori quondam Archiepisc. Bisont. Abbati, ac D. Luxouien. S. Vincentij Bisuntini, & S. Mariæ Parci in Sicilia, Thesaurario ac Canonico huius Ecclesie: Item Caroli V Imp. August. & Philippi Caroli August. F. Hispaniarum Regis Catholici à consiliis Status rerum Burgundicarum, & libellorum supplicum Curie Magistro; qui amplissimis per Galliam, aliâsque prouincias legationibus, Caroli V Imp. iussu, summâ cum laude functus, de religione, & republicâ optimè meritus, graui demùm morbo ex assiduis laboribus contracto, non sine magno suorum, bonorumque omnium luctu deceßit, XV cal. Ianuar. anno post Christum M. D. LX. Domina Nicola Bonvallot, D. de Granuellâ soror, fratri chariss. moriens posuit.

Anno 1557, Ioannes Blanche-teste, ciuis Bisuntinus ædificauit, & consecrari curauit sacellum, in honorem S. Annæ, Vesontione, secundum viam Iulianî monasterij, nunc Minimorum: ex Epigraphâ.

Anno 1566, 8 Febr. Claudius à Baumâ declarauit




- Capitulo, velle se quamprimùm adire ad limina Apostolorum, cum *Antonio Lullo*, Vicario suo generali; eam ob rem Ecclesiæ suæ regimen obtulit Francisco *de Grandmont* Maiori Decano, qui consensu Capituli illud suscepit: at Româ reuersus Claudius
1571. anno 1571, cum Ciuitatem Bisuntinam ingressus esset die Octobris primavigesimâ, tertiâ post die, Octobris 24, Missam solemnem in Metropolitanâ sancti Ioannis Basilicâ, Pontificiâ Majestate celebravit, & sacrosanctæ Tridentinæ Synodi decreta, magno omnium ordinum concursu promulgari curauit, futura scilicet propugnaculi instar, aduersus imminens (nî Deus auertisset) hæreseos malum:
1575. anno quippè 1575, die 21 Iunij, hæretici Bisuntinam Ciuitatem subito conatu adorti (quâ de re pluribus parte primâ) magnum ciuibus terrorem incusserunt; in quibus propulsandis, vt totius ciuici Magistratus, & Francisci *de Vergeio*, Comitatus Burgundiæ Gubernatoris, qui tunc Vefontione; sic & Claudij à *Baumâ* egregia enituit vel prudentia, vel fortitudo: quâ de re cùm accepisset Gregorius
1578. XIII, anno 1578, Pontif. 6, die Veneris, 9 cal. Martij, cùm quintò Cardinales eligeret, absentem Claudium à *Baumâ*, Romæ creauit Presbyt. Cardinalem S. Pudëntianæ, *tit. Pastoris*: cuius tituli memor Claudius, & Pastoritij muneris, Romanam Curiam non adiit, ne in tantis Galliæ ac Germaniæ tumultibus, & hæreticæ impietatis, quæ per ea tempora quaquaersum spargebatur, periculis, suo ipse gregi



gredi deesset: in eâque curâ tamdiu perstitit, donec  
 anno 1584, die Iouis, 14, Iunij, Pastoris officio simul 1584.  
 & vitâ cessit, Arbosij, quo loco sepeliri voluit, in  
 Ecclesiâ S. Iusti, propè Claudium parentem suum,  
 Equitem velleris aurei, & Mareschallum Burgun-  
 diæ, ac Petrum à Baumâ, patruum suum, Cardina-  
 lem, & Archiepiscopum Bisuntinum.

His annis ferè quadraginta, quibus præfuit Clau-  
 dius, quatuor habuit Bisuntina Ecclesia Archiepi-  
 scopi Suffraganeos; Franciscum Symard, de quo su-  
 prâ, qui obiit anno 1554, & fuerat Episc. Nicopolita-  
 nus; Franciscum Richardot, Episcopum quoque Ni-  
 copolitanum, inde, vsque ad annum 1557, quo creatus  
 est Episc. Atrebatensis, eique suffectus in Officio  
 Suffraganeatus Bisuntini Nicolaus Garin Prior ma-  
 jor Monasterij, & Abbatix Cariloci ordin. Cister-  
 tiensis: cui deinde successit Ludouicus du Tartre,  
 Professor in Academiâ Dolanâ, Abbas Belenallis, &  
 Episc. Nicopolitanus.



LXXXVI.

## ANTONIUS II.



CLAVDIO successit Antonius Perrenotus,  
 dictus Cardinalis Granuellanus: is Vesontio-  
 ne natus Nicolai Perrenoti, Domini à  
 Granuellâ, Burgundi, viri domi, ac foris  
 clarissimi, & Caroli V Imp. Cancellarij filius, pri-  
 mùm

rr 3

mùm



mum in literarum otio, tum in publicis rebus ver-  
 farus, septem linguarum cum esset peritissimus, tan-  
 ta fuit animi vi, ut (quod fertur de Iulio Caesare.)  
 quatuor nonnunquam, aut quinque scribas, de ar-  
 duis reip. negotiis vario idiomate dictando fatiga-  
 ret: Canonicus primum Bisontinus, Abbas Atre-  
 batenfis, & Protonotarius Apostolicus; à Capitulo  
 1532. Bisuntino, anno 1532, 5 Martij receptus est Archidia-  
 1539. conus *de Grayaco*; deinde anno 1539, ciuitatis Atre-  
 batenfis electus Episcopus, in Tridentinâ Oecume-  
 nicâ Synodo (ad quam vnâ cum patre, à Caesareâ  
 Majestate missus Legatus conuenerat) orationem  
 habuit eloquentiâ plenam, de quâ Paulus Iouius  
 hist. lib. 45.

Commendatus postea Capitulo Bisuntino à Pau-  
 1541. lo III, datis in eam rem literis, 17 Febr. 1541, ad Ma-  
 ioris Cantoris dignitatem, è quatuor in Metropoli-  
 tanâ ecclesiâ præcipuis vnam, (quam nunc obtinet  
 Illustris ac Reuerendus D. Claudius *de Bauffremont*  
 Abbas Balernensis, ecclesiæ Bisuntinæ magnum  
 decus) post Franciscum *de Palude* electus est, anno  
 1542. 1542, 18 Octobris.

1554. Anno 1544, ad Caesaris secreta consilia adscitus,  
 ad Franciscum primum Francorum, & Henricum  
 VIII Anglorum Reges destinatus est Orator, qui de  
 pace ageret: de quâ etiam, eiusdem Caroli V no-  
 1555. mine dicturus, anno 1555, ad celebrem illum con-  
 uentum prope *Caletum* se contulit.

1559. Anno 1559, mense Iulio, in comitiis Gandauen-  
 sibus,



sibus, à Rege Philippo II Hispanias petituro indi-  
ctis, Regis ipsius nomine orationem habuit, de quâ  
*Michaël ab Iffelt*, in historiâ sui temporis: quo etiam 1559.  
anno, simul ab eodem *Philippo* Rege in Hispanias  
discedente, *Margaritæ* Austriacæ eius sorori, Belga-  
rum Gubernatrici, *Octaviij* Parmæ & Placentiæ Du-  
cis coniugi, datus est à consiliis; simul constitutus  
primus Mechliniensis Metropolitæ, & Antistitem  
Belgicorum caput; quippe cui non modò sex Suffra-  
ganei tâquam Metropolitano, sed duo insuper Me-  
tropolitani (Cameracensis cum quatuor, & Ultra-  
iectensis cum quinque Suffraganeis Episcopis) vt  
Primate subessent: quorum Episcopatum œcono-  
miam, & Episcoporum nomina ipsa refert *Michaël*  
*Aitfingerus* Austriacus, in indice personarum Leo-  
nis Belgici.

Ad hos honores accessit quasi pro colophone,  
apex Cardinalatus à Pio IV Pontifice, qui anno 1561, 1561  
4 cal. Martij, Antonium, Presbyterum Cardinalem  
tt. S. Bartholomæi in insulâ, mox S. Sylvestri, ab-  
sentem creauit: quæ purpura, quàm oculos inui-  
dentium perstrinxerit, quantæ anno 1562, & aliquot 1562.  
sequentibus, in Cardinalem excitatæ per Belgium  
procellæ, persequitur *Michaël ab Iffelt*, in introdu-  
ctione ad historiâ sui temporis: in vtraque scili-  
cet fortunâ probari fortem virum decebat, sed  
quem prospera non extulerat, nec aduersa prostra-  
uit: illud certum, nullâ firmiore columnâ stetisse in  
Belgio Catholicam fidem, quàm Cardinali *Granuellano*,  
quem



quem vel eo nomine sectarij, & auitæ religionis hostes, passim *Papistarum in Belgio Principem* nuncupabant.

1566. A Pio V, (qui anno 1566 Pontificatum est adeptus) translatus est ad titulum S. Anastasiæ; inde presb. Card. S. Petri ad vincula tt. Eudoxiæ, constitutus: à Philippo Catholico Rege, anno 1570, cum Cardinale *Pacieco* electus, vt de foedere Principum pro bello in Turcas suscipiendo ageret cum Pontifice, & Regni Neapolitani Prorex denunciatus; ac vexillum militare Christiano ritu benedictum (vtpote Legatus quoque Apostolicus) *Ioanni Austriaco*, susceptæ aduersus hostes nominis Christiani Turcos expeditionis Imperatori, dedit in manus, 19 cal. Septembris, anno 1571, in ecclesiâ Neapolitanâ Sanctæ Claræ.

Sub Gregorij XIII deinde Pontificatu, relicto Eudoxiæ titulo, & S. Mariæ trans Tyberim assumpto, tandem Card. Episcopus Sabinensis creatus est.

- Notat *Guil. Gazetus* in hist. eccl. Belgij, Ioannem *Hanchin*, per cessionem Antonij Perrenoti, inunctum fuisse secundum Archiepiscopum Mechliniensem, in vrbe *Tornaco*, penultimâ die Octobris, 1583: sequenti verò anno 1584, 25 Iunij, electus est Cardinalis Granuellanus à Capitulo Bisuntino, ad Bisunt. Archiepiscopatum, vacantem per obitum Claudij à *Baumâ* Archiepiscopi, 14 die eiusdem mensis Iunij, è viuis ablati.

Interim Cardinalis, qui pro suâ dignitate & meritis,



ritis, ad splendidissima quæque munia adhiberi solebat, interest Madriti, eodem anno, 12 Nouembris, inaugurationi Philippi III Hispaniarum Regis; vbi suæ Majestati, Euangelium & pacis osculum præbuit; Sacro verò finito, Principem ad summum altare manu deduxit, atque ibi à Cardinali Toletano, sacramento Confirmationis munitum, sacroque oleo perunctum, ad priorem locum reduxit.

Ineunte porrò anno 1585, 7 Febr. Vefontione adfuit Iacobus à *S. Mauritio*, maior Archidiaconus ecclesiæ Bisuntinæ, qui Cardinalis Granuellani nomine possessionem Archiepiscopatus adiret, consuetis ritibus in Metropolitanâ S. Ioannis basilicâ peractis: sed Bisuntinis Pastore suo frui non licuit; quippequi, cùm Siciliæ Prorex, & consilij rerum Italicarum summus Præses à Rege Catholico declaratus, Cæsaraugustæ in nuptiis *Caroli Philiberti* Sabaudia Ducis, & *Catharinæ Philippi II*, Hispaniarum Regis filia nati maioris, eodem anno 1585, sexto Idus Martij, ritus Matrimoniales celebrasset; sequenti anno 1586, 11 cal. Octobris, obiit Madriti in Hispaniâ, annos natus 72: eiusque corpus in *S. Philippi templo* apud Eremitanos S. Augustini depositum, ac Vefontionem postea translatum, apud Carmelitas, (malè nonnulli, in Metropolitanâ) in ossuario familiari, iuxta patris Nicolai Perrenoti ossa, qui 6 cal. Septembris, anno 1550, ætatis suæ 64, Augusta Vindelicorum è viuis excefferat, conditum est.

De tanto viro ( cuius prosequendis rebus vix in-

ff

stum



stum volumen sufficiat) plura *Ioan. Antonius Petramellarius* in continuatione *Onuphrij*, *Michael ab Iffele* in historiâ sui temporis, *Fulvius Ursinus* in epist. dedicatoriâ ad selecta *Polybij*, *Molanus* item in dedicatoriâ notarum suarum in *Vsuardi Martyrologiû*, *Aubertus Miræus* in elogiis Belgicis, & alij qui huius ævi historias Belgicas atque Hispanicas profequuti sunt.



LXXXVII.

FERDINANDVS.

**R**OSTRIDIE quàm animam exhalauit *Cardinalis Granuellanus* Archiep. Bisuntinus, dedit *Philippus II*, Rex Catholicus ad Capitulum Bisuntinum literas, quibus monebat de obitu Cardinalis; simul rogabat, cum sibi Pastorem adsciscerent, qui vitæ integritate suis præluceret, & *Franciscum de Grandmont*, Maiorem Decanum cõmendabat. 1586. Iis ergo literis, tertiâ die Octobris, 1586, publicè in Capitulo recitatis, prænominatus *Franciscus de Grandmont*, in Archiepiscopum electus est, die yndecimâ eiusdem mensis. Sed adfuit paulò post eodem anno, & mense, à *D. Ferdinando de Rye*, tunc Priore S. Marcelli, qui nomine ipsius, Capitulo Bisuntino exhiberet bullas Apostolicas *Sixti V*, quibus constabat, dictum *D. Ferdinandum de Rye*, auctori



toritate Apostolicâ prouisum esse de Archiepiscopatu Bisuntino, vacante in Curiâ Romanâ, per obitum prædicti Cardinalis, iunctis instrumento consecrationis, & receptionis pallij. Iis exhibitis Canonici, ut par erat, abiectâ priori suâ voluntate, *Ferdinandum* in Pastorem admiserunt. At *Franciscus de Grandmont*, maior Decanus, & Abbatiarum *Montis Benedicti*, ac *Fauerniaci* Commendatarius perpetuus, obiit anno 1595, sepultusque est in naui basilicæ S. Stephani, cui statim successit in Decanatu Illustris ac Reuerendus, D. Prosper à *Baumâ* Carilocensium Abbas.

Sedit igitur post Cardinalem Granuellanum, & nunc anno 1618, cum hæc edimus, sedet feliciter Illustrissimus ac Reuerendissimus Dominus, S. R. I. Princeps, *Ferdinandus de Rye*, filius Illustris ac Generosi Equitis D. Girardi de *Rye* Domini de *Balançon*, & D. *Ludouicæ de Longvy* Dominae de *Villaffans*, Abbas S. *Claudij*, & *Cariloci*, Prior *Arbosij*, *Gigniaci*, &c. piissimus & humanissimus Archipræsul, qui auitæ nobilitatis maxima decora, propriæ virtutis ac pietatis splendore illustrans, rem Ecclesiasticam adeò benè curauit, ut plures eo sedente, quàm multis retrò sæculis, Religiosæ familiæ tam in Ciuitate, quàm in Diœcesi Bisuntinâ receptæ sint.

Anno 1597, 26 Maij Clerici Regulares Societatis Iesu Vesontione recepti sunt, quorum industriâ & laboribus, auita Bisuntinorû religio ac pietas, felibus aucta est, augeturque in dies incrementis: à qui-



bus etiam erectæ scholæ, quæ vel priscarum municipalium, quibus (teste Aufonio) præfuit cantatissimus ille *Titianus*; vel earum, quas olim laudauit magnus *Petrus Damiani* Cardinalis Ostiensis, vel aliarum, quæcumque ab Imperatoribus, ab Archiepiscopis, a Senatu Bisuntino, variâ ætate, variisque ciuitatis regionibus institutæ sunt, facili desiderio leniant; quippe in quibus, non liberalibus modò disciplinis iuuenum animi, sed virtutum maximè ac pietatis ornamentis magno publicæ ac priuatæ cuiusque rei bono excolantur.

1598. Anno 1598, 4 cal. Aug. Ferrariæ, in secreto consistorio, coram Clemente VIII Pontifice Maximo, & Cardinalibus, Ferdinandus pro Serenissimo Principe Alberto, Archiduce Austriæ, & Gregorij Papæ XIII, Diacono Cardinali, Purpuram & Galerum Cardinal. dimisit, cum Albertus Belgicæ Prorex, Isabellæ Philippi III Hispaniarum Regis sorori, matrimonio iungi vellet. *Ciacon. in Greg. XIII, & Clem. VIII.*

1599. Anno 1599, Prospero à Baumâ Maiori Decano defuncto 7 Iunij, successit vnanimi Insignis Capituli consensu Illustris ac Reuerend. Dominus, D. Fr. de Rye, Illustrissimi Ferdinandi Nepos, Monasterij *Accincti* Ord. Cisterstiensis Abbas dignissimus; cuius præclaræ virtutes, tum in ecclesiâ, in quâ primam obtinet dignitatem illuxerunt, tum maximè in Aula Serenissimi Principis Alberti, in cuius Capellâ (ad exemplum Hugonis I, antequàm ad Præfulatum accederet, Rodulphi Regis Capellani) iam multis annis



annis, & magno labore defudauit.

Vno postmodum eodemque anno 1607, recepti 1607. sunt Vesontione *Minimi*, è familiâ S. Francisci de *Paulâ* (quibus Iussanum monasterium, quod *S. Mariam in Bisfontiono* vocat Aymoinus lib. 5, cap. 25, olim S. Donati æuo extructum, attributum est ad habitandum, & pia quæ ipsorum Instituti sunt, obeunda munia: ) & Minoritæ S. Francisci, vulgò *Capucini*, paupertatis sanctissimæ sectatores; quos vt Senatus, populûsque vniuersus, eleemosynarum largitionibus alendos suscepit, ita Illustrissimus Archiepiscopus nouis ædibus in campo Martio excitatis donauit: in quibus extruendis, varia ædificiorum rudera reperta, muri subterranei hinc inde in transversum positi, & cancellatim fornicati; aquæ item ductus, vetera numismata, ac varij marmoris frustra; quæ omnia insignem antiquarum ædium splendorem referebant: sed hæc, quòd propè quotidiana sunt apud Bisontinos, non fuere ipsis admirationi: at illud mirum contigit, vt fundamentis Ecclesiæ funiculo vtrique designatis, cum fodiendo ad tertium circiter cubitum peruentum esset, iacta iam olim firmissima, atque optimè materiata fundamenta, & sacro illi ædificio quasi cœlitus reseruata occurrerent.

Anno 1608, die S. Pentecostes, 25 Maij, in Ecclesiâ 1608. antiquissimi Monasterij B. M. Virginis de *Fauerné*, (Aimoinus loc. cit. anno Christi 870, *Fauerniacum* vocat) ord. S. Benedicti, Diœcesis Bisontinæ; cum indulgen



dulgentiarum tunc concessarum causâ, Sanctissimū Eucharistię Sacramentum in duabus hostiis ipsâ eadem die consecratis, argenteo Reliquiario vnus ad minimum marcæ inclusum, de more populo propositum fuisset: contigit, vt igne, quo fato nescitur, accenso, mensâ lignea, gradu, Tabernaculo, mappis, & aliis ornamentis absumptis, suppositoque marmore humi fracto, Reliquiarium graue, & metallicum cum duabus inclusis hostiis non modò illæsum, sed etiam in aëre suspensum, absque vllō sustentante corpore solido, remaneret; idque per spatium triginta trium circiter horarum; vsque ad horam scilicet decimam matutinam diei Martis, tertij festi Pentecostes; cum, vicino quodam Parocho, qui solemni supplicatione illuc aduenerat, Missam celebrante, & sacratissimam Hostiam, post primam eleuationem demittente, Reliquiarium ex se, sensim, & leniter descendit, rectaque Missali codici insedit, qui corporali contactus (vt cum maiori reuerentiâ exciperetur, si fortè decidèret) illi cum intermedio spatio fuerat suppositus. Quæ omnia visa sunt à quamplurimis inculpata vitæ, & integræ fidei testibus, quibus per inquisitores idoneos auditis firmatum miraculum, ad Dei O. M. gloriam & honorem, Ecclesiæ Catholicæ bonum & fidelium consolationem publicauit Illustrissimus Ferdinandus 1608. Diplomate dato Vesontione 10 Julij, anni 1608. Hostiarum miraculosarum vna Fauerniaci remansit: altera, iussu Serenissimorum Archiducum, Alberti & Isabel



Isabellæ, Burgundiæ Principum, Dolam Sequano-  
rum, maximâ pompâ, cum precibus publicis trans-  
lata est, in festo S. Thomæ Apostoli, eiusdem anni  
1608: cui deinde pius Aduocatorum cœtus, sub S. 1608.  
Yuonis patrocínio Dolæ pridem institutus, sacellū  
splendidissimum exstrui curauit, quod anno 1614, 1614.  
die 19 Maij, Reuerendissimus Ferdinandus ritu so-  
lemni dedicauit.

Anno 1610, 18 Aprilis, Arbosij, in capellâ S. Cru- 1610.  
cis, Ferdinandus assistentibus Guilelmo *Simonin* Co-  
rinthiensi, & Petro *Saulnier* Augustodunensi Episco-  
pis, consecrauit in Episcopum Lausanensem, Illustrē  
ac Reuer. Dominum, D. Ioannem *de Vateuile*, Mo-  
nasterij Charitatis Ord. Cistert. meritissimum Ab-  
batem, virum vt illustri familiâ natum, sic omnium  
virtutum ornamentis decoratum, qui suum quan-  
tumuis exiguum gregem, à luporum imminentium  
faucibus, summâ, quâ potest vigilantia defendit pius  
Pastor, simul dies ac noctes cogitans, quibus artibus  
aberrantes oues ad Christi pascua possit reducere.

Anno 1616, mense Sept. Sanctimoniales Carme- 1616.  
litæ, ex B. Matris *Theresiæ* normâ vitam agentes, ro-  
gatu Augustissimæ Imperatricis *Annæ ab Austria* (cu-  
ius preces delatæ ab Illustrissimo Domino Iac. Lu-  
douico Comite *de Fyrstemberg*, S. Cæsareæ Maiestatis  
ad Bisontinos Legato) decrero Senatus, ciuitate  
donatæ sunt.

Ferdinando tres hucusque fuere Suffraganei, *Ioā-  
nes Dorotheus* à summo Pontifice constitutus Suffra-  
ganeus



ganeus Bisuntinus, & Episcopus *Nicopolitanus*, datis literis Romæ apud S. Petrum, 7 cal. Sept. 1585: quo ad Lausanensem Episcopatum translato, successit D. G. *Simonin*, nunc Abbas S. Vincentij Bisuntini, creatus Archiepiscopus *Corinthiensis*: postremò id muneris suscepit R. P. D. *Claudius de la Barre*, è S. Francisci familiâ sacræ Theologiæ Doctor, & emeritus diuini  
 1616. verbi præco, quem Nouembri mense anni 1616, Reuerendiss. Archiepiscopus, *Ornaci, Andreuillensem Episcopum* consecrauit.

Hæc sunt, quæ de nostris Archiepiscopis, deque Antiquissimâ Bisontinâ Ecclesiâ, non sine puluere, ex vetustis monumentis eduximus: in quibus ad rectam temporum rationem aptandis, Petri Franc. Chiffletij, è Societate I E S V, fratris charissimi consilio, & auxilio vsi sumus. Epitaphia autem pleraque, quæ in Bisontinis Ecclesiis cõsultò omisimus, quòd ea cum aliis Sequanicis D. Guillelmus Belotus IC. Ledonensis, in eorum gratiam, qui talibus delectantur Epigraphis, breui, vt speramus, sit vulgaturus.

FINIS SECVNDÆ PARTIS.



# PLAUTVS IN

PERSA. Act. 4.

SA. *Quid id quod vidisti, ut munitum muro tibi  
visum sit oppidum?*

VIRGO. *Si incolae benè sunt morati, pulchrè  
munitum arbitror.*

*Perfidia & peculatus ex urbe, & auaritia si exu-  
lant;*

*Quarta inuidia, quinta ambitio, sexta obrecta-  
tio,*

*Septimum periurium. TO. euge. VIR. octaua  
indiligentia,*

*Nona iniuria, decimum quod pessimum aggres-  
sus scelus:*

*Hac nisi, undè aberunt, centuplex murus rebus  
seruandis parum est.*

et

INDEX





# INDEX RERVM

## MEMORABILIVM

Secundæ Partis.

A



- BBATIA S. Vi-  
ti. 176  
Abbates S. Stepha-  
ni. 195. 196  
Achardus primus Abbas S.  
Vincentij. 230  
Adonus Prior Luxouienſis  
coadiutor Archiepiſcopi  
Bifontini. 170. 171  
S. Agapiti caput. 105  
eius inuentio. 196  
S. Agapiti capella cœmete-  
rium Archiepiſcoporum.  
97. 115. 305. 306  
S. Agapitus miraculo ſanat  
Archiepiſcopum Bifont.  
188  
Aldalſinda monaſterij *de Bat-  
tant* prima Abbatiffa. 155.  
156  
Altaris S. Ioannis Euang.  
conſecratio per Eugeniũ  
III Papam. 242  
Altaris S. Stephani conſecra-  
tio per S. Leonem IX Pa-  
pam. 205. roſa in eo con-  
caua. 207. 208  
Altaris monaſterij *de Roſie-  
res* conſecratio. 256  
Altepetrenſis Eccleſia Clu-  
niacenſibus conceditur.  
238  
Amalgarius Dux Burgun-  
diæ. 155  
S. Anatholij Salinēſis Eccle-  
ſiæ reedificatio. 192. *ibid.*  
Canonicæ inſtitutio. 193  
eiufdem releuatio. 268  
S. Aniani deſcriptio. 49. *trãſ-  
latio.* 52  
S. Annæ ſacellum. 315  
S. Antidij viſio. 72. iter Ro-  
mam. 74. martyrium. 77.  
90. miracula. 86. 87. 88.  
89. *Trãſlatio* Ruffaco  
Veſontionem. 91. 92.  
eius hiſtoria comproba-  
tur. 93. 94. 95. Releuatio.  
287  
S. Antonij Xenodochium.  
300

Aquæ



## INDEX SECVNDÆ PARTIS.

- Aquæductus Bifont. 35.36. 107.284
- Archidiaconorum quinque in Ecclesiâ Bifontinâ ordinatio. 162
- Archiepisc. Bifontinus dignitate clarus. 85. nulli primati subest. 99
- B
- B**aptisteria in Ecclesiis Bifontinis quâdo instituta. 163
- Baptisterium S. Lini. 15
- Monasterij *de Battant* fundatio, reformatio, reliquiæ. 156.157
- Baudulphus miles S. Nectio infensus. 125
- Bellipratensis Ecclesia. 282
- Bernardus Gebennensis Episcopus visitat Ecclesiam Bifontinam. 255
- Bernonis Cluniac. Abb. ordinatio. 174.178
- Besuenensis cœnobij fundatio. 155
- Bethania cœnobium. 247
- Bonifacius Anglus Bifontinam Ecclesiam lustrat. 168
- Brachium S. Stephani furto surreptum miraculosè reperitur. 133. 134. in altari S. Stephani reconditur. 102.209
- Brachium S. Stephani Ventionem mittitur. 101. miraculo sanguinem emittit. 103
- S. Brigittæ sacellum. 23. Xenodochium. 300
- Brunechildis Regina Bifontinam Ecclesiam reedificauit. 128
- Burgundiæ Comites octo sepulti in S. Stephani ecclesiâ. 252
- Calixtus II Papa patriâ Bifontinus. 185
- Camborniacensis Ecclesia, Belleuallèsibus datur. 242
- Canonici ad monasterium S. Pauli vitæ strictioris ergò se conferebant. 167
- Canonicorû deprauatio sub Felice. 166.167
- Canonicorum S. Ioannis & S. Stephani de maternitate contentio. 37. 238. 262. Ecclesiarum vnio. 273
- Canonici septem S. Stephani olim Cardinales. 205. 206.207
- Capella S. Iustini de Camburniaco. 187
- Capucini Ciuitate donati. 325
- Carmelitarum Religiosorû conuentus fundatur. 292
- Carme



# INDEX SECVNDÆ PARTIS.

Carmelitæ Sanctimoniales	Æduensi.	225
ciuitate donantur. 327	S. Desiderati translatio, sarcophagus.	56.57
Carolus Caluus Imp. Vefontione transit, & S. Vincentij reliquias donat. 181	Dolanz Ecclesiæ prima ædificatio, & propter eam contentio.	140
Castrum Caroli Abb. 181	Dolanz Ecclesiæ lapis primarius ponitur.	306
Chronicum Antistitum Bifont. quis primus scripsit. 165	Dominicani Vefontione recipiuntur.	258
Clarissarum domus. 293	S. Donatus miraculo nascitur. 151. eius Ecclesia Vefontione.	161
S. Claudij vita. 139	E	
Clerici Regulares Societatis IESV Vefontione admittuntur. 323	Ecclesia B. M. Virginis de fonte excitatur.	292
Cœmeterium pro Ecclesiâ. 32	Ecclesia S. Martini de Tarceniaco.	183
B. Coleta Vefontione. 293	F. Elias. Franciscanus sepultus Vefontione. 281. 282	
S. Columbanus Vefontione 122. reos miraculosè è carceribus educit. 124	Eliphius Tullensis Martyr. 45. 61	
Columnæ montis Cœlij. 15. 16	SS. Epiphaniij & Isidori relevationio.	283
Comites octo Burgundiæ sepulti in S. Stephani. 252	Episcopi Gallici decem miraculosè conueniunt Vefontione.	102
Confratria corporis Christi in S. Petri cõfirmatur. 291	Eponense Concilium, duplex.	117. 118
Conradus Dux Bauariæ postulatus in Archiepiscopum Bifontinum. 261	S. Ermenfredi cranium. 260	
Constantij persecutio. 41	Eusebius Vercellensis Episc. 43. 46	
Consuetudo assidendi in locis sacris damnatur. 216	S. Eugendi Monasterium. 144	
D		
Dæmones humanâ specie visi in synodo.		

Fabæ



# INDEX SECVNDÆ PARTIS.

## F

**F** Abæ olim apponi solita in anniuersario Hugonis I. 221  
 SS. Ferreolus & Ferrucius Vefontionem mittuntur. 17. Eorum visio mirabilis 18. Martyrium. 20. 21. 22. 23. tempus 24. 25. 26. 27. 28. Inuentio corporum 46. 47. 48. insigne miraculū. 49. 50. Translatio. 117. collocatio in capsâ ligneâ deauratâ. 272. 273. in capsâ argenteâ. 307  
 SS. Ferreoli & Ferrucij villa. 62  
 SS. Ferreoli & Ferrucij Ecclesia. 48  
 Flauia S. Donati mater. 151. 154. 155  
 Fridericus I. Imp. Schismaticus. 246  
 Franciscani Ciuitate donantur. 265

## G

**G** Alla Patricia. 105. 106. 107  
 Gaufridus Archiep. submergitur. 269  
 Geneuenses Catholicam fidem abiiciunt. 311  
 S. Germani Martyrium. 58. 59. 60  
 Germanus Altissiodorensis

Vefontione. 100

Golliani Monasterij fundatio. 257  
 Grandifons oppidum. 58. 59  
 Guido Archiepisc. Bifont. nō fuit Papa Calixtus II. 185  
 Guilelmus Comes Burgundix Pater Hugonis III. 229  
 Guntranni Regis somnium. 64. 65

## H

**H** Æretici Vefontionem aggressi propulsantur. 316  
 Halinardi Archiepisc. Lugd. consecratio. 104  
 Helena Constantini mater Vefontione. 34. 35. mittit Dalmaticam cum parte sanguinis S. Stephani. 38  
 Herberti Schismatici miser interitus. 248  
 Henricus de Balmâ. 293  
 S. Hilarius Arelatensis Vefontione. 99. 100  
 Hugonis Abb. Cluniac. consecratio. 209  
 Hugonis primi diploma insigne quod testamentum vocant. 199  
 Hugo primus in Synodo Remensi miraculosè obmutuit. 110. adest inūctio-  
 ni Philippi I Francorum  
 Regis



## INDEX SECVNDÆ PARTIS.

- Regis. 211. sibi sepulcrum viuens parat. 215. 222. 223. 224
- Hugo II. suspenditur ab officio. 226
- Hugo de Bisontio Episcopus Parisiensis. 284. 285
- I
- Iacobus Borbonius fit Franciscanus Vefontione. 296
- S. Iacobi Capella in arenis. 281
- Iacobus Claræ-vallis Episcopus Ebroicensis obit Vefontione. 303
- S. Iacobi Xenodochium. 300
- Incendia olim Vefontione frequentissima. 286
- Insignis Ecclesiæ Bisontinæ status. 276. 277
- S. Ioannis Baptiste Ecclesia. 30. 162. 163
- S. Ioannis Calibyræ caput Vefontione. 284
- S. Ioannis Euang. Ecclesia. 32. 35. 36. 41. 96. 97. 175. 176. 220. 289
- Ioannes de Vvattenille Lausanensis Episcopus consecratur. 327
- Iuliani Imp. transitus Vefontionel. 43. 44. 45
- Iurense fratres. 139
- Iussanum Monasterium. 154
- L
- Edo Vicus: Ledonenfis Ecclesia. 55
- Lambertus Lingonensis Præpositus curatur miraculo S. Stephani, Vefontione. 136. 137.
- Landerici Lausanensis Episcopi consecratio. 243.
- S. Laurentij Ecclesia. 97. 212. 213. 214
- S. Leonardi Eremus. 279
- S. Linus Vefontionem aduentat. 10. baptisterium constituit. 11. deturbat columnam Idolij. 11. fuit successor Petri. 12. 13. scripsit acta SS. Petri & Pauli, quæ habentur sincera Vefontione. 14
- M
- Macarius Episc. Hierosolymit. cõcessit S. Helenæ reliquias S. Stephani. 38. 39
- S. Magdalenes Canonicæ institutio. 212. 213. 214. maioris altaris dedicatio. 281. Chrysmatis cõsecratio. 298
- S. Maimbodi Martyris translatio. 183
- S. Maiolus Abbas Cluniac. ad sedem Bisontinam vocatus.



INDEX SECVNDÆ PARTIS.

- catur. 186  
Martyres præcisa capita sæpe gestarunt. 61  
Martyrum Ecclesiæ propè Vesulium fundatio & consecratio. 234  
S. Mauritij Ecclesia fundatur. 51  
S. Maximini festus dies. 30. sepultura, sacellum, eremus. 31  
S. Michaëlis Ecclesia pro Recluso. 279  
S. Migetij ante obitum visio mirabilis. 164  
Minimi Vefontione recepti. 154. 325.  
Miraculum Fauerniacense. ibid.  
Missæ trium Euangeliorum. 33  
Monasterium *de Battant*. 156  
157. 262  
Monasterium in Colle Diana. 97  
Monasteriorum vrbs reparatio. 175  
Monasterium quid Gallis. 138  
  
N  
S. Nicetius Archiepisc. Bifont. est alius à Treuirensi. 127  
S. Nicetius Luxouium, Anagrates, & fontanas adit.  
121. sepultus est in sancti Petri. 123. 127  
O  
S. Odonis Abb. Cluniacensis consecratio. 186. 187  
Odonis Cluniac. Abb. consecratio. 177  
Oliuerius Abbas Luxouien- sis Vicarius Archiepiscopi Bifont. 250  
Onnastus Tribunus S. Linu excipit. 10. 11  
S. Othilia virgo Palmæ educatur. 66  
  
P  
Palmensis monasterij fundatio. 61. 63  
Palmensis vrbs insigne. 65  
Pauliacum villa. 182  
S. Pauli monasterium. 152. 153. 178. 194. 197. 198. 201. 226  
S. Petri Ecclesiæ fundatio. 33. multi sancti in eâ sepulti. 52. 53  
SS. Petri & Marcellini ædificatio. 165  
Petri Venerabilis consecratio. 240  
S. Petrus Archiep. Tarentinus. 246  
Petrus Damiani iter habet per Vefontionem. 212  
S. Protadius librum rituum con



# INDEX SECVNDÆ PARTIS.

conscript. 131. 132. trans-  
latio ossium eius. 132

**Q** Vintini Ecclesia.  
196. 197

**R** Eclufi olim duo Ve-  
fontione. 278. 279

Rogerius Episcopus Lausa-  
nensis Diocesim Bifonti-  
nam lustrat. 249

S. Romanni præsbyter ordi-  
natur. 99

Rosa altaris S. Stephani 207.  
208

Roseriani altaris consecra-  
tio. 256. Monasterij fun-  
datio. 257

Ruffacum vel Ruffeium ca-  
strum. 80. 88. 91

**S** Anctimariani monaste-  
rij fundatio. 257

Sanguis S. Stephani Vefon-  
tione, Biturigæ, Colonia,  
Neapoli. 110. 111. 112

S. Sindon Christi Vefontio-  
ne. 108

Sirudis S. Donati soror. 153.  
154

S. Spiritus Xenodochium.  
300

S. Stephani Ecclesia in supe-  
riori parte mōtis inchoa-  
tur. 40. promouetur. 41.

perficitur. 53. 54. reædi-  
ficatur. 128. 189. 190. 195.  
fulmine exurit. 285.  
286

S. Stephani Inuentio cur ce-  
lebretrur 3 Aug. 112. 113

S. Stephani miracula Vefon-  
tione. 134. 135. 136. 137

Stephanus Bellicensis Epif-  
copus, Vicarius Berenga-  
rij Archiep. Bifont. 183

S. Syluestri festum & trans-  
latio. 51. 52

Synodus habita Rhemis. 158.  
159

**T** Hebanæ legionis deci-  
matio. 31

Theodoricus II Hierosoly-  
mam proficiscitur. 249.  
250

Trenortiana Synodus. 184.  
185. alia nondum à quo-  
quam edita. 238

Tridentinæ Synodi decre-  
ta Vefontione publican-  
tur. 316

**V** Alclufensis Ecclesia.  
237

Vvandalenus Dux Burgun-  
diæ, pater S. Donati. 151.  
155.

Vvandalorum & Hunno-  
rum persecutiones apud  
autho



# INDEX SECVNDÆ PARTIS.

autores confusæ.	68.69	S. Vincentij Monasterium.	
Vvarnarius Comes sepultus			226.227.230.232
'Palma.	63.64	S. Vincentij reliquiæ.	181
S. Vernerij Martyris reli-		Visio SSS. Felicis, Fortunati,	
quiæ.	314	& Achillæi.	17.18
Vesontio à Barbaris flammis		Vnio Capitulorum S. Ioan-	
absumptra.	174	nis, & S. Stephani.	273
Vicus Martyrum.	23		
S. Vincentius Ferrerius Ve-		X	
fontione.	293	Enodochia Bisontina.	
			300.301

## FINIS INDICIS II. PARTIS.

EXEM



*EXEMPLAR APPROBATIONIS  
Dominorum Gubernatorum.*

**N**os Gubernatores Ciuitatis Imperialis Vefontinae, quia bene constituta Reip. salutem, & securitatem nouimus, vt malefactorum poena, sic benemeritorum praemiis & mercede subsistere; nec utilitati publicae melius posse consuli, quam si morum integritate, & doctrinae gloria praestantibus viris munia publica deferantur. Eapropter, solita cura, & diligentia Ciuitatis nostrae incolumitati prouidentes, quia iam inde post luctuosam mortem Nobilis, & eruditissimi Domini Ioannis Chiffletij Collegae, & Archiatri nostri, valetudinis publicae praefecturam vacuam esse perspeximus: Ideo ne pestilentiae forte, aut popularium morborum grassante sauitia, tam necessarij muneris inopia laboretur; Nobilem, & eruditum virum D. Ioannem Iacobum Chiffletium, non patriam modò, sed propriam quoque virtute clarum & commendabilem, eiusdem dignitatis apice, & Archiatri Bisontini titulo, praesenti diplomate declaramus. Quo quidem munere praedictum D. Ioannem Iacobum Chiffletium tanto censuimus esse digniorem, quia Patris amissi detrimentum artis medicinae multam peritiā, & labore penset, suumque erga Ciuitatem nostram studium, & amorem ipsis rerum documentis obsequiisque pluribus comprobarit. Nos igitur tum & Patris, tum  
ipsum



339

ipsius meritis, atque virtutibus, pio, & æquabili vo-  
 to suffragantes, eundem Dominum Io. Iacobum  
 Chiffletium, Ciuitatis nostræ Bisontinæ Archiatrum  
 eligimus & pronuntiamus; itavt omnibus præro-  
 gatiuis, immunitatibus gaudeat, quæ Diuorum Cæ-  
 sarum constitutionibus, & Ciuitatis nostræ mori-  
 bus, atque institutis primariis Medicis, siue Archia-  
 tris conceduntur, & antea præstita, in posterum com-  
 petitura sunt: Intellecturis omnibus hanc prætereà  
 dicto Domino Ioanni Iacobo Chiffletio Archiatro  
 à nobis dari Prouinciam, vt hospitum, peregrinan-  
 tium, pauperum domos, & Ciuitatis Xenodochia  
 inuisat, ægris subueniat, erigat imbecilles, & cæte-  
 ra publicæ Charitatis officia exequatur, tum vt me-  
 dicantium & Circulatorum hominum, si quando hæc  
 in Ciuitatē aduenerint, peritiā, & professionem, post  
 impetratum à nobis mandatum, exploret; vnguen-  
 ta, medicamina, cæterasque merces expendat, nec  
 ipsorum quisquam in publicum vendere, aut men-  
 sam exhibere possit, quàm (ex nostrâ expressâ cõ-  
 missione, & decreto) prædicti Archiatri nostri exa-  
 mine, & habitæ ad nos relationis fide approbetur.  
 Insuper librum prædicti Archiatri nostri, cui Titu-  
 lus VESONTIO, hoc eodem diplomate appro-  
 bamus; quia nihil in eo Reipublicæ, aut bonis mo-  
 ribus contrarium inuenimus, sed dignissimum qui  
 prælo mandetur communi voto censuimus. In quo-  
 rum omnium fidem, & indubitatum testimonium  
 præsentēs literas sigillo nostro, & Secretarij nostri  
 u u 2                      syngra



syngraphâ muniri mandauimus. Actum Vefontione,  
Calendis Martiis, anno Christiano, millesimo  
sexcentesimo decimo quarto.

D. GALIOT.

---

APPROBATIO THEOLOGORVM.

**E**Go infra scriptus artium, & Sacræ Theologiæ  
Doctor, Guardianus Conuentus Minorum Bi-  
fontinensium, attentè legi librum Domini Ioannis  
Iacobi Chiffletij Patricij, Consularis, & Archiatri  
Bifontini, cui Titulus VESONTIO: nec in eo  
quicquam orthodoxæ fidei, & bonis moribus con-  
trarium reperi. Idcirco luce dignum iudicaui, Ve-  
fontione vigesimo primo Februarij, anno millesimo  
sexcentesimo, decimo octauo.

FRATER IOANNES CHAPVSOT.

---

**O**pus hoc integrum eximij Domini D. Ioan. Iac.  
Chiffletij, Patricij, Consularis & Archiatri Ve-  
fontini summâ, quâ potui, attentione, perlegi; nihil-  
que in eo, aut Catholicæ fidei, aut bonis æquisque  
moribus, aut Principibus contrariū reperi: quinim-  
mò dignissimum iudicaui quòd mandetur typis, &  
in lucem, ad communem omnium vtilitatem (præ-  
sertim populo acclamante Vefontino) prodeat: ne  
deinceps lumen hoc tam diu absconditum, quàm  
ab omnibus desideratum lateat. Vefont. è Con-  
uentu



341  
uentu sacri Ordinis Minimorum, hac luce 7 Martij  
D. Thomæ Angelico Doctori sacrâ, anno Dom.  
Incarn. 1618.

FR. ANDREAS BAIRD M.  
in sacrâ Theologiâ lector.

Opus hoc Ioan. Iacobi Chiffletij, vt luce, &  
laude dignum. In prophanis enim author ve-  
rè Catholicus, nihil à fide Catholicâ & Ortho-  
doxâ alienum dicit: de sacris sincere & verè agit:  
Ita censeo. Actum Lugduni vltima April. 1618.

FR. ROBERTVS BERTHELOT  
Episcopus Damasci.

Vesontionis Chiffletianæ alteram partem rerum  
profanarum, sacrarum alteram, semel iterum-  
que legendo decurrimus: illam quidem plenissi-  
mam veteris ac politæ eruditionis: istam verò sin-  
ceræ & antiquæ Religionis illustribus monumentis  
refertissimam: neutram ab Ecclesiæ Catholicæ pro-  
nunciatis vllâ in parte alienam: vtramque auitæ  
Sequanorum virtuti, & eiusdem gentis principum  
Vesontionensium ciuium gloriæ ad posteros lucu-  
lentiùs propagandæ peridoneam: vt neque argu-  
menti dignitas, neque industria Scriptoris fraudari  
publicâ luce diutiùs posse videantur. Lugduni No-  
nis Iuniis CIO IDC XVIII.

PHILIBERTVS MONETVS  
de Societate IESV.

uu 3

PER



PERMISSION.

**V**Eu les Approbations des Docteurs cy deuant  
inferées; permis à Claude Cayne, d'imprimer  
le present Liure, intitulé *Vesontio*. Auec deffences à  
tous autres en tel cas requises. Fait à Lyon, ce 9.  
Iuin, 1618.

SEVE Lieut. General.

INDICVLVS ERRATORVM.

**O**Prabam summo pere, Lector, vt episculum hoc ex autographo meo sanum  
tibi prodiret: sed quia ob præli festinationem, mea, quæ memoriter tenebam,  
raptim relegere, ac mente potius, quam oculis percurrere coactus sum; præter vi-  
tia *iplogragias*, irrepsere contra votum aliquot hæui, quos pro tuâ beneuolentiâ  
expungas precor. Primâ igitur parte pag. 10. lineâ 1, lege *prisco*: 14, 27, *nephritica*:  
28, 3, *Catamanealedu*: 31, 18, *transiuit*: 71, 17, *de quo*: 83, 9, *caput xxiv*: 86, 2, &c  
87, 14, *supra*: 88, 15, *sive*: 102, 6, *municipum*: 103, 13, *armu*: 114, 12, *parentes*:  
136, 5, *lib. 1*: 192, 22, *cap. 1*: 21, 18, 8, *Stradensis*.


Parte secundâ, pag. 8, lineâ 2, *sermone* 17: 18, 20, *conualescamus*: 21, 19, *cruciatibus*:  
21, 24, *flagellarentur*: 26, 6, *vultus*: 57, 1, *circumspeltum*: 71, 5, *confertam*: 93, 1, *Sargi*:  
104, 28, *prafata*: 131, 3, *mysterium*: 158, 24, *anno 632*: 162, 4, *mar'yribus Petro*: 180,  
13, *Trecensi*: 201, 23, 12, 58: 202, 25, 12, 58: 212, 2, *dele aug*: 251, 23, 12, 91: 264, 9, *nemi-*  
*netur*: 264, 16, *fuisse*: 281, 7, *readificata est per*: 291, 3, *d'Albini*: 294, 4, *consonum*:  
294, 17, *quem gessit*: 313, 6, 15, 43: 315, 24, *warens*.

17.385



343























005644969  
005644968

12